

ავტორის სტილი დაცულია

იგანე ჯავახიშვილის სახელობის თბილისის სახელმწიფო უნივერსიტეტი
პუმანიტარულ მეცნიერებათა ფაკულტეტი
ხელოვნების ისტორიისა და თეორიის სასწავლო-სამეცნიერო ინსტიტუტი
სადოქტორო პროგრამა ხელოვნებათმცოდნეობა

ლელა წიფურია

ქართული პროზის ინტერპრეტაცია აუდიოვიზუალურ

ხელოვნებაში

(მიხეილ ჯავახიშვილის ნაწარმოებების საფუძველზე)

ხელოვნებათმცოდნეობის დოქტორის (PhD) აკადემიური ხარისხის
მოსაპოვებლად წარმოდგენილი

დისერტაცია

სამეცნიერო ხელმძღვანელი: ხელოვნებათმცოდნეობის დოქტორი
თებორონე ურუშაძე



2012

სარჩევი

შესაბალი ----- 3

თავი I. მიხეილ ჯავახიშვილი და მისი ქპოქის აუდიოვიზუალური
ინტერპრეტაციები ----- 15

თავი II. პირველი კინემატოგრაფიული “ინტერპრეტაცია” “ქალის ტვირთი.” -----
----- 33

თავი III. ორი კინონოველა- მიხეილ ჯავახიშვილის პროზის ახალი
აუდიოვიზუალური ინტერპრეტაციის დასაწყისი ----- 63

თავი IV. „კვაჭი კვაჭანტირაძის“ 70-იანი წლების ინტერპრეტაცია ----- 83

თავი V. “ქალის ტვირთის” ოეატრალური ინტერპრეტაციის საკითხისათვის -----
----- 97

თავი VI. მიხეილ ჯავახიშვილის რომანის, “ჯაყოს ხიზნების” და
აუდიოვიზუალური ხელოვნების ურთიერთმიმართების საკითხისათვის ----- 113

თავი VII. მეტაფორათა ვარირება სატელევიზიო თეატრში ----- 119

თავი VIII. “ჯაყოს ხიზნების” სათეატრო ვერსიის აუდიოვიზუალური
ინტერპრეტაცია ----- 129

თავი IX. მიხეილ ჯავახიშვილის პროზის XXI საუკუნის ეპრანიზაცია ----- 139

დასკვნა ----- 151

ბიბლიოგრაფია ----- 157

შესავალი

ქართული თეატრის რეპერტუარში, ისევე როგორც მსოფლი თეატრებში, მუდმივადაა ინსცენირებები. ქართული კინოს, ისევე როგორც მსოფლიო კინოს უმნიშვნელოვანეს ნიმუშთა შორის დიდი წილი ეკრანიზაციებია. პროზის ინტერპრეტაცია აუდიოვიზუალურ ხელოვნებაში უმნიშვნელოვანესი საკითხია.

სადისერტაციო ნაშრომის თემაა ქართული პროზის ინტერპრეტაცია აუდიოვიზუალურ ხელოვნებაში. სამეცნიერო კვლევა ლიტერატურული ნაწარმოებების სინთეზური ხელოვნების ნაწარმოებებად ქცევის პრობლემას ეხება და შესაბამისად თავისი არსით ინტერდისციპლინარულია. აუდიოვიზუალური ხელოვნების – ანუ თვალით და უურით აღსაქმელი ხელოვნების დარგებიდან პროზის ინტერპრეტირება შესაძლებელია თეატრში, მხატვრულ ფილმში, ანიმაციურ ფილმში, სატელევიზიო თეატრში. ნაშრომში ინტერპრეტაციის პრობლემასთან დაკავშირებული საკითხები განხილულია ქართული ლიტერატურის კლასიკოსის, მიხეილ ჯავახიშვილის პროზის მიხედვით დადგმული ნაწარმოების ანალიზის საფუძველზე. აუდიოვიზუალური ნაწარმოებები, რომლებიც მეოცე და ოცდამეერთე საუკუნეებში შეიქმნა, შერჩეულია შემდგენ პრინციპით: სცენაზე ან ეკრაზე გადატანილი პროზა, რომელიც მიხეილ ჯავახიშვილის ნაწარმოების ინტერპრეტაციის საეტაპო ნიმუშს წარმოადგენს. ნაშრომი ქრონოლოგიურ პრინციპზეა აგებული. განხილულია სპექტაკლები, ფილმები და სატელევიზიო დადგმები, რომლებიც ცნობილია ფართო საზოგადოებისთვის. ფილმებს და სპექტაკლებს შორის განხილულია როგორც საუკუთესო დადგმები, ასევე დადგმები, რომლებიც პროზის არასათანდო მხატვრული ხარისხით ინტერპრეტირების ნიმუშებს წარმოადგენენ.

პროზის ინტერპრეტაცია აუდიოვიზუალურ ხელოვნებაში, ლიტერატურული პირველწყაროს პერსონაჟთა ურთიერთობის სისტემის აუდიოვიზუალური ხელოვნების ენაზე ტრანსფორმირება, ერთის მხრივ ლიტერატურული ტექსტის შემადგენელი ნაწილის- პერსონაჟთა დიალოგებისა თუ მონოლოგების აუდიო ტექსტად გარდაქმნას გულისხმობს, მეორეს მხრივ, ლიტერატურული ტექსტის შესატყვისი ქმედების ვიზუალური ფორმების ძიებას. მოგეხსენებათ, ფორმას აუდიოვიზუალურ ნაწარმოებში შემოქმედებითი ჯგუფის წევრები: რეჟისორი, მსახიობი, მხატვარი, ოპერატორი, და ა.შ. ერთობლივად

ქმნიან და საბოლოოდ მხატვრულ პროზას სინთეზური ხელოვნების ნიმუშად-აუდიოვიზუალურ ნაწარმოებად აქცევენ. აუდიოვიზუალური ნაწარმოების ხმოვანი რიგის ძირითადი კომპონენტი-ლიტერატურული ტექსტი- დიალოგები, მონოლოგები, საავტორო თხრობითი ფრაგმენტები მსახიობის მეტყველებით გადმოიცემა. მწერლისეული დიალოგები უმეტეს შემთხვევაში არ იცვლება. ასევე ამ პროცესში შესაძლებელია ტექსტის შეკვეცა ან გავრცობა იგივე ავტორის სხვა ნაწარმოების ნაწყვეტის ჩართვით ან სხვა ავტორის ნაწარმოების ფრაგმენტის ჩამატებით. აღსანიშნავია, რომ ლიტერატურული ნაწარმოები, მათ შორის პროზა, შეიძლება მუსიკალური ან თუნდაც ქორეოგრაფიული ნაწარმოების სახითაც ტრანსფორმირდეს, მაგრამ აუდიოვიზუალური ხელოვნების ეს დარგები ჩვენი კვლევის თემას სცილდება. სულ სხვა პრინციპზე იგება ვიზუალური მხარე. მწერლის ნაწარმოების ინტერპრეტაცია შეიძლება მრავალგვარი იყოს- მწერლის ეპოქის ზუსტი შესატყვისობის აღდგენის მცდელობით დაწყებული, მისი გათანამედროვეობით და ავანგარდული სტილით წარმოსახულიც. ეს რეჟისორისა და მხატვრის კონცეფციასა და ინტერპრეტაციაზეა დამოკიდებული. ლიტერატურული ტექსტის აუდიოვიზუალურ ნაწარმოებად გარდაქმნის მრავალგვარობა - განსხვავებული სტილისტიკა, უანრული ცვალებადობა, სინთეზური ხელოვნების სხვადასხვა დარგის წარმომადგენელთა განსხვავებული ესთეტიკა მხოლოდ იმ შემთხვევაში გარდაიქმნება დირექტულ ინტერპრეტაციად, თუ კი აუდიოვიზუალური ხელოვნების შემქმნელები თხზულებას მწერლის შესატყვისი იდეურ-კონცეპტუალური მუდმივების აუდიოვიზუალურ ტექსტად ქცევის გზით წარმართავენ. მწერალი და კრიტიკოსი გურამ გვერდწითელი, რომელსაც მრავალწლიანი შემოქმედებითი ურთიერთობა აკავშირებდა კინოსტუდია “ქართულ ფილმთან”, პროზის აუდიოვიზუალური ინტერპრეტაციის კინოტექსტად ქცევის შესახებ აღნიშნავს: “ეკრანიზაციის მრავალგვარი მეთოდი და ფორმა არსებობს, მაგრამ ერთი შეუგალი პირობის დაცვა საგალდებულოა, - კერძოდ, პირველწყაროს მთავარი სათქმელის, ფილოსოფიისა თუ პრობლემატიკის, სახეობრივი სისტემის და პოეტიკის დრმა წვდომა და ამისთვის ეკრანული გამოხატულების მოძებნა. წინააღმდეგ შემთხვევაში ორიგინალის სული დაიკარგება. ამიტომ ეკრანიზაციის წარმატებით დაგვირგვინება მარტო რეჟისორის პროფესიულ ნიჭზე და ოსტატობაზე კი არ არის დამოკიდებული, არამედ ორი სხვადასხვა დარგის შემოქმედის, მწერლისა

და კინოხელოვანის სულიერ ნათესაობაზეც, მათი ინტერესების, მხატვრული ხედვის, თვითგამოხატვის დამთხვევაზეც. თუ ეს მთავარი პირობა დაცულია, უკვე ნაკლებ საჭოჭმანო ჩანს ის მეთოდი თუ ფორმა, რასაც რეჟისორი ეკრანიზაციისთვის ირჩევს, იქნება ეს ლიტერატურული ნაწარმოების მოდერნიზაცია თუ მხოლოდ მის მოტივებზე დაყრდნობა, პირველწყაროს ეკრანული ილუსტრირება თუ შემოქმედებითი ათვისება და გადამუშავება, უფრო თავისუფალი და თამამი მიდგომაც კი” (9, 61). აქვე უცილობლად უნდა აღინიშნოს მხატვრის უმნიშვნელოვანების როლი აუდიოვიზუალური ინტერპრეტაციის პროცესში. კვლევის ძირითადი თემაა ლიტერატურული ტექსტის აუდიოვიზუალურ ტექსტის მოდიფიცირება და სინთეზური ხელოვნების კომპონენტთა ერთობლიობით ხელოვნების ნიმუშის შექმნა. ჩვენ საქმე გვაქვს ხელოვნების სხვადასხვა დარგებთან – ლიტერატურა, მხატვრობა, თეატრი/ სატელევიზიო თეატრი, კინო – და, შესაბამისად, სხვადასხვა გამოსახველობით ენებთან. მოგეხსენებათ, აუდიოვიზუალური ხელოვნების კვლევის პროცესში განსაზღვრულ როლს ასრულებენ თეატრმცოდნეობა და კინომცოდნეობა, ხელოვნებათმცოდნეობის დარგები. ხელოვნებათმცოდნეობის მიმართულება აგრძელებს თბილისის ივანე ჯავახიშვილის სახელობის სახელმწიფო უნივერსიტეტის ტრადიციას, თანამედროვე მეთოდოლოგიური კვლევის სისტემების გამოყენებას. ამის დამადასტურებელია უნივერსიტეტის მიერ გამოცმული არაერთი თეორიული ნაშრომი კინო თუ ტელეხელოვნებაში, რაც საშუალებას გვაძლევს ეს ნაშრომები სადისერტაციო ნაშრომში გამოვიყენოთ როგორც მნიშვნელოვანი პოსტულატების შემცველი და კვლევისთვის აუცილებელი მასალა. ინტერდისციპლინარული კვლევის მეთოდოლოგიის შესაბამისად, სცენოგრაფიის და კინო და ტელე მხატვრობის კვლევასთან ერთად ნაშრომი მოიცავს თეატრისა და კინოს სხვა კომპონენტების კვლევას, რომელთა ერთობლიობითაც იქმნება პროზის ინტერპრეტაციის ნიმუში.

ლიტერატურული ტექსტის აუდიოვიზუალურ ტექსტის ქცევა ყოველთვის არ არის მიზანშეწონილი. თუ ლიტერატურული ნაწარმოები არ არის ქმედითი, მისი სცენაზე ან ეკრანზე დადგმა შეუძლებელი ხდება. როდესაც ლიტერატურული ტექსტი ქმედითია, მწერალი პერსონაჟის სახეს ქმნის უპირატესად პერსონაჟის მოქმედებით, ხასიათის გამოკვეთით კონკრეტული საქციელების შედეგად. ამგვარი პროზის პერსონაჟთა ქმედებების

აღმნიშვნელი ეპიზოდების თანმიმდევრობა ქმნის ლიტერატურული ნაწარმოების სიუჟეტს. საინტერესო და გამართული სიუჟეტი კი საუკეთესო მასალაა სცენაზე თუ ეპრანზე განსახორციელებლად. სწორედ ქმედითი პროზაული ნაწარმოები წარმოადგენს საუკეთესო მასალას აუდიოვიზუალური ნაწარმოების ინტერპრეტაციისთვის, მიხეილ ჯავახიშვილის მოთხოვები და რომანები ქმედითი პროზის საუკეთესო ნიმუშთა რიცხვს მიეკუთვნება და ამიტომაც პროზის იტერპრეტაციის პრობლემას სწორედ ამ ავტორის სცენაზე, ეპრანზე და ტელეეკრანზე განსახორციელებული ნაწარმოებების მიხედვით განვიხილავ. აუდიოვიზუალური ხელოვნება- სადადგმო ხელოვნების დარგები-სპეციალი, მხატვრული ფილმი, ანიმაციური ფილმი, სატელევიზიო სპეციალი-პერსონაჟთა ქმედების ასახვაზე იგება. მიხეილ ჯავახიშვილის ქმედითი პროზა პერსონაჟთა ურთიერთობის უადრესდ საინტერესო და მრავალპლასტიან სისტემას მოიცავს. მწერლის შექმნილი პერსონაჟები სრულიად ორიგინალური, განსაკუთრებული ნიშან-თვისებების მატარებლები არიან. პერსონაჟების ქმედების მოტივაცია განაპირობებს კონფლიქტს, რომელიც ინვარიანტული პრობლემების მომცველია.

პროზის ინტერპრეტაციის პრობლემას მიხეილ ჯავახიშვილის ნაწარმოებების სცენაზე და ეპრანზე განსახორციელებული ნაწარმოებების მიხედვით ვიკლებ. მიხეილ ჯავახიშვილი, რომელიც უდაოდ მიეკუთვნება უმნიშვნელოვანეს ქართველ პროზაიკოსთა რიცხვს, სინთეზური ხელოვნების შემქმნელთათვის სტილისტიკითაც საინტერესოა და ამდენადვე მნიშნელოვანია საკითხის კვლევა სწორედ მისი სასცენო და ეპრანული ინტერპრეტაციების მაგალითზე. მიხეილ ჯავახიშვილის შემოქმედების მკვლევარი მაია ჯალიაშვილი მწერლის შესახებ აღნიშნავს: “მიხეილ ჯავახიშვილი თავიდანვე გამოირჩეოდა ყველასგან. მისი პირველი მოთხოვები ამხელდნენ სრულიად სხვაგვარ ინტერესს თემისა თუ სტილის თვალსაზრისით. ამიტომაც შეიძლება გილაპარაკოთ მის რეალიზმზე, როგორც მოდერნიზმის ერთგარ ალტერნატივაზე. შემდეგ, მოგვიანებით, 1926 წელს მიხეილ ჯავახიშვილმა ის ნაკადი, რომელიც მის სახელს უკავშირდებოდა, უპირველესად შეაფასა როგორც ნეორეალიზმი, რომლის ცალკეული პრინციპი ჩამოაყალიბა კიდეც წერილში “ჩვენი მიწა” (ლიტერატურული განცხადება) “(62, 26). მიმეზისი, ანუ სინამდვილის მიბაძვა არისტოტელური თეატრის საფუძველია. რაც შეეხება კინემატოგრაფს, ის საერთოდაც რეალისტური ხელოვნებაა და სხვა

სტილისტიკის ფილმები უფრო კინოექსპერიმენტის სახეს ატარებენ, ხშირად წარმატებულისაც მაგრამ მაინც ექსპერიმენტის.

არანაკლებ მნიშვნელოვანი ფაქტორია მიხეილ ჯავახიშვილის პროზის მეტაფორულობა. XX საუკუნის აუდიოვიზუალური ხელოვნებისთვის, განსაკუთრებით სათეატრო ხელოვნებისთვის ორგანულია მეტაფორული აზროვნება, სათქმელის გადატანითი მნიშვნელობით მიტანა მაყურებლამდე. სათეატრო ხელოვნება თავისთავად პირობითობას მოიცავს. რეჟისურის საუკუნედ წოდებულ XX საუკუნის თეატრში, სადაც უმნიშვნელოვანესი როლი დაეკისრა სცენოგრაფიას, მეტაფორული აზროვნება ორგანული გახდა. ნაშრომში განხილულ აუდიოვიზუალურ ნაწარმოებებში—უპირატესად “ჯაყოს ხიზებსა” და “თეორ კურდღელში” ვლინდება ინვარიანტული, მწერლისეული მეტაფორები, რომლებიც ლიტერატურული ტექსტიდან, ლიტერატურული სისტემიდან ინაცვლებს აუდიოვიზუალურ ნაწარმოებში და მეორე მხრივ, ინვაციური მეტაფორები, რომლებიც რეჟისორის ან მხატვრის მიერ არის შექმნილი აუდიოვუზუალური ტექსტისთვის, შესაბამისი გამომსახველობითი სისტემის შესაძლებლობებისა და საჭიროებების თანახმად. მაია ჯალიაშვილი იმავე წერილში მწერლის - ოთარ ჩხეიძის მოსაზრებას იდასტურებს მიხეილ ჯავახიშვილის სტილისტიკასთან დაკავშირებით: “ ოთარ ჩხეიძემ შენიშნა და გამოკვეთა მიხეილ ჯავახიშვილის ნეორეალიზმისთვის დამახასიათებელი ერთი მნიშვნელოვანი თვისება: “ამ რეალისტურ ნაწარმოებში (იგულისხმება “ჯაყოს ხიზები”), ამ ყოვლად რეალურ ყოვლად ყოფითსა თუ ჩვეულებრივ სიტუაციებში, თუ გნებავთ, ყოვლად ბანალურ სიტუაციებში, ბევრი რამ უფრო სიმბოლურია, სიმბოლური და მეტაფორულია, გაზღაპრებულობაზე თუ მითოლოგიზირებაზე რო არაფერი ითქვას; როგორდაც უცნაურად აქ თითქოს პირიქითაა ყველაფერი: თუ სხვაგან მეტაფორებსა და სიმბოლოებში, ალეგორიებსა და მითოსურ სიტუაციებში კითხულობენ რეალურ სახეებსა, აქ რეალურში, რეალურსა და შიშველ სახეებში, ნატურალისტურობამდე გაშიშვლებულ სახეებში, ამოიკითხება პირიქითა ანთუ გაიაზრება პირიქითა, მეტაფორული და სიმბოლური სურათები გაიაზრება – ასე პირიქითაამეთქი ყველაფერი; ეს არაა პატარა ხელოვნება, ეს დიდი ხელოვნებაა, დიდოსტატობა სწორედაც ესაა რეალისტურ რომანში” (62, 33).

ამრიგად, პროზის ინტერპრეტაციის საკითხის კვლევა მიხეილ ჯავახიშვილის პროზის მიხედვით განხორციელებული აუდიოვიზუალური

ნაწარმოებების მიხედვით ძალზე მნიშვნელოვნად მიგვაჩნია. მწერლის პროზა საინტერესოა არა მხოლოდ სათქმელის, სიუჟეტების განვითარების, პერსონაჟების მრავალფეროვნების თვალსაზრისით, არამედ სტილისტიკის თვალსაზრისითაც. მიხეილ ჯავახიშვილის ნაწარმოებებში შექმნილია პერსონაჟების არაჩვეულებრივი ფსიქოლოგიური პორტრეტები. ხელოვნებათმცოდნე თეა ურუშაძე კლასიკის ინტერპრეტაციის შესახებ აღნიშნავს: “ყველა დროის თეატრალური მხატვრების ნამუშევრებში-კლასიკოსთა ნაწარმოებების მიხედვით-ადამიანთა როლი ფსიქოლოგიური სამყარო, როგორც წესი, ბადებდა სპექტაკლის საინტერესო ხედვითი ნაწილის ორიგინალურ გადაწყვეტას” (36, 166). სწორედ ხედვითად, ვიზუალურად განხორციელებილი ლიტერატურული ტექსტის ტრანსფორმაცია რომელსაც მხატვარი რეჟისორთან ერთად ანხორციელებს, არის უპირატესად ჩვენი პვლევის თემა.

პროზის ინტერპრეტაცია აუდიოვიზუალური ხელოვნების მარადიულ პრობლემათა რიცხვს მიეკუთვნება. სადისერტაციო ნაშრომში მხატვრული იდეალების შეცვლა, დროის ფაქტორი, გამომსახველობითი საშუალებების მუდმუვად განახლებადი პროცესი მიხეილ ჯავახიშვილის იდეურ-კონცეპტუალური მუდმივების ფონზეა გაანალიზებული. სწორედ მარადიული დირებულებების შემცველობა მიხეილ ჯავახიშვილის პროზაში განაპირობებს ქართველი რეჟისორების მუდმივ ინტერესს მწერლის პროზაული ნაწარმოებების მიმართ. ქართული თეატრის მთელი ისტორიის მანძილზე ინსცენირებები მუდმივადაა რეპერტუარში. ქართული თეატრის წარმატებათა დიდი წილი პროზის ინტერპრეტაციაზე მოდის. შოთა რუსთაველის სახელობის სახელმწიფო აკადემიური თეატრის სპექტაკლი “სამანიშვილის დედინაცვალი”, კოტე მარჯანიშვილის სახელობის სახელმწიფო აკადემიური თეატრის სპექტაკლი “ჰაკი აძბა”, მიხეილ თუმანიშვილის სახელობის კინომსახიობთა თეატრის “ბაქულას დორები” და ა.შ. პროზის საცენო ინტერპრეტაციის საუკთხესო ნიმუშთა რიცხვს მიეკუთვნება. გიორგი ტოვსტონოვის ლენინგრადის დიდ დრამატულ თეატრში დადგმული ლევ ტოლსტოის “ცხენის ამბავი” სამართლიანად მოიხსენიება მეოცე საუკუნის საუკეთესო წარმოდგენებს შორის. პროზაული ნაწარმოებების ინტერპრეტაციების ვიზუალურად წარმოსახვაში უპირველესი როლი თეატრალურ მხატვრებს ეკუთვნით. მხატვრული იდეალების ცვალებადობა, დროის ფაქტორი, ახალი ხერხების ძიება-

გამომსახველობითი საშუალებების მუდმივად განახლებადი პროცესი უპირველესად სწორედ მხატვრის ნამუშევარში იკვეთება. ჩვენი თემის აქტუალობას სწორედ ამ ფაქტორების სინოზური კვლევა განსაზღვრავს. რაც შეეხება ეპრანიზაციებს: პირველი ქართული მხატვრული ფილმიდან, “ქრისტინედან” მოყოლებული, ეპრანიზაციებს უმნიშვნელოვანესი ადგილი უჭირავს ქართულ კინემატოგრაფში. ეპრანიზაციებია ქართული კინოს შედევრები: “ელისო”, “მაგდანას ლურჯა”, “ალავერდობა”, “ნატვრის ხე” და ა.შ. თითოეული ეს ეპრანიზაცია პროზის ინტერპრეტაციის იმგვარ ნიმუშს მიეკუთვნება, სადაც შენარჩუნებულია ავტორისეული კონცეფცია, ნაწარმოების სული, სიუჟეტი, ლიტერატურული პერსონაჟები არაჩვეულებრივ კინოგმირებად არიან წარმოსახულნი, და ეს ყოველივე გადმოცმულია კინოტექსტის საშუალებით. კინოტექსტის შექმნის პროცესის უმნიშვნელოვანესი მონაწილე კინომსატვარია. კინომცოდნე ტატა თვალჭრებულიძე ამგვარად განმარტავს კინოტექსტს: “კინოსიტყვების,” ანუ მნიშვნელობის მქონე უმარტივესი ელემენტების ანალოგები ფირზე აღბეჭდილი საგნებია (ადამიანები, ცხოველები, უსულო ნივთები), “კინოფრაზისა”–კინოსიტყვების ისეთი თანმიმდევრობა და მონაცელება, რომლებიც დასრულებულ აზრს გამოხატავენ... კინოფრაზის აზრიანი “აკინძვა” მონტაჟის საშუალებით, კინოკონტექსტს ქმნის. კინოკონტექსტის თავისებური, კვლავ მონტაჟური მონაცელება კი კინოენაზე მოთხოვობილი ამბავი, კინემატოგრაფიული ტექსტი-ფილმია” (14, 60). იდეალური შემთხვევაა, როდესაც კინოტექსტის საშუალებით ქართული პროზის შედევრი კინოშედევრად იქცევა. სამეცნიერო ნაშრომის კვლევის მიზანია გამოავლინოს მიზეზ-შედეგობრივი კავშირები, რომლებიც აუდიოვიზუალური ხელოვნებაში პროზის წარმატებულ ინტერპრეტაციას განაპირობებს.

მეოცე საუკუნის მეორე ნახევარში აუდიოვიზუალურ ხელოვნებაში მიხეილ ჯავახიშვილის შემოქმედებისადმი ინტერესი განუზომლად იზრდება. მიხეილ ჯავახიშვილი სწორედ ის ავტორი აღმოჩნდა, რომლის შემოქმედებამაც ყველაზე მეტად ასახა საუკუნის დასაწყისის უდიდესი სატკივარი, რომელიც ერთი საუკუნის შემდეგაც უადრესად აქტუალურია. ამ დროის განმავლობაში საქართველოში შეიცვალა ყველაფერი- საზღვრებიდან და პოლიტიკური მმართველობიდან დაწყებული, ეკონომიკური თუ სოციალური გითარებით დამთავრებული. ხელოვნების ყველა დარგმა რადიკალური ცვლილება განიცადა. აუდიოვიზუალურ ხელოვნებაში მხატვრული ფორმის თვალსაზრისით უდიდესი

ცვლილებები მოხდა. განახლდა გამომსახველობითი საშუალებები, სადადგმო ხელოვნებაში შემოვიდა ახალი მხატვრული ხერხები. მიხეილ ჯავახიშვილის პროზის ინტერპრეტაციის ყოველი ახალი ნიმუში განსხვავებულია როგორც მხატვრული ხარისხით, ასევე ფორმისა და შინაარსის ურთიერთმიმართებით. უცილობლად უნდა აღინიშნოს, რომ მიხეილ ჯავახიშვილის ნაწარმოებებში არაჩვეულებრივადაა წარმოდგენილი ქართული ყოფა, გარემო, სადაც პერსონაჟები მოქმედებენ. სასცენო თუ ეკრანული ნიმუშის შექმნისას უმნიშვნელოვანესი ადგილი უჭირავს სცენოგრაფის თუ კინომსატგარს. სპექტაკლის თუ ფილმის ვიზუალური ნაწილის შექმნის დიდი წილი სწორედ მხატვრის ნამუშევარზე მოდის. ნაშრომში განსაკუთრებით არის გამახვილებული ფურადღება მხატვრის როლზე პროზის ინტერპრეტაციის პროცესში. აუდიოვიზუალური ნაწარმოების ვიზუალურ აღქმაში სცენოგრაფის თუ კინომსატგრის ნამუშევრების უდიდესი მნიშვნელობა ენიჭება. ამ საკითხის შესწავლა თავისთავად ყოველთვის აქტუალურია. სამეცნიერო ნაშრომში გაანალიზებულია აუდიოვიზუალური ხელოვნების სხვადასხვა კომპონენტების როლი და სინთეზური ნაწარმოებების სხვა კონპონენტებთან მხატვრული გაფორმების შეფარდება: აუდიოვიზუალური ნაწარმოები უპირველესად სამოქმედო გარემოს საშუალებით აღიქმება და გარემოს შექმნის პროცესს სწორედ მხატვარი წარმართავს.

პროზის ინტერპრეტაციის პრობლემას არაერთი წერილი მიუძღვნა ლიტერატურის კრიტიკოსმა გურამ გვერდწითელმა. “ეკრანიზაციის მომხრენი იმოწმებენ ისეთ ავტორიტეტს ხელოვნებაში, როგორიცაა გიორგი ტოვსტონოვი (ეკრანიზაციასა და ინსცენირებას ერთნაირი არგუმენტები და კონტრარგუმენტები შეიძლება ჰქონდეთ): “მხატვრული ლიტერატურა ყოველთვის იყო და მუდამ იქნება თეატრის რეპერტუარის უმდლავრესი რეზერვი. ინსცენირება იძულებითი ბოროტება კი არა, უდიდესი სიკეთეა თეატრისათვის”(9, 61). გურამ გვერდწითელი, რომელიც აღნიშნულ წერილში ეკრანიზაციის პრობლემას იკვლევს, მეოცე საუკუნის თეატრის უდიდესი რეჟისორის მოსაზრებას იდასტურებს. აუდიოვიზუალურ ხელოვნებაში განსხვავებული ნიშანთა სისტემა იქმნება, რომელშიც სიტყვა ტრანსფორმირდება. “განსაზღვრულ სიტყვათა (ნიშანთა) სისტემის შეთხვა ხელოვნებაა, რომელიც განსაკუთრებულ ნიჭსა და არჩვეულებრივ შრომას მოითხოვს, მაშასადამე, მწერლის თანაავტორობა ძალზე ძნელია” (15, 69). დიდი

რეჟისორის, მიხეილ თუმანიშვილის მოსაზრება სიტყვათა სისტემის აუდიოვიზუალურ ნიშანთა სისტემად ქცევის პროცესის სირთულეს აღწერს. ამ პროცესის კვლევა ხელოვნებათმცოდნეობის უმნიშვნელოვანესი ამოცანაა, მით უფრო, როდესაც ეს კვლევა ისეთი რანგის მწერლის თხზულებათა ინტერპრეტაციის მაგალითზე მიმდინარეობს, როგორიც მიხეილ ჯავახიშვილია.

სამეცნიერო ნაშრომის ამოცანები: სინთეზური ხელოვნების კვლევის შესაბამისად, სადისერტაციო ნაშრომის ამოცანები რამდენიმე საკითხს მოიცავს, რომლებიც ერთიანდება პროზის აუდიოვიზუალურ ნაწარმოებად გარდაქმნის შესწავლის თეორიულ ასპექტში. უპირველესი ამოცანაა ყოველ თავში, მიხეილ ჯავახიშვილის კონკრეტული პროზაული ნაწარმოების ინტერპრეტაციის მაგალითზე შეაფასოს, თუ რატომ და რამდენად არის ესა თუ ის მოთხოვობა თუ რომანი აუდიოვიზუალური ნაწარმოების შექმნისთვის შესატყვისი მასალა. მოგეხსენებათ, სპექტაკლის და ფილმი შეიძლება შეიქმნას – თავიდანვე აუდიოვიზუალური ნაწარმოებისთვის გამიზნული თხზულების – პიესის ან კინოსცენარის სახით ან შეიქმნას ინსცენირება ან სცენარი ლიტერატურული ნაწარმოების მიხედვით. ფილოსოფოსი აკაკი ყულიჯანაშვილი სახელოვნო ნაწარმოების შექმნის პროცესში ამგვარად განსაზღვრავს “მასალის” მნიშვნელობას “როგორც ცნობილია, არა მარტო ესთეტიკური საქმიანობა, არამედ ყოველგვარი შრომა, ყოველგვარი ქმნა, ყოველგვარი შენება, ყოველგვარი წარმოება საჭიროებს და აუცილებლობით გულისხმიობის სათანადო “სამშენებლო მასალის” გამოყენებას. მასალის მნიშვნელობა, შეიძლება ითქვას, გადამწყვეტიც კია, როცა რაიმეს გაკეთებას ვაპირებთ. ძველ ბერძენ ფილოსოფოსებს თუ დავესესხებით: “არარაისგან არ იქმნების არარაიცა”. ეს კი სხვას არაფერს გულისხმობს, თუ არა იმას, რომ ყველაფერი რაც კი ქმნადობის პროცესს ექვემდებარება, მანამდე (ესე იგი ამ პროცესამდე) რაღაც სხვა ფორმით უკვე არსებულის გადამუშავება-გარდაქმნას წარმოადგენს. ესე იგი, რომ არ იყოს მოცემული სათანადო (შესაფერისი) მასალა, არანაირ შექმნას არ ექნებოდა ადგილი და არც ფილოსოფიაში დადაგებოდა საკითხი შემოქმედების (მათ შორის – ესთეტიკური შემოქმედების) შესახებ” (39, 48).

ცხადია, როდესაც თავდაპირველი “მასალა” ქართული კლასიკური პროზის აღიარებული ნიმუშია, და მას ემატება სინთეზური ხელოვნების სხვა კომპონენტები, შექმნის პროცესი მით უფრო საინტერესო ხდება, ხოლო

შედეგის ანალიზი ინტერპრეტაციის პრობლემის ასპექტში კი სადისერტაციო ნაშრომის ამოცანაა.

სადისერტაციო ნაშრომის ამოცანაა მოახდინოს მწერლისა და აუდიოვიზუალური ნაწარმოების ავტორითა მოქალაქეობრივი პოზიციების თანხვედრის ან განსხვავებულობის შედარებითი ანალიზი. დაადგინოს, თუ რა შედეგს იძლევა ყოველი კონკრეტული სინთეზური მხატვრული ნაწარმოების ფილმის თუ სპექტაკლის შემთხვევაში სათქმელის თანხვედრა ან განსხვავებულობა. ჩვენი ამოცანაა დავადგინოთ, თუ როგორ გადმოსცემს აუდიოვიზუალური ხელოვნების ავტორთა ჯგუფი მწერლის სათქმელს, რამდენად ინარჩუნებს ლიტერატურული ნაწარმოების არსე და კომპოზიციურ ბირთვს და რა მხატვრულ ხერხებს იყენებენ სინთეზური ხელოვნების შექმნელები.

სადისერტაციო ნაშრომის უმთავრესი ამოცანაა, კონკრეტული აუდიოვიზუალური ნაწარმოებების ანალიზის საფუძველზე შექმნას სურათი, თუ რა შემთხვევაში იძლევა კლასიკური პროზის ინტერპრეტაცია დადებით შედეგებს და რა შემთხვევაში უარყოფითს.

პროზის ინტერპრეტაციის პრობლემას ინტერდისციპლინარული მეთოდოლოგიით ვიკლევთ. სინთეზური ნაწარმოებების ღრმად კვლევა ამ მეთოდით მიიღწევა. უპირველესი მეთოდი, რომელიც გამოყენებულია სადისერტაციო ნაშრომში, არის მიხეილ ჯავახიშვილის პროზაული ნაწარმოებებისა და მისი ინტერპრეტაციის შედეგად შექმნილი აუდიოვიზუალური ნაწარმოების შედარებითი ანალიზი. ნაშრომის თითოეულ თავში შედარებულია პროზის ეპიზოდები და მოქმედი პირები და აუდიოვიზუალურ ნაწარმოებებში ტრანსფორმირებული ეპიზოდები და პერსონაჟები. აუდიოვიზუალურ ნაწარმოებში პროზის ტრანსფორმაციისას ერთი ენობრივი სტრუქტურიდან – ლიტერატურული ტექსტიდან სიტყვა, რომელიც სიბრტყეზე, ქადალდზე არსებობს, გადადის სიგრცობრივ განზომილებაში: თეატრის შემთხვევაში სამგანზომილებიან სივრცეში, კინოსა და ტელევიზიის შემთხვევაში კი ორგანზომილებიან ეკრანზე. სცენაზე და ექრანზე განსხვავებული სამყარო იქმნება. ცნობილი მკვლევარი, დოკონა კიზირია აღნიშნავს: “კინომ ეკრანის მართულებიდი გადააქცია, კანტის ფილოსოფიური ტერმინი რომ მოვიშველიოთ, ერთგვარ აპრიორულ კატეგორიად, ანუ მომწესრიგებელ მოდელად. ეს მოდელი ჩვენს ქვეცნობიერებაში ხშირად

ფორმასა და ორგანიზაციას ანიჭებს ნებისმიერ რეალიებს, გვაქვს თუ არა საქმე ვერბალურ ტექსტთან თუ სხვა რაიმე მასალასთან, რომლის გადამუშავება ადამიანის შეგნებაში იწყება ამ მასალის ხედვითი აღქმით” (20, 169). ნაშრომში ძირითადად გამოყენებულია მასალის ხედვითად აღსაქმელი ნაწილის ერთის მხრივ მსახიობის წარმოთქმული და მეორეს მხრივ ვიზუალური რიგის და მსახიობის წარმოთქმულ სიტყვას დამატებული აუდიო რიგის-მუსიკის, ხმაურების და ა.შ. დამატებით შექმნილი მთლიანობის კვლევა და მისი მსატვრული ღირებულებების ლიტერატურულ პირველწეროსთან შეფარდების დადგენა ჩვენი კვლევის მეთოდია.ანალიზი, სითეზისა და კვლევის აღწერითი და შედარებით-ისტორიული მეთოდი. თეატრალურ და კინოდარბაზში გაჟღერებული სიტყვა იცვლება და გარკვეულწილად დანაკარგსაც განიცდის, ისევე როგორც ყველა, თუნდაც საუკეთესო თარგმანში. როგორ? ამ კითხვაზე პასუხია სწორედ ინტერპრეტაცია.

სადისერტაციო ნაშრომის კვლევისას გამოყენებულია მუზეუმებში დაცული მასალა, რომლის ანალიზი მნიშვნელოვანია ინტერპრეტაციის შემოქმედებითი პროცესის კვლევის თვალსაზრისით.

ჩვენი კვლევის მეთოდია აუდიოვიზუალური ინტერპრეტაციის ანალიზი იმ პოლიტიკური და სოციო-კულტურული ვითარების ანალიზის ფონზე, რომლის დროსაც ეს სპექტაკლი თუ ფილმი შეიქმნა.

კვლევის პროცესში გამოყენებულია თეორიული ნარშომები როგორც სამეცნიერო, სადისერტაციო ასევე წერილები ლიტერატურაში, სახვით ხელოვნებაში, რეცენზიები სპექტაკლებზე და ფილმებზე, ინტერნეტში განთავსებული მასალა, როგორც აუდიოვიზუალური ხელოვნების შემქმნელებზე, ასევე მათი კონცეპტუალური აუდიოვიზუალური თუ ნაბეჭდი ტექსტები და მოგონებები. ინტერდისცილინარული კვლევა სინთეზური ნაწარმოებების დრმა ანალიზისთვის მეთოდოლოგიურად გამართლებულია.

ნაშრომის ძირითადი შედეგები და მეცნიერული სიახლე: ხელოვნებათმცოდნეობით კვლევებში პროზის ინტერპრეტაციის პრობლემა არ არის ღრმად შესწავლილი. მით უფრო, არ არის შესწავლილი ინტერდისცილინარული კვლევის მეთოდით. ერთ სისტემაში გაერთიანებული ინტერდისცილინარული კვლევა მიხეილ ჯავახიშვილის ნაწარმოებების აუდიოვიზუალური ინტერპრეტაციებისა, ჯერ არ შესრულებულა. კვლევა საშუალებას გვაძლევს თითოეული განხილული ნაწარმოების

აუდიოვიზუალური ტრანსფორმაცია ყველა პუთხით შეფასდეს. ჩვენი სამეცნიერო ნაშრომი ამ მხრივ სიახლეა. არ არის შესწავლილი მიხეილ ჯავახიშვილის პროზის მიხედვით შექმნილი აუდიოვიზუალური ნაწარმოებები პოლიტიკურ და სოციო-კულტურულ ვითარებასთან კონტქესტში. სოცრეალიზმის კვლევისას ნანა გაფრინდაშვილი აღნიშნავს: “როცა გმხსჯელობთ სოციალისტური რეალიზმის კლასობრივ, პარტიულ, იდეოლოგიურ კრიტერიუმებზე, არ შეიძლება არ აღვნიშნოთ, რომ მხატვრული ნაწარმოების საფუძველში იდებოდა სოცრეალიზმის კონიუქტურული ვერსიები, რაც განაპირობებდა ნაწარმოებში წარმოჩენილ კონფლიქტს; პერსონაჟების, სოციოლოგიური სქემის სისტემას.” (8, <http://www.spekali.tsu.ge>). ჩვენი კვლევა წარმოებს სწორედ იმ ავტორის ნაწარმოებების ინტერპრეტაციების საფუძველზე, რომელიც სოციალისტური რეალიზმს ჭეშმარიტად რეალისტური პროზაული ნაწარმოებებით დაუპირისპირდა და ამავდროულად შექმნა იმ პერიოდის საქართველოს მეტაფორული სახე ლიტერატურაში. სადისერტაციო ნაშრომში მიხეილ ჯავახიშვილის აუდიოვიზუალური ნაწარმოებები გაანალიზებულია ქრონოლოგიური თანმიმდევრობის შესაბამისად. შესაბამისად, ნაშრომი ერთის მხრივ ინტერდისციპლინარული კვლევის მეთოდით შეისწავლის ინტერპრეტაციის პრობლემას და მეორეს მხრივ მიხეილ ჯავახიშვილის ნაწარმოებების ინტერპრეტაციების ისტორიას ქმნის. მიხეილ ჯავახიშვილის პროზის გმირები იმ პერიოდის აღმიანების იმგვარ ნიშან-თვისებებს მოიცავს, რომლებიც უაღრესად მნიშვნელოვანია ქართველთა იდენტობის კვლევისას, როგორც დადებით, ასევე უარყოფით კონტქესტში. პოსტსაბჭოთა ლიტერატურის მკვლევარი, ნინო პოპაშვილი აღნიშნავს: “საკუთარი იდენტობის ძიება და შეცნობა, პიროვნული თვისებების საზოგადოების საერთო მახასიათებლის ჭრილში განსაზღვრა, ადამიანის ადგილისა და დანიშნულების გააზრება, ურთულესი და ამავე დროს მეტად მნიშვნელოვანი საკითხია. ის, რაც ერთი შეხედვით, უმტკიცნეულო პროცესად აღიქმება, ზოგჯერ დაკავშირებულია თვით საზოგადოებისა და პიროვნების ურთიერთობის ძნელად შესაცნობ ფორმებთან” (31, 23-24).

თეატრალურ და სატელევიზიო დადგმებზე, კინოფილმებზე, რომლებიც მიხეილ ჯავახიშვილის ნაწარმოებების მიხედვით შეიქმნა, არსებობს ცალკეული სტატიები, საურნალო და საგაზეთო პუბლიკაციები, მოგონებები. მაგრამ სამეცნიერო ნაშრომი, რომელიც ვრცლად გაანალიზებდა მიხეილ

ჯავახიშვილის პროზის აუდიოვიზუალური ინტერპრეტაციებს, არ არსებობს. ჩვენი დისერტაცია სწორედ ამ ხარვეზის შევსების მცდელობაა.

ნაშრომი შეიძლება გამოყენებული იქნეს ორგორც დამხმარე სახელმძღვანელო ხელოვნებათმცოდნებისთვის, მეოცე საუკუნის ლიტერატურის შემსწავლელთათვის, თეატრმცოდნებისთვის და კინომცოდნებისთვის, სწავლების უკელა ეტაპზე. განსაკუთრებით მნიშვნელოვანი იქნება, თუ ნაშრომს დამხმარე სახელმძღვანელოდ გამოიყენებენ რეჟისურისა და თეატრალური და კინომხატვრობის შესწავლისას, ჩვენი კვლევა დაქმარება მათ დაინახონ დადებითი და უარყოფითი შედეგების მიზეზები და სამომავლოდ, თუ კი პროზის ინტერპრეტაციას გადაწყვეტენ გაითვალისწინონ ეს ვითარება.

I თავი

მიხეილ ჯავახიშვილი და მისი ეპოქის აუდიოვიზუალური ინტერპრეტაციები

მიხეილ ჯავახიშვილის შემოქმედება გამოირჩევა იმ მხატვრული ღირებულებებით, რომელთა განხორციელება ზედმიწევნით საინტერესოა აუდიოვიზუალურ ხელოვნებაში. ვიდრე უშუალოდ შევეხებით მიხეილ ჯავახიშვილის ნაწარმოებების ინტერპრეტაციების განხილვას, ანალიზს და შეფასებას საჭიროდ ჩავთვალეთ არსებული ისტორიულ-ფაქტობრივი მასალის გამოყენებით წარმოგვედგინა ის გარემო, რომელიც პროზაიკოსის გარშემო არსებობდა და უმნიშვნელოვანეს როლს ასრულებდა მის ცხოვრებაში. ჩვენი კვლევის მიზნიდან გამომდინარე და დღევანდელი გადასახედიდან, პროზაიკოსის თანადროულ პუბლიკაციებში და უბის წიგნაკებში არსებული მოსაზრებები მნიშვნელოვან აღგილს იკავებდა და განსაზღვრავდა მისი ნაწარმოებების ღირსებებს და როლს. შესაბამისად, ჩვენს მიერ წარმოდგენილი ნაშრომის პირველ თავში აუცილებელ პირობად ჩავთვალეთ განხილულიყო ბოლშევიკური ტერორის ფონზე არსებული მწერლის თანადროული სოციო-კულტურული გარემო და ამ ფონზე განგვეხილა მწერლის სიცოცხლეშივე განხორციელებული თხზულებებთან დაკავშირებული ვითარებები. პირველ თავში ასევე გაანალიზებული იქნება მიხეილ ჯავახიშვილის თხზულებათა

აუდიოვიზუალური ინტერპრეტაციები და, საკუთრივ, ის ვერსიები, რომლებიც მწერლის სიცოცხლეშივე იქნა განცხორციელებული – მხატვრული ილუსტრაციები, თეატრალური წარმოდგენები, მხატვრული ფილმების არარეალიზებული პროექტები.

კვლევის პროცესში წამოიჭრა რამდენიმე მნიშვნელოვანი საკითხი, რომელიც უკავშირდება ლიტერატურულ-გერბალური და აუდიოვიზუალური ხელოვნების კონტრასტს და ერთიანობას: რამდენად ხერხდებოდა მწერლის თანადროულ, სინქრონულ კულტურულ რეალობაში ლიტერატურული ტექსტების ტრანსპონირება აუდიოვიზუალურ ტექსტებში; რამდენად სწორად იყო გაგებული მწერლის შემოქმედებითი ჩანაფიქრი ან რამდენად იყო შესაძლებელი იდეოლოგიზირებულ პირობებში ამ ჩანაფიქრის გამოსახვა საჯარო გამომსახველობითი საშუალებებით?

ისტორიული სინამდვილიდან გამომდინარე, კიდევ რემდენიმე საკითხი იჩენს თავს, რომელიც უკავშირდება მიხეილ ჯავახიშვილის თანადროულ კულტურულ-იდეოლოგიურ სიტუაციას – მწერლის მცდელობას, ამხილოს ბოლშევიკური რეჟიმი და, მეორე მხრივ, რეჟიმის მცდელობას, ცენზურული თუ რეპრესიული საშუალებებით მოახდინოს მწერლის ჩანაფიქრის იგნორირება. ჩნდება კითხვები, თუ რამდენად შეგვიძლია განვიხილოთ მიხეილ ჯავახიშვილის სააგტორო უფლებების შელახვის პრეცედენტები ამ რეპრესიული პოლიტიკის ფარგლებში; როგორ ხდებოდა, რომ რომელიმე დრამატურგი წერდა პიესას ან სცენარს და ჯავახიშვილის ტექსტს, უბრალოდ ითვისებდა; ან ადგილი პქონდა მიხეილ ჯავახიშვილის თხზულების ეპიზოდების გამოყენებას და მისი პერსონაჟებისთვის სახელების შეცვლას და ჯავახიშვილის ავტორობის სრულ უგულველყოფას; ან პერსონაჟის და მისი სახელის გამოყენებას, ასევე რუსულ ენაზე გამოცემის შემთხვევაში რედაქტორის მიერ თარგმნის ავტორობის მითვისებას და ა. შ.

მიხეილ ჯავახიშვილის შემოქმედება და მისი თანადროული აუდიოვიზუალური ხელოვნების ურთიერთმიმართება დღევანდელი გადასახედიდან მეტად საინტერესო და მნიშვნელოვანი საკითხია, რომლის მეცნიერული შეფასებაც გარკვეულად საშუალებას მოგვცემს ერთის მხრივ შეივსოს ის ხარვეზები, რომლებიც მიხეილ ჯავახიშვილის შემოქმედების აუდიოვიზუალური ინტერპრეტაციების კვლევაში არსებობს, და მეორეს მხრივ,

თავად ინტერპრეტაციიათა პელევების თვისობრიობის საკითხის შესწავლას შეუწყობს ხელს.

გასული საუკუნის დასაწყისის ქართული მწერლობაც და ქართული აუდიოვიზუალური ხელოვნებაც მსოფლიო პროცესების ნაწილი იყო და ფაქტობრივად ყველა მიმდინარეობა, რაც მეოცე საუკუნის მსოფლიო ლიტერატურასა თუ ხელოვნებაში არსებობდა, ქართულ სინამდვილეში ამა თუ იმ ფორმით აისახებოდა. იმ პერიოდისთვის მიხეილ ჯავახიშვილი უაღრესად პოპულარული და აღიარებული მწერალი იყო. თუმცა აღიარება მას პირველივე 1903 წელს გამოქვეყნებულმა მოთხოვნამ, “ჩანჩურამ” მოუტანა. მწერლის მთელი ბიოგრაფიაც და შემოქმედებითი ცხოვრებაც ერთის მხრივ ხალხის საყოველთაო სიყვარულისა და თაყვანისცემის და მეორეს მხივ მუდმივი კრიტიკისა და ფიზიკური დევნის შენაჯვარიც კი იყო. მწერლის ბიოგრაფიაც და შემოქმედებაც სრულად ასახავს მეოცე საუკუნის დასაწყისის ყველა ქარტეხილს - საქართველოს ისტორიის უაღრესად დრამატულ პერიოდს, რომელიც 1937 წელს უდიდესი ტრაგედიით- საქართველოს საზოგადოების ყველაზე მოაზროვნე ნაწილის თითქმის სრული განადგურებით დასრულდა. მიხეილ ჯავახიშვილი, როგორც ერთ-ერთი უპირველესი ჭეშმარიტი ქართველი თავისი მრწამსითა და ცხოვრების წესით, დახვრეტილთა სიაში აღმოჩნდა. ეს სრულიად ლოგიკური იყო, თუ საბჭოური რეპრესიის მიზანმიმართებას გავითვალისწინებოთ და კიდევ იმას, რომ ნიჭიერი შემოქმედი ყოველთვის შესანიშნავი სამიზნეა უნიჭოთა და უზნეოთათვის.

მიხეილ ჯავახიშვილის შემოქმედება საფუძვლიანად არის შესწავლილი სხვადასხვა თაობის ფილოლოგთა თხზულებებში. კვლევის მიზნმიმართება მკვლევარის მოღვაწეობის ისტორიული ვითარების შესატყვისად იცვლება. მიხეილ ჯავახიშვილის 1964 წლის ექსტომეულის გამოცემა გიორგი ნატროშვილის წერილით სრულდება: “სოციალისტური რევოლუციის წლები მიხეილ ჯავახიშვილისათვის ხელახალი დაბადების წლები იყო. მანამდე არა ერთგზის რეპრესირებულმა, სამშობლოდან განდევნილმა მწერალმა ახლა იგრძნო, რომ დადგა თავისუფლების ის დიდი დღე, რომლისთვისაც იბრძოდნენ მთელი თაობები” (28, 496).

მეოცე საუკუნის დასასრულისა და ოცდამეერთე საუკუნის ინტელექტუალები რადიკალურად განსხვავებულად აფასებენ იმ ტრაგედიას, რაც საქართველოსთვის “თავისუფლების ის დიდი დღე” აღმოჩნდა.

საქართველოს გასაბჭოება, როგორც ძალადობრივი აქტი თვითგადარჩენის ინსტიქტის გამოც ფასდებოდა იმ დროს “თავისუფლებად”. გადარჩენისკენ სწრაფვა თავად ჯავახიშვილსაც აიძულებდა არაერთგზის “ემართლებინა” თავი პერიოდულ პრესასა თუ მწერალთა შეკრებებზე. მიხეილ ჯავახიშვილი თავის ბოლო პუბლიცისტურ წერილში, “აი, რას ვაპირობ” საზოგადოებას პირდებოდა, რომ დაწერდა მოთხრობას მილიონერი კოლმეურნეობის, კოლხეთის ჭაობის ამოშრობის და ოქტომბრის რევოლუციის ოცი წლისთავის შესახებ. 1937 წლით დათარიღებული ეს დაპირებაც არ აღმოჩნდა საკმარისი მწერლის სიცოცხლის გადასარჩენად. მიხეილ ჯავახიშვილის პროზაში, თუნდაც ის რევოლუციის თემაზე ყოფილიყო დაწერილი, (იგულისხმება “ქალის ტგირთი”) მანც აშკარად იკითხებოდა მწერლის სრული შეურიგებლობა არსებული რეალობის მიმართ, რადგანაც “ქართული კალამი ძალიან ჰგავს გოლგოთურ ჯვარს, რომელსაც ხელით ვატარებთ” (57, 109). მიხეილ ჯავახიშვილის, როგორც საქართველოს ჭეშმარიტი ჭირისუფლის პოზიცია ყველა თხზულებაში ნათლად იკვეთება და თავის “მართლების” მცდელობანი თავის გადარჩენის განუხორციელებელ მცდელობებად დარჩა.

მიხეილ ჯავახიშვილის სიცოცხლეში გამოქვეყნებული თხზულებები, როგორც მხატვრული ნაწარმოებები ასევე პუბლიცისტური წერილები ნათლად ასახავს იმ ვითარებას რომელშიც მიხეილ ჯავახიშვილს უხდებოდა ცხოვრება და მოღვაწეობა. მაგრამ კიდევ უფრო ტრაგიკულია რეალობა, რომელიც მწერლის უბის წიგნაკშია ასახული. უბის წიგნაკში მწერალი ერთი ან რამდენიმე წინადადებით ინიშნავდა თავის მოსაზრებებს: როგორც განყენებულ თემებზე ასევე მომავალ ან უკვე დასრულებულ თხზულებებზე. ეს თემები და პერსონაჟები (თეიმურაზი, ჯაფოკვაჭი და ა.შ.) მწერლის გულსა და გონებას, მის სადარდებელ და საფიქრალ სივრცეს თხზულების დასრულების შემდგომაც არ ტოვებდნენ.

“გულთა ნგრევა, ტვინთა ნოხევა, სულთა ხევა – აი ჩვენი ეპოქა” (57, 130). ”ქართველი ხალხი მუდამ ერთმანეთის ჭამით იყო მაძღარი” (57, 46). “დღევანდელი ქართული მწერლობა, ხელოვნება და მეცნიერებაც მეტად მცირე გამონაკლისის გარდა, მოსკოვის ნაბუშარია. საკუთარი ქართული სული იშვიათად მოსჩანს საღმე. მხოლოდ სრულ თავისუფლებას შეუძლიან ეს უცხო სისხლი მოგვაშოროს. მხოლოდ ქართულის ფოლადურ რომანტიკას შეუძლიან სავსებით განგვგურნოს, მაგრამ ამისთვის საჭიროა, რომ ჩვენს ირგვლივ და

ჩვენს სულიერ-ფიზიკურ ცხოვრებაშიც ნამდვილი გამაჯანსაღებელი კატაკლიზმი მოხდეს – “ჩვენ კი – ჩვენ ჩვენს თავს არ ვეყუდნით” და ამიტომ მოლოდინის მეტი აღარა დაგვრჩენიარა” (57, 45). “დღეს ცოცხლები მკვდრები ვართ, ხოლო დახოცილები უკვდავნი არიან და ჩვენზე ბატონობენ” (57, 74).

ეს ჩანაწერები მხოლოდ უმცირესი ნაწილია იმ მცირე ფორმის ტექსტებისა, რომლებიც უბის წიგნაპშია შემონახული და სრულად ხატავს მდგომარეობის ტრაგიზმს. ვფიქრობ უფრო ნათლად დროის სურათ-ხატის შექმნა არავის ძალუმს. კოლონიადქცეული საქართველო – ჭეშმარიტი სარწმუნოების, სულიერი დირქბულებების, ეროვნული მრწამსის სანაცვლოდ თავსმოხვეული კომუნისტური იდეოლოგით. ძმათმკვლელი ომები, სისხლიანი ტერორი და მოაზროვნე ქართველთა სრული ფიზიკური განადგურების მუდმივი საფრთხე – ჯავახიშვილის პერიოდის ისტორიული სინამდვილე ამგვარია. მწერალმა პირადად იწვნია რეალობისგან მოტანილი ჭირ-ვარამი და სრულად ასახა მისი თანადროული საქართველოს ყველა მნიშვნელოვანი პრობლემა.

“თამამად შეიძლება ითქვას, რომ ერთი უპირველესი მათ შორის, ვინც ილიას შემდეგ ერის პატრონობის უმძიმესი მისია იტვირთა, სწორედ მიხეილ ჯავახიშვილი იყო. განგებამ ინება, რომ ილიას საგურამოში მის დღეობაზე მისულ წინამდვრიანო კარის მოსწავლეებიდან სწორედ ყმაწვილი მიხეილი გამოერჩია და მისთვის ასპარეზი დაელოცა” (44, 6).

ილია ჭავჭავაზის გზის გამგრძელებლად მიხეილ ჯავახიშვილის მოაზრება ზუსტად გამოხატავს იმ მისიას, რომელიც ილიას შემდეგ ჯავახიშვილმა შეასრულა საქართველოს სინამდვილეში: ”სხვის პატრონობას შეჩვეულნი ეხლაც ჩრდილოეთიდან მოველით შველას. ვერ შევითვისეთ ის ცხადი სინამდვილე, რომ “პატრონი” აღარა გვყავს, რომ ჩრდილოეთიდან ნაცვლად დახმარებისა და წესრიგისა აუცილებლად გვეწვევა დვთის რისხვა – რეაქცია და ანარქია” (58, 570). და კიდევ ერთი საფიქრალი, რომელსაც მწერალი არასდროს არავის ანდობდა უბის წიგნაკის გარდა: “ მე ურიული ინსტიქტის შიში მაწუხებდა მუდამ – ხან მძლავრად, ხან ოდნავ: ვაი თუ ისე მოვკვდე, რომ ვერ შევასრულო ჩვენგან დავიწყებული, ოდონდ ჩემში ბინდ-ბუნდად მცხოვრები მისსია” (57, 131).

უაღრესად მნიშვნელოვანია მიხეილ ჯავახიშვილის დამოკიდებულება სახვითი ხელოვნების მიმართ. მიხეილ ჯავახიშვილს ბაგშვობაში მხატვრობა უნდოდა, ის კარგად ხატავდა, ამას ქეთევან ჯავახიშვილის მოგონებებიც

ადასტურებს. მოგვიანებით, როდესაც მიხეილ ჯავახიშვილი ლიტერატორი გახდა, რამდენიმე სტატია გამოაქვეყნა სხვადასხვა მხატვრებზე და ეს სტატიები პროფესიულ დონეზეა დაწერილი. მიხეილ ჯავახიშვილი უდიდეს ურადღებას უთმობდა თავისი ნაწარმოებების გამოცემების მხატვრულ გაფორმებას. “ნაწარმოების მხატვრულად გაფორმების დროს მამაც იღებდა მონაწილეობას. მხატვრებსაც, უმეტეს შემთხვევაში თვითონვე შეარჩევდა ხოლმე და თავის ჩანაფიქრს უზიარებდა. მამას ნაწარმოებების ორი კრებული:” დამბალო და ყაშა” და “პატარა დედაკაცი” გააფორმა ჩვენმა სასიქადულო მხატვარმა ლადო გუდიაშვილმა” (60, 268).

განსაკუთრებული შემოქმედებითი ურთიერთობა აკავშირებდა მწერალს ახალგაზრდა მხატვართან სოსო გაბაშვილთან. მან გააფორმა “ჯავოს ხიზნების” მეორე, 1926 წლის გამოცემა. ნონა კუპრეიშვილი წერილში ”სოსო გაბაშვილი მიხეილ ჯავახიშვილის მხატვარი – ინტერპრეტატორი” სოსო გაბაშვილს მწერლის თანანამოაზრედ წარმოგვიდგენს. წიგნის ყდაზე გამოსახულია ორი ძაღლი. ”გარეკანზე გამოსახული კომპოზიციის შემქმნელი ახალგაზრდა მხატვარი სოსო გაბაშვილი მიხეილ ჯავახიშვილის მხატვრული ჩანაფიქრის თანავტორად წარმოგვიდგება, რადგან მისი ნახატი არა უბრალოდ გაანჩხლებული ძაღლების, არამედ ავად ბალანშირებული, ლამის მგლებად მოაზრებული ძველი ზოროასტრული გადმოცემით კი მიცვალებულთა ლეშით მადააღძრული არსებების ილუსტრაციაა. მაგრამ თუ ძველ ზოროასტრულ ტექსტებში ამგვარი რიტუალის შესრულება წმინდან ცხოველებად შერაცხეულ ძაღლებს ეკისრებოდათ, ჯავახიშვილ-გაბაშვილის ინერპრეტაციით, ხორციჭამიობის სახარელ წესს დემონური არსებები ადასრულებენ” (24, 306).

მიხეილ ჯავახიშვილის პირველ ინტერპრეტატორად სახითი ხელოვნების წარმომადგენელი სოსო გაბაშვილი მოგვევლინა. ხელოვნების ერთი დარგის მეორე დარგად ტრანსფორმირება წარმატებული ადმოჩნდა სწორედ იმ გარემოების გამო, რომ მხატვარმა მწერლის ლიტერატურული ტექსტის კონცეფციის არსი ვიზუალურად გადმოსცა და მას სიმბოლური დატვირთვა მიანიჭა. კომპოზიციაში შავი და წითელი ფიგურირებს. არ შეიძლება არ გაიზიარო ნონა კუპრეიშვილის აზრი, რომ ამ შემთხვევაში წითელი ფერი “უჩინარი სისხლის ანარეპლია” (24, 306). ალბათ, უფრო ზუსტად უგვე დაღვრილი და შედედებული სისხლის.

მიხეილ ჯავახიშვილმა მხატვარში ლიტერატურული ტექსტის სრულყოფილად აღმქმელი და ვიზუალურად გარდამქმნელი შეიცნო და ამიტომაც შესთავაზა მას, რომ შემდგომში შეექმნა ქართველი მწერლების პორტრეტები.

კონცეპტუალური თანხვედრის შედეგია სოსო გაბაშვილის მიერ შექმნილი მიხეილ ჯავახიშვილის პორტრეტი. 1925 წელს შექმნილი ეს ნახატი არა მხოლოდ მწერლის პორტრეტია, არამედ მისი თვალსაწიერის და მისი ეპოქალური მისის მხატვრულად ასახვა. მწერლის პენსნე სხივს ირკლავს, ამ დეტალით თვალი სრულადაა დაფარული. თეთრი ფერი მწერლის პიჯაკის საყელოს ჭრილში გარჭობილი გვირილის ფურცლებზე მეორდება. და კიდევ ასეთივე თეთრ ფურცლებზეა წარმოსახული “ჯაყოს ხიზნების” “გამოცემა”. ეპოქალური რომანი, რომელიც სოსო გაბაშვილმა აპოკალიფსურ ხილვად წარმოსახა წიგნის გარედაზე—1926 წლის გამოცემაზე, ამ კომპოზიციაში ყდის ვიზუალს სიმბოლური დატვირთვა აქვს მის შინაარსთან მიმართებაში. ოდნავ მოყვითალო ფერი დაკრავს “კვაჭი კვაჭანტირაძის” “გამოცემას”. მუქი ტონების ფონზე ეს დეტალები ყველაზე ღია-თეთრ და მოყვითალო ფერებშია წარმოსახული. კომპოზიციის ცენტრში მოთავსებულ მწერლის პროფილს მოლურჯო ფერი აქვს- მუქი ცისფერი. არაბუნებრივი ფერის სახე ტრაგიზმის ელემენტის მატარებელია. ეს ტონი ოდნავი ცვლილებით მეორდება კომპოზიციის კუთხებში განლაგებულ კალმის წვერთან, და მის საპირისპირო მხარეს მოთავსებულ ცის ნაწილთან, რომელიც ცირკის შენობას დაყურებს. დვთაებრივი ცის ფერის ტონი მუქია და უფრო სიმბოლური დატვირთვის მატარებელია. ასევე სიმბოლურ სახე-ნიშნებად მოიაზრება მზე და მთვარე. მზე ერთ სიბტყეზე განლაგებული თაღებიდან ამოდის. შავი თვალებითა და მსხვილი წარბებით კოპებშეკრული წითელი მზის სიმბოლო თითქოს დადაისტური ხედვის მატარებელია. იისფერი რკალით შემოსაზღვრული მთვარე და გარსკვლაგებიც ბაგჟვის ნახატებს გავს: მუქი წითელი მზე, რომლის თავზეც ცირკის მოწითალო სახურავიდან ცილინდრიანი ჯამბაზი გადმოდის და ცირკისვე ფინიას თასმით მიბმულ მდედრ ჯამბაზს ადევნებია. წითელი დემონის თავი, წითელი კითხვის ნიშანი, წითელი პროკლამაციები, რომელსაც მეორე ცილინდრიანი ჯამბაზი ყრის — და წითელი ფერის ტუჩები ჯავახიშვილის სახეზე... ეს გაბნეული წითელი ლაქები სისხლის დენის ასოციაციას იწვევს. კომპოზიციაში ყველაფერი თითქოს შამფურივითაა აცმული

წითელ კალამზე. სისხლენა არავის და არაფერს ასცდა. სოსო გაბაშვილის ნახატზე მრავალგზის მეორდება კუბისტური დეტალები. სურათზე მეოცე საუკუნის სტილთა აღრევა კონცეპტუალურად არის გამოლიანებული. ტრაგიკული რიცხვი 21, რომელის უტრიოებული ზომით, შენობის ნორის აღმნიშვნელი, საქართველოს გასაბჭოების და მის შედეგად შექმნილი ტრაგიკული ქაოსის პირდაპირი ნიშანია. ამავე დროს ამ რიცხვის კონტურების ჩრდილები, რომლებიც წითლითაა მონიშნული, მომღიმარი ნიღბის ჩრდილის ასოციაციასაც იწვევს და ცინიზმის ელემენტების შემცველია. სოსო გაბაშვილის პორტრეტი სამართლიანად მიიჩნევა მიხეილ ჯავახიშვილის მსოფლმხედველობის გიზუალური აღეპტის ყველაზე სრულყოფილ შექმნელად და მხატვრის ნამუშევრები კი მწერლის ინტერპრეტაციის პირველ წარმატებულ მცდელობებად.

მიხეილ ჯავახიშვილის პორტრეტებს ხატავდნენ როგორც იმდროინდელი ცნობილი მხატვრები, ასევე პოეტები—გალაქტიონ ტაბიძე, პაოლო იაშვილი.... ცხადია, პოეტების შექმნილი ეს პორტრეტები ესკიზური ჩანახატებია, რომლებიც განსაკუთრებული მხატვრული პრეტენზიის მატარებელნი არ არიან, მაგრამ მაინც მნიშვნელოვანია მწერლის ხასიათის შესაცნობად.

მიხეილ ჯავახიშვილის შემოქმედების კვლევისას იკვეთება ის გარემოება, რომ ჯავახიშვილი ილიას დარად ერთნაირი რუდუნებით ამკვიდრებდა ეროვნულ ღირებულებებს პროზასა თუ პუბლიცისტიკაში. მწერლის პუბლიცისტური წერილების სათაურების ჩამოთვლაც კი საკმარისია იმის დასტურად, თუ რაოდენ მრავალმხრივი იყო ჯავახიშვილის, როგორც პუბლიცისტის მოდვაწეობის ასპარეზი. ცხადია თეატრი, საქართველოში მეოცე საუკუნის დასაწყისისთვის არსებული აუდიოვზუალური ხელოვნების ერთადერთი დარგი, (ძალზე პოპულარული “ცოცხალი სურათების” ჩათვლით), მწერლის პუბლიცისტიკაში განსაკუთრებულ ადგილს იკავებს. ქართული კინო, როგორც ხელოვნება იმ პერიოდისთვის ჯერ არ არსებობდა, მხოლოდ ქრონიკებს იღებდნენ.

მწერლის ქალიშვილი, ქვევან ჯავახიშვილი წიგნში “მოგონებები მამაზე” წერს: ”მიხეილს ბავშვობიდანვე იზიდავდა თეატრი. როცა წამოიზარდა და ნამდვილი თეატრი იხილა, ისე შეიყვარა იგი, როგორც თავისი სულის განუყოფელი ნაწილი... ქართული თეატრის შესახებ მიხეილი წერდა: ”მე მიყვარდა ქართული თეატრი, ისე მიყვარდა, როგორც სამშობლო, ძვირფასი

მეგობარი, კეთილი მამა, მოსიყვარულე ცოლი – უფრო ძლიერ – ისე მიყვარდა, როგორც ჩვენი წარსულის მასწავლებელი... ხშირად თეატრის გულისოვის შიმშილ-სიცივეც ამიტანია. გულის ფანცქალით, თაყვანისცემით, თითქოს შიშით ვუყურებდი სცენას, იქ მოსიარულე და მოლაპარაკე კაცებს და ქალებს” (59, 68). მიხეილ ჯავახიშვილი 1903 წელს დაწერილ თავის პირველ და იმთავითვე საპროგრამოდ ქცეულ წერილში “ჩვენ და ჩვენი თეატრი” ოპონენტს, რომელსაც მწერალი “პატივცემულ ქართველად” მოიხსენიებს, ქართული თეატრის ეროვნულობაზე შემდეგ მოსაზრებას უზიარებს: “ზოგიერთების აზრით, დრამის ახალ მიმართულების მომხრენი, წარმოიდგინეთ, უარსპეციულ ეროვნულ ხელოვნებას! საიდან, ან როდის? პირიქით, ჩვენ ვამბობთ: ხელოვნება ეროვნულ ჩარჩოში უნდა ჩაისვას” და არა შოვინისტურ ბნელ ორმოში. ეროვნულ ხელოვნებიდან შოვინისტურ ხელოვნებამდე უსაზღვრო სივრცეც არის და ერთი ნაბიჯიც (55, 8). მიხეილ ჯავახიშვილის ეს სტატია არაერთი მეცნიერის კვლევის საგანი გახდა, ხოლო “პატივცემული ქართველის” ვინაობა თეატრმცოდნე ვასილ კიქნაძემ დაადგინა: ”ჩვენ და ჩვენი თეატრი” კონცეპტუალური მნიშვნელობის სტატიაა. მიხეილ ჯავახიშვილი მოითხოვს, რომ თეატრის სცენაზე უბრალო ადამიანები გამოიყვანონ. იგი ამ პოზიციიდან აკაკი წერეთელს ეკამაოქბა” (20, 3). 1903 წელს “ცნობის ფურცელში” გამოქვეყნებული “ჩვენ და ჩვენი თეატრი” ჯერ კიდევ დამწყები მწერლისა და პუბლიცისტის აზროვნების ეროვნულ საფუძველზე და კიდევ, მის სითამამეზეც მეტყველებს. ამგვარი თამამი განცხადებებით სანდრო ახმეტელიც გამოირჩეოდა, რომლის წერილიც, “არის თუ არა ქართული თეატრი ქართული?” ასევე ქართული სათეატრო აზროვნების საპროგრამო წერილად 1915 წელს, მისი გამოქვეყნებისთანავე იქცა. “არის თუ არა ქართული თეატრი გამომხატველი ქართველისა, როგორც სპეციფიური ნაციონალური ფსიქოლოგის და რელიგიის მატარებელი ადამიანისა? გვეავს ეს ქართველი სცენაზე? შეგვიძლია გადაჭრით გადიაროთ, რომ ხელოვნურის სხივით შექმნილი ქართველი, იდეური გაგრძელებაა ნამდვილ არსებულ ქართველისა? გვითხრა ჩვენმა თეატრმა თუ ვინ არის ქართველი? როგორია მისი სულისკვეთება? როგორია მისი ვნება? ძალა? რით საზრდოობს? რით სულგდმულობს? ვიცნობთ ჩვენ ქართული ადამიანის სულის დრამას? ვინ არის ქართველი? ვიცნობთ მას ჩვენ, როგორც თავისებურ მსოფლიო ინდივიდუუმს? რით განირჩევა იგი სხვისგან? ვიცნობთ ჩვენ მის რელიგიურ ლტოლვილებას, რელიგიურ ექსტაზეს? შეგვიძლია ვთქვათ,

განვმარტოთ, თუ რა ფორმებში ხატავს იგი თავის ექსტაზე? ვინ არის ქართველი? ვიცნობთ ჩვენ მის ფსიქოლოგიას? ვიცნობთ ჩვენ მას ოოგორც თავისებურ ტიპს, ჩამოყალიბებულს საქართველოს ისტორიის პირობებით? გვითხრა თეატრმა ვინ არის ვინ, რაგვარია ქართველი ოოგორც ადამიანი?” (4, 91-92).

მიხეილ ჯავახიშვილის პროზის პერსონაჟების ტიპოლოგიური ანალიზი ყველა იმ კითხვას სცემს პასუხს, რომელსაც სანდრო ახმეტელი თავის წერილში აყენებს. ჯავახიშვილის პერსონაჟთა გალერეაში სწორედ იმ ნიშან-თვისებათა მატარებელი პერსონაჟები არიან, რომლებიც ქართულ სულს ყველა პრიზმაში წარმოგვიდგენენ – ოოგორც დადებით, ასევე უარყოფით ასპექტში. რაოდენ უცნაურია, რომ მიუხედავად უდიდესი სულიერი და კონცეპტუალური თანხვედრისა ახმეტელს არასოდეს დაუდგამს მიხეილ ჯავახიშვილის არც ერთი თხზულება. მიხეილ ჯავახიშვილის ამჟამად დაკარგული პიესა, “ივერიუმი”, სამი თეატრის რეპერტუარში შეიტანეს- რუსთაველის, ბათუმისა და ქუთაისის. თავად ახმეტელი მეტად მაღალი აზრის ყოფილა პიესაზე: “პიესის მხატვრულ დირსებაზე მეტყველებს თუნდაც ის ფაქტი, რომ სანდრო ახმეტელს მაღალი შეფასება მიუცია “ივერიუმისთვის” და გამოუთქვამს აზრი, რომ “ბოლო წლებში ქართულად ასეთი პიესა არავის დაუწერია” (60, 216).

“ივერიუმის” მთავარი გმირი კვაჭი კვაჭანტირაძე გახლდათ. პიესა ჯავახიშვილის რომანის, “კვაჭი კვაჭანტირაძის” გაგრძელება იყო. რომანი დაბეჭდვისთანავე უაღრესად პოპულარული გახდა. “კვაჭი კვაჭანტირაძე”, ისევე როგორც მიხეილ ჯავახიშვილის ყველა პროზაული ნაწარმოები, უაღრესად ქმედითია. თავად ავტორმა კარგად იცოდა თავისი რომანის ეს ასპექტი. ცხადია ამ გარემოებას თეატრალებიც კარგად ხედავდნენ. შალვა დადიანი ჯავახიშვილის რომანის სასცენო ვარიანტზე მუშაობდა. ჯავახიშვილის არქივში შალვა დადიანისადმი მიწერილი არაერთი წერილი ინახება, სადაც ჯავახიშვილი დადგბითად აფასებს შალვა დადიანის მიერ რომანის სასცენო ვარიანტზე მუშაობას. კვაჭი, როგორც პერსონაჟი ძალზე სწრაფად გახალხურდა, ხოლო ტერმინი “კვაჭობა” დღესაც იგივე აზრით იხმარება, როგორც რომანის დაბეჭდვისთანავე დამკვიდრდა. სხვადასხვა ავტორების შექმნილ ორიგინალურ პიესებში კვაჭი კვაჭანტირაძე მთავარ მოქმედ პირად იყო გამოყვანილი. 1927 წელს, როდესაც “ივერიუმი” რუსთაველის თეატრის სცენაზე უნდა დადგმულიყო, თეატრის რეპერტუარში კვაჭის თემაზე დაწერილი ოთხი

პიესა ადმოჩნდა – ნიკოლოზ შიუგაშვილის ორი პიესა: “ამერიკელი ძია” და “ძიის გასაბჭოება”, შალვა დადიანის ინსცენირება და “ივერიუმი”. ქეთევან ჯავახიშვილის მოგონებებშიც და მიხეილ ჯავახიშვილის მიმოწერაშიც ირკვევა, რომ მწერალი გრძნობდა მოსალოდნელ საშიშროებას რუსთაველის თეატრის სეზონში მოსალოდნელი “კვაჭიადას” გამო. ამ მოსაზრებას გერონტი ქიქოძისთვისადმი მიწერილი წერილიც ადასტურებს. გერონტი ქიქოძე მწერალს ამშვიდებდა, რადგანაც “ივერიუმი” რომანის გაგრძელება იყო. მწერლის საარქივო ჩანაწერების მიხედვით ირკვევა, რომ 5 მოქმედებიანი პიესა თურქეთიდან საქართველოში დაბრუნებული კვაჭის ამბავს მოგვითხრობდა. უხერხელი სიტუაციიდან გამოსავლად რუსთაველის თვატრის ხელმძღვანელობამ “ივერიუმის” დადგმა მომავალი სეზონისთვის გადაიტანა. მიხეილ ჯავახიშვილმა წერილებით მიმართა როგორც ნიკოლოზ შიუგაშვილს, ასევე სანდრო ახმეტელსა და საქართველოს კომონისტური პარტიის პირველ მდივანს, მიხეილ კახიანს, მაგრამ ამან შედეგი არ გამოიღო. “ივერიუმი” არც რუსთაველის თეატრის სცენაზე და არც ქუთაისსა თუ ბათუმში არ დადგმულა და, სამწუხაროდ, ეს პიესა დაიკარგა. თუ იმ გარემოებასაც გავითვალისწინებთ, რომ მიხეილ ჯავახიშვილი შემოქმედებითად იყო დაკავშირებული რუსთაველის თეატრთან - იყო სამხატვრო საბჭოს წევრი და მოგვიანებით კი საკავშირო დრამკომის რწმუნებული საქართველოში და ამიერკავკასიაში, გასაგები გახდება, თუ რაოდენ უსამართლოდ მოექცნენ რუსთაველის თეატრში კვაჭის შემქმნელს მისივე შექმნილი პერსონაჟის გამო და არც მწერლის ავტორიტეტს და საზოგადოებრივ მდგომარეობას მოერიდნენ.

მიხეილ ჯავახიშვილის ზნეობრივ სიმაღლეზე მეტყველებს 1934 წელს სანდრო ახმეტელისადმი მიწერილი ბარათი: “ძმაო სანდრო! ოციოდე წლის წინათ შენ გაპბედე და საჯაროდ განაცხადე, ქართულ თეატრს სახე არა აქვსო. მაშინ ეს აზრი კადნიერებად ჩაგითვალეს, მაგრამ რუსთაველის თეატრმა ცხადად გაამართლა შენი ნათქვამი. შენი თაოსნობით დაარსებულმა და შენივე ხელმძღვანელობით აღზრდილმა თეატრმა თანდათან იპოვა ეროვნული ფორმა-ხასიათი, რიტმი, პლასტიურობა, გმირული სული” (60, 221-222). ამ პატარა პირად ბარათში კვალიც ადარ ჩანს პირადი წყენისა, რომელიც მწერალს რუსთაველის თეატრთან უთანხმოებამ მოუტანა. ამასთანავე ნათლად იკვეთება თუ რა კრიტერიუმებით აფასებს მიხეილ ჯავახიშვილი თეატრის ეროვნულ ნიშან-თვისებებს: ფორმა-ხასიათი, რიტმი, პლასტიურობა – ეს კომპონენტები

სათეატრო ხელოვნების ვიზუალური მხარეა, რომელსაც სიტყვის დიდოსტატი უდიდეს მნიშვნელობას ანიჭებდა.

მიხეილ ჯავახიშვილის პირადი მიმოწერა შალვა დადიანთან, შალვა სოსლანთან და ა.შ. ნათელ წარმოდგენას გვიქმნის მიხეილ ჯავახიშვილის სათეატრო ესთეტიკაზე. ამ თვალთახედვით მიხეილ ჯავახიშვილის შემოქმედების შესწავლა ძალიან ბევრს შესძენს მწერლის შემოქმედების მკვლევარებს და უცილობლად დაეხმარება იმ ავტორებს, რომლებიც მომავალში მიხეილ ჯავახიშვილის დადგმას განიზრახავენ.

მიხეილ ჯავახიშვილი ქართული თეატრის რეპერტუარის შერჩევას უდიდეს მნიშვნელობას ანიჭებდა- მოგეხსენებათ, თუ რა ძალა აქვს სცენიდან ნათქამ სიტყვას. ღირსეულად განხორციელების შემთხვევაში ეროვნული სულისკვეთება, რომელიც ესოდენ მნიშვნელოვანი იყო მწერლისთვის, ვრცელ აუდიტორიას პპოვებდა. მწერლის დამოკიდებულებაზე აუდიოვიზუალური ხელოვნების მიმართ მეტყველებს ქვეთვან ჯავახიშვილის მოგონებანი : ” მამას განზრახული პქონდა თავისი ზოგიერთი მხატვრული ნაწარმოები სცენასა და ეკრანზე გადაეტანა. ამ მიზნით მას გაკეთებული აქვს რამდენიმე ლიბრეტო და სცენარი, რომლებიც მეტყველებენ ავტორის დიდ ინტერესზე ამ უანრის მიმართ. მის პირად არქივში რამდენიმე საქადალდე ინახება, რომელთაც მწერლის ხელით გაკეთებული აქვს წარწერა: “სასცენარო მასალები”. ეს მასალები მეტყველებენ იმ ინტერესზე, რომელსაც მწერალი იჩენდა თეატრის და კინოს მიმართ. ამ საქმეს მან დიდი დრო და ენერგია მოახმარა, რომელიც, საბოლოოდ, უშედეგოდ დამთავრდა. მამას სხვადასხვა დროს გაკეთებული აქვს “არსენა მარაბდელის”, “კვაჭი კვაჭანტირაძის”, “თეთრი საყელოს” და სხვათა ინსცენირებანი. დაწერილი აქვს რამდენიმე დამოუკიდებელი სცენარიც, მაგრამ საბოლოო მიზანი, საკუთარი სცენარი ან პიესა ენახა ეკრანსა და სცენაზე, მწერლის სიცოცხლეში არ მოხერხდა და ამ მიმართულებით პრაქტიკულად გადადგმული ნაბიჯები უშედეგოდ დამთავრდა. ამის შემდეგ მან შეწყვიტა ამ უანრზე მუშაობა” (60, 215).

“ამ მიმართულებით“ წარუმატებელი მცდელობები, უპირველეს ყოვლისა, “ჯავოს ხიზების” დადგმები იყო ბათუმსა და ქუთაისში. რეალურად ეს წარმოდგენები ჯავახიშვილის პროზის ინტერპრეტაციის პირველი მცდელობები გახლდათ. 1927წელს შალვა სოსლანისადმი მიწერილ წერილში მიხეილ ჯავახიშვილი წერს: “ჯავო ორჯერ თუ სამჯერ დაუდგავთ ქუთაისში სეზონის

დასასრულს. მითხვეს, სამიგეჯერ თეატრი სავსე იყო და დიდი გამარჯვებაც ერგო. ოდონდ გადაუმდაშებიათ სცენა ურემში: მარგო თურმე პენესოდა და ოხრავდა. ამან დააფრთხო ხალხის ერთი ნაწილი. გადაწყვეტილი აქვთ, წლევანდელ სეზონშიც დასდგან” (51, 215).

როგორც მიხეილ ჯავახიშვილის წერილებით ირკვევა, მას არც ქუთაისის და არც ბათუმის თეატრების დადგმა არ უნახახვს. აშკარაა, რომ არც ერთი წარმოდგენა არ ქცეულა განსაკუთრებულ თეატრალურ მოვლენად, ორივე წარმოდგენა მაღევე ჩამოვიდა სცენიდან. ურმის სცენა, ანუ ჯაყოს მიერ მარგოს გაუპატიურების ეპიზოდი იმთავითვე იქცა “ჯაყოს ხიზნების”, როგორც რომანის, ასევე შემდგომ, ამ რომანის წარმატებული თუ წარუმატებელი ინტერპრეტაციების ყველაზე საფრთხილო ეპიზოდად, რომელმაც არაერთი უსიამოვნება მოუტანა როგორც მწერალს, ასევე მისი ინტერპრეტაციის ავტორებს. საგულისხმოა, რომ მწერლისთვის “დანჯდრეული და მოუხეშავი ურემი სიმბოლოა ჩვენი კულტურის თუ უკულტურობის. ზოგნი იტყვიან ჩვენი ტოპოგრაფიისააო, მაგრამ შვეიცარიაც მთიანია. ურმისთანა უბადრუკობას კი იქ ვერ ნახავთ” (57, 196).

“ჯაყოს ხიზნების” გასცენურება, ანუ “პიესად გადაკეთება”, როგორც მას მწერალი უწოდებს, სდომებია შალვა დადიანს, მოგვიანებით კი ეს შალვა სოსლანს შესთავაზა მოსკოვის ერთ-ერთი სტუდიისთვის. შალვა სოსლანის რუსული გერსია მოწონებული და მიღებული იქნა მოსკოვის სტუდიაში დასადგმელად მთავარი რეჟისორის, ნ. დემიდოვის მიერ, რომელიც შეუდგა მის მზადებას, მაგრამ სტუდია მთავრობის განკარგულებით დაიხურა. შემდგომში ამ ვერსისადმი ინტერესს აკაკი ფადაგაც იჩენს. შალვა სოსლანმა “ჯაყოს ხიზნების” სასცენო ვარიანტი მოსკოვის დრამატულ-მწერალთა საზოგადოების კრიტიკულ სექციაში წაიკითხა. შალვა სოსლანი მიხეილ ჯავახიშვილისადმი მიწერილ წერილში სიხარულს არ მალავს იმ გარემოების გამო, რომ პიესამ დიდი ინტერესი და ყურადღება გამოიწვია და მთელ სეზონში წაკითხულ პიესებს შორის იგი მიჩნეულ იქნა ყველაზე დასრულებულ სცენიურ პიესად და თანამედროვე თეატრის რეპერტუარისთვის ზედმიწვნით შესაფერ და ორიგინალურ მასალად (59, 214).

მიხეილ ჯავახიშვილის თხზულებებს ავტორის სიცოცხლეში ძალზე უცნაური ბედი დაყვებათ. ერთის მხრივ, რეჟისორების უდიდესი ინტერესი და აღიარება და მეორეს მხრივ ის გარემოება, რომ მიუხედავად ამ თხზულებების

უდიდესი სცენიური თუ კინემატოგრაფიული პოტენციალისა, მათი ხორციშესხმა ავტორის სიცოცხლეში, მიუხედავად მისი დიდი სურვილისა, არ მოხდა. უფრო დაზუსტებით კი თეატრშიც და კინოშიც მეორდებოდა ერთი და იგივე ისტორია: მიხეილ ჯავახიშვილის თხულებებს ითვისებდნენ, იყენებდნენ ეპიზოდებს, პერსონაჟთა სახელებს, ხდებოდა ჯავახიშვილის ავტორობის სრული უბულებელყოფა, რუსულად გამოცემის შემთხვევაში კი რედაქტორები თარგმნის ავტორობას ითვისებდნენ.

განსაკუთრებით დრამატულია მიხეილ ჯავახიშვილის “არსენა მარაბდელის” გარშემო შექმნილი ვითარება. მწერალი რომანზე ექვსი წელი მუშაობდა. ჯავახიშვილის რომანი უდიდესი პოპულარობით სარგებლობდა, ის მაღვევ ითარგმნა და გამოიცა რუსულად. მოგეხსენებათ, რუსულად ნაწარმოების გამოცემა მრავალმილიონიანი აუდიტორიისთვის ნაწარმოების გაცნობას და იმ პერიოდისათვის უაღრესად მნიშვნელოვან საკავშირო აღიარებას ნიშნავდა. იმთავითვე უნდა აღინიშნოს, რომ სახალხო გმირი, არსენა, რომელსაც შესანიშნავი ხალხურ ლექსი ეძღვნება, ქართულ ცნობიერებაში აღიქმება როგორც უსამართლობის წინააღმდეგ მებრძოლი გმირი. მაგრამ მიხეილ ჯავახიშვილისთვის არსენა მხოლოდ სოციალური კონფლიქტით ინსპირირებული გმირი არ გახლავთ. ლელა წიქარიშვილი, მიხეილ ჯავახიშვილის შემოქმედების მკვლევარი, თავის ფუნდამენტურ სადისერტაციო ნაშრომში მწერალზე აღნიშნავს, რომ ”ისტორიული კონტექსტი მისთვის პრიორიტეტულია თვით მხატვრულ ტექსტში. “არსენა მარაბდელი” სწორედ განსახოვნების ამ ასპექტით გამოირჩევა. შეიძლება ითქვას, რომ იგი მწერლის უკელაზე პოლიტიკური ტექსტია. “ქართლის ბედის” პერიპეტიები აქ გაიშლება საქართველოს პლაკატური, შედარებით იოლად აღსაქმელი ნიშან-სიმბოლოთა მეშვეობით ” (45, 119).

ცხადია, “ქართლის ბედის” პერიპეტიებით დატვირთული ტექსტის აუდიოვიზუალურ ნაწარმოებად ქცევა იმ მიზანმიმართებით, როგორც მწერალს აქვს, ნებისმიერ რეჟისორს სირთულეებს შეუქმნიდა. მაგრამ არსენა, როგორც სოციალური უსამართლობის წინააღმდეგ მებრძოლი გმირი და მისი თანამებრძოლნი უაღრესად საინტერესო ხასიათები გახლდათ როგორც თეატრისთვის, ასევე კინოსათვის. თუ იმ გარემოებასაც გავითვალისწინებთ, რომ ”არსენა მარაბდელის” მთავარი გმირების პროტოტიპები რეალური ადამიანები, უფრო ზუსტად, კი მიხეილ ჯავახიშვილის ახლო ნათესავები –

ბიძაშვილი ბაგრატ ბურნაძე და ბაბუა ანდრო ბურნაძე არიან და მიხეილ ჯავახიშვილი კი მხატვრული სახეების შექმნის დიდოსტატი გახლდათ და ცოცხალი პროტოტიპები კიდევ უფრო სისხლსაგსეს გახდიდა პერსონაჟებს, მაშინ გასაგები გახდება, თუ რატომ არიან “არსენა მარაბდელის” პერსონაჟები ესოდენ დამაჯერებლები და რატომ დაინტერესდნენ რეჟისორები რომანის დადგმით. რომანზე მუშაობის დროს ჯავახიშვილმა არსენას და ბარათაშვილის შთამომავლებიც კი მოძებნა. სახელმწიფოს მუშათა და გლეხთა პარტია მართავდა. მიხეილ ჯავახიშვილი სოციალურად გლეხების ოჯახიდან იყო და შესაბამისად ზედმიწევნით კარგად იცნობდა როგორც გლეხის ფსიქოლოგიას, ასევე გლეხის ცხოვრების ყველა დეტალს. ცხადია, თცდაათიანი წლების თეატრშიც და კინოშიც მომგებიან თემებს ეძებდნენ – “არსენა მარაბდელში” ამგვარი თემები მრავლად იყო. და რაც უაღრესად მნიშვნელოვანია საუკუნის პირველი ნახევრის აუდიოვიზუალური ხელოვნებისთვის – დადებითი გმირი, მართალი, ჩაგრულთა ქომაგი, პეროიდული, ეროვნული ნიშან-თვისებებით სავსე ხასიათი – უდაოა, რომ ამგვარი პერსონაჟის შექმნაზე სცენასა თუ ეკრანზე ნებისმიერი მაღალი რანგის მსახიობი ისურვებდა. პათეთიკით, ხშირად ყალბითაც, აღბეჭდილ დროსა და სივრცეში ბევრი რეჟისორი ისურვებდა, რომ ჩაგრულთა დასაცავად მებრძოლ პათეტიურ პერსონაჟად ექცია არსენა. მოვლენები ასე ვითარდებოდა: პირველად “არსენა მარაბდელის” დადგმა გიორგი ნამორაძემ განიზრახა ოპერაში. მან ჩანაფიქრი ზაქარია ფალიაშვილს გაუზიარა და მიხეილ ჯავახიშვილსაც მიწერა თავისი ჩანაფიქრის შესახებ, ლიბრეტოზეც დაიწყეს მუშაობა, მაგრამ ეს დადგმა არ განხორციელებულა.

კიდევ უფრო დრამატული გამოდგა სახეინმრეწვან ურთიერთობა. მიხეილ ჯავახიშვილს ხელშეკრულებაც კი გაუფორმეს სცენარის შესაქმნელად. ფილმი მიხეილ ჭიაურელს უნდა დაედგა და მწერალი და რეჟისორი ერთად მუშაობდნენ სცენარზე. მაგრამ ორ შემოქმედს შორის სიუჟეტის შეცვლასთან დაკავშირებით უთანხმოებამ იჩინა თაგი. მიხეილ ჯავახიშვილის არქივს შემორჩა 1934 წლით დათარიღებული წერილი, სადაც იგი დაწერილებით აღწერს უთანხმოების მიზეზს. მოგვიანებით სცენარის გადაკეთება სანდრო შანშიაშვილს დაუკვეთებს. საბოლოოდ კი სანდრო შანშიაშვილი მარტო აღმოჩნდა “არსენას” სცენარის ავტორი. ქეთევან ჯავახიშვილი იგონებს იმ გულისტკივილს, რომელიც მამის ცხოვრებაში დარჩა, რადგანაც ”ფილმი რომანის მიხედვით გაკეთდა. ფილმის საფუძველი მამას რომანი იყო. ტიპაჟი და

ზოგიერთი ეპიზოდი კი გადაკეთებულია. მწერლის ჩანაფიქრი და სიუჟეტური ხაზიც დარღვეულია. მთავარ მოქმედ პირთა სახელებიც შეცვლილია “ (60, 390).

“არსენას” დადგმა სანდრო ახმეტელმა გადაწყვიტა. 1934 წელს მათ მიხეილ ჯავახიშვილთან გააფორმეს ხელშეკრულება. მაგრამ რუსთაველის თეატრშიც სახეინმრეწვის ისტორია განმეორდა. პიესის ავტორად კვლავ სანრო შანშიაშვილი მოევლინა საზოგადოებას.. მიხეილ ჯავახიშვილმა წერილი მისწერა განათლების სახალხო კომისარს, სადაც წერდა, რომ “ მე გადაჭრით ვაცხადებ, რომ შანშიაშვილს “არსენა მარაბდელიდან” მრავალი მასალა გამოუყენებია, რომელიც უდაოდ მხოლოდ მე მეკუთვნის” (60, 392). სანდრო შანშიაშვილის “არსენა” წლების განმავლობაში იდგმებოდა რუსთაველის თეატრში. მიხეილ ჯავახიშვილის ბრძოლა საავტორო უფლებებისთვის ამ და სხვა შემთხვევებშიც უშედეგოდ მთავრდებოდა. ცხადია, ამ კვლევის მიზანი ავტორობის დადგენა არ არის. თითქმის რვა ათეული წლის შემდგომ არავითარი აზრიც აღარ აქვს. მწერალმა ბევრი ტკივილი გადაიტანა. მისი არქივი სავსეა წერილებით, რომლებიც მიხეილ ჯავახიშვილის სულიერ თუ მატერიალურ გაჭირვებაზე მოგვითხოვთ. ჯავახიშვილის თანადროულ პლაგიატს, ცხადია ინტერპრეტაციის მცდელობებად ვერ მივიჩნევთ, ამდენად აღნიშნულ ფილმისა თუ სპექტაკლის განხილვას არ შევუდგები.

მწერლის სიცოცხლეშივე ერთადერთი შემთხვევა, როდესაც მიხეილ ჯავახიშვილი კმაყოფილი დარჩა “არსენა მარაბდელის” დადგმით, მოზარდ მაყურებელთა სპექტაკლი იყო. ინსცენირების ავტორები იყვნენ სიმონ მთვარაძე და ბორის გამრეკელი, რომლებმაც წინასწარ აიღეს ნებართვა ავტორისგან. სპექტაკლი 1934 წელს დაიდგა. მიხეილ ჯავახიშვილმა გაზეთ “ახალგაზრდა კომუნისტი გამოაქვეყნა წერილი სათაურით “ სცენაზე გადატანილი რომანი”. საკაოდ ვრცელი წერილის მცირე ამონარიდიც წარმოდგენას გვიქმნის, თუ რა მიაჩნია ავტორს უმთავრესად რომანის სცენაზე გადატანისას: “ჩემი რომანიდან თუნდ ხეთი პიესა გამოიჭრება, ხოლო დრამატურგებს მთვარაძეს და გამრეკელს – ერთი პიესა უნდა გამოეჭრათ, ე.ი. მასალა მაქსიმალურად შერჩეული ეპიზოდებიდან დრამატურგიულად და კომპოზიციურად მთლიანი შენობა აეგოთ. ვისაც სურს ეს პიესა და დადგმა პირუთვნელად შეაფასოს, მან ზემოხსენებული დაბრკოლებანი წინასწარ უნდა გაითვალისწინოს... თეატრის უმთავრესი საზრუნავი ის იყო, რომ მაქსიმალურად სისწორით გადმოეცათ ჩემი რომანის იდეური დერძი და ტიპები. ეს ამოცანა პირნათლად არის

შესრულებული... მე ვერ წარმომედგინა, რომ ხელის გულის ოდენა სცენაზე ამოდენა მასალა დაეტეოდა და ესოდენი დინამიკა გაიშლებოდა”(60, 396).

მოზარდ მაყურებელთა თეატრში “არსენა მარაბდელი” რეჟისორებმა ალექსანდრე თაყაიშვილმა და ბორის გამრეკელმა დადგეს. სპექტაკლის მხატვარი ნიკოლოზ ყაზბეგი იყო. ძალზე მწირ ინფორმაციას გვაწვდის წარმოდგენის შესახებ მოზარდ მაყურებელთა თეატრის მუზეუმში დაცული საქალალდე. არ არის შემორჩენილი არც ერთი რეცენზია – სამწუხაროდ, როგორც ჩანს, სპექტაკლი პრესაში არც ყოფილა შეფასებული კრიტიკოსთა მიერ. ამ სპექტაკლის შესახებ მუზეუმში დაცული ყველაზე მნიშვნელოვანი ექსპონატები მხატვარ კლარა კვერცხლის შესრულებული სამი ესკიზითაა წარმოდგენილი. ესკიზებზე ასახულია სამი პერსონაჟი- არსენა მარაბდელი, ცალთვალა დევი-დვოთისავარი და არსენას რაზმის ერთ-ერთი წევრი. ესკიზებზე გმირების სახეებია დახატული. პორტრეტები შავ-თეთრია გადაწყვეტილი. სამივე ფურცელი გრიმის ესკიზებია: მსხვილი ულვაშები და უდრეკი გამომეტყველება- არსენას პორტრეტი ასე გამოიყურება. არსენას როლს მსახიობი გრიგოლ კოსტავა ასრულებდა. პორტრეტზე იკითხება გმირის ვაჟაცური ხასიათი და იმ პერიოდის თეატრის გრიმის ესთეთიკისთვის დამახასიათებელი მკვეთრი მონასმები. ცალთვალა დევი, რომლის პროტოტიპიც რომანში მწერლის ბაბუა იყო, რომანის პერსონაჟთა შორის ფიზიკური მონაცემებით გამოირჩევა. ამ როლს სპექტაკლში ა. ყიასაშვილი ასრულებდა. დვოთისავარის დახუჭული თვალი, წვერ-ულვაში, პატარა ქუდი და უსაყელო პერანგი პერსონაჟის მკაცრ პორტრეტს მსუებ დეტალებით წარმოაჩენს. მესამე ფურცელი- თავწაკრული რაზმის წევრის ესკიზი შედარებით რბილი მონასმებით არის შექმნილი. კლარა კვერცხლის ხატოვნად გადმოგვცემს ეპოქის სულს. ესკიზებში იკვეთება ეპოქისთვის დამახასიათებელი პერსონაჟის პორტრეტის დეტალური დამუშავება. გმირების ხასიათებში ჩანს პერიოზმი და პათეტიკაც, რაც ასე ახასიათებდა ოცდაათიანი წლების თეატრს. როგორც მიხეილ ჯავახიშვილის წერილიდან ჩანს, ის კმაყოფილია მსხიობების შექმნილი როლებით და ამ ესკიზების საფუძველზე შექმნილი “ტიპებით”. “ტიპები”, ანუ სპექტაკლის პერსონაჟები და რომანის იდეური დერძი მიხეილ ჯავახიშვილის აზრით დინამიურ სპექტაკლად იყო დადგმული. მწერლის მიერ სპექტაკლის შეფასება საკმაოდ მაღალია. პატარა სცენაზე დადგმული “არსენა მარაბდელი” აუდიოვიზუალურ ხელოვნებაში მწერლის სიცოცხლეშივე განხორციელებული ის ერთადერთი გამონაკლისი

ადმონინდა, რომელიც იმ მაღალ მოთხოვნებს აკმაყოფილებდა, რომელსაც მიხეილ ჯავახიშვილი თეატრსა და კინოს უყენებდა.

მიხეილ ჯავახიშვილის შემოქმედების მკვლევარი მაია ჯალიაშვილი წერილში “მიხეილ ჯავახიშვილის ნეორეალიზმი, როგორც მოდერნიზმის ალტერნატივა” მწერლის შემოქმედების ანალიზს მისივე გამონათქვამებთან მიმართებაში ახდენს: “მწერლისთვის რას ნიშნავდა ნეორეალიზმი და რით განსხვავდებოდა იგი რეალიზმისგან? “ნეორეალიზმს საფუძვლად უდევს იგივე კლასიკური რეალიზმი შემდეგი განმეორებით, დამატებითა და განმარტებით; შესწავლა მახლობელ და შორეულ კულტურათა წარსულისა და მისი მხატვრული გამოყენება დღვენდელი ადამიანის გემოვნების მიხედვით. განუკვეთელი კულტურული წარსულისა, აწმყოსი და მომავლისა. შენახვა ჯანსაღი ტრადიციებისა... კულტურა ადამიანისა და ადამიანებისა. შედევებული მართალი მშვენიერება და მშვენიერი სიმართლე (ორივე ერთია, ფორმა და შინაარსი (განუყრელია). “ვიცი”? და “არ ვიცი”, ნამდვილი და უჩინარი (პირველი მრავალჯერ სჭარბობს მეორეს)... ისიც უნდა აღვნიშნოთ, რომ ეკროპულ ლიტერატურაში ნეორეალიზმი XX საუკუნის 30-იანი წლებიდან გამოჩნდა (ნეორეალისტ მწერლებად მიიჩნევიან; ელიო ვიტორნი, ჩეზარე პავეზე, ბეპე ფონოლიო, იტალო კალვინო, ალბერტო ორავია, ვასკო პრატოლინი, ფრანჩესკო ხოლო დომენიკო რეა, კარლო ლევი, მარიო ტობინო, კარლო კასოლა), ხოლო როგორც კინემატოგრაფიული მიმდინარეობა იტალიაში 1940-50-იან წლებში განვითარდა. ოუმცა ტერმინი ჯერ კინემატოგრაფიაში გაჩნდა (ნეორეალისტური კინოს უველაზე ცნობილი რეჟისორები არიან: რობერტო როსელინი, ვიტორიო დე სიკა, ლუკინო ვისკონტი)” (62, 28). როგორც ზემოთ მოტანილი ციტატა ადასტურებს, მიხეილ ჯავახიშვილი მაღალ მოთხოვნებს უყენებდა ლიტერატურასაც და ხელოვნებასაც. ევროპაში კი ნეორეალიზმი მოგვიანებით ვითარდება.

ამრიგად, მიხეილ ჯავახიშვილის შემოქმედება წინ უსწრებდა თავის ეპოქას.

ნაშრომის ამ თავში ჩვენ შევეცადეთ ისტორიულ-ფაქტობრივი მასალის საფუძველზე აღგვედგინა XX საუკუნის დასაწყისის გარემო და ამ გარემოსთან მწერლის ურთიერთობის უმთავრესი ასპექტები. ამგვარი პვლევის ჩატარება დაგვეხმარება მომავალ თავებში მისი ნაწარმოებების ინტერპრეტაციების არსე ჩავწერეთ იმ მოსაზრებების გათვალისწინებით, რომელსაც მიხეილ

ჯავახიშვილი რეალიზმისა და ნეორეალიზმის მიმართ გამოთქვამს. მოგეხსენებათ, მიმეზისი, ანუ რეალობის მიბაძვა არისტოტელური თეატრის და კინოს საფუძველია. რეალიზმისა და ნეორეალიზმის შესახებ მწერლის გამონათქვამებისა და მისი ეპოქის ურთიერთმიმართების ანალიზი დაგვეხმარება მომავალ თავებში მისი ინტერპრიტირების ხასიათის და ხარისხის განსაზღვრაში.

ამრიგად, მიხეილ ჯავახიშვილის აუდიოვიზუალურ ხელოვნებასთან მიმართების კვლევისას იკვეთება მწერლის კონცეპტუალური ხედვის ასპექტები, რომლებიც მის თანადროულ თეატრალურ თუ კინოხელოვნებაში ვერ განხორციელდა. მიზეზი, ცხადია ბეგრია, მაგრამ უპირველესი მიზეზია ეპოქა-დრო, რომელმაც მწერლის სიცოცხლეც კი შეიწირა. ის პრინციპები, რომელსაც მწერალი თავის შემოქმედებაში ამკვიდრებდა და საუკუნის დასაწყისის ხოციო-კულტურული გარემო სრულიად შეუთავსებელი აღმოჩნდა. ამდენად მწერლის თანადროულ თეატრსა თუ კინოში ჯავახიშვილის ნაწარმოებების ღირსეულად დადგმა ვერ ხორციელდებოდა. მწერლის დახვრტის შემდეგ ჯავახიშვილის დადგმას ვეღარავინ ბედავდა და მხოლოდ მისი რეაბილიტაციის შემდგომ, მეოცე საუკუნის მეორე ნახევარის აუდიოვიზუალურ ხელოვნებაში მოხდა მიხეილ ჯავახიშვილის პროზის ღირსეული ინტერპრეტაცია თეატრში, კინოსა თუ ტელევიზიაში.

თავი II.

პირველი კინემატოგრაფიული “ინტერპრეტაცია”- “ქალის ტვირთი”

მიხეილ ჯავახიშვილის შემოქმედება არაერთი სამეცნიერო კვლევის საგანად იქცა, თუმცა ეს უპირატესად ფილოლოგიური კვლევებია. აუდიოვიზუალური ინტერპრეტაციების შესახებ მეცნიერული კვლევა მხოლოდ ცალკეულ ნაწარმოებებს შეეხება ან საერთოდ არ არის. არასოდეს განხორციელებულა კვლევა ნიკოლოზ სანიშვილის ფილმის, “ქალის ტვირთი” შესახებ. შემორჩენილია მხოლოდ ორიოდე საგაზეთო სტატია.. მიხეილ ჯავახიშვილის შემოქმედება, რომელიც ყოველთვის უკომპრომისობის ეტალონი იყო, სრულიად განსხვავებული ინტერპრეტაციო იქნა წარმოდგენილი.

ამთავითვე უნდა აღინიშნოს, რომ ფილმს სამაყურებლო წარმატება არ აკლდა. 1957 წელს კინოსტუდია “ქართული ფილმის” ეგიდით ახალი მხატვრული ფილმი გამოვიდა ეკრანებზე. “ქალის ტვირთი”, მიხეილ ჯავახიშვილის რომანის მოტივების მიხედვით- ამცნობდა ტიტრი ფილმის დასაწყისში. მიხეილ ჯავახიშვილის დახვრეტის შედეგ ნიკოლოზ სანიშვილის ფილმი პირველი აუდიოვიზუალური ნაწარმოები იყო, რომელიც მწერლის პროზის მიხედვით განხორციელდა. სტალინის სიკვდილის შემდგომ რეპრესირებულთა რეაბილიტაციის პროცესი მიხეილ ჯავახიშვილსაც შეეხო. ამ ვითარებამ შესაძლებელი გახდა მისი ოხულებების ხელახალი პუბლიკაცია. შესაბამისად შესაძლებელი გახდა მწერლის ოხულებების ეკრანიზაცია თუ სცენაზე განხორციელება. ”ქალის ტვირთი” მიხეილ ჯავახიშვილის უკანასკნელი რომანია, იგი 1936 წელს შეიქმნა. მიხეილ ჯავახიშვილის 335 გვერდიან რომანში უამრავი ეპიზოდი და პერსონაჟია. ახატნელების ოჯახის ნგრევა 1905 წლის რევოლუციის, ფონზე ვითარდება. მხატვრული მიგნებებით, სიუჟეტის სიმძაფრით, ცხოვრებისეული სიმართლით, სირდმისეული ფსიქოლოგიზმით მიხეილ ჯავახიშვილის რომანი ეკრანიზაციისთვისბსაუკეთესო მასალაა. მწერალმა რომანს “ქალის ტვირთი” უწოდა. რას გულისხმობს მწერალი “ქალის ტვირთში”, რა ვერ ზიდა ქალმა და რის და ვის ტარებაზე ამბობს უარს ქეთევან ახატნელი? მიხეილ ჯავახიშვილის შემოქმედების მკვლევარი ლელა წიქარიშვილი სადისერტაციო ნაშრომში კრცელ ანლიზს ახდენს დიალოგისას, რომელიც რომანის სათაურის შესახებ შედგა მწერალსა და სტალინს შორის 1936 წლის მარტში, კრემლში შეკრებილ საქართველოს დელგატო ურილობაზე. სტალინმა ჯავახიშვილს შესთავაზა ნაწარმოებისთვის ეწოდებინა “Женское бремя” ნაცვლად სათაურისა “Женская ноша”, როგორც მას მწერალმა წარუდგინა. “სტალინის მიერ შეთავაზებულია “ხვედრი”, მწერალი ტვირთს ამჯობინებს, თუმცა იმ შინაარსის გადმოსაცემად, რასაც თვითონვე მიუთითებდა, “ხვედრის” სემანტიკაც შესაწყნარებელია. ცხადია, მწერლის მიერ შერჩეული სათაური მხოლოდ რევოლუციის ტვირთის ზიდვას არ გულისხმობდა.

რესული ბრემя/беременность სწორედ იმ ტვირთს შეესაბამება, რომელზეც როგორც უცხოსა და მიუღებელზე უარი თქვა ახატნელმა-“ქართულმა დედულმა”. სტალინის მიერ შეთავაზებული სიტყვა ზუსტად ესადაგება რომანის საზრისს, ხოლო მწერლის განმარტება რევოლუციის ტვირთის ზიდვის შესახებ

ისეთივე “შენიდბვად”, სათქმელის “დაშიფვრად” უნდა მივიჩნიოთ, როგორც თავის დროზე შალვა დადიანისადმი მიწერილ წერილში “ახალი ჯაყოს დაწერისა” და რომანის ჩანაფიქრის ძირეული შეცვლის გეგმა იყო (45, 268-269).

ამთავითვე უნდა ითქვას, რომ ამ რომანს ლიტერატურის კრიტიკოსები არ მიაკუთვნებენ მიხეილ ჯავახიშვილის საუკეთესო თხზულებათა რიცხვს. თუმცა, ყოველი მისი ხელახლი წაკითხვის შემდეგ კრიტიკოსთა ეს პოზიცია ნაკლებად მისაღები მგონია - “ქალის ტვირთი” ღრმად ფსიქოლოგიური პროზაა, სადაც უაღრესად საინტერესო სახეებია შექმნილი. რომანის სიუჟეტური ქარგა, მისი პერიპეტიები, მოულოდნელობის ეფექტი პერსონაჟთა ქმედებაში, და ბოლოს მთავარი გმირის, ქეთევანის დილემა რომანს სრულიად ორიგინალურ თხზულებად წარმოაჩენს. ამ თვისებათა ერთობლიობა განაპირობებს სწორედ იმ გარემოებას, რომ “ქალის ტვირთი” უაღრესად საინტერესოა აუდიოვიზუალურ ხელოვნებაში, კერძოდ კი, როგორც უკვე აღვნიშნეთ, კინემატოგრაფში ტრანსფორმაციისთვის. მსოფლიო ლიტერატურაში თვითმკვლელი ქალის ფსიქოლოგიის არსის წვდომის არაერთი შესანიშნავი მაგალითი არსებობს. ასევე, არაერთი მნიშვნელოვანი ფილმია შექმნილი თვითმკვლელობის შესახებ შექმნილი რომანების მიხედვით. გუსტავ ფლობერს მადამ ბოვარის შესახებ პკითხეს, თუ როგორ შეძლო მან ქალის ფსიქოლოგიის ასე ღრმად შეცნობა. ფლობერის პასუხი კი შემდეგი გახლდათ - როცა რომანს ვწერდი, თავად ვიყავიო მადამ ბოვარი. ეკრანზე პროზის ინტერპრეტაციათა შორის განსაკუთრებით გამოვლინდი ალექსანდრე საკუროვისეულ “მადამ ბოვარის”, სრულიად ორიგინალურ ინტერპრეტაციას გუსტავ ფლობერის პროზისა. თვითმკვლელი ქალის ყველაზე მახასიათებელ პერსონაჟად ისევ ანა კარენინა ითვლება. ლევ ტოლსტოის “ანა კარენინაც” არაერთგზის გამხდარა სხვადასხვა თაობის რეჟისორთა შთაგონების წერო. ტოლსტოისა და ფლობერს თვითმკველლობამდე ქალის მისვლის ისტორიის შექმნისას პირადი ვნებების გარდა უაღრესად ნათლად აქვთ გამოკვეთილი სოციო-კულტურული გარემო, რომელიც ამ რომანების მთავარი გმირების თვითმკველლობამდე მისვლას განაპირობებს. ცხადია, თითოეული გმირის სოციო-კულტურული გარემო სრულიად განსხვავებულია როგორც შინაგანი მისწრაფებით, ასევე ლიტერატურულ ნაწარმოებში ასახული გარე სამყაროში არსებული პრობლემატიკით. თითოეულ შემთხვევაში ფილმები, რომლებიც ამ თხზულებათა

მიხედვით იქმნებოდა, სხვადასხვა ასოციაციებს იწვევდა. ქეთევან ახატნელის ფსიქოლოგიური განწყობა და მისი საბოლოო ნაბიჯი მიხეილ ჯავახიშვილის რომანში სიღრმისეულ პლასტებში გადმოცემული და „უაღრესად მოტივირებული საქციელია. ქეთევან ახატნელი, „ქალის ტვირთის“ მთავარი გმირი ორმაგ მკვლელობას სჩადის- უპირველეს ყოვლისა საკუთარი მუცლადმყოფი შვილის და მასთან ერთად საკუთარი თავის: „ქეთომ თვითონაც არ იცოდა რად და როდის გაჩნდა მტბგრის ნაპირას. იდგა გახევებული და მღვრიე ზვირთებს თვალს ადევნებდა. არა მეთქი, ქეთოს უცხო კაცის შვილი აღარ უნდა. მუცელს მოიშლის, მოიშორებს, დაახრჩობს, თუმცა... განა მუცლის მოშლაზე უფრო ადგილი არ არის, რომ აქვე... ეხლავე... უცებ... თვითონაც და შვილიც... ვინდა დარჩა საზრუნავი? ვიდა ყავს მზრუნველი? აღარავინ... რადა დარჩა საზრუნავი? რადა დარჩა ამ ქვეყნად? აღარაფერი. ყოველივე მორჩა და გათავდა. მაშ ეხლავე, აი აქვე... ორივ ერთად, შვილიც და დედაც. „დმერთო, მაპატიქ“. ერთი...ორი...სამი!

ჰაერში კაბამ გაიფრიალა და გარდვეულმა ზვირთებმა მყისვე შეიკრეს თავი” (54, 341). მიხეილ ჯავახიშვილის ქეთოს თვითმკვლელობის ეპიზოდი მოკლე და ლაკონურია. შედარებისთვის, ემა ბოვარის თვითმკვლელობის ეპიზოდის აღწერას გუსტავ ფლობერი “მადამ ბოვარის” მესამე ნაწილის მერვე თავს თითქმის სრულად უთმობს. თვითკვლელობის მოტივაციის ჩვენება, თვითმკვლელი პერსონაჟის დისკარმონია არსებულ სოციო-კულტურულ გარემოსთან, გმირის ტრაგიკული არჩევანი, თვითკვლელობამდე მისვლის გზა და ბოლოს თავად თვითკვლელობის აქტი... ყოველივე ამის ჩვენება მხატვრული ფილმის სიუჟეტს მაყურებლისთვის უაღრესად დამაინტრიგებელს ხდის და კომერციული წარმატების გარანტიადაც გვევლინება. მით უმეტეს, როდესაც საქმე გვაქს მაღალი რანგის მწერლის, ჯავახიშვილის ხზულების ინტერპრეტაციასთან, რომელიც დამაინტრიგებელი სიუჟეტის გარდა უაღრესად მნიშვნელოვან სათქმელს შეიცავს და ამასთანავე თვითმკვლელი პერსონაჟის უაღრესად დამაჯერებელ ფსიქოლოგიურ პორტრეტს ქმნის. ასეთ შემთხვევაში მოლოდინი ბევრად მეტია - „ქალის ტვირთის“ რანგის პროზა შეიძლება მაღალი რანგის აუდიოვიზუალურ ნაწარმოებადაც იქცეს. რამდენად უცნაურიც არ უნდა იყოს, ნიკოლოზ სანიშვილმა უარი თქვა მხატვრული ფილმისთვის ესოდენ საინტერესო სიუჟეტურ სკლებზე და ფილმის მთავარ გმირს, ქეთოს სულ სხვა ბედისწრა არგუნა- ქეთო ფილმში თვითმკვლელი არ

არის, ის საგუთარი ჟანდარმი ქმრის ხელით იჭრება მას შემდეგ, რაც თავადვე ესვრის ტყვიას და ერთობის გასაფრთხილებლად მისულს თავისი სატრფოს, ზურაბ გურგენიძის მკლავებში აღმოხდება სული. ნიკოლოზ სანიშვილის ინტერპეტაციით სრულიად შეიცვალა მიხეილ ჯავახიშვილის რომანის კონცეფციაც და სიუჟეტური განვითარებაც. რომანი რეჟისორს აძლევდა საშუალებას გადაედო მძაფრი სიუჟეტის შემცველი, გამოკვეთილი ეროვნული ხასიათებით და რევოლუციური ეპოქის შესაბამისი ვითარებების შემცველი ფსიქოლოგიური ფილმი. მიხეილ ჯავახიშვილის რომანი სწორედ იმგვარად იშლება, როგორსაც საუკეთესო ხარისხის კინოსცენარი უნდა შეიცავდეს. 1957 წელს გადაღებულ ფილმში 1936 წელს დაწერილი რომანის გმირები ორ ნაწილად გაყო სცენარის ავტორმა - რევოლუციონერებად და რეაქციონერებად. ფილმის სიუჟეტი ამ ორი დაპირისპირებული მხარის ბრძოლად გარდაქმნა და მიხეილ ჯავახიშვილის ეროვნული კონცეფციის მატარებელი, მრავალპლასტიკი და ღრმად ფსიქოლოგიური პროზა რევოლუციური პროპაგანდის ნიმუშად აქცია. მსგავსი კონფორმიზმი, რევოლუციური პათეტიკით გაჯერებული ფილმები მრავლად მოიპოვება როგორც ქართული ასევე საბჭოთა კინოს ისტორიაში. თუმცა სავალალო ის გარემოებაა, რომ რეჟისორის კონფორმიზმის მსხვერპლი სწორედ იმ მწერლის პროზა გახდა, რომელიც თავად უკომპრომისობის მსხვერპლის სახელით შევიდა ისტორიაში. ამთავითვე უნდა ითქვას, რომ ნიკოლოზ სანიშვილი არასოდეს განეკუთვნებოდა იმგვარ რეჟისორთა რიცხვს, რომელიც ერისთვის მტკიცნეულ პრობლემებს ასახავდა თავის ფილმებში. რეჟისორის ფილმები მხატვრული ხარისხითაც არასოდეს გამოირჩეოდა. შესაბამისად, ნიკოლოზ სანიშვილის შემოქმედება, რომელიც 1932 წლიდან 1985 წლამდე გაგრძელდა, არ ხდებოდა სერიოზული კინომცოდნებითი ანალიზის ობიექტი. თუმცა პოპულარობა ნიკოლოზ სანიშვილის ფილმებს: “დავით გურამიშვილი”, “აბეზარა”, “შეხვედრა მთაში”, “განგაში” და ა.შ. ნამდვილად პქონდათ და მათ დღესაც ინტერესით უცქერის მაყურებელი.

ამ პოპულარობის უპირველესი მიზეზი ის მართლაც არაჩვეულებრივი აქტიორული თანავარსკვლავედია, რომელიც ნიკოლოზ სანიშვილის ფილმებში მონაწილეობს. ნიკოლოზ სანიშვილის ფილმები მეოცე საუკუნის ქართული საბჭოთა პერიოდის კომერციული კინოს ნიმუშები იყო, ეს მიმართულება კი, როგორც უპვე აღვნიშნე, არ იმსახურებდა არც მისი თანამედროვე კინომცოდნების განსაკუთრებულ ინტერესს და არც თანამედროვე

კინოკრიტიკოსთა ნაშრომებში არის ვრცლად გაანალიზებული. “ქალის ტვირთი” ნიკოლზ სანიშვილის მეშვიდე სრულმეტრაჟიანი მხატვრული ფილმია. ამ ფილმამდე რეჟისორს არ ჰქონდა არც ერთი ეკრანიზაცია. “ქალის ტვირთის” სცენარის ავტორად მხოლოდ ნიკოლოზ სანიშვილი გვევლინება. შესაძლოა, სხვა მიზეზთა შორის ესეც არის მიზეზი იმისა, რომ სანიშვილს არ ეყო პროფესიონალიზმი, რომ ჯავახიშვილის პროზის მიხედვით სრულფასოვანი სცენარი შეექმნა. უნდა ითქვას, რომ თავისი ხანგრძლივი შემოქმედების მანძილზე ნიკოლოზ სანიშვილმა ფილმები გადაიღო ისეთი ცნობილი მწერლების სცენარებით, როგორებიც იყვნენ სიმონ ჩიქოვანი, რევაზ ინანიშვილი, ნუგზარ შატაიძე, ანზორ სალუქაძე და ა.შ. სამუჟხაროდ, სწორედ ქართული პროზის ერთ-ერთი ყველაზე მნიშვნელოვანი ავტორი, მიხეილ ჯავახიშვილი აღმოჩნდა ის მწერალი, რომლის თხზულებაც ნიკოლოზ სანიშვილის ინტერესულია შედეგად ყველაზე მეტად დამახინჯდა. ფილმის გადაღებიდან ნახევარი საუკუნეზე მეტია გასული. მიხეილ ჯავახიშვილის პროზა მრავალი ფილმის და სპექტაკლის საფუძველი გახდა-წარმატებულისაც და ნაკლებად წარმატებულისაც. ნაშრომის მიზნის შესაბამისად დაწვრილებით განვიხილავ ნიკოლოზ სანიშვილის მიერ ჯავახიშვილის პროზის კონფორმისტული და ავტორის საპირისპირო ინტერესულია შედეგს.

რომანში ახატნელების ოჯახი ქართული ინტელიგენციის უმაღლეს ფენას განეპუთვნება. ანდრია ახატნელების ვაჟები, მსგავსად მათივე ბიძაშვილებისა, ცნობილი ქართველი მოღვაწეების მიერ არიან მონათლულები. “ანდრიაშ ძმას მიპბაძა და თავისი შვილებიც სახელოვან მოღვაწეებს მოანათვლინა. არც მისი პგავს თავის ნათლიას, აპაკი წერეთელს...

ანდრიას მეორე ვაჟი ილია ჭავჭავაძემ მონათლა და სახელიც ილია დაარქვეს. ვაი სირცხვილო, ავარა, ლოტი, ტუტუცი, მფლანგველი და ახატნელთა გვარის წამბილწველი გამოიჩინა!

მესამე ვაჟი ნიკოლაძეს მოანათვლინებს, მისიგვე სახელი დაარქვეს და ბოლშევიკი გამოჩეულება! ახლა კი ქალიც ერთობის გზით მიდის და ქეთევან წამებულის სახელს არცხვენს” (54, 20).

ნიკოლოზ სანიშვილის ფილმი უკიდურესად გადარიბებულია-საერთოდ არ არიან წარმოდგენილნი ანდრო ახატნელის ძმისშვილები, გრიგოლ ორბელიანისა და დიმიტრი ყიფიანის ნათლულები და მათივე სეხნიები. ფილმში არ არის ახატნელების ოჯახში, კერძოდ ქეთოს დაბადების დღეზე მიმდინარე

ინტელექტუალური დიალოგები, და შესაბამისად იქ ნახსენები მეოცე საუკუნის სცენის გარსკვლავები- ლადო მესხიშვილი, ვასო აბაშიძე... სცენარიდან ამოღებული არიან რომანის სიუჟეტური განვითარების პროცესში მოქმედ პირებად გამოყვანილი მეოცე საუკუნის დასაწყისის უმნიშვნელოვანები მოღვაწეები: ილია ჭავჭავაძე, იაკობ გოგებაშვილი, აკაკი წერეთელი, ანტონ ფურცელაძე, კოტე მესხი, ნიკო ცხვედაძე... ნათლიან-ნათლულების თემა, ეროვნული მოღვაწეები, ისევე როგორც თავად ყოველგვარი ეროვნული, საერთოდ დაიკარგა ფილმიდან და რომანში წარმოსახული ესოდენ მნიშვნელოვანი პრობლემა უკიდურესად განიძარცვა. ეროვნული სატკივარის გარდა ფილმს მოაკლდა უმნიშვნელოვანებს ისტორიულ პერსონაჟთა მთელი ნუსხა, რომელიც შეიძლება უაღრესად საინტერესო ყოფილიყო აუდიოვიზუალური ნაწარმოებისთვის. ამგვარი ინტერპრეტაციის გამო ფილმის სოციო-კულტურული გარემო უკიდურესად შეიზღუდა. ნიკოლოზ სანიშვილის სცენარი ადარ შეიცავდა მწერლისეულ კონცეფციას: ეროვნული მოღვაწეების ნათლულებისა და საერთოდაც ახალგაზრდა თაობის მიერ ყალბი ფასეულობების მსახურების და შესაბამისად გარდაუვალი ტრაგედიის საკითხს. ცხადია, რომანში არც ერთი ზემოთ ჩამოთვლილი ისტორიული პერსონაჟის შემოყვანა შემთხვევითი არ არის. ეს პერსონაჟები ხანგამოშვებით მოიხსენებიან რომანის საკვანძო ეპიზოდებში და მათი გამოჩენა უპირატესად ზნეობრივი კატალიზატორის ფუნქციას ასრულებს. აკაკი, ანტონ ფურცელაძე, იაკობ გოგებაშვილი და ა.შ. რომანის მომდინარეობის პროცესში საქართველოს ბედის ჭირისუფალი ეროვნულ მოღვაწეები იმ დროს პყავს გამოყვანილი რომანში მიხეილ ჯავახიშვილს, როდესაც ერთობად წარმოსახულ რევოლუციას სხვადასხვა ფორმით აყოლილი პერსონაჟები ყალბი დირებულებების არჩევის შედეგად საბედისწერო შეცდომებს სჩადიან. ეს ფილმს მართლაც საინტერესოს გახდიდა. ეს ისტორიული ალტერნატივა ფილმში საერთოდ იკარგება. ეროვნული მოღვაწეების გამოჩენა ფილმისთვის უდაოდ მომგებიანი სგლა იქნებოდა- ერთის მხრივ ყველასთვის ნაცნობი და პატივსაცემი პიროვნებების ეკრანული სახეები შეიძლებოდა საინტერესო ეპიზოდურ როლებად ჩამოყალიბებულიყო. მეორეს მხრივ ქართული საზოგადოების უმაღლესი ფეხის ინტელექტუალური დიალოგები და რეპლიკებიც კი, რომლებიც ამ პერსონაჟებთან მიმართებაში ისმის. ფილმს მოაკლდა საკვანძო ეპიზოდი- სხდომა თავდაზნაურთა საკრებულოს დარბაზში, სადაც სიტყვით გამოდის

ილია ჭავჭავაძე. მბაფრი დებატების შემდეგ, ანდრია ახატნელის სიტყვის დროს დარბაზში ილია შემოდის და აანალიზებს ნიკოლოზ მეორის მანიფესტს და საბედისწერო შეცდომას, რომელიც შეიძლება რეპრესიებს მოჰყვეს. ზოგადად, მხატვრული ფილმის სტრუქტურის აგებაში, უდიდესი მნიშვნელობა ენიჭება კონცეპტუალური კამათს, პოზიციათა დაპირისპირებას. ხშირად სწორედ ამბგარი სცენა ხდება ფილმის საკვანძო ეპიზოდი. ახატნელისა და ილიას დაპირისპირება რომანში საკვანძო ეპიზოდია. ეს ეპიზოდი ფილმში, ისევე როგორც რომანში, კონფლიქტის განვითარების კულმინაცია უნდა ყოფილიყო, სადაც სრულად გამოჩნდებოდა რომანის უმთავრეს სათქმელად გაედერებული ავტორისეული პოზიცია. “ილიამ სიტყვა დაასრულა და დინჯი ნაბიჯითვე გაემართა კარებისკენ იმ მსაჯულივით, რომელიც განაჩენს გამოიტანს და მაშინვე თავისი ოთახისკენ გაბრუნდება ხოლმე.

კენჭის ყრა არ ყოფილა და კრებაც მაშინვე დაიშალა, ვინაიდან სალაპარაკო აღარაფერი პქონდათ” (54, 303).

მიხეილ ჯავახიშვილის მიერ რომანის ტექსტში წარმოდგენილი ილიას სიტყვის ციტირებას არ ვახდენ, რადგნაც ის საერთოდ არ არის ფილმი, და მხოლოდ მისი შედეგის აღწერის მოკლე ციტირებით შემოვიფარგლები. შედეგი სიტყვისა მოტანილ ტექსტში ნათლად ჩანს. ცხადია, ილიას სიტყვა მწერლის მიერაა შეთხეული. მიხეილ ჯავახიშვილის მიერ ილიას, ერის უპირველესი ჭირისუფლის პერსონაჟად გამოყვანა და მისი წარმოთქმული სიტყვები, რომლის შემგებაც სალაპარაკო არავის აღარაფერი აქვს და კრება კენჭის ყრის გარეშე, უსიტყვოდ იშლება, მიხეილ ჯავახიშვილის კონცეფციის შესატყვისია- მიხეილ ჯავახიშვილმა, ხომ ილიას სიკვდილის შემდეგ მისი, როგორც ერის უპირველესი ჭირისუფლის მისია იტვირთა და თავისი შემოქმედებით სწორედ ილიას საქმეს ემსახურა. რაც შეეხება თავად ანდრია ახატნელის სახეს. “თავიდანვე მაყურებლის არასასიამოვნო გაოცებას იწვევს ანდრო ახატნელის სახე. თქვენს წინაშეა მოხუცი ქართველი ინტელიგენტი, საზოგადო მოღვაწე, განათლებული, წესიერი, დარბაისელი კაცი. ის ზის თავის კაბინეტში, საწერი მაგიდის თავზე რუსთაველის პორტრეტი უკიდია, ახატნელს ხელში ივერია უჭირავს, ამასთან ის თანამშრომლობს ამ გაზეთში, კორექტურაც შემოაქვთ მასთან; ერთი სიტყვით, ყველაფერი თითქოს იმაზე მეტყველებს, რომ ეს კაცი იმდროინდელ ქართველ ინტელიგენტს განასახიერებს: “ივერიის” რაზმს, იმ

ადამიანთა რიცხვს ეკუთვნის, რომლებსაც აპაკის სიტყვით რომ ვთქვათ, სამშობლო გაუხდიათ სალოცავ ხატად.

და უეცრად, განციფრებით ისმენთ ანდრო ახატნელის სიტყვებს- თითქოს კაცი თვალსა და ხელს შუა გამოცვალესო-თქვენს წინაშეა პირწავარდნილი შავრაზმელი, მეფის ლაქია... მართალია, მის. ჯავახიშვილმა ანდრო ახატნელი დახატა როგორც რეაქციონერი, მეფის ლაქია, შავრაზმელი. აგრამ იმავე დროს მან გვიჩვენა ნამდვილი ქართველი ინტელიგენციაც, რომელიც ნ.სანიშვილის ფილმში ადარ ჩანს, მწერალმა გვიჩვენა ბნელიც და ნათელიც, ფილმში კი მარტო ეს ბნელი, ეს ჩრდილოვანი მხარე გამოიტანა სცენარისტმა, რამაც ისტორიული სიმართლე დაამახინჯა, არასწორად წარმოგვიდგინა” (27, 2) სტატია, სადაც ესოდენ კრიტიკულად არის შეფასებული ფილმი ორ ცნობილ ქართველ მწერალს, გიორგი ნატროშვილსა და აკაკი ბელიაშვილს ეკუთვნით. საგულისხმოა, რომ რომანის დამახინჯების წინააღმდეგ ქართველმა მწერლებმა აიმაღლეს ხმა. ფილმის სცენარიდან საერთოდ გაქრა ახატნელების ოჯახის ნგრევის თემა, რაც ასევე უმნიშვნელოვანესი ასპექტია მიხეილ ჯავახიშვილის რომანში. რევოლუციას გარდა ახატნელების ოჯახს თავად ანდრიას უყაირათობა და რაც მთავარია მისივე მდგმურის, იაკობ წვერაძის შურისძიების შედეგია. ახლადგამომცხარი კაპიტალისტის, ქეთოზე შეუვარებული და ნაწილობრივ სომხური კაპიტალის გაძლიერების წინააღმდეგ მებრძოლი წვერაძე, რომელიც შეურს იძიებს ქეთოს გათხოვების გამო და სწორედ მისი ქმედების შედგად არამიანცს ჩაუგდებს ხელთ ანდრია ახატნელის სახლ-კარს. ნიკოლოზ სანიშვილმა ჭეშმარიტად კომუნისტური იდეოლოგიის შესატყვისად სცენარიდან ამოიღო ინტერნაციონალური კონცეფციისთვის შეუსაბამო უცხო ეროვნების ადამიანების მიერ ქართველი თავადაზნაურების ქონების ჩაგდების და მასში წვრილმანი ვნებებით შეპყრობილი ქართველი ვაჭრის მონაწილეობის თემა და ამითაც გააღარიბა აუდიოვიზუალური ნაწარმოები. ფილმიდან ასევე დაიკარგა უაღრესად საინტერესო პერსონაჟი, ქეთოს თაყვანისმცემელი, პოეტი ელიზბარ შუქურაული. ელიზბარი, მისი გვარის შესატყვისად, რომანში წინასწარმეტყველის ფუნქციას ასრულებს. მისი და ქეთევანის დიალოგებში ერთგვარად ცხადდება ქეთევანის მოსალოდნელი ბედი მის ერთობასთან კავშირის გამო. ელიზბარი ერთადერთი პერსონაჟია, რომელიც ბოლომდე უერთგულებს ქეთევანს და ამითაც არის გამორჩეული რომანში. ლიტერატურული პერსონაჟი ქმედითი და ინდივიდუალობით აღბეჭდილია,

შესაბამისად, ფილმში ელიზბარ შუქურაულის არსებობის შემთხვევაში ძალზე საინტერესო როლი შეიქმნებოდა. ამ პერსონაჟის გაქრობამ საგრძნობლად გააღარიბა ფილმის მოქმედ პირთა მრავალგვაროვნების შესაძლებლობა.

ქეთევანის ქმარი-არტემ ავშაროვი. რომანის ეს პერსონაჟი ნიკოლოზ სანიშვილის ფილმში ქეთევანის თაყვანისმცემლის, სანდრო კლიმიაშვილის სახესთან არის შერწყმული. უანდარმი ავშაროვს ფილმში მიეწერება რომანისეული სანდროს ეპიზოდებიც, სახელიც და რაინდული თვისებების ფრაგმენტეული გამოვლინებებიც ფილმის დასაწყისში. თუმცა ორი პერსონაჟის ეპიზოდების მონაწილე და ფუნქციებით დატვირთული ფილმისეული კლიმიაშვილი ბევრად უფრო მარტივ გრძობათა ბუნების და ერთსახოვან, პიროვნებად არის წარმოსახული, ვიდრე ორივე პერსონაჟი ცალ-ცალკე. ასევე სრულად იგნორირებულია არტემ ავშაროვის გვარის და მისი გაურკვეველი ეროვნების ავტორისეული გააზრება. “ეს სამგვაროვანი უანდარმი-ავშაროვი, ავშარაშვილი, ავშარიანცი- ახატნელის ოჯახში ქეთომ შემოიყვანა” ავშარა, ანუ - ჭიმი, სადავე მიანიშნებს ქეთევან ახატნელისა და ზოგადად ახატნელების დასადავება-დაურვებაზე რუსული იმპერიული რეჟიმის მიერ. ამ ავშარა-სადავეს ახატნელები, ანუ-ამ ოჯახით პერსონიფიცირებული საქართველო და ქართული არისტოკრატია საკუთარი ნებით ირჩევს” (45, 239). ფილმში საეთოდ არ არსებობს ქართული არისტოკრატის არჩევანის თემა. ფილმში არც ქეთოს აქვს არჩევანის პრობლემა. ფილმში სანდრო კლიმიაშვილად გარდაქმნილი არტემ ავშაროვი, ინტრიგის მეშვეობით, აცრემლებული მარიამის ზეწოლით აიძულებს ქეთოს საბედისწერო ნაბიჯის გადადგმას. მიხეილ ჯავახიშვილის რომანში ქეთევან ახატნელის დილემა უმთავრესია. სწორედ ყალბი დირებულებების არჩევაა ის ფატალური შეცდომა, რომელიც ქეთოს ტრაგედიას განაპირობებს. ფილმში კი ქეთოს მიერ ივლითის როლის არჩევა, რომელიც ზურაბ გურგენიძის მიერაა პროვოცირებული, ფილმში უბრალოდ არ არის.

ცალკე განხილვის თემაა რომანისეული გგარები, რომელთა შენარჩუნებაც და შესატყვისად გათამაშებაც უთუოდ შესძენდა სიღრმეს ფილმს. რომანში გვარ-სახელებს და პერსონაჟების წარმომავლობას და ეროვნულ ქუთვნილებას განსაკუთრებული მნიშვნელობა ენიჭება. ფილმში დამახინჯებულია მწერლისეული კონცეფცია, შეცვლილია ავტორისეული იდეა, რაც აუდიოვიზუალურ ნაწარმოებს ფიტავს იმ ეროვნული ნიშან-თვისებათა ერთობლიობისგან, რაც ასე საინტერესოდ არის გაშლილი რომანში და რაც

ერთნაირად უდაოდ საიტერესოს გახდიდა ფილმის ტექსტსაც და გამოსახულებასაც. ნიკოლოზ სანიშვილის ინტერპრეტაციაში გვარების ნაწილი უბრალოდ არც მოიხსენიება, ფილმის ტიტრებშიც პერსონაჟები მხოლოდ სახელებით წერია. ლელა წიქარიშვილის ზემოთხენებულ ნაშრომში გვარების სემანტიკას ცალკე თავი ეძღვნება: “ახატნელი” ქართულ ონომასტიკონში არ დასტურდება. მიხეილ ჯავახიშვილს ეს გვარი ტოპონიმის-ახატან/ახატნის საფუძველზე უნდა მოეაზრებინა... “ქალის ტვირთის” პერსონაჟთა გვარსახელების სემანტიკა მიანიშნებს მწერლის ჩანაფიქრზე: ავშაროვი, როგორც ჟანდარმის გვარი შერჩეულია ავშარას მნიშვნელობით, დოკუმენტების ბოლშევიზმის დოქტრინაზე მიგვანიშნებს (რაოდენობრივი მაჩვნებლის პრიმატი, მატერიალური ცნობიერება). ანდრო ახატნელის ვაჟების სახელები ტექსტში საგანგებოდ განიმარტება და წინასახელებისგან- ნათლიერებისგან მათივე განმგავსების, ერთგვარი ანტიპოდურობის აღმნიშვნელად გვევლინება.

საგულისხმოა, რომ დეგრადაციის, წინასახისაგან განმსგავსების მაქსიმალური ხარისხით გამოიირჩევა ილიკო ახატნელი-ილიას ნათლული. დეგენერაციის ზღვარი აღინიშნება შანტანის კახპაზე დაქორწინებით და სამშობლოდან გადახვეწით. ნათლია-არქეტიპთან დაპირისპირება ილია ახატნელის შემთხვევაში განასახოვნებს ზოგადად სულიერი ტრადიციის იგნორირებას, მის შებდალვასა და დაკნინებას” (45, 238). ნიკოლოზ სანიშვილის ფილმში ილიკო დაუქორწინებელი რჩება და არაერთაზროვანი თემა რომანისა საერთოდ იგნორირებულია, რითაც ფილმის კიდევ ერთი მნიშვნელოვანი სიუჟეტური სვლით დარიბდება. რომანის პერიპეტიების ჩამოთვლას ადარ განვაგრძობ. იმგვარი ეპიზოდი, რომელიც ფილმში არ შევიდა, ძალიან ბევრია. ასევე პერსონაჟები, რომლებიც თავიანთ ლეიტ-თემებთან ერთად არ არიან ფილმში, ასევე ბევრია. ცხადია, რომ რომანის ყველა დეტალის ტრანსფორმირება ფილმში შეუძლებელია. ნიკოლოზ სანიშვილის ფილმის შემთხვევაში საქმე გგაქს მწერლის ტექსტის მნიშვნელოვნად შეკვეცის, როგორც ეპიზოდების, ასევე პერსონაჟების რაოდენობის შემცირების პარალელურად ახალი, მწერლისთვის უცხო, რევოლუციური პათოსით აღვსისლი ეპიზოდების დამატებასთან, რომანის უკიდურესად გაპრიმიტიულებასთან და რაც ყველაზე უარყოფითად აისახა ფილმის მხატვრულ ხარისხზე, ავტორისეული კონცეფციის შეცვლასთან.

რევოლუციონერი ზურაბ გურგენიძე, იგივე ჯიქი, ქეთევანის სატრფო და პიროვნება, რომლის ცრუ მოძღვრობის და შემდგომ კი უღირსი საქციელის გამოც ქეთევანი თავს იკლავს. სწორედ მისი შვილის ტარება არ სურს ფეხმიმება, ქეთევანის, როდესაც ის თავს იღრჩობს. მწერალს პერსონაჟის ზედმეტსახელი, ცხადია შემთხვევით არა აქვს შერჩეული. მიხეილ ჯავახიშვილის ზურაბ გურგენიძე ანტიგმირია, მისი ქმედებები მორალურ კატეგორიაში არ განიხილება.

“ქართულ ზეპისიტყვიერებაში და ძვ. მწერლობაში სიტყვა “ვეფხვი” აღნიშნავდა ჯიქს (ლეოპარდს ანუ პანტერას - ანტერა პარდუს), დღევანდელი გაგებით კი მხოლოდ XX საუკუნეში დამკვიდრდა” (67, <http://ka.wikipedia.org>). ქართული პოეზიის შედევრის, “ვეფხისტყაოსნის” რაინდი პერსონაჟის, ტარიელის სრულ ანტიპოდად მოაზრებული ზურაბ გურგენიძე ზედმეტსახელად სწორედ ჯიქს ირჩევს. ჩნდება ალუზია რაინდობის სიმბოლოსა უღირს თვისებათა მატარებელ პერსონაჟთან მიმართებაში. მიხეილ ჯავახიშვილის მიერ ზურაბ გურგენიძის ზედმეტსახელად ჯიქის შერჩევაში ირონიული ქვეტექსტი იგრძნობა.

მიხეილ ჯავახიშვილის რომანიდან არაერთი ციტატის მოტანა შეიძლება, სადაც ზურაბ გურგენიძე აზრს გამოთქვამს, სადაც არაფრად მიაჩნია ადამიანთა სიცოცხლე და რევოლუციისთვის დაღვრილი სისხლის რაოდენობა მისთვის სრულიად უმნიშვნელო ფაქტორია- ჯავახიშვილის პერსონაჟი ფაქტობრივად სისხლსმოწყურებულია, ისევე, როგორც მისი პროტოტიპი და ზედმეტსახელის აღმნიშვნელი მხეცი. ამავე დროს, მიხეილ ჯავახიშვილის რომანში გურგენიძე შესანიშნავად ახერხებს ადამიანების პროვოცირებას, თუნდაც ქეთევანის, რომელსაც ივლითობა შთააგონა და ამით ფაქტობრივად არტემ ავშაროვზე გათხოვებისკენ უბიძგა: “ივლითმა თავისი უბიწო სახელი და მშვენიერი სხეული საბილწავად მისცა მტერს და სამაგიეროდ სამშობლო ქალაქი და მშრომელი ხალხი იხსნა. – სოჭა ზურაბმა და ქეთოს დააცქერდა, რომელიც მოხიბლულივით იჯდა და თავის ახლო მეგობარს და მასწავლებელს თვალს არ აშორებდა.

- ესე იგი, მიზანი თვითონ მიზანია, საშუალება კი თითქმის არაფერია, – განაგრძო ზურაბმა. – ვისაც ჩვენი მიზანი დრმად სწამს და ძვალ-რბილში აქვს გამჯდარი, ის არავითარ საშუალებას არ მოერიდება და ყველაფერს გასწირავს: ძმას, ქმარს, დედ-მამას, შვილსაც, სიყვარულსაც და მეგობარსაც” (54. 146).

ლიტერატურათმცოდნეობაში არაერთი მოსაზრება არსებობს იმის თაობაზე, რომ ზურაბ გურგრნიძის პროტოტიპი სტალინია. “ფინალის სწორად გააზრებისთვის უნდა გავიხსენოთ, რომ ზურაბ გურგენიძის პროტოტიპია სტალინი. ქნი ეთერ შარაშენიძე იმოწმებს მწერლის ჩანაწერს, სადაც ჩამოთვლილია “ქალის ტვირთის” პერსონაჟები და მითითებულია პროტოტიპთა ვინაობა. ამ ჩამონათვალში შეტანილია ზურაბ გურგენიძეც, მისი სახელის გასწვრივ კი აღნიშნულია პროტოტიპიც: “ზურაბ გურგენიძე—(ჯიქი) 26 წლის ბოლშევიკი, სტალინის ტიპი” (45, 268). ნიკოლოზ სანიშვილის ფილმში ზურაბ გურგენიძე ერთნიშნად დადებითი გმირია. სიტყვა გმირი შემთხვევით არ მიწოდებია ფილმის პერსონაჟისთვის. ჰეროიკულ-პათეტიური რევოლუციის იდეალური, მისაბამი მაგალითი—ასეთად გამოიყვანა ნიკოლოზ სანიშვილმა მწერლის ანტიგმირი.

კიდევ ერთი ძირითადი სიუჟეტური სვლა, რომელზედაც უარი თქვა რეჟისორმა-კლასიკური მელოდრამატული სამკუთხედი. აქვე ავღნიშნავ, რომ კინემატოგრაფში მელოდრამების უზღვავი რაოდენობაა გადაღებული და მელოდრამატული სამკუთხედი— ერთი მამაკაცის და ორი ქალის სიყვარულის პერიპეტიები ფილმში სიუჟეტის აგების ერთ-ერთ საყოველთაოდ მიღებულ და მაყურებლის მისაზიდ მოდელად ითვლება. მიხეილ ჭავახიშვილის რომანში ზურაბ გურგენიძის საყვარელი მართა დოკლათიშვილია, ქეთევანის მეგობარი და მეზობელი. სწორედ მართაზე ქორწინდება ზურაბი ციხეში, მართა მიყვება მას გადასახლებაში, მართას აკითხებს ზურაბი ქეთევანის წერილს, რაც ფაქტობრივად ქეთევანის თვითმკვლელობას განაპირობებს. როგორია მართა რომანში და როგორ გარდაიქმნა იგი ნიკოლოზ სანიშვილის ფილმში? “მართა დოკლათიშვილი უარყოფს მისი მოდგმისთვის ტრადიციულ გზას-ხელნაკეთი უნიკალური ნივთების ოსტატის ცოლობას, ხელოსნობის ამქარს და მიემხრობა უსახურობას, ბოლშევიზმის ეგალიტარულ კულტურას... დოკლათიშვილისა და ზურაბ გურგენიძის ქორწინება სწორედ ტრადიციულის, საუკუნეების მანძილზე შექმნილი და გასულიერებული ნივთიერი კულტურის “გატიკინების” აღმნიშვნელია. ანტონ დოკლათიშვილის მიერ გამოჩარხული აკვანი მართასგან ქეთევან ახატნელმა შეიძინა, თუმცა “სააკვნე შვილი” ვერ შობა” (45, 269)

ფილმისეული მართა მგზნებარე რევოლუციონერად არის გამოყვანილი. თუ არ ჩავთვლით მართას როლის შემსრულებლის, მსახიობ მარინა თბილელის რამდენიმე მომდიმარ მზერას ზურაბის მიმართ და მეგობრულ ჩახუტებას,

ფილმში მართას ქალური ბიოგრაფია საერთოდ არ გააჩნია. შესაბამისად, ამოვარდნილია როგორც სასიყვარულო სცენები, ასევე მრავალი ეჭვიანობის ეპიზოდი.

ფილმის ფინალში, მომაკვდავი ქეთოს გაფრთხილების შედეგად გადარჩენილი რევოლუციონერები ნარიყალას ციხის ტერიტორიაზე დგანან ტრაგიკული სახეებით. ცხადია გადარჩენილი პერსონაჟები მზად არიან განაგრძონ რევოლუციური მოღვაწეობა. ფილმის ფინალი რომანის ფინალისგან სრულიად განსხვავებულია და რაც ყველაზე მნიშვნელოვანია, სრულად უარყოფილია მიხეილ ჯავახიშვილის პოზიცია: “ქეთევან ახატნელის თვითმკვლელობა მწერლის მიერ მიმართულია უპირატესად ზურაბის შვილის ხვედრის აქცენტირებისთვის. სიკვდილი ამ შემთხვევაში “წაიკითხება”, როგორც ბოლშევიზმის მემკვიდრის აღსასრული” (45, 267). ფილმის იდეა კი ბოლშევიზმის იდეის გამარჯვება და განგრძობადობაა.

ამრიგად, აუდიოვიზუალური ხელოვნებისთვის უაღრესად მომგებიანი და საინტერესო სიუჟეტური სვლები ფილმში უარყოფილია და შეცვლილია პრიმიტიული გრძნობათა ბუნების მოქმედი პირებით, რომლებსაც ჯავახიშვილის პერსონაჟებისგან განსხვავებით, არავითარი ფსიქოლოგიური წიაღსვლები არ გააჩნიათ და მხოლოდ რევოლუციის იდეის მსახურებად ან მოწინააღმდეგებად გვევლინებიან.

ვინ და რადა დარჩა და როგორ განსხეულდა ის ფილმში? როგორ გარემოში არიან წარმოდგენილნი მიხეილ ჯავახიშვილის პერსონაჟები და როგორია მათი ეკრანული სახე?

მხატვრულ ფილმში შექმნილი გარემო, სამოქმედო არეალი აუდიოვიზუალური ნაწარმოების ერთ-ერთი ძირითადი კომპონენტია. პრაქტიკულად სწორედ კინომხატვარი ქმნის იმ ნიშანთა სისტემას, რომელიც ექრანულ სიბრტყეს ავსებს და ფილმის ვიზუალური გადაწყვეტის განმსაზღვრელი ხდება. კინომხატვრის ნამუშევრი მნიშვნელოვნად განსხვავდება ოეატრალური მხატვრის ნამუშევრისგან.

კინომხატვარის ნამუშევარში სამოქმედო არეალი - ნატურაც და პავილიონიც ზუსტად იმდენჯერ იცვლება, რამდენჯერაც ამას მოქმედების მიმდინარეობა მოითხოვს. ერთიანი დანაღვარის პრინციპი, რომელიც დომინანტურია სცენოგრაფიაში, კინემატოგრაფში მხოლოდ გამონაკლისია, (თუნდაც ლარს ფონ ტრიერის “დოგვილი”), რომელიც წესს ადასტურებს.

კინომხატვარს ნატურის შესარჩევი უზარმაზარი არჩევანის საშუალება აქვს, რომელიც უსაზღვრო პორიზონტის წარმოჩენასაც კი შესაძლებელს ხდის ეკრანზე. უზარმაზარი დიაპაზონი, რომელიც ნატურის შერჩევის საშუალებას აძლევს კინომხატვარს, ასევე მრავალფეროვანი პავილიონების აშენების თუ ინტერეისურების შერჩევით ივსება. ამასთანავე, კინო მხატვარი, სცენოგრაფისგან განსხვავებით, რომელიც ერთხელ აშენებული დეკორაციის შეცვლას ვეღარ ახდენს, ბევრად უფრო თავისუფალია შემოქმედებით პროცესში. თუ კინომხატვარი დამდგმელ ოპერატორთან ერთად საინტერესო მხატვრულ გარემოს შეარჩევს ან შექმნის, ფილმის ვიზუალური გადაწყვეტის დიდი წილი იქმნება. მონტაჟთან ერთად კინომხატვრობა ფილმის სახიერად გადაწყვეტის უმნიშვნელოვანების კომპონენტია. ამასთანავე, რეჟისორს საშუალება აქვს აირჩიოს საუკეთესო კადრი და იმგვარად დაამონტაჟოს ფილმში, რომ უამრავი ნაკლი ყველა კომპონენტისა, რომელიც შესაძლოა მუშაობის პროცესში გამოჩნდეს, უბრალოდ ამოჭრას. რეჟისორის მიერ დამახინჯებულად ახსნილი ავტორისეული იდეა გამოსახულების დეფორმირებასაც იწვევს - პროზის ინტერპრეტაციის შემთხვევაში ავტორისეული სული იკარგება და თუნდაც საბჭოთა კინო კომერციაზე გათვლილი ფილმი თავად ხდება შემქნელთა ერთგვარი ბიზნესი. სწორედ ამგვარი კინო ბიზნესის ნიმუშია მხატვრის ნამუშევარი ნიკოლოზ სანიშვილის ფილმში.

ნიკოლოზ სანიშვილის ფილმის დამდგმელი მხატვარი მიხეილ გოცირიძეა. რეჟისორს და მხატვარს ადრეც პქონდათ შემოქმედებითი ურთიერთობა: მიხეილ გოცირიძე დამდგმელი მხატვარია ფილმისა ”უდაბნო”, რომელიც ნიკოლოზ სანიშვილმა 1932 წელს გადაიღო. სხვადასხვა წლებში მიხეილ გოცირიძე იყო დამდგმელი მხატვარი ისეთი ცნობილი რეჟისორების ფილმებისა, როგორებიც იყვნენ კოტე მიქაბერიძე (“ქაჯეთი”-1937 წელი, “დაგვიანებული სასიძო”-1939წელი) და მიხეილ ჭიათურელი (“გიორგი სააკაძე”-1942 წელი), დამდგმელ მხატვრად მუშაობდა ალექსანდრე თაყაიშვილთან (“ბანაკი მთაში” - 1933წელი), ივანე პერესტიანთან (“ორი მეგობარი”- 1937 წელი), მიხეილ გელოვანთან (“დამკვრელი”- 1931 წელი, “ნამდვილი კავკასიელი”-1931 წელი), დავით კანდელაკთან (“ორი ოჯახი”- 1958 წელი) (63, <http://www.geocinema.ge>). ფილმებიდან ყველაზე ცნობილი ისტორიული ფილმი ”გიორგი სააკაძეა” ამ ფილმზე მიხეილ გოცირიძის თანადამდგმელები იყვნენ რ. მირზაშვილი, ი. შვეიც, პ. კვალიაშვილი და დ. მამალაძე. ”გიორგი სააკაძის” მხატვრობის

განხილვა სცილდება ნაშრომის ფარგლებს, თუმცა, უცილობლად უნდა აღინიშნოს, რომ 1943 წელს გადაღებული მიხეილ ჭიაურელის შავ-თეთრი ფილმის დეკორაციებიც და კოსტიუმებიც მდიდრულობითა და მრავალფეროვნებით დღევანდელი პოლივუდის ბლოკ-ბასტერებს არაფრით ჩამოუვარდება. ასეთივე შთამბეჭდავია ფოტოები კოტე მიქაბერიძის “ქაჯეთისა”. კოტე მიქაბერიძის ეს ფილმი შოთა რუსთაველის გენიალური პოემის ეკრანიზაციის პირველ და ერთადერთ ცდას წარმოადგენს. “ვეფხისტყაოსნის” პერსონაჟების აბჯრები, მუზარადები და იარაღი რომელიც ფოტოებზე ჩანს ფილმის მდიდრულ მხატვრულ გაფორმებაზე მეტყველებს (63, <http://geocinema.ge>). მიხეილ გოცირიძის კინომსატვრობა ორი მიმართულებისაა-მდიდრულ დეკორაციები გასული ეპოქების ამსახველ ფილმებში და რეალისტურ, ფაქტობრივად ნატურალისტურ მანერა ფილმებისა, რომელთა მოქმედებაც მეოცე საუკუნეში ხდება.

2011 წლის აპრილში ლიტერატურის მუზეუმში მოეწყო გამოფენა სახელწოდებით “ბუსტროფედონი” გაზეთი 24 საათი ამ გამოფენის შესახებ წერდა: “ეს იყო გამოფენა, სადაც შეგეძლოთ გენახათ დავით კაკაბაძის, კირილე ზდანევიჩის, ლადო გუდიაშვილის, ილია ზდანევიჩის, ვალერიან სიდამონ-ერისთავის, დიმიტრი შევარდნაძის შალვა ქიქოძის, ირაკლი გამრეკელის, პეტრე ოცხელის, მიშა ჭიაურელის, ელენე ახვლედიანის, ემმა ლალაევას, მიხეილ გოცირიძის, კლარა კვექსის, ირინა შტენბერგის, ბენო გორდეზიანის ფერწერული თუ გრაფიკული ნამუშევრების, თეატრის მხატვრობის ესკიზები, ნაწერების, ფოტოების, აფიშების, გაზეთების პრინტები და აიმ პერიოდის წიგნები და ურნალები-ანუ სრული საგიუვთო. ოღონდ, საგიუვთო კარგი გაგებით: რადგან, როცა მეოცე საუკუნის დასაწყისის ქართულ ხელოვნებაზე გსაუბრობთ, იმხელა არტისტული მუხტი მოდის, რომ შეუძლებელია არ აღელვდე. არტისტულმა აფეთქებამ მოიცვა ხელოვნების ყველა სფერო- მხატვრობა, ლიტერატურა, კინო”. ამავე სტატიაში ბელა ჩეკურიშვილი წერს, რომ ხელოვნების ინტერდისციპლინარულმა ლაბორატორიამ და შვეიცარელმა კურატორმა დანიელ ბაუმანმა ეს ექსპოზიცია ნიუ-იორკში, კესი კაპლანის გალერეაში წარმოადგინეს. გამოფენამ დიდი ინტერესი გამოიწვია ამერიკულ სახელოვნებო წრეებში და შესაბამისად პრესაში. გაზეთში ასევე დაბეჭდილია ხელოვნებათმცოდნე ნანა ყიფიანის კომენტარი გამოფენის შესახებ: “ ამ გამოფენის მიზანი, როგორც ნიუ-იორკში,

ასევე თბილისში ის არის, რომ აღგვედგინა მეოცე საუკუნის დასაწყისის სიტუაცია, რაც ქართულ ხელოვნებაში ხდებოდა. ავანგარდი დარგობრივად იმდენად მრავალმხრივად იყო წარმოდგენილი ფერწერაში, წიგნისა თუ თეატრის მხატვრობაში და ფოტოგრაფიაში, ამავე დროს იყო საოცრად ბოჰემური, ექსტრავაგანტული და ეპატაჟური, და რომ გაკვირვებას იწვევს. იმ დროს საქართველოში ის პროცესები მიმდინარეობდა, რაც ევროპაში და ეს იყო ნიჭიერი აფეთქება. თუ იმასაც გავითვალისწინებთ, რომ ეს იყო პროფესიონალური განათლების მქონე მხატვართა მეორე თაობა, რომლებიც უკვე მოდერნისტებად მოგვევლინენ, გაგიკვირდება, კლასიკური ფერწერის რამხელა პროცესები გაიარეს და გაიაზრეს ერთბაშად” (40, 6).

ამრიგად, მიხეილ გოცირიძე არა მხოლოდ საკმაოდ მოთხოვნადი მხატვარი იყო კინოსტუდია “ქართულ ფილმში”, არამედ ქართული ავანგარდის სრულფასოვან წარმომადგენლადაც ითვლებოდა და ოცდამეერთე საუკუნეში მეოცე საუკუნის დასაწყისის “ნიჭიერი აფეთქების” მონაწილედ მიიჩნევა.

მიხეილ გოცირიძეზე ვრცელი ინფორმაციის მოტანა ერთ მიზანს ემსახურება: გასაზღვრას იმისა, თუ რა ფუნქცია შეასრულა ნიჭიერი მხატვრის ნამუშევარმა ნიკოლოზ სანიშვილის ფილმში და რა შედეგი მოიტანა მიხეილ ჯავახიშვილის პროზის ინტერპრეტაციამ ამ ხელოვანების ფილმში.

ნიკოლოზ სანიშვილის ფილმი მეტების ციხის კადრებით იწყება. ციხე მასიური ქვის შენობა ქონგურებიანი გალავნითა გარშემორტმული. ოპერატორ დიმიტრი ფელდმანის კამერა პანორამით დიდხანს მიუყვება გისოსებიან ფანჯრებს. ედერს სულხან ცინცაძის მუსიკა - პროლეტარიატის დუხშირი ბედის ტრაგიული მოტივი. ამგვარი ტრაგიული ჟღერადობის მელოდიები ფილმში მრავლადაა და ოპერატორის კამერა ხშირად პრიმიტიულად აკეთებს აქცენტს შავი ღრუბლების ეკრანზე ჩვენებით. მძიმე რკინის კარები იდება და ციხის დაცვა ფაეტონს გამოატარებს. ასეთი ტრანსპორტით მეოცე საუკუნის დასაწყისში გოლოფინის გამზირზე თუ გაისერნებდა კაცი. ფაეტონით კი უაღრესად საშიშ დამნაშავედ აღიარებული ზურაბ გურგენიძე მიყავთ დასაკითხად. პარალელური მონტაჟით ნაჩვენებია მისი რევოლუციური წარსულის ამსახველი კადრების კოლაჟი - დაუმორჩილებლობისა და გაქცევების სერია. მორიგი გაქცევაც წარმატებულია - ცხადია, ამგვარი დიდ ფაეტონიდან გადმოხტომა და მიმალვა გმირისთვის დიდ სიძნელეს არ წარმოადგენს. თეთრი ფორმებით მოსილი და ხიშტებით შეიარაღებულ

ქანდარმებს ათიოდე მეტრი აშორებთ დევნილს, თუმცა, ცხადია ვერც ეწევიან და ვერც ტყვიას ახვედრებენ მას. მსგავსი ეპიზოდები ფილმში მრავლადა-რომანისგან განსხვავებით ფილმში რევოლუციონერები ყოველთვის მოუხელთებელნი არიან. პერსონაჟს დაკავებულისთვის სრულიად შეუფერებლად აცვია – მუქი პერანგი, ე.წ. კასავაროტკა და პიჯაკი, თავზე კი ყაბალახი ხურავს. საპატიმროებში მსგავს აქსესუარებს არასოდეს უტოვებენ, რათა დაკავებულებს თავის ჩამოხრმობისთვის გამოსადეგი არაფერი ჰქონდეთ. რომანის სიუჟეტის შესაბამისად ზურაბი ახატნელების სახლში აღმოჩდება და პირველად იქ ხვდება ქეთოს. “ანდრო ახატნელის სატუმრო ოთახი თავისი პატრონივით მოძველებულიყო. დიდრონი ყვავილებით მოსურათებული შპალერი უკვე გახუნებულიყო და წითელ-ყვითლად გამოიყურებოდა. კედელზე ანდრიას ნათესავების და მეგობრების ოციოდე ფოტო სურათი მოსჩანდა, ხოლო ცოტა ზემოთ შვიდი მოზრდილი და მცირე სურათი ეკიდა აქაური მხატვრებისა: გიგო გაბაშვილის, ზანკოვსკის, ზომერის, ბაშინჯაგიანის, მრევლიშვილის, შარლემანისა და ფოგელისა, თვალის ერთი გადავლებითაც სჩანდა, რომ სურათები ერთიანი გარკვეული გემოვნებით კი არ იყო შერჩეული, არამედ მხატვრების სახელი იყო ნაყიდი, რათა მნახველი დარწმუნებულიყო, რომ ეს ოჯახი ყველა მაშინდელ ცნობილ მხატვარს იცნობდა და აფასებდა” (54, 42).

ფილმში მხატვრის გადაწყვეტილ ახატნელების სახლის ზოლებიანი შპალერის ფონზე არც ერთი ცნობილი მხატვრის ტილო აღარ კიდია. ძალზე დამაფიქრებელია, რომ მხატვრობაში თავად გარკვეული მიხეილ გოცირიძემ უკიდურესად გააპრიმიტიულა მიხეილ ჯავახიშვილისეული მრავალფეროვნების და მხატვრულობის თვალსაზრისით ესოდენ მნიშვნელოვანი გადაწყვეტა თავადაზნაურის სახლის ინტერიერისა. ახატნელების ბინა, რომელიც ქართული ინტელიგენციის საცხოვრისის სიმბოლოდ აქვს მოაზრებული მიხეილ ჯავახიშვილს, ფილმში ჩვეულებრივ მეშჩანურ ინტერიერს წარმოადგენს-ძვირადღირებული ჭაღებით, ლარნაკებით, შანდლებით, ბრებით და მასიური ავეჯით დამშვენებული. გასული საუკუნის შუა წლებში და დასარულსაც მსგავსი ინტერიერები, ძირითადად საბჭოთა ხელისუფლების მიერ დიდგაჭრებისთვის ჩამორთმეული სახლები, თბილისის ძველ უბნებში, ძირითადად სოლოლაკში იყო. ამ ბინებს ყოფილი ბოლშევიკი ლიდერების შთამომავლები კინოსტუდია “ქათულ ფილმის” გადამდებ ჯგუფებზე სოლიდურ თანხად აქირავებდნენ ძვირფას ნივთებთან ერთად. ეს გამზადებული

გადასადები თბიექტები, რომლებიც დიდგაჭრების გემოვნების შესაბამისად იყო მოწყობილი, უცვლელად აქცია მიხეილ გოცირიძემ ახატნელების საგვარეულოს სამყოფელად. არავითარი ქართული არისტოკრატიის სული ამ ინტერიერში არ ტრიალებს. უფრო მეტიც, ამ ინტერიერებს და მის აქსესუარებს საოცრად გავს სანდო კლიმიაშვილად გადაქცეული ჟანდარმთა როტმისტრის სახლი. საერთოდაც, ჩნდება განცდა, რომ ახატნელების ბინა და სანდრო კლიმიაშვილის ბინა ერთ სივრცეშია გადაღებული და არც ახალი აქსესუარების ძებნით შეუწუხებია თავი დამდგმელ მხატვარს.

რომანის გმირები არიან მართა დოვლათიშვილი და მისი ძმა ლევანი. რომანის მიხედვით დოვლათიშვილები ახატნელების სახლის სარდაფში ცხოვრობენ. ფილმშიც ასეა. მიხეილ ჯავახიშვილის მიერ დოვლათიშვილების ბინის ინტერიერის აღწერა ასეთია: “პატარა სუფთა ოთახი გემოვნებით იყო მორთული. ვიწრო თეთრი საწოლი, უბრალო პირსაბანი, პაწია სატუალებო მაგიდა, ზედ მოზრდილი ტახტი, ერთი რბილი სავარძელი, რამდენიმე ჩალური სკამი, და კედელში ჩატანებული განჯინა, ხოლო განჯინაში ოციოდე წიგნი და რამერუმე.

მართა იმ უბანში სახელმოხვეჭილი ხელმოსაქმე იყო და თავისი ოთახი საპუთარი ნახელავით პქონდა მორთული.

ფარდის ბოლო, ბალიშის საფარებელი, პირსაბანისა და მაგიდის ნაოჭიანი კალთები უწვრილესი არშიებით იყო მოხატულ-მოვლებული.

იატაკზე - დიდი ზოლებიანი ფარდაგი ეგო, ტახტის უბან კედელზე- ერთი მოზრდილი ხალიჩა, ხოლო აქეთ-იქეთ ბალიშის ოდენა ორი აბრეშუმის ხალი ეკიდა. ტახტზედაც მუქ-წითელი ნოხი ეგო, რომელიც ზურგით კედელს მიჰყედებოდა. ზედ ორი მუთაქა და რამდენიმე ბალიში ეყარა. ყოველივე ეს მართას და იმის განსვენებული დედის ხელით იყო მოქსოვილ, შეკერილი, მოქარგული.

-ეს რადა არის? -იკითხა ქეთომ და კუთხეში მიმდგარ რადაცას ზედ-დაფარებული სუზანი ასწია-ეს მე ჯერ არ მინახავს.

-ხელი არ ახლო!- მიაძახა მართამ და ქეთოსკენ გაიწია.

მაგრამ გვიანდა იყო. საუცხოვოდ მოგაზმულმა აკვანმა თითქო თვითონ გადაიხადა საბურავი და მორთულ პატარძალივით გამოჩნდა” (54, 22-23).

მიხეილ ჯავახიშვილის რომანიდან მოტანილი ციტატა, რომელიც დოვლათიშვილების სახლის ინტერიერს აღწერს, დაწვრილებით ახასიათებს

არატიპიურ, ლამაზ საცხოვრისს. მისი შესატყვისი ინტერიერის ეკრანზე ასახვა მხატვრის და რეჟისორის მიერ, მხატვრული დეტალებით დამშვენებული ინტერიერით გაამდიდრებდა ფილმს და მის გამომსახველობით მხარეს მრავალფეროვანს და საინტერესოს გახდიდა.

ამგვარ გარემოში ჩასახლებული მართა დოვლათიშვილი მართლაც ქეთოს კონკურენტად აღიქმებოდა, სწორედ ისე, როგორც ეს მიხეილ ჯავახიშვილს აქვს რომანში. მხატვრულ ფილმში ასახული დოვლათიშვილების ბინის ინტერიერი უკიდურესი სიღატაკის მაჩვენებელია. პირველივე კადრში მართა საქერავ მანქანასთან ზის და დროშას კერავს. მისი მთელი ხელმოსაქმეობა ფილმში ამით შემოიფარგლება. საკერავი მანქანის წინ დგას ერთი დოქი, უკანა ფონზე კი უჯრებიანი კომოდი. დოვლათიშვილების ბინის ინტერიერი ამგვარად არის განძარვეული. მოგვიანებით, ნაცემი მართას და ქეთევანის დილოგის ეპიზოდში საკმაოდ უგემოვნო ფარდაგიც აღმოჩნდება კედელზე. კიდევ უფრო უარესად გამოიყურება ერთობის წევრის, რაჟდენის სახლი: ცარიელი კედლები, ერთადერთი განჯინა და ოვალური სარკე. ეს ინტერიერი უბრალოდ ჭუჭყიანის განცდასაც ბადებს მაყურებელში. ცხადია, მიხეილ ჯავახიშვილის პროლეტარი პერსონაჟები ფუფუნებაში არ ცხოვრობდნენ, მაგრამ მათი სახლების აღწერა მწერალს იმისთვის ჭირდება, რომ პერსონაჟების ინდივიდუალობა გამოკვეთოს.

მიხეილ გოცირიძის მხატვრობაში საცხოვრისები იქ მცხოვრებთა პიროვნებების მახასიათებლებად არ გამოდგება. ინტერიერები ერთი ნიშნით იყოფა-მდიდრული და დარიბული. მდიდრულში ასევე მოაზრება მანიფესტის ხელმიწერის ეპიზოდის ადგილიც - მართლაც მდიდრული მთავარმართებელ ვორონცოვის სასახლის სარკეებიანი დარბაზი. ესეც მორიგი დაქირავებული ინტერიერია, სადაც მხატვარს უცვლელად შემოაქვს შეთავაზებული სარკეებიანი დარბაზის ნაწილი. მდიდრული ინტერიერების რიცხვს მიეკუთვნება ეპიზოდი ოპერაში, რომელიც მორიგ რევოლუციურ ეპიზოდად, პროკლამაციების გაგრცელების ადგილად იქცა ფილმში.

რომანის ერთ-ერთი ქმედითი და საინტერსო სადადგმო ეპიზოდია შანტანის სცენა, სადაც ქეთოს ავშაროვი და ილიკო მოტყუპებით მიიყვანენ. “ვეება დარბაზის ცალ მხარეს წითელი ფარდებით აფარებული ათიოდე ლოჟა ამაღლებულიყო, ხალიჩებით დაფენილსა და ტროპიკული მცენარეებით მორთულს სვეტებიან დარბაზში სამოციოდე მაგიდა იდგა” (54, 156). ფილმში ქეთოს ილიკო და კლიმიაშვილად გარდაქმნილი ქანდარმთა როტმისტრი

რამდენიმე საფეხურით ქვემოთ, სავარაუდოდ ნახევარსარდაფში ჩაიყვანება, რომლის პოლშიც უზარმაზარი დათვის ფიტულია აღმართული. ამგვარი ფიტულები მეოცე საუკუნის შუა წლების უგემოვნო რესტორნების ატრიბუტი იყო. ფილმის შანტანის კედლები სრულიად ცარიელი და გლუვია და ერთადერთი ლოჟაა უფერული ფარდით შემოსაზღვრული. რეჟისორი და მემონტაჟე ვასილ დოლენკო მთელ ამ ეპიზოდს ნიკოს დაპატიმრების ეპიზოდთან ერთად ამონტაჟებენ. პარალელური მონტაჟის საშუალებით შეიძლებოდა საინტერესო მხატვრული კონტრასტის შექმნა. ფილმში კი ჟანდარმერიის და შანტანის ინტერიერები ერთნაირად უბადრუკად გამოიყერება. მწერლის მიერ აღწერილი შანტანის ეპიზოდის ნაწილია მხატვრული პროგრამა. მწერალს შანტანის სამხატვრო ნაწილის გამგედ კოტე მესხი ჰყავს გამოყვანილი, მეოცე საუკუნის დასაწყისის საქართველოს ერთ-ერთი უმნიშვნელოვანესი მსახიობი და საზოგადო მოღვაწე. ეს გარემოება თავისთავდ მეტყველებს იმაზე, თუ როგორ ზრუნავდნენ ჯავახიშვილისეულ შანტანში პროგრამაზე, რომელსაც ვრცლად აღწერს მიხეილ ჯავახიშვილი: კეკუკი მადამ პოპკინსისა და ზანგი მოცეკვავის შესრულებით, სოლო სიმღერები და ქალების გუნდის სიმღერები, იაპონურად ჩაცმული ტამბოველი გეიშა... მრავალფეროვანი სანახაობის აღწერა ასევე ხატოვან გარემოში. ცხადია, რეჟისორს და მხატვრს არ მოეთხოვებათ ეკრანზე პროზაში აღწერილი ყველა დეტალის სიზუსტით გადმოტანა. მაგრამ ესოდენ ფერადოვანი ეპიზოდის იმგვარად გაუბრალოება, როგორც ეს მიხეილ გოცირიძემ და ნიკოლოზ სანიშვილმა შემოგვთავაზეს, ინტერპრეტაციად არ შეიძლება იყოს განხილული. ეპიზოდი, რომელიც უდიდეს სადადგმო პოტენციალს შეიცავდა, უსახურ ფრაგმენტად იქცა. ფილმში ასახულ ინტერიერებში, არც მდიდრულში და არც დარიბულში არ ჩანს არც მხატვრის შემოქმედებითი მიდგომა, გემოვნება, ან სტილი. ჩანს მხოლოდ ერთი რამ: ერთმნიშვნელოვანი, ზერელე, პრიმიტიული გადაწყვეტა.

რაც შეეხება ექსტერიერებს - აქაც სრულიად შეცვლილია გარემო, რომელშიც პერსონაჟები მოქმედებენ. ერთობის წევრები ძირითადად დეპოში მოღვაწეობენ, თუმცა მსგავსი აქცენტირება ჯავახიშვილის რომანში უბრალოდ არ არის, ესეც ფილმის მხატვრის და რეჟისორის მიერ მიეწერება პროლეტარიატს. სწორედ დეპოში ხდება პროკლამაციების გადაცემა, შემდეგ კი ჩარხების ფონზე ვარლამის მკვლელობა. მსგავსი ეპიზოდი მიხეილ

ჯავახიშვილის რომანში არ არის. ჩარხების უსახური გარემოს დამატება ვერაფერს სძენს ფილმის გამომსახველობას და რომანის დამახინჯებას წარმოადგენს.

უსახურია ექსტერიერები, ქუჩები. ვარდამის გასვენების პროცესია ფაქტობრივად ქოხ-მახების ფონზე მიდის. პროცესია სასაფლაოს ერთ-ერთ ბილიკს შეუდგება. ამ დროს კადრში შემოდის მეჩხერი ხის ღობე. ეს ფონი რატომდაც მთელს ეპიზოდს გასდევს: ღობესთან ჩერდება ქეთოს ეტლი, ამავე ღობესთან პათეტიურ მოწოდებებს წარმოთქვამს ზურაბი. ეს დეკორი არა მხოლოდ არაესთეტიურობას ანიჭებს ეპიზოდს, ამავე დროს არალოგიკურიცაა – მსგავსი ღობეები დარიბულ სახლებს და არა სასაფლაოებს ჰქონდათ შემოვლებული. ასევე, ყოველგვარი ესთეტიური დატვირთვის გარეშეა შერჩეული ქუჩა, რომელიც მრავალგზის მეორდება ფილმში: ამ ქუჩით დადიან პერსონაჟები დღითაც და დამითაც. ამ ქუჩაზე გაივლის შანტანისაკენ მიმავალი ფაეტონიც და მანიფესტის გამოცხადებისადმი მიძღვნილი მიტინგიც ამავე ქუჩაზეა. ოპერატორ დიმიტრი ფელდმანის კამერა ყოველთვის ერთ მხარესაა მიმართული, თითქოს სხვა წერტილი გადაღებისთვის არც შეიძლება არსებობდეს. თბილისის აღნიშნული ქუჩაც და ხედებიც ერთგვაროვნი და უსახურია.

ცალკე აღნიშვნის დირსია რეკვიზიტის განმეორებადობა: ერთი და იგივე ნავთის სანათურები ახატნელებისა და კლიმიაშვილის სახლებში, ერთი და იგივე სამოვარი ახატნელების სახლში და რაოდენ არალოგიკურიც უნდა იყოს, სარდაფში, რომელშიც ქეთო და ზურაბი იმაღებიან...

ამრიგად, მიხეილ ჯავახიშვილის რომანის მრავალფეროვანი გარემო, რომელიც გარდა სილამაზისა და ესთეტიურობისა, მწერლის კონცეფციის გამომსატველიც იყო, მხატვარ მიხეილ გოცირიძის ნამუშევარში არ ჩანს . კინომსატვრის ინტერპრეტაცია ისევე აღარიბებს ჯავახიშვილის რომანის გიზუალურ ინტერპრეტაციას, როგორც ნიკოლოზ სანიშვილის რეჟისორული ინტერპრეტაცია.

ფილმის კოსტიუმების მხატვარი ტატიანა კრიმკოვსკაიაა. მოგვიანებით ის დამდგმელ მხატვრად მუშაობდა კინოსტუდია “ქართულ ფილმში”, იგი რვა სრულმეტრაჟიანი მხატვრული ფილმის დამდგმელი მხატვარია. მოგვიანებით თავად ნიკოლზ სანიშვილის პოულარული ფილმის, “აბეზარას” დამდგმელ მხატვარად მუშაობდა. ასევე, იგი დამდგმელი მხატვრია ისეთი ცნობილი

რეჟისორების ფილმებისა, როგორიცაა რევაზ ჩხეიძე (“ნერგები”), მერაბ კოკოჩაშვილი (“კარდაკარ”), ნოდარ მანაგაძე (“საბუდარელი ჭაბუკი”, “ყვავილი თოვლზე”). როგორც ზემოთ აღვნიშნე, ამ ფილმში მხატვარი უზუსტობას ავლენს, ზურაბის ყელზე ყაბალახი შეუსაბამოა პატიმრის სამოსელისთვის. მეორე არაადექვატურობა კლიმიაშვილის სამოქალაქო ტანსაცმელია მიტინგზე, მანიფესტის გამოცხადების ეპიზოდში. გაურკვეველია უანდარმის კოსტიუმის ამგვარი გადაწყვეტა ეპიზოდში, როდესაც ის თავის მოვალეობას ასრულებს. ყველა დანარჩენი კოსტიუმი პერსონაჟის და ეპოქის შესატყვისია. რევოლუციონერების შესამოსელი - მუქი ფერის პერანგები, უმეტესობა ირიბი საყელოებით, კ.წ. “კასავაროტკებით”, დაჭმულნულ-გაცვეთილი პიჯაპები და შავი კეპები ერთნაირად შემოსილ უსახურ მასად აქცევს მუშებს. ეს განსაკუთრებით თვალსაჩინოა ქარხნიდან გამოსული მუშების სიმრავლის ფონზე.

უანდარმთა ეპოლეტებით შემკული მუნდირები, უხეში ტყავის ჩექმები და მათი განუყრელი ატრიბუტები - სამხედრო ქუდები და ხიშტები, კოსტიუმების მხატვრის მიერ ასევე ტიპიურობის პრინციპითაა შერჩეული. მუქი ფერის მასას-მუშებს თეთრმუნდირიანი უანდარმები უპირისპირდებიან და მუდმივად არბევენ. თუმცა, რეჟისორის პოზიცია ერთნიშნადია - იდეალური საზოდადოება ამ ფილმში მუშათა კლასია.

ახატნელების ოჯახის მამაკაცების კოსტიუმები შემდეგნაირად არის გადაწყვეტილი: აკაკი ახატნელს (ალექსანდრე ომიაძე) ეპიზოდში, რომელიც ახატნელების სახლში ვითარდება, არისტოკრატის შესაფერისად საშინაო პიუაკის ქვეშ თეთრი პერანგი აცვია. ანდროს რედაქციაში ყოფნისას სოლიდური შავი პიჯაპი, თეთრი პერანგი და ყელზე შავი ბაფთაც ჩნდება. რედაქციის კაბინეტში დამდგმელმა მხატვარმა მიხეილ გოცირიძემ რუსთაველის უზარმაზარი პორტრეტი ჩამოკიდა, დაახლოებით იმ მასშტაბის, კომუნისტი ლიდერების პორტრეტებს რომ კიდებდნენ პარტიული მუშაკები. კარის ღიობში, დერეფანის კედელზე სულხან-საბა თრბელიანის პორტრეტიც იკვეთება. დამდგმელი მხატვრის მიერ “ივერიის” რედაქციის ინტერიერის კომუნისტური პრინციპებით გადაწყვეტა კიდევ ერთხელ აუბრალოებს მწერლის მიერ სამოქმედო გარემოს კონცეპტუალურ აღწერას.

ახატნელების უფროსი ვაჟი, აკაკი (ოთარ კობერიძე) მენშევიკი არისტოკრატის შესაბამისად, საუკუნის დასაწყისის კლასიკურ პიჯაპშია

ჩაცმული. შავი ჟილეტი, თეთრ, გახამებულ პერანგის საყელოსთან მუდმივად შავი ბაფთა უკეთია. ბლანქე და პენსნე აკაკის ჰაბიტუსის განუყრელი დეტალებია, მისი მენტალიტეტის და ცხოვრების წესის სადემონსტრაციო ატრიბუტიკა. ოქროსფერ ღილებიანი შინელი მოსავს რევოლუციონერ ძმას ნიკო (გიორგი გეგეჭკორი). წვრილი ულვაშითა და რევოლუციონერების მსგავსად ირიბად აჭრილსაყელოიანი, ე.წ. “კასავაროტკიანი” პერანგი, ოდონდ თეთრი ფერის. შემდგომ ეპიზოდებში, ნიკოს პერანგის თეთრი ფერი შეიცვლება და ისიც მუშებივით შავ “კასავაროტკაში” შეიმოსება. ახატნელებს შორის ერთადერთი ილიკო (ვალიკო დოლიძე) ატარებს შინდისფერ სირმებიან ჩოხას. ჩოხის შიგნიდან ოქროსფერი ატლასის ახალუხი მოუჩანს. ილიკოს სამოსელიც ფილმში მისი ცხოვრების წესის შესატყვისია. თეთრ ჩოხაში შემოსილი, აზიურ ჩექმებში გამოწკეპილი ფეხის წვერებზე შემდგარა თეფშზე და ისე ცვალვს ქეთოს ქორწილში. ტიპიური, უდარდელი თავად-აზნაურების მსგავსად, ილიკოც ქეიფსა და დროსტარებაში ატარებს ცხოვრებას.

ეპოქის მოდას უპირატესად ქალთა სამოსის სტილი განსაზღვრავს. ტატიანა კრიმკოვსკაიას შექმნილი ქალთა კოსტიუმები ერთის მხრივ სრულად შეესატყვისება მეოცე საუკუნის დასაწყისის მოდელებს და მეორეს მხრივ გემოვნებითაა შეკერილი. სადა და ერთგვაროვანია მართას (მარინა თბილელი) კოსტიუმები. არა და მართა რომანში განთქმული ხელმოსაქმეა და მისი გარდერობი უფრო მრავალფეროვანი უნდა ყოფილიყო. მთავარი გმირის, ქეთოს (ლია ელიავა) სამოსელი მრავალგვაროვანი და სიტუაციის შესატყვისია. ფილმის დასაწყისში ქეთოს მწვანე კაბა მოსავს, მაღალი საყელოთი და წვრილი ნაოჭებით საყელოსთან და სახელოებზე. თეთრი, ყვავილებიანი დეკოლტირებული კაბით გამოეცხადება იგი საქმროს. კაბას დამატებით რომანტიულობას მცირე დეკორი, მხართან ნაჭრის ყვავილი სძენს. ამ ეპიზოდში ქეთო შოპენის ნაწარმოებს უკრავს როიალზე. ქალის არისტოკრატული კაბა, მელოდიის შესაბამისად, ეპიზოდის რომანტიულ განწყობას გამოკვეთს. განსხვავებული სტილისაა ქეთოს სამოსი მიტინგის ეპიზოდში: ნაცრისფერი ქვედა ბოლო და იგივე ნაჭრის პიჯაკი, რომელიც შავი ღილებით იკვრება. შავი ქანდა გახდევს საყელოს, სახელოებსა და პიჯაკის ქვედა ნაწილს. შავი პერანგი პიჯაკის შიგნით და შავი შაპო, როგორც ამგვარ ქუდს თავად მიხეილ ჯავახიშვილი უწოდებდა, ქეთევანის სამოსს კონტრასტული ხაზებით სილუეტის გამოკვეთას გამოკვეთს. სილუეტს ასრულებს დეტალი - თეთრი ბუმბული

შაპოზე. ქეთევან ახატნელის ეს სამოსი უდაოდ გემოვნებით შექმნილი კოსტიუმია, რომელიც ერთის მხრივ ქალის საქმიან იერს სძენს, და ამავდროულად პერსონაჟის ქალურობას უსმევს ხაზს. ქეთოს გარდერობი ფილმში მართლაც მრავალგვარია. ქეთევანი სადა ცისფერ კაბას ჭრელი კაბა ენაცვლება შანტანის ეპიზოდში. შავი ბუმბულებიანი შლიაპა ელეგანტურობას სძენს ქეთოს სამოსელს. ქეთოს სადედოფლო კაბა მართლაც მშვენიერია ქორწილის ეპიზოდში. კაპიუშონიანი მოსასხამი, თეთრი, მაქმანებიანი დამის პერანგი და ასეთივე მაქმანებიანი ხალათი, შავი ტიულის პირბადე შავ შლიაპაზე, ბურთებიანი ზედა სამოსი ფინალურ ეპიზოდში... ქეთევან ახატნელის გარდერობი ფილმში სრულად გამოხატავს საზოგადოების მადალი ფეხის წარმომადგენლის გემოვნებას. ქეთევანის კოსტიუმები ესთეტიური და დახვეწილია.

კიდევ უფრო მეტი ფუფუნება ჩანს ქეთევანის დედის, მარიამის (თამარ წულუკიძე) კოსტიუმებში. ელეგანტური შავი მოსაცმელები, დახვეწილი თეთრი მაღალსაყელოიანი ზედა სამოსები მარიამის გარდერობის ნაწილია. განსაკუთრებით მდიდრულად გამოიყურება მარიამი კლიმიაშვილთან ვიზიტის ეპიზოდში: შავი გიპიურით გაწყობილი კაბის აქსესუარები შავი ბუმბულის მოსასხამი, შავი ბუმბულებიანი შლიაპა და გამჭვირვალე შავი ხელთაომანები. ასევე მდიდრულია მარიამის კოსტიუმი ოპერის ეპიზოდში. ბაცი ფერები ჭარბობს აქსესუარებში: ბუმბულის მოსასხამი, ძვირფასი მარაო, გამჭვირვალე ხელთაომანები... ოპერის ეპიზოდი ფილმში მდიდრულობით გამოირჩევა. მაყურებლებს, ოპერის, როგორც ელიტარული ფეხის სამყოფელის შესამამისად აცვიათ. მამაკაცებს სამხედრო ოქროსფერ აქსელ-ბანდებიანი მუნდირები და ელეგანტური პიჯაკები და სირმებიანი ჩოხები. ქალებს ასვე ეპოქის მოდის შესატყვისი ძვირფასი კაბები აცვიათ. ცხადია, ყველა კოსტიუმი ამ ფილმისთვის შეგერილი არ არის. კინოსტუდია “ქართულ ფილმს” სოლიდური გარდერობი პქონდა და მასობრივი სცენების შემსრულებლებისთვის კოსტიუმების შერჩევა ამ გარდერობიდან ხდებოდა. მაგრამ, ცხადია შერჩევისასაც კოსტიუმების მხატვარს შესაბამისი გემოვნება ესაჭიროება. ოპერის ეპიზოდში ნათლად ჩანს კოსტიუმების მხატვრის პროფესიონალიზმი და კონკრეტული ეპოქის სტილისტიკის ცოდნა.

ამრიგად, დამდგმელი მხატვრისგან განსხვავებით, ტატიანა კრიმკოვსკაიას ნამუშევარი ფილმში პერსონაჟების სოციალური მდგომარეობის და ეპოქის

სტილისტიკის შესაბამისია. ფილმის მხატვრულ გადაწყვეტას კოსტიუმების მხატვრის ნამუშევარმა შესატყვისი ფორმა მოუძებნა და მისი ესთეტიურობაც განაპირობა. როგორც ზემოთ აღვნიშნე, ნიკოლოზ სანიშვილის ფილმს პოპულარობა არ აკლდა. ჩვენის აზრით, ამის ერთ-ერთი მიზეზი ტატიანა კრიმკოვსკაიას შექმნილი კოსტიუმები იყო. მსახიობთა ჩაცმულობა განაპირობებდა პერსონაჟების ხასიათთა გამოკვეთას. თუმცა ეს ხასიათები მწერლისეულს არ შეესაბამებოდა, მაგრამ ეკრანზე მაინც აღიქმებოდა და ამ გარემოებაში ტატიანა კრიმკოვსკაიას ნამუშევარმა მნიშვნელოვანი ფუნქცია შეასრულა.

ნიკოლოზ სანიშვილის შემოქმედების ანალიზისას უცილობლად უნდა აღინიშნოს ის გარემოება, რომ რეჟისორი თავისი ყველა ფილმის სამაყურებლო წარმატების გარანტიად კინოვარსკვლავების მონაწილეობას მიიჩნევდა. ამ მხრივ არც “ქალის ტვირთია” გამონაკლისი. ფილმში მონაწილე მსახიობები, ახალგაზრდობის მიუხედავად უკვე აღიარებული ვარსკვლავები იყვნენ და ქართველ მაყურებელთა დიდ სიყვარულსაც იმსახურებდნენ.

ნიკოლოზ სანიშვილმა უკვე სცენარის ფაზაში გააპრიმიტიულა მიხეილ ჯავახიშვილის ღრმად ფსიქოლოგირი სახეები და მახიობებს როლების არასწორი ინტერპრეტაცია შესთავაზა. ახალგაზრდა და ლამაზი გარეგნობის არტისტებმა ფილმში თავისი ხიბლი შეიტანეს, თუმცა იმგვარი სახეები ვერ განახორციელეს, როგორიც მიხეილ ჯავახიშვილის პერსონაჟების აუდიოვიზუალურ ხელოვნებაში გაცოცხლებით უნდა შექმნილიყო.

ლია ელიავას სილამაზე უდაოდ მნიშვნელოვან როლს ასრულებდა მის პოპულარობაში. თუმცა, ქეთო არ შეიძლება მივიჩნიოთ მის წარმატებულ მხატვრულ სახედ. უმთავრესი მიზეზი ამისა როლის არასწორი ტრანსფორმაციაა. მიხეილ ჯავახიშვილის ქეთო მუდმივად არჩევანის წინაშე დგას. ჯავახიშვილი ფსიქოლოგიური პროზის დიდოსტატია. მწერლის შექმნილი სახე არაერთნიშნადია : ქეთო მუდმივად განსჯის, საკუთარ თაგში დაეჭვების, ჭეშმარიტების ძიების, თავის გრძნობებში გარკვევის ზღვარზე იმყოფება. არც მისი დამიკიდებულებაა ქმართან ერთნიშნადი: რომანში არტემ ავშაროვის მიმართ ქეთოს აშკარა სიმპათია აქვს. იმედგაცრუება მოგვიანობით მოდის, როცა ქეთო ქმრის უჯრაზი ავშაროვის მაკომპრომეტირებელ ფოტოებს და წერილებს აღმოაჩენს. რეჟისორი ლია ელიავას პერსონაჟისთვის შეუსაბამო დავალებებს აძლევს: ფილმისეული ქეთო თავიდანვე მხოლოდ ზურაბ

გურგენიძეზეა შეყვარებული. მისი გათხოვება ძმის გადარჩენისთვის თავგანწირვაა და არა თუნდაც თავქარიანი ახალგაზრდა ქალის ნაბიჯი. რეჟისორის მიერ ქეთოს სახის ამგვარად გადაწყვეტამ მსახიობს ფაქტობრივად შეუზღუდა პერსონაჟის მრავალ პლასტიკი წარმოსახვის საშუალება და იგი იმთავითვე და ერთნიშნად უბედურ მსხვერპლად აქცია. ფილმის არც ერთი ეპიზოდი არ წარმოსახავს ქეთოს შინაგანი გაორებას. ნიკოლოზ სანიშვილის ფილმში ქეთოს დილემაც კი არა აქვს. ლია ელიავას პერსონაჟი უდაოდ იმსახურებდა მაყურებლის სიმპათიას, მაგრამ ამ სიმპათიის დიდი წილი მსახიობის გარეგნობაზე და ზოგადად ლამაზი მსხვერპლის მიმართ მაყურებლის თანაგრძნობაზე იყო აგებული.

ზურაბ გურგენიძე ნიკოლოზ სანიშვილის ფილმის უნაკლო გმირო-რევოლუციონერია. უნდა ადინიშნოს, რომ მსახიობი წვერსა და გრიმში, ახალგაზრდა სტალინს ჰგავს. სისხლისმსმელი ანტიგმირი ფილმში იდეალურ გმირად გარდაიქმნა. მაგრამ მხოლოდ რეჟისორის მიერ პერსონაჟის იდეალიზირება არ არის საქმარისი იმისთვის, რომ ეკრანზე დამაჯერებელი მხატვრული სახე შეიქმნას. ნიკოლოზ სანიშვილი შეუსაბამო, ხშირად ალოგიკურ დავალებებს აძლევს მსახიობს. რიგ ეპიზოდებში ყალბი პათეტიკა გამოსჭვივის მის ქმედებებში. ეს გარემოება განსაკუთრებით ჩანს დასაფლავების და მიტინგის ეპიზოდებში, როდესაც იაკობ ტრიპოლსკის ზურაბ გურგენიძე სიტყვით მიმართავს საზოგადოებას. ორივე შემთხვევაში, პროლეტარიატის ბეჭადივით ხელაშვერილი, რევოლუციის რუპორად ქცეული ზურაბ გურგენიძე მგზნებარე ხმით მიმართავს ხალხს. მსახიობის შესრულების მანერა აშკარად უტრირებულია. საერთოდაც რევოლუციონერების როლების შემსრულებლები ფილმში ბევრად უფრო ყალბები არიან, ვიდრე სხვა პერსონაჟები. გიორგი გევარა, რომელიც ფილმში რევოლუციონერი ნიკოს როლს ასრულებს, კიდევ უფრო არადამაჯერებელ ქმედებებს სჩადის. გასვენების დარბევის ეპიზოდში აგრესიულად მიგარდება პოლიციელს და ფაქტობრივად თავს აპატიმრებინებს. მისი ხელმეორედ დაჭერის ეპიზოდში, როდესაც ნიკო პროკლამაციებს აკრავს აფიშების ბოძზე, უანდარმები იმდენად სწრაფად მოირბენენ, რომ ლოგიკურად უანდარმებს ნიკო თუ ვერ ხედავს, მათი იარაღის ჟღარუნი მაინც უნდა ესმოდეს, და შესაბამისად, მინიმალური სიფრთხილე უნდა გამოიჩინოს. ამრიგად, ნიკოლოზ სანიშვილის მიერ მიცემული დავალებები, ეპიზოდების რეჟისორული გადაწყვეტა განაპირობებს

აშკარა ალოგიკურობას და შესაბამისად აქტიორების შესრულების მანერის არადამაჯერებელობას. გიორგი გეგეჭპორი ქართული ხელოვნების ისტორიაში შევიდა როგორც პერსონაჟათა ფსიქოლოგიური პორტრეტების შექმნის დიდოსტატი. ნიკოს როლის არასწორი ტრანსფორმაცია, ზომიერების საზღვრების დარღვევა პერსონაჟის გრძნობათა ბუნების წარმოსახვისას რეჟისორის მიერ სამსახიობო ამოცანების არააღექვატურად გადაწყვეტის შედეგია.

ოთარ კობერიძის შესრულების მანერა უფრო თავშეკავებული და ზომიერია. იგი ფილმში აკაკი ახატნელის როლს ასრულებს. აკაკი მენშეგიაების ფრთას ეკუთვნის. მისი ქმედების დიაგრამა ნაკლებად აგრესიულ გამოვლინებებს მოიცავს, ემოციებიც უფრო თავშეკავებული აქვს. თუმცა, ინტელექტუალური როლის მოდელისგან, როგორც ამას პერსონაჟის შესრულების სტილი მოითხოვდა, შორს დგას.

ახატნელების მესამე ვაჟი, ილიკო (ვალიკო დოლიძე) რამდენადმე უტრირებული სახეა ქართველი თავადაზნაურისა, რომელსაც ცხოვრების მიზნად დროსტარება აქვს გადაქცეული. მუდმივად მხიარული, არტისტულიც, მომხიბვლელიც... მაგრამ მაინც, ილიკოს სახის შესაქმნელად მეტი ზომიერება იყო საჭირო. ვალიკო დოლიძე არაჩვეულებრივი პლასტიკით გამოირჩეოდა, მისი მიმოხრა, ცეკვები ფილმში, განსაკუთრებით აზიურ ჩექმებში, ე. წ. აზიაცექებში ცეკვა გადაბრუნებულ თევზე ქვეთოს ქორწილის ეპიზოდში მართლაც არაჩვეულებრივია.

ახტნელების ოჯახის უფროსი თაობის წარმომადგენლები - ანდრო ახატნელი (ალექსანდრე ომიაძე) და მარიამი (თამარ წულუკიძე) ყველაზე ზომიერად, გემოვნებით შესრულებული როლებია. ნაშრომის ამ თავში გავანალიზე ანდრო ახატნელის პერსონაჟის არამართებული გააზრება. მაგრამ მსახიობის თავშეკავებული მანერა, სიდარბაისლე, ხმის ტემპი, არისტოკრატული მანერები უდაოდ გამოარჩევს ალექსანდრე ომიაძეს სხვა შემსრულებლებისგან.

განსაკუთრებული აღნიშვნის დირსია თამარ წულუკიძის მარიამი. ამ მსახიობს არაერთი როლი აქვს შესრულებული რუსთაველის თეატრში, თეატრის ზეობის - ალექსანდრე ახმეტელის ხელმძღვანელობის პერიოდში. თამარ წულუკიძე ახმეტელის მეუღლე იყო. მის პირად ტრაგედიას-ახმეტელის დახვრეტას შვილის სიკვდილიც დაემატა. თამარ წულუკიძე გადასახლებიდან

ახალი ჩამოსული იყო, როდესაც ეს როლი ითამაშა. მსახიობის შესრულების მანერაში ჩანს ტრაგიზმი, რომელიც მისი ბიოგრაფიის განუყოფელი ნაწილი იყო. მისი განცდები, გრძნობათა ბუნება დამაჯერებელია. მარიამი ერთ-ერთი საუკეთესო სახეა ფილმში.

მართას სახე უკიდურესად გაღარიბებულია ნიკოლოზ სანიშვილის მიერ. მართას როლის შემსრულებელი, მარინა თბილელი ფაქტობრივად სქემატურ ჩარჩოებშია მოქცეული. მიხეილ ჯავახიშვილის წინააღმდეგობრივი და რთული ფსიქოლოგიური პრობლემების-სასიყვარულო სამკუთხედის ნაწილის პერსონაჟის ნაცვლად ფილმში სრულიად ერთნიშნად დადებითი და პრიმიტიული სახე შეიქმნა.

არჩვეულებრივი გარეგნობის, პლასტიკის, ხმის ტემპრის პატრონი, გიორგი შავგულიძე დადგებითი როლების იდეალურ შემსრულებლად მოიაზრებოდა ქართულ თეატრსა და კინოში. როგორც უკვე ავღნიშნე, ნიკოლოზ სანიშვილმა ორი პერსონაჟი, სანდრო კლიმიაშვილი და არტემ ავშაროვი გააერთიანა. რეალურად, კი ორივე პერსონაჟიდან ერთი სქემა შექმნა-ჟანდარმი. გიორგი შავგულიძის კლიმიაშვილი, მიუხედავად იმისა, რომ მკვეთრად უარყოფითი სახეა, მსახიობის პირადი მონაცემების წყალობით, მაიც მომხიბვლელია, განსაკუთრებით ფილმის პირველ ნაწილში, სანამ ქეთევანი მის ზრახვებს გაიგებს და გააცნობიერებს. როგორც უკვე აღვნიშნე, ორივე სახე - ლია ელიავას და გიორგი შავგულიძის პერსონაჟები უბრალო სქემების სახით არიან წარმოსახულნი ნიკოლოზ სანიშვილის ინტერპრეტაციის შედეგად. შესაბამისად, ფილმში დაკარგულია ის უაღრესად საინტერესო და წინააღმდეგობრივი ურთიერთობა, რაც ქეთევანს ქმართან აკავშირებს. ამრიგად, რეჟისორის ინტერპრეტაციის შედეგად ორივე როლი ძალზე გაღარიბდა და მსახიობების ლამაზი გარეგნობებიც რომ არა, ფილმი ნამდვილად ვერ იქნებოდა პოპულარული.

ნიკოლოზ სანიშვილის ფილმში არა ერთი მეორეხარისხოვანი და ეპიზოდური როლია. ქართული კინოს ისტორიის მკვლევარები ადასტურებენ იმ გარემოებას, რომ ქართული კინოს წარმატების ერთ-ერთი მნიშვნელოვანი ფაქტორი არაჩვეულებრივად შესრულებული პატარა როლებია. ნიკოლოზ სანიშვილის “ქალის ტვირთი” ნამდვილად არ გამოირჩევა ამ თვალსაზრისით. ეპიზოდური როლების უმრავლესობა საქმაოდ უსახურია. თვით ზედმეტად გაზრდილი და მრავალ ეპიზოდში მოქმედ პირად დამატებული ჯაშუში (დავით

ოქროსცვარიძე) გამაღიზიანგბელია მუდმივად ყალბი დიმილითა და ყალბი მანერებით. ჯაშუშს ქეთევანი ხედავს ყველგან და ლამის ყოველთვის: ქუჩაში, სასაფლაოზე, თვით ოპერის ლოჟას იგი კლიმიაშვილთან ერთად ტოვებს. ცხადია, ამგვარი სამოქმედო სქემის ფონზე სრულიად არადამაჯერებელია მისი ჯაშუშობა.

ამრიგად, მიუხედავად იმისა, რომ “ქალის ტვირთის” როლების შემსრულებლები ნიჭიერი და ლამაზი მსახიობები არიან, უმეტესად ვერ ქმნიან საინტერესო სახეებს, რადგანაც ტიპოლოგიურად მიხეილ ჯავახიშვილის რომანის საპირისპირო პერსონაჟებს თამაშობენ. არასრულფასოვან მხატვრულ გარემოში, რეჟისორის მცდარი ინტერპრეტაციის და დაგალებების ფონზე მსახიობების შესრულების მანერაც ძირითადად ყალბია.

როგორც კვლევამ გვიჩვენა, ნიკოლოზ სანიშვილის “ქალის ტვირთი”, პირველი ქართული ფილმი, რომელიც მიხეილ ჯავახიშვილის რომანის მიხედვით შეიქმნა, პროზის მცდარი ინტერპრეტაციის მაგალითად შეიძლება მივიჩნიოთ. მწერლის რომანი, უაღრესად ქმედითი და ხატოვანია. მიხეილ ჯავახიშვილის პროზა უამრავ ინტრიგას შეიცავს, რომელიც აუდიოვიზუალური ხელოვნებისთვის ძალზე მომგებიან ვითარებებს ასახავს: ფილმში დაკარგულია მთავარი გმირის საქციელის მიმდინარეობა და შედეგი - თვითმკვლელობის აქტი, არ არის ნაჩვენები სოციო-კულტურულური გარემო, რომელიც ჯავახიშვილის პერსონაჟების ქმედებას განაპირობებს. ფილმში არ არიან მეოცე საუკუნის ქართული ინტელიგენციის საუკეთესო წარმიმადგენლები, რომელთა არსებობაც უდაოდ დიდ დირებულებას შესძენდა ფილმს. ასევე გაღარიბებულია ფილმის ტექსტუალური ნაწილი, არ არის კონცეპტუალური კამათი პერსონაჟებს შორის და რევოლუციონერთა შეძახილების დონეზე არის გაპრიმიტივებული თვით რევოლუციონერთა სახეებიც, რომელთა გაფეტიშებაც სრულიად აშკარაა ნიკოლოზ სანიშვილის ფილმში. რეჟისორმა უარყო რეალური ისტორიული გარემო, რომელიც მწერალმა შექმნა და უკიდურესად გააღარიბა მოქმედ პირთა სახეების მრავალგვაროვნება, დაიყვანა იგი დაპირისპირებული მხარეების პრიმიტიულ სქემებამდე. იმ პერიოდში მსოფლიო კინემატოგრაფში უძლიერესი მიმართულება, იტალიური ნეორეალიზმი აყვავების ფაზაში იყო. ნაშრომის წინა თავში შევხეთ მიხეილ ჯავახიშვილის პროზის ნეორეალისტურ ასპექტებს და იმ მოთხოვნებს, რომელსაც მწერალი მხატვრულ ნაწარმოებს უყენებდა. ნიკოლოზ სანიშვილის ფილმი მიხეილ ჯავახიშვილის ზემოთ ნახსენებ არც

ერთ კრიტერიუმებს არ აქმაყოფილებს. კინოსტუდია “ქართულ ფილმში” უკვე შექმნილი იყო თენგიზ აბულაძისა და რევაზ ჩხეიძის “მაგდანას ლურჯა”. ნიკოლოზ სანიშვილის ფილმი კი რეალისტური (ნეორეალიზმზე რომ ადარაფერი ვთქვათ) ასახვის კრიტერიუმებს სცდება და ყალბად პათეტიური ფორმის ნაწარმოებად გვევლინება. რეჟისორისა და მხატვრის მიერ უკიდურესად გაღარიბებულია ხატოვანი ვიზუალური გარემო, რომელსაც მიხეილ ჯავახიშვილი აღწერს. ფაქტობრივად, რეჟისორმა და მხატვარმა არ გამოიყენეს ის უამრავი მომგებიანი სიუჟეტური სვლა, რომელიც დირექტულს გახდიდა მხატვრულ ფილმს. და, რაც ყველაზე მნიშვნელოვანია პროზის ინტერპრეტაციის საკითხის კვლევისას: ნიკოლოზ სანიშვილი ფილმში ავტორის საწინააღმდეგო სვლებს აკეთებს. სრულიად უარყოფილია მწერლის მსოფლმხედველობა და იდეა, რისთვისაც შეიქმნა ეს რომანი: ბოლშევიზმის მემკვიდრის აღსასრული შეცვლილია ბოლშევიზმის იდეის გამარჯვებით. მწერლის ეროვნული სატკივარი სრულიად უგულვებელყოფილია. მიხეილ ჯავახიშვილის პერსონაჟების ტრაგიკულ ბედს ყალბი ფასეულობების მსახურება განაპირობებს. ნიკოლოზ სანიშვილის ფილმში სწორედ ეს ყალბი ფასეულობებია გაიდეალებული. მიხეილ ჯავახიშვილის უკომპრომისო შემოქმედება არასწორი ინტერპრეტაციის შედეგად კონფორმისტულ, პრიმიტიულ აუდიოვიზუალურ ნაწარმოებად იქცა და ამგარად დარჩა ქართული კინოს ისტორიაში.

თავი III

ორი კინონოველა - მიხეილ ჯავახიშვილის პროზის ახალი აუდიოვიზუალური ინტერპრეტაციის დასაწყისი

ოცდამეტოე საუკუნის გადასახედიდან მოვლენათა შეფასება განსხვავებულ ათვლის წერტილს და შესაბამისად ხედვას მოითხოვს. 1964 წელს სამი ახალგაზრდა რეჟისორის გადაღებული კინოალმანახი “წარსულის ფურცლები” ახალგაზრდა რეჟისორების ელდარ შენგელაიას, გიორგი შენგელაიასა და მერაბ კოკოჩაშვილის მოკლემეტრაჟიანი მხატვრული ფილმებისგან შედგებოდა. სამივე მათგანი იმედისმომცემ ახალგაზრდა რეჟისორად ითვლებოდა. დღეს უკვე ქართული კინოს კლასიკოსებად

აღიარებული რეჟისორები მაშინ შემოქმედებითი გზის დასაწყისში იყვნენ. თუმცა ორ მათგანს, ელდარ შენგელაიასა და მერაბ კოკოჩაშვილს უკვე გადაღებული პქონდათ სრულმეტრაჟიანი მხატვრული ფილმები, ხოლო გიორგი შენგელაიას კი ქართულ კინოკლასიკად აღიარებული მოქლემეტრაჟიანი მხატვრული ფილმი “ალავერდობა”. სამოციანი წლების კინოსტუდია “ქართული ფილმში” უაღრესად საინტერესო შემოქმედებითი ცხოვრება ჩქევდა. ქართულ კინემატოგრაფში მისი დასაბამიდან, ალექსანდრე წუწუნავას “ქრისტინედან”, პირველი ქართული მხატვრული ფილმიდან, ანუ პირველი ეკრანიზაციიდან მოყოლებული, უაღრესად მნიშვნელოვანი ადგილი ეთმობოდა ქართული პროზის აუდიოვიზუალურ ტექსტად ქვევას. თენგიზ აბულაძისა და რეგაზ ჩხეიძის “მაგდანას ლურჯას” წარმატების შემდეგ ქართველმა კინემატოგრაფისტებმა კიდევ უფრო მეტი პოტენცია დაინახეს ლიტერატურული ნაწარმოების მიხედვით ფილმის შექმნაში. მართლაც, მაღალმხატვრული ქართული პროზა თემებისა და ხასიათების მრავალფეროვნებით გამოირჩევა და უაღრესად მიმზიდველია კინემატოგრაფისტებისათვის.

მიხეილ ჯავახიშვილის “ქალის ტვირთის” გადაღების შემდეგ ქართული კინო 1964 წელს, ალმანახ “წარსულის ფურცლების” ორი ნოველით კვლავ უბრუნდება მიხეილ ჯავახიშვილის პროზას. ალმანახის მესამე ფილმიც, ელდერ შენგელაიას “მიქელა” ქართული პროზის კლასიკოსის, დავით კლდიაშვილის მოთხოვნის მიხედვით იქნა გადაღებული. ახალგაზრდა რეჟისორები ქართული პროზის აუდიოვიზუალური ინტერპრეტაციის თამამ ექსპერიმენტს იწყებდნენ, პროზის ახლებურად წაკითხვას.

ნიკოლოზ სანიშვილის პერიოდულ-რევოლუციური პათოსით გაუდენილი “ქალის ტვირთის” შემდეგ მიხეილ ჯავახიშვილის პატარა მოთხოვნების, პატარა ადამიანების დიდი სევდისა და პრობლემების შემცველი ორი მოთხოვნა: “მუსუსი” და “ჯილდო” ხდება ახალი თაობის ქართველი რეჟისორების საჯილდაო ქვა.

კინოალმანახის მესამე ნოველა, ელდარ შენგელაიას მიერ დავით კლდიაშვილის მოთხოვნის მიხედვით გადაღებული ფილმი- “მიქელა” პროზის აუდიოვიზუალური ინტერპრეტაციის უაღრესად მნიშვნელოვანი ნიმუშია, თუმცა მისი კვლევა სცილდება ნაშრომის ფარგლებს.

“მიხა”, მოქლემეტრაჟიანი მხატვრული ფილმი 4 ნაწილი, 929 მეტრი (36 წთ.) - გვამცნობს ეროვნული ფილმოგრაფიის ვებ-გვერდი (63,

<http://www.geocinema.ge>). საგულისხმოა, რომ ამ ვებ-გვერდზე ფილმის გადაღების თარიღად 1965 წელია მითითებული, თუმცა თავად რეჟისორი 1964 წელს ასახელებს. (აქვე განვმარტავ, რომ ნაწილად კინოწარმოებაში ითვლება დაბეჭდილი ასლის კოლოფების რაოდენობა. თითოეულ კოლოფში 10 წუთის განთავსება 4 კოლოფში ხდება.) ფილმი შავ-თეთრია, ისევე, როგორც მთელი კინოალმანახი.

კინოალმანახის და შესაბამისად “მიხას” გადაღებიდან თითქმის ნახევარი საუკუნე გავიდა, მაგრამ პატარა კინონოველები და განსაკუთრებით მერაბ კოკოჩაშვილის ფილმი კვლავ რჩება როგორც კინომცოდნეობითი სამეცნიერო კვლევების, ასევე პრესის - როგორც პროფესიული კინოკრიტიკის ასევე ინტერნეტგაზეთებისა და სხვა პოპულარული გამოცემების ინტერესის ობიექტი. კინორეჟისორი მერაბ კოკოჩაშვილი მრავალ ინტერვიუში იხსენებს ფილმთან დაკავშირებულ ეპიზოდებს. ამ მცირე ინტერვიუებში რეჟისორის მოსაზრებები მნიშვნელოვნია ფილმის ანალიზისთვის: - “მთელი ჩვენი თაობა ამ სფეროში განუწყვეტლივ ელოდა დაბლოკას. ჩემი პირველივე ფილმებიდან დაიწყო დაბლოკა. ფილმი “მიხა” სადიპლომო ნამუშევარი უნდა ყოფილიყო, მაგრამ არ დამრთეს ნება გადამედო, რადგან ამ ფილმში შეყვარებულმა წყვილმა თავისი სიყვარული მოიპოვა აქტის საშუალებით, რომელიც, როგორც წესი, საჯაროდ არ ხდება. ისინი წინააღმდეგი იყვნენ ამ საჯარო აქტის ჩვენებისა. მინდა ვთქა, რომ მე არ ვაპირებდი ამ ყველაფრის პირდაპირ ჩვენებას, არც მიყვარს. სხვანაირად მქონდა გადაწყვეტილი, ფილმშიც ასეა, ამ აქტს ჩვენ კი არ ვხედავთ, ვგრძნობთ სწორედ ეს არის ხელოვნების ერთ-ერთი პრინციპი, როდესაც პირდაპირ, ნატურალისტურად კი არა, რაღაც სხვანაირად აჩვენებ და იგივე ემოციურ შედეგს იღებ. ხელოვნება არის ცხოვრების შენებურად ასახვა, შეიძლება წარმოსახვითაც. ეროტიკა იქნება თუ სექსუალური მომქნები, რახან ეს სფერო ჩვენს ცხოვრებაში არსებობს, ხელოვნება ვალდებულია ასახოს. სხვა საკითხია, როგორ აკეთებ ამას, თუ ამას აკეთებ მხოლოდ იმისთვის, რომ აჩვენო, ეს არავის სჭირდება. ხელოვნებაში თუ რაღაცას ქმნი, ამას უნდა ჰქონდეს რამდენიმე განზომილება, პირველი-იდეა, რომელიც საჭირო და ამაღლებებელია ყველასთვის, მეორე - ეს უნდა იყოს იმ ენით ნათქვამი, რომელიც არის ხელოვნების ენა, მესამე - ეს ყველაფრი უნდა იყოს ნათქვამი არა ინფორმაციულად, არა პირდაპირ, არამედ სახიერად. ხელოვნების საფუძველთა საფუძველი არის სახეებით აზროვნება! შეუძლებელია

ნორმალური ფოტოგრაფია ან მხატვრობა, მუსიკა, თეატრი, ლიტერატურა, კინო სახეებით არ აზროვნებდეს. თუ შენ სახიერებას პოულობ იმაში, რასაც სექსი ჰქვია და ამაში დევს ღრმა აზრი, რომელიც ყველასთვის ამაღლვებელი, დასაფიქრებელი არის, ჩათვალეთ, რომ ეს საჭიროა. ამ ყველაფერს შენ თუ ვერ აკეთებ, ეს უკვე ანტიხელოვნების ნიმუშია” (65, <http://droni.ge>).

მერაბ კოკოჩაშვილი ყველა ინტერვიუში აუცილებლად აღნიშნავს “მიხას” გადაღების სირთულეებს და იმეორებს იმ მიზეზებს, რაც ამ სირთულეებს განაპირობებდა: ”ცენზურა იდეოლოგითაც მიწუნებდა ფილმებს და სასიყვარულო სცენების გამოც. 1958 წელს სადიპლომოდ უნდა გადამედო “მიხა”, მიხეილ ჯავახიშვილის მოთხოვნის, “მუსუსის” მიხედვით, მაგრამ გადაღების უფლება არ მომცეს. ირველი, რაც სამხატვრო საბჭომ განაცხადა, იყო ის, რომ ეს იყო ანტიეროვნული ქმედება. ფილმის გადაღება მხოლოდ 1962-63 წლებში მოხერხდა, როდესაც ახალი მინისტრი მოვიდა და ნებართვა მომცა ფილმის გადაღების. მიუხედავად იმისა, რომ ფილმში მიხას სიყვარული წარმოვაჩინე (ამიტომ მივიწვიე ზურაბ ქაფიანიძე მიხას როლზე) და არა მუსუსური დამოკიდებულება, ფილმში ამოჭრეს საბძელში მომხდარი ქალსა და მამაკაცს შორის მომხდარი აქტი (66, <http://sana.ge>).

1937 წელს “ლიტერატურულ საქართველოში” გამოქვეყნდა წერილი, სათაურით “მოდალატური სიტყვა და საქმე” ცნობილი კრიტიკოსი ბესო ქლენტი “მუხანათარულად შენიდბულ და უაღრესი თვალთმაქცობით შეიარაღებულ კლასობრივ მტერს უწოდებს მიხეილ ჯავახიშვილს, ხოლო “მუსუს” ვულგარულ-პორნოგრაფიულ პატარა მოთხოვნას” (33, 4). ისეთი ერთი შეხედვით არაპოლიტიკური ნაწარმოებიც, კი, როგორიც “მუსუსია” ვერ ასცდა სოციალისტური რეალიზმის აპოლოგეტთა რისხვას. სიყვარულისთვის მებრძოლი წყვილის ამბავი კი მწერლისთვის გამოტანილი ფატალური განაჩენის ერთ-ერთი მიზეზიც გახდა.

”მიხას” გადაღებიდან გასულ ვადას თუ გავითვალისწინებთ, ფილმიდან ამოჭრილი კადრების მოძიება შეუძლებელია. თუმცა, ბატონ მერაბ კოკოჩაშვილის, როგორც შემოქმედს, არასოდეს დალატობს ზომიერების გრძნობა და ამდენად, ცხადია ამოჭრილი კადრები “ვულგარულ-პორნოგრაფიული” ნამდვილად არ იქნებოდა, ისევე როგორც თავად მიხეილ ჯავახიშვილის მოთხოვნის ეპიზოდი. მერაბ კოკოჩაშვილის თქმით მთავარი პერსონაჟის, მიხას სიყვარულის თემაა წინ წამოწეული ფილმში და არა მიხას

მუსუსობა. ოუმცა არც მუსუსობა გამორიცხავს ამაღლებულის უნარს. ”სიყვარულისთვის მებრძოლი გმირი, თანამედროვე ქართულ ლიტერატურასა და ხელოვნებაში დიდი იშვიათობაა. მიხეილ ჯავახიშვილის „მუსუსის” კინოვერსია „მიხას” სახელწოდებით გამოვიდა და, მგონი ეს ფილმი ერთადერთი თანამედროვე ნაწარმოებია, სადაც ქალი და კაცი სიყვარულისთვის იბრძვიან და იმარჯვებენ” კინომცოდნე პაატა იაკაშვილი ოცდამეერთე საუკუნის ათიან წლებში დაწერილ წერილში ხელოვნებაში სიყვარულის და მისთვის მებრძოლ ქალთა ასახვას გასული საუკუნის სამოციანი წლების კინონოველის ანალიზის ჭრილიდან განიხილავს (16, www.polity.ge).

ამთავითვე უნდა ითქვას, რომ მერაბ კოკოჩაშვილის სცენარში ყვალა ეპიზოდი არ არის მიხეილ ჯავახიშვილის მოთხოვნის ზუსტი ანალოგი. კინოვერსიაში შეკვეცილია პერსონაჟთა რაოდენობა: ფილმში საერთოდ არ არიან მიხას დედა- მართა, ფეფელოს ბიძაშვილი თეკლე, სოფლის ხელისუფლების წარმომადგენლები... ფილმში არ შევიდა რამდენიმე ეპიზოდი: ქალების დიალოგი მოთხოვნის ექსპოზიციურ ნაწილში, მუსუსის მიერ ქალების დევნა-არშიყი, თეკლას დახმარებასთან დაკავშირებული სცენები. ბადიანთ მელანას ეპიზოდი მინიმუმამდეა შემცირებული- დედაბრის ხანგრძლივი წყევლა-კრულვის ნაცლად მხოლოდ მცირე რეპლიკა შემორჩა და ისიც კეთილგანწყობილად უდერს ფილმში. ასევე შეკვეცილია შათირაანთ თევდორეს-მიხას მიერ ქალის სათხოვნელად მიგზავნილი შუამავლის ეპიზოდი და ფილმში ამ შეხვედრის მხოლოდ შედეგს ვხედავთ. შეცვლილია ბლის მოჭრის ეპიზოდიც— ფილმში მიხა ხეზეა ასული და პეტრეს მიერ ხის მოჭრა ბევრად უფრო სასტიკია, რადგანაც ფაქტობრივად პეტრე ფილმის ეპიზოდში მიხას იმეტებს და არა უბრალოდ საოვალოთვალოდ გამოყენებულ საზიარო ხეს ჭრის. მიხას ორკაპით დაჭერის შემდეგ მოთხოვნაში პეტრე მას საბძელში ჩაკეტავს. ფილმში ეს სცენა არ არის. მოთხოვნაში მიხა მეგობრებს თხოვს დახმარებას ფეფელოს მოტაცებაში. ფილმში მიხა სრულიად მარტო იბრძვის თავისი სიყვარულისთვის, რაც კიდევ უფრო თავგანწირულს ხდის მის ქმედებას. მოთხოვნის ფინალურ ეპიზოდში, საბძელთან კრცელი დიალოგები ახალგაზრდების ჩხებში გადაიზრდება. ფილმში დიალოგები მინიმუმამდეა შეკვეცილი, ხოლო ჩხები საერთოდ არ არის. საჯაროდ მომხდარი აქტის შემდეგ მოთხოვნაში მიხას და ფეფელოს შუაში ჩაიყენებენ და მაყრულის სიმღერით მუსუსის სახლიდან მიყავთ. ფილმში ნეფე-დედოფალს იმავე ურემზე

დასვამენ, რომლითაც საბძლის კარებს ამტვრევდნენ და ისე მიჰყავთ სახლისკენ.

ამრიგად, მერაბ კოკოჩაშვილის ინტერპრეტაციით მწერლის მიერ შეთხულ ეპიზოდებში ბევრი ცვლილება შევიდა. მაგრამ ფილმში დარჩა უმთავრესი - სიყვარულისთვის მებრძოლი წყვილის ისტორია, ნაწარმოების ფაბულა და მწერლისეული იდეა. ფილმში მნიშვნელოვნად არის შემცირებული მოთხოვნისეული დიალოგები და რეჟისორის ინტერპრეტაციით შეცვლილია წმინდა კინემატოგრაფიული გამომსახველობითი საშუალებებით. და რაც ყველაზე მთავარია- ფილმში შენარჩუნებულია მიხეილ ჯავახიშვილისეული სული, ავტორის პოზიცია და ლიტერატურული თხზულება მწერლის კონცეფციაზე აგებულ აუდიოვიზუალურ ტექსტად არის ინტერპრეტირებული.

მერაბ კოკოჩაშვილის ”მიხამ“ მრავალი ჯილდო მოიპოვა, რომელთა შორის ყველაზე მნიშვნელოვანი ობერპაუზენის მოკლემეტრაჟიანი ფილმების XII საერთაშორისო კინოფესტივალის პრიზი და კრაკოვის მოკლემეტრაჟიანი ფილმების III საერთაშორისო კინოფესტივალის პრიზებია. მოგეხსენებათ, ესოდენ პრესტიული ფესტივალების პრიზები ფილმის მხატვრულ ხარისხზე მეტყველებს. როგორც იტყვიან, გამარჯვებულებს არ სჯიან - მიხეილ ჯავახიშვილის ყველაზე ერთგულ თაყვანისმცემლებსაც კი არასოდეს გამოუხატავთ უცმაყოფილება „მუსუსის“ მერაბ კოკოჩაშვილისეული ინტერპრეტაციის გამო. ამდენად, ”მიხა“ თავის ეპოქაშიც და ახლაც რჩება იმგვარ ფილმად, რომელიც სიყვარულისთვის მებრძოლ პერსონაჟებს დირსეულად წარმოაჩენს ეპრანზე და დღესაც იმსახურებს როგორც სპეციალისტების, ასევე მაყურებლის ყურადღებას. ამასთანავე ”მიხა“ როგორც მიხეილ ჯავახიშვილის პროზის, ასევე ზოგადად, ლიტერატურული ნაწარმოების ინტერპრეტაციის საუკეთესო ნიმუშად არის მიჩნეული.

რით გახდა პატარა კინონოველა ამგვარი აღიარების დირსი და რამ განაპირობა მისი წარმატება მიხეილ ჯავახიშვილის აქამდე წარუმატებელი აუდიოვიზუალური ინტერპრეტაციების შემდეგ?

“ეს იყო ლადი, ძარღვიანი, ხალხური, ჭეშმარიტად ხალხური ნაწარმოები. მანვე ნათელჲყო ახალგაზრდა რეჟისორის მაღალპროფესიული თვისებები და მსახიობთან მუშაობის იშვიათი ნიჭი. ამასთან, მ.კოკოჩაშვილი გაჲყვა არა სხვათა მიერ გაკვალულ გზას, არამედ ჯერ ყველასთვის უცნობ აქტიორებში უცდომელი ინტუიციით იგრძნო, თავისთვის აღმოაჩინა (და, რა თქმა უნდა

ჩვენთვისაც) მათი ნიჭი, თავისთავადობა. ახალგაზრდა რეჟისორმა გასაკვირი ოსტატობით წარმართა მსახიობთან მუშაობის პროცესი, რის შედეგადაც შეიქმნა ზურაბ ქაფიანიძის მიხას ლაზათიანი, რელიეფური, ჭეშმარიტად ეროვნული, ხალხური მხატვრული სახე. ვფიქრობ, ქართული “მოკლემეტრაჟიანი ფილმი” საუკეთესო ტრადიციების სათავეს “ქორწილთან” ერთად, სწორედ “მიხასგან” იდებს. უთუოდ ამ ფილმებმა უბიძებს ახალ თაობას იქითკენ, რომ ეროვნულ ნიადაგზე უფრო მყარად დაეფუძნებინათ ლაკონური კინემატოგრაფიული აზროვნება და გამოხატვის ფორმები (25, 46-47). კინომცოდნე ირინე კუჭუხიძე ზუსტად განსაზღვრავს მერაბ კოკოჩაშვილის ფილმის წარმატების მიზეზს, იგივე მიზეზი თავშივე განაპირობებს მიხეილ ჯავახიშვილის “მუსუსის” მხატვრულ ხარისხს. “მუსუსი” მწერლის იმ მცირეფორმატიან ნაწარმოებთა რიცხვს მიეკუთვნება, რომელთაც უპირველესად გამოკვეთილი ხასიათები და უაღრესად ეროვნული, ნამდვილი ქართული კოლორიტული ფერები გამოარჩევს. ფორმისა და შინაარსის მთლიანობა მიხეილ ჯავახიშვილის მოთხოვნები ეროვნულ ნიადაგს ეფუძნება. მერაბ კოკოჩაშვილის ფილმის წარმატებაც სწორედ ფორმისა და შინაარსის ადექვატურობის საფუძველზეა აგებული და ეს ადექვატურობა მწერლის სათქმელისა და ფორმის საფუძველზე აგებას, ავტორის ერთგულებას და ამავე დროს მთავარი გმირის ხასიათში მარადიული გრძნობის აქცენტირებას გულისხმობს.

ფილმის უპირველეს დირსებად ყველა კრიტიკოსი მსახიობთა შექმნილ სახეებს მიიჩნევს, და უპირველეს ყოვლისა ზურაბ ქაფიანიძის შექმნილ პერსონაჟს, მიხას. სამეცნიერო კვლევისთვის, კინოს სპეციფიკიდან გამომდინარე მერაბ კოკოჩაშვილის მოთხოვნილი ამბავი საკმაოდ საინტერესო ინფორმაციას გვაწვდის რეჟისორის მიერ ჯავახიშვილის ტექსტის ინტერპრეტაციაზე და ახალგაზრდა მსახიობებთან მუშაობაზე: “მიხა” არის ახალგაზრდა სრულიად უცნობი მსახიობების შეკრების ადგილი. ეს არის სამოციანი წლების დასაწყისი. ზურაბ ქაფიანიძის, ავთო მახარაძის, გივი ბერიკაშვილის პირველი როლი კინოში. “მიხას” ფინალში ეპიზოდია ძალიან მძიმე. მიხას შეყვარებულს არ ატანენ. მთელი ხოფელი გაეციდება. ყველა გზას ჩაუკეტავენ და ისინი საბძელში შეგარდებიან, კარებს უმტკრევებენ და იძულებული ხდებიან უკიდურეს ზომებს მიმართონ და სასიყვარული აქტი საჯაროდ ხდება. ეს ძალიან რთული სათამაშო იყო. ქაფიანიძე მსახიობია, მაგრამ გოგონა – მანანა ბახტაძე-არ იყო

მსახიობი, საბოლოო ჯამში ყველაფერი მშვენივრად გააკეთა. ისეთი სიტუაციაა, რომ გამოუვალი მდგომარეობის გამო, შეყვარებულები ტირიან და ტირილის ეკრანზე ჩვენება უნდა მოხდეს. ყველაფერი მოვამზადეთ, საბძელი სპეციალურადაა აშენებული, გამნათებლებს განათების აპარატურა ხელში უჭირავთ. ვიწყებ გადაღებას, წყვილი ყველანაირად დავამუშავე, უნდა იტირონ, გოგონამ დაიწყო ტირილი, მაგრამ ზურა ქაფიანიძე ვერ ტირის. ზურა მეუბნება, არ შემიძლია, ვერ ვტირი, მცემეო. როგორ უნდა გცემო-მეთქი, ამხელა მხეცი. მომცა თოფის ქამარი – ეს დამარტყი ზურგზეო. გოგონა უკვე 10 წუთია ტირის, აღარ შემიძლია მეტი, გამიშვით, ნუ მაწვალებთო, მეუბნება. გამნათებლებს უკვე ხელები ეწვებათ. ოპერატორიც მზადაა. კურტყი ქამარი ზურას და რეაქცია მაინც არ აქვს, ვერ ტირის, თან იბოლმება იმიტომ, რომ ვერ ტირის. მაშინ მე ვთქვი, გააჩერეთ და გამორთეთ ყველაფერი, გადაღება აღარ იქნება. ზურა ბოლმისგან ატირდა. ყველაფერი კარგად გააკეთეს, დავიძახე სტოპ და ზურასთან მივედი საკოცნელად, მან ხელი მკრა, წამოხტა და საბძელიდან გავარდა. თქვე მხეცებოო, ყვირის და გარბის სოფელში, მთელი ჯგუფი უკან მივდევთ, მაგრამ ბდავილით შევარდა ოთახში, კარები დაგვიკავტა და მთელი დღე არ გველაპარაკებოდა. მერე ძლივს „შევირიგეთ“ (64, <http://www.gumbati.ge>).

გადასაღებ მოედანზე მომხდარ სამუშაო დეტალებთან ერთად მერაბ კოკოჩაშვილი მიხეილ ჯავახიშვილის ტექსტის ქმედით, აუდიოვიზუალურ ტექსტად ქცევის სპეციფიურ დეტალებს გვამცნობს. მიხეილ ჯავახიშვილის მოთხოვნაში მიხა არ ტირის, პროზის გმირი უფრო მკაცრ ხასიათს ამჟღავნებს. ზურაბ ქაფიანიძის გმირი, ჯავახიშვილის პერსონაჟის შეაბამისად, უაღრესად მიწიერი ადამიანია. რეჟისორის არჩევანი გოლიათური პაბიტუსის მსახიობზე შეჩერდა.

კინომცოდნე ოლიკო ქლენტი „მუსუსის“ მერაბ კოკოჩაშვილისეულ ინტერპეტაციაზე აღნიშნავს: „ფილმის არც ერთ ეპიზოდში არ იკარგება მიხას მიწასთან კავშირი, მისი „მიწის გაბასრული ალლო“, მისი გოლიათობა ყოველმხრივაა კადრში ხაზგასმული: ხან სოფლის ერთმანეთთან მიჯრილ, მყარად დატკეპნილ სახლებს უთანაბრდება სიმაღლით, ხან მინდორზე აკოკოლავებულ თივის ზვინებს და მთის მკაფიო ფორმებს უტოლდება. მიხას სხეული თითქოს ვერ თავსდება ექრანულ ჩარჩოში და მის გარღვევას ლამობს. იგი ავთენტურად, მითოსური გმირის სახეს იძენს ბედისწერასთან ჭიდილში (ესეც ბრძოლის, შებრძოლების მითოსური მოტივია)“ (33, 35-36).

წმინდა კინგმატოგრაფიული ხერხი - კადრის შევსება, უფრო ზუსტად კადრის გაჭედვა პერსონაჟის ტანით, “მიხაში” საშუალო ხედზე აისახება და გმირს ვიზუალურად უფრო მასშტაბურს წარმოაჩენს. ახლო, ანუ მსხვილი ხედები პერსონაჟის სულში ახედებს მაყურებელს. საშუალო და ახლო ხედების ხშირი მონაცელება მსახიობის გამოკვეთილი კონტურების ფონზე მთავარ გმირს უფრო მოცულობითს ხდის.

ფილმისეული მიხა ერთგვარად ტლანქიც კი გვეჩვენება. ამავე დროს ფეფქლოსადმი მიმართული ზურაბ ქაფიანიძის მზერა უაღრესად ნაზი და ფაქიზია. საბძლის ფინალურ ეპიზოდში მსახიობის ცრემლებში რამდენადმე სენტიმენტალური ბუნებაც გამოსჭვივის. ბედისწერასავით ეხეთქება საბძლის კარებს რაკურსით გადაღებული ურმის ხელნა, რომელიც შემდეგ სიყვარულის გამარჯვების სიმბოლოდ ვერტიკალურად აღიმართება. ამავე ურემზე სრულიად განსხვავებული: დარცხვენილი და ზურგშექცეული, მოკუნტული ზურაბ ქაფიანიძის მიხა ზის ურემზე, რომელიც ხალხს სოფლისკენ მიყავს. ეს ეპიზოდი მიხეილ ჯავახიშვილის მოთხოვნაში არ არის. აუდიოვიზუალური ინტერპრეტაცია ახალი ფრაგმენტის დამატებით ახალ შტრიხს მატებს მწერლისეულ პერსონაჟს. ამგვარი ფრაგმენტის დამატება არ არდგევს მწერლის შექმნილი სიუჟეტის მთლიანობას, უბრალოდ ლიტერატურული ფინალის აუდიოვიზუალურ ტრანსფორმაციად გვევლინება. ამ ეპიზოდის ხმოვანი რიგი მუსიკალურ კომპოზიციასთან ერთად ხმაურების მთელ გამას მოიცავს- მაყრულს ხალხის ყიუინა ენაცვლება, შემდეგ ხოდარ მამისაშვილის მუსიკა, ბოლოს ურმის ჭრიალი. ფორტეზე დაწყებული ხმოვანი დრამატურგია პიანისკენ მიდის და უაღრესად სადად, სიმშვიდის ნოტზე სრულდება მშფოთვარებით სავსე კინონოველა.

ამრიგად მიხას, როგორც პერსონაჟის რეჟისორული და აქტიორული-ზურაბ ქაფიანიძისეული ინტერპრეტაციით მიხეილ ჯავახიშვილის მუსეუსი ფილმში წარმოჩენილია ერთის მხრივ უდიდესი ფიზიკური და შინაგანი ძალის მქონე პიროვნებად, და მეორეს მხრივ, ფაქიზი სულის პატრონ, მგრძნობიარე ადამიანად.

პატარა კინონოველამ არჩვეულებრივად საინტერესო პერსონაჟთა გალერეა წარმოსახა, რომელთა შორისაც უპირველეს ყოვლისა სიკოს რამდენადმე შეცვილი სახეა აღსანიშნავი. მოთხოვნაში ავყია სიკო ფეფქლოს თანხმობას ელოდება: “ფხაჭა - სიკოს ეთქვა: სანამ ქალი თანახმა არ გახდება,

არ „წავიყვანო”. (52, 148). ფილმისეული სიკო მერაბ კოკოჩაშვილისეული ინტერპრეტაციით უფრო გროტესკული პერსონაჟია. მიზნისკენ ის უფრო პეტრეს შეგონებებით, ინერციით მიდის. ავთო მახარაძის პერსონაჟი მოკლე ულვაშებითა და დაბნეული მზერით თავიდანვე დიმილით განაწყობს მაყურებელს. ფილმის მხატვრის ვასილ არაბიძის გადაწყვეტით გმირის ვიზუალური სახე მკვეთრად გამოხატული სხვაობის პრინციპითაა შექმნილი. მოკლე გლეხური ჩოხა მსახიობის ჩასუქებულ ტანს უფრო ამრგვალებს. პატარა ქუდი სახის სიბრტყეელეს გამოკვეთს. სიკოს სამოსეულის დეტალების მცირე მასშტაბები და მსახიობის სახისა და სხეულის ფორმების ფონზე კონტრასტის პრინციპითაა შერჩეული და ამ დეტალებს კომიკური ელფერი შეაქვს პერსონაჟის ვიზუალურ ინტერპრეტაციაში.

მერაბ კოკოჩაშვილის ინტერპრეტაციით მიხეილ ჯავახიშვილის მოთხოვნა იუმორით სავსე, კომიკური ელემენტებით გაჯერებულ, უაღრესად ხალისიან ფილმად იქცა. კომიკური ეფექტი უპირველესად პერსონაჟთა აუდიოვიზუალური გროტესკული დეტალებით მიიღწევა. კომიკურ-გროტესკული ელემენტებითაა გაჯერებული პეტრეს (მიხეილ ჩუბინიძე) ფილმისეული სამოსელი და გრიმი. ზოლიან ბაც პერანგზე შემოცმული შავი ჟილეტის ქვეშ პეტრეს გრძელი წინსაფარი აქვს აფარებული. წმინდა უტილიტარული ფუნქციის მატარებელი სამოსელის ეს ნაწილი პერსონაჟს თითქოს ყასბის ელფერს ანიჭებს. ნამდვილი ყასაბი ფილმში ქორწილისთვის მზადების ეპიზოდში გამოჩნდება. ორი უზარმაზარი დანით ხელში, იგი თითქოს საშინელებათა ფილმის პერსონაჟის გროტესკული ვერსიაა. კომიკური ელემენტებით გაჯერებულ სცენაში მასთან დასაკლავი ხარი მიჰყავთ. ეპიზოდში კომიზმი ცალთავალა პეტრეს მიერ თვალის პროტეზის ჩასმის კადრსაც შემოაქვს. მსახიობის სიბრიყემდე მისული თავდაჯერებული გამომეტყველება იუმორის მაღალ წილს მოიცავს. ამავე დროს მოკლე სამონტაჟო ნაჭრების მონაცემებით ეკრანზე ნატურმორტების კასკადი იცვლება. ეს კადრები ფიროსმანის ნატურმორტების ეკრანული ვერსიაა-მხატვარ ვასილ არაბიძის შექმნილი.

შავ-თეთრი ფილმის გამომსახველობითი მრავალგვარობითაც იქმნება. რეჟისორთან ერთად ფილმის უმთავრესი, ვიზუალური კომპონენტი მხატვარ ვასილ არაბიძისა და ოპერატორ გიორგი გერსამიას თანაშემოქმედებით ფორმირდება. მხატვარი და ოპერატორი რეჟისორთან ერთად მაქსიმალურად

იყენებენ ფირის გამომსახველობით საშუალებას, ქმნიან იმგვარ გამოსახულებას, რომელიც მწერლის კონცეფციის ვიზუალური გადაწყვეტის ადექვატურია. მიხას ბედისწერასთან ჭიდილი მრავალ პლასტს მოიცავს. ფილმის ყოველი ეპიზოდი პერსონაჟის თვითდამკვიდრების და შეყვარებულის მოპოვების ეტაპია - ექსპოზიციიდან მოყოლებული ვიდრე ფინალამდე. პირველი ეპიზოდი, როდესაც მიხა სოფლის მოედანზე წრეში შეიჭრება და ფეფელოსთან მოცეკვავე სიკოს პარტნიორს ააცლის, ფილმში მაღალ ტემპო-რიტმია გადაწყვეტილი. წრიულად მოძრაობს ფეფელო, წრეში ცეკვავს წყვილი, წრეზე ტრიალებს ოპერატორ გიორგი გერსამიას კამერა. კადრში მუდმივი მოძრაობაა, კადრების სწრაფი მონაცემეობა, რომელიც ექსპრესიას ქმნის ეპიზოდში. ფაქტობრივად ნოველაში ექსპოზიციის ტემპო-რიტმი სრულად ნარჩუნდება და მთლიანად ფილმის ტემპო-რიტმია თანაბრად მაღალი.

“მიხაში” მერაბ კოკოჩაშვილმა ბუნება და ადამიანი კი არ დააცალკევა, ან დააპირისპირა, არამედ ერთ მთლიანობაში წარმოსახა. რეჟისორი სიუჟეტის საპანძო პასაჟებს სოფლის “ინვენტარის” დინამიკური გამომსახველობით წარმოაჩენს. მაგალითად, პეტრე მიხას სამოსახლოსა და თავის კარმიდამოს შორის ძებვის ღობეს აღმართავს: ორთითით იღებს ძებვის კონას და ლაწანით ჩამოაცვამს მაღლა აშვერილ ღობის სარგბს... ეს პასაჟი მიხეილ ჯავახიშვილის მოთხოვობაშიცაა მოცემული. მაგრამ პროზაულ სიტყვიერ აღწერას დაემატა კინოს ვიზუალურ-აკუსტიკური ხერხი: სარზე გამხმარი ძებვის ხმაურიანი ჩამოცმა და ზედ ორთითის მძლავრი დარტემა სასიძოს უარყოფის მხატვრულ-კინემატოგრაფიული მეტაფორაა, რეჟისორის მიერ მოხერხებულად ჩადგმული ფილმის კომპოზიციურ წყობაში”. კინომცოდნე ნათია ამირეჯიბის შეფასება მოთხოვობის კინო ენაზე ტრანსფორმირების მეთოდს აღწერს – სინთეზურ ხელოვნებაში გამოსახულებისა და ხმის ერთობლიობით მწერლის ტექსტის ადექვატური ეფექტის მიღწევის კინემატოგრაფიულ ხერხს (1, 88).

ვასილ არაბიძის შერჩეული ნატურა უაღრესად ზუსტად გამოხატავს კონკრეტული ეპიზოდის განწყობას. ქართლში გადაღებული ნატურა ერთდროულად მკაცრიც არის და ხატოვანიც. ექსპოზიციური ნაწილში, სოფლის მთა-გორები სრულიად მოტიტვლებულია და მას დაკლაკნილი გზა მდინარეებით მოყვება შუაში. შორიდან მომავალი მიხა, ერთადერთი მოძრავი ფიგურაა ეპრანულ სიბრტყეზე. “მ. ჯავახიშვილი უპირატესობას ანიჭებდა თავისი ნაწარმოების დასაწყისს, როგორც რიტმის, სტილის, კოლორიტის

შექმნის აუცილებელ პირობას. რეჟისორის მიერ გააზრებულმა პროლოგმა, ერთ გამოსახულებაში რამდენიმე ნიშნის, სახის წამიერმა გაერთიანებამ დიდად განსაზღვრა ფილმის სტილისტიკა, სახვითი გარემო” (33, 33). ცხადია სახვითი გარემოს შექმნა, გადასაღები ნატურის შერჩევა ვასილ არაბიძის კინომხატვრობის უმთავრესი კომპონენტია და გიორგი გერსამიას მიერ მისი უდიდესი ოსტატობით გადაღება მხატვრის და რეჟისორის არჩევანის წარმატებით რეალიზაციის გარანტი.

შავ-თერო გამოსახულების გრაფიკულობას განსაკუთრებით გამოკვეთს ვასილ არაბიძის მიერ შერჩეული ექსტერიერები. ფილმში ქართლის მკაცრი პეიზაჟებია- რამოდენიმე ხე და ქვის ფაქტურა. მხატვარი და ოპერატორი ერთმაგვარად აზროვნებენ, საერთო პრინციპით მუშაობენ გამოსახულებაზე - შუქრდილიების ხშირი მონაცვლეობით თეთრი და შავის კონტრასტზე აგებული შუქრდა ეკრანზე სიბრტყეს ავსებს და მიხეილ ჯავახიშვილის პერსონაჟების ვნებათადელვის ფონს თავისთავად ექსპრესიულს ხდის.

დამოუკიდებელი მხატვრული მნიშვნელობის ნამუშევრების ასოციაციას იწვევს პურის ყანების ეპიზოდები ფილმში. ზურგზე ზვინებაკიდებული ადამიანები მობიბინე ყანებში ნელა მოძრაობენ. მხატვარი და ოპერატორი ადმიანების მოძრაობით ცვლიან კომპოზიციებს. მრავალფიგურიან კომპოზიციას წყვილის კომპოზიცია ცვლის. ფეფელო და მიხა ერთმანეთს კოცნიან და ორი მომცრო ზვინი ერთ დიდ ზვინად მთლიანდება. ასევე მოძრავ სურათს გავს ყანის თიბვის ეპიზოდი. ვასილ არაბიძის შერჩეული ნატურა და ცოცხალი ფიგურების სინქრონული მოძრაობები, რომლებსაც ოპერატორ გიორგი გერსამიას კამერა აღბეჭდავს, ხალხური სიმღერა კადრს მიღმა საოცარ ეკრანზე მთლიანობას ქმნის, რომელიც კლასიკოსის სიტყვის აუდიოვიზუალური ინტერპრეტაციის საუკეთესო ნიმუშად შეიძლება მივიჩნიოთ.

ვასილ არაბიძის მიერ ფილმის მიმდინარეობაში გამოყენებული სოფლის ცხოვრების ატრიბუტიკა, ყოფითი სამუშაო ნივთები იმგვარადად გადაღებული, რომ ვიზუალურად ბედისწერის იარაღის ფუნქციის მატარებლადაც მოიაზრება. უპირველეს ყოვლისა ეს ურემია, რაკურსით გადაღებული ურმის ხელნა საგანს გრაფიკულად, სამკუთხედის ფორმით ასახავს. ურემს საბძლის კარებს აჯახებენ - მისი ხელნით თოთქოს კარები კი არა, გმირების ცხოვრება ინგრევა. იგივე ურემი ხდება დარცხვენილი, თავზაქინდრული გმირების ტრანსპორტირების საშუალება. ოპერატორის კამერა ამჟამად გვერდიდან იდებს

ურემს. ნივთი მრისხანე იარაღიდან სრულიად მშვიდობიან ხალხურ ტრანსპორტად გარდაიქმნება, ურმის ჭალების მიღმა კი მებრძოლი წყვილი ახლა თავზაქინდრული, უაღრესად დარცხვენილი ზის. ყანაში მომუშავე ადამიანების ხელში მოძრავი ცელების მწვრივი თითქოს მიზნისკენ მიმავალ გზებს უკვალავს პერსონაჟებს. პეტრეს ხელში ნაჯახი ის იარაღია, რომლითაც იგი მიხას ცხოვრების მოჩეხვას ცდილობს...

მხატვრის მიერ შექმნილი კოსტიუმები სრულად შეესატყვისება საუკუნის დასაწყისის ქართულ სოფელში მცხოვრები ადამიანების ჩაცმულობას. შალის წინდებში ჩატანებული შარვლები, პატარა ქუდები, უსაყელო პერანგები კაცების კოსტიუმებში, კუბოკული, ჭრელი თავსაფრები და ჩაფართხუნებული კაბები ფეფელოს დედისა და მამიდის გარდერობში პერსონაჟების გლეხურ სამოსელს წარმოაჩენს. ამავდროულად ეს კოსტიუმები ეთნოგრაფიულ კუთვნილების აღმნიშვნელიცაა.

ამრიგად, ვასილ არაბიძის მხატვრობამ და გიორგი გერსამიას საოპერატორო ოსტატობამ მნიშვნელოვნად განსაზღვრა მიხეილ ჯავახიშვილის პროზის აუდიოვიზუალურ ტექსტიად ქცევის მხატვრული ხარისხი. “ცნობილია, რომ ლიტერატურა, კინოსგან განსხვავებულ მხატვრულ-სახეობრივ აღქმას ეფუძნება. ამ მხრივ, მ. ჯავახიშვილის პროზაული ენა ადვილად შეეთვისა კინემატოგრაფიული ენის სპეციფიკას, მისი ლიტერატურული კომპონენტები ადვილად მოერგო კინოს ბუნებას. შემთხვევითი არაა, რომ მწერალი მხატვრული სტილის შექმნის აუცილებელ პირობად სწორედ ფოტოგრაფიას, ფაბულას, ნეორეალისტურ გზას, ეპიკურისა და დრამატულის საგნებთან და მოვლენებთან მისვლას მიიჩნევდა, რაც უმთავრესია კინოხელოვნებისათვის. მწერალი რამდენიმე სხარტი მონახაზით ქმნის პერსონაჟის ტიპს. კომპოზიციის ზუსტ, სწრაფ სახიერ აღქმას იძლევა, “თუ რომანში ან მოთხოვობაში აღწერილია წვიმა, ყვავის ჩხავილი, ქალის სევდა ან დახატული ქუიდ - ყოველი სურათი და სიტყვა უმთავრესისკენ უნდა მიდიოდეს და ცხადად თუ ჩემად დედაბობს უნდა უმიზნებდეს. ამ პრინციპს თავისთავად მოხდევს მეორე - დაწურვა წყლისგან განტვირთვა ზედმეტისგან” (33, 34).

კიდევ ერთხელ გავიმეორებ მერაბ ქოკოჩაშვილის კონცეპტუალური ინტერვიუს ციტატის ფრაგმენტს: “სელოვნებაში თუ რაღაცას ქმნი, ამას უნდა ჰქონდეს რამდენიმე განზომილება, პირველი-იდეა, რომელიც საჭირო და ამდელვებელია ყველასთვის, მეორე-ეს უნდა იყოს იმ ენით ნათქვამი, რომელიც

არის ხელოვნების ენა, მესამე – ეს ყველაფერი უნდა იყოს ნათქვამი არა ინფორმაციულად, არა პირდაპირ, არამედ სახიერად. ხელოვნების საფუძველთა საფუძველი არის სახეებით აზროვნება?” (65, <http://droni.ge>).

ამრიგად, იმ მაღალი პოზიციიდან, რომლიდანაც თავად მერაბ კოკოჩაშვილი განიხილავს მხატვრულ ნაწარმოებს, “მიხა” ყველა კრიტერიუმებს აკმაყოფილებს: 1) ფილმის იდეა, მოთხოვნის იდეის შესატყვისად, საჭირო და ამაღლებელია ყველასათვის. უფრო მეტიც, “მიხა” ლამის ერთადერთ ქართულ კინონაწარმოებად არის მიჩნეული, სადაც სიყვარულისთვის მებრძოლი გმირები იმარჯვებენ. (16, www.polity.ge) 2) “მიხა” აუდიოვიზუალური საშუალებებით ტრანსფორმირებული პროზაული პირველწყაროს, კინემატოგრაფიული ენით მწერლის მარადიული სათქმელის გადმოცემის ძალზე წარმატებული ნიმუშია. 3) ფილმში უაღრესად სახიერად არის გადმოცემული ინფორმაცია, მესიჯი, რომელსაც პროზაული ნაწარმოები შეიცავს. ფილმის ვიზუალური ნაწილი მხატვრული კინოაზროვნების ნიმუშია. ”მიხას” ხმოვანი რიგი მაქსიმალური სიზუსტითა და კონცეპტუალური დატვირთვით არის შერჩეული. ფილმში არაჩვეულებრივი მხატვრული სახეებია შექმნილი, რელიეფური პერსონაჟები, რომლებიც ერთხმად იმსახურებენ როგორც სპეციალისტების აღიარებას, ასევე მაყურებლის სიყვარულს თითქმის ნახევარი საუკუნის განმავლობაში.

ამრიგად, მერაბ კოკოჩაშვილის “მიხა” პროზის ინტერპრეტაციის იმგვარ ნიმუშს მიეკუთვნება, როდესაც მაღალმხატვრული პროზა სხვა დარგის ხელოვნებაში, კერძოდ კინემატოგრაფიაში ტრანსფორმირებისას არ განიცდის მხატვრული რანგის დანაკარგს. ცვლილებები, რომლებიც განასხვავებს პროზაულ ნაწარმოებს და ფილმს, არ ახდენს უარყოფით გავლენას ფილმის მხატვრულ ხარისხზე, ვინაიდან ხდება მწერლისა და რეჟისორის პოზიციათა თანხვედრა. ეკრანულ ვერსიაში შეტანილი ცვლილებების მიუხედავად, მერაბ კოკოჩაშვილი მწერლის კონცეფციის ერთგულია და მხატვართან, ოპერატორთან, კომპოზიტორთან, მსახიობებთან ერთად კინოს გამომსახველობითი საშუალებებით ქმნის ნამდვილად ეროვნულ, ქართულ, უაღრესად მიწიერ მიხეილ ჯაგახიშვილის სამყაროს ეკრანზე. “მიხა” იმ ბედნიერ გამონაკლისთა რიცხვს მიეკუთვნება, როდესაც მხატვრული ხარისხით ფილმი პროზის ტოლფასი რანგის ნაწარმოებად განიხილება.

გიორგი შენგელაიას “ჯილდო” ალმანახ “წარსულის ფურცლების” მესამე კინონოველად. 3 ნაწილი, 705 მეტრი, (25 წთ.) (63, <http://www.geocinema.ge>). მერაბ კოკოჩაშვილის ნოველის ფონზე “ჯილდო” ერთგვარად ჩრდილში მოექცა. ამთავითვე უნდა ითქვას, რომ აუდიტორიის მოლოდინი რეჟისორის ახალი ფილმის მიმართ გიორგი შენგელაიას “ალავერდობის” შემდეგ ძალზე დიდი იყო. მაყურებელი უკვე ძალზე მაღალი მხატვრული რანგის ფილმს ელოდა, იმგვარს, როგორიც “ალავერდობის” შემქმნელ დებიუტანტ რეჟისორს მოეთხოვებოდა. “ეს უკვე გიორგი შენგელაიას რეჟისორობით გადაღებული რიგით მეორე კინოფილმი გახლდათ. რა შეიძლება მივიღოთ რეჟისორის ინდივიდუალური ხელწერის განმასხვავებლად ამ ორ ნაწარმოებში? თუ “ალავერდობაში” უფრო მეტად ჭარბობდა ემოციური აფეთქებები და სანახაობრივი ეფექტი სიუჟეტის კონტრასტულ წყობაზე გაანგარიშებით იყო მიღწეული, “ჯილდოში” გამოვლინდა აკადემიზმი და ანალიტიკური სტილისტიკა” (61, 169). კინონოველის ამგვარი შეფასება შეიძლება ძალზე დადებითად მივიჩნიოთ, მით უმეტეს, რომ კრიტიკოსთა ნაწილის მიერ ფილმის შეფასების კრიტერიუმი ამგვარია: “ცხადია, კინო სინთეზური ხელოვნებაა და ყოველი მისი შემადგენელი ნაწილი ერთი მთლიანი კინოსახის შექმნასა და გახსნას უნდა ემსახურებოდეს. იდეალური ის შემთხვევაა, როცა ცალ-ცალკე არც მხატვრის, არც კომპოზიტორის, არც ოპერატორის, არც მწერლის, არც თვით მსახიობის თუ რეჟისორის ნამუშევარი არ გეცემათ თვალში. გამორჩეულად, გამოცალკევებულად არ მიიქცევს ყურადღებას. როცა ყოველი მათგანის ნიჭი და უნარი თითქოს უხილავად, მაგრამ თანაბრად ძლიერად შეუწყობს ხელს მთლიანი და სრულყოფილი კინოსახის შექმნას. მაგრამ იდეალურ შემთხვევასთან იშვიათად გვაქვს საქმე” (9, 49-50). გურამ გვერდწითელის შეფასების კრიტერიუმს თუ უკამათო დებულებად მივიჩნევთ, “ჯილდო” ამ კრიტერიუმების შესატყვისი ფილმი არ აღმოჩნდება. გიორგი შენგელაიას კინონოველა სინთეზური ხელოვნების იმგვარ ნიმუშად გვევლინება, სადაც ყველა კომპონენტი თანაბრად არ ზემოქმედებს მაყურებელზე. ამ სინთეზურობაში ფილმს სწორედ ის დააკლდა, რამაც ასე შეძრა “ალავერდობაში” - ემცია, რომელსაც რეჟისორის სადებიუტო ფილმი მაყურებელში ბადებდა.

გიორგი შენგელაიას მოღვაწეობა, მისი უაღრესად ღრმა და საინტერესო ფილმები ქართული კინოს საუკეთესო ნიმუშების რიცხვს მიეკუთვნება.

რეჟისორის შემოქმედება თანაბრად იმსახურებს როგორც სპეციალისტების, ასევე მაყურებლის ყურადღებას. ცნობილი მხატვარი ზურაბ ნიუარაძე ამგვარ შეფასებას აძლევს გიორგი შენგელაიას შემოქმედებას: “ხშირად მიფიქრია - რა განგვაწყობს ეხოდენ კეთილად გიორგის ფილმების მიმართ? უპირველეს ყოვლისა, ცხადია, თვით მათი ლირსება; მშობლიური, ბუნებრივია ის გარემო, სადაც მისი გმირები ასევე ბუნებრივად მოქმედებენ. ყოველ საგანს, თითქოსდა წვრილმან, მრავლის მიმანიშნებელ დეტალებს რომელთა გარეშეც კინემატოგრაფი წარმოუდგენელია, აქ ზუსტად აქვს მიჩნეული თავისი ადგილი, ყველაფერი დინჯად არის მოფიქრებული, აწონილ-დაწონილი. როდესაც ნიჭს, ცოდნას, მონდომებას, ოსტატობას, დახვეწილ გემოვნებას თანდაყოლილი შინაგანი კეთილშობილებაც ერწყმის, ნაყოფი ყოველთვის სასურველია და ყოველივე ამას გიორგი შენგელაიას მიერ სახელოვნად გავლილი გზა ადსტურებს”. (29, 44). ცნობილი მხატვრის სიტყვები უფრო ცნობილი რეჟისორის მთელი შემოქმედების შეფასებაა. არაერთი წარმატებული ფილმის რეჟისორის შემოქმედების ანალიზი ცხადყოფს, რომ მისი ფილმები სხვადასხვა მხატვრული დირებულებისაა. მაგრამ ყოველი ფილმი უცილობლად შეიცავს იმგვარ ელმენტებს, რომლებიც მთელი შემოქმედებითი პროცესის განუყოფელ ნაწილს წარმოადგენს. თუ კონკრეტულად ესა თუ ის ფილმი არ მიეკუთვნება იმგვარ მაღალმხატვრულ ხელოვნების ნიმუშთა რიცხვს, როგორიც “ალავერდობა” ან “ფიროსმანია”, ის შეიძლება რეჟისორის შემოქმედებითი გამარჯვებისკენ მიმავალ გზაზე ერთგვარ შინაგან მზადებადაც მივიჩნიოთ.

მიხეილ ჯავახიშვილის “ჯილდო” პერსონაჟის სინდისის ქეჯნით გამოწვეულ ემოციებზე მოგვითხრობს. მიხეილ ჯავახიშვილის მოთხოვნის გმირს, სალდათ გიორგი ჯიხაძეს დემონსტრაციაზე წინააღმდეგობის გაწევის დროს მუშა შემოაკვდება. ჯარისკაცი ჯილდოდ ოქროს თუმნიანს იღებს. გიორგის ცოდვა არ ასვენებს. ის მოკლულის დედასთან მიდის და ცოდვას ინანიებს, ცდილობს დაარწმუნოს მომხდარის შემთხვევითობაში და საკუთარ უდანაშაულობაში. “ზიარებას გეფიცები, ჩემი ბრალი არ იყო, აბა ეხლა შენა თქვი, ჩემი ბრალი იყო თუ არა?” (50, 118). უნებლივ მკვლელი დანაშაულის გამოსყიდვის მიზნით ცდილობს თავისი ჯილდო, ოქროს თუმნიანი დაუტოვოს გამწარებულ დედას. იგი წყვევლა-კრულვით აგდებს სალდათს. გიორგი კარებთან მოუგდებს თუმნიანს, ჯარისკაცის ფარაჯას გაიხდის და სოფელში მიდის, იმ ადგილს გაეცლება, სადაც ის მკვლელად იქცა. მოთხოვნა სრულად არის

აგებული პერსონაჟის ფსიქოლოგიური განცდების, სინდისის ქვეყნისგან განთავისუფლებისკენ სწრაფვაზე, რომელიც უშედეგო მცდელობის შემდგომ პერსონაჟის მიერ ცხოვრების სრულად შეცვლით, უფრო ზუსტად კი სოფელში წასვლით, საკუთარ საწყისებთან დაბრუნებით მთავრდება. მიხეილ ჯავახიშვილის, ფსიქოლოგიური პროზის დიდოსტატის მიერ პერსონაჟის შინაგან განცდებზე და მისი ფსიქიკის რადიკალურ ცვალებადობაზე აგებული მოთხოვობის აუდიოვიზუალური ინტერპრეტაცია უპირატესად გმირის შინგანი რყევების პროეცირებაზე უნდა ყოფილიყო აგებული. გიორგი შენგელაიას ფილმის მთავარი როლის შემსრულებელი, ბონდო გოგინავა, რომელიც ცდილობს პერსონაჟის ემოციური მდგომარეობის ასახვას ეკრანზე, მაყურებელში ვერ აღძრავს იმ ემოციას, რომელიც მიხეილ ჯავახიშვილის პერსონაჟის მსგავსად, განწმენდისკენ მისწრაფებული, მაყურებელსაც კათარზამდე მიიყვანდა. მსახიობის გამომსახველობითი საშუალებები შინაგან ფსიქოლოგიურ წიაღსვლებს მოკლებულია, ემოციები კი, რომელთა გადმოცემასაც ესწრაფვის აქტიორი, უტრიორებული. ფილმში დაღუპული დედის როლს სესილია თაყაიშვილი ასრულებს, შესანიშნავი მსახიობი, რომელიც ხანმოკლე ეპიზოდში უდიდეს ადამიანურ ტრაგედიას თამაშობს. თუმცა, უნდა ითქვას, რომ თვით სესილია თაყაიშვილის მონაწილეობით შექმნილი ფრაგმენტიც კი არ აღმოჩნდა იმ რანგის, რომელიც მიხეილ ჯავახიშვილის მოთხოვობის ეპიზოდის სიმძაფრეს სრულად გადმოსცემდა.

ფილმის მხატვარია ალექსანდრე მაკაროვი. მოქმედება ძველი თბილისის აივნების ფონზე მიმდინარეობს. ეპიზოდში მკვლელიც და მოკლულის დედაც უძრავად დგანან. სტატიური პერსონაჟები სტატიური კადრის ფონზე ცივ, გაუცხოებულ გარემოში. ავტორები თითქოს ტრაგედიისგან გაშეშებულებს წარმოგვიდგენენ პერსონაჟებს. მსახიობებზე უფრო მეტ განცდას მაყურებელში სცენის მხატვრული გადაწყვეტა იწვევს: შუქარდილების ვარირებაზე აგებული შაგ-თეთრი, მკაცრი გარემო, სადაც ადამიანები დაუცველად გრძნობენ თავს. მხატვრისა და ოპერატორის მიერ შექმნილი ვიზუალური ფონი თითქოს მხატვრული ხარისხით ერთგვარად აღემატებოდა, ჯაბნიდა მსახიობთა გადმოცემულ ემოციას, ამ ქალაქში ორივე პერსონაჟი სრულიად გაუცხოებული იყო. “ჯილდო” უაღრესად მნიშვნელოვანი ექსპერიმენტი აღმოჩნდა მხატვრული ძიებების თვალსაზრისით, რომელმაც შემდგომში მნიშვნელოვნად განაპირობა გიორგი შენგელაიას მხატვრული სამყაროს ფორმირება. ფილმის ოპერატორია

იგორ ამსიისკი, ალექსანდრე მაკაროვს, ფილმის მხატვარს სულ ორი ფილმი აქვს მხატვრულად გაფორმებული, “ჯილდო” და ნელი ნენოვასა და გენო წულაიას სრულმეტრაჟიანი მხატვრული ფილმი “დრო იწურება განთიადისას” (1965 წელი). ოპერატორი იგორ ამსიისკი მრავალი ცნობილი ქართული ფილმის დამდგმელი ოპერატორია და წამყვან ოპერატორადაც მოიაზრება მეოცე საუკუნის ქართულ კინემატოგრაფში. რაც შეეხება კომპოზიტორ ფელიქს დლონტის ზედმეტად დრამატიზირებულ მუსიკას, კინომცოდნე თლიკო ჟღენტი ამგვარ შეფასებას აძლევს ფილმის აუდიო და ვიზუალურ კომპონენტებს:

“გამოსახულებასთან შედარებით ზედმეტი ფუნქცია დაეკისრა დრამატულ მუსიკას (კომპ. ფლონტი), რომელიც ვერ მიესადაგა ეპრანულ ატმოსფეროს, გახმოვანების, ილუსტრირების შთაბეჭდილება შექმნა. ამგვარად ჩაიხშო ფილმის საინტერესო სახვითი გადაწყვეტა, მისი ემოციური გამომსახველობითობა, გმირის სახე, მოქმედება მკვეთრად იზოლირებული, განდგომილია კომპოზიციისგან. “ჯილდოში” დროებით შეწყდა ფილმ “ალავერდობიდან” დაწყებული გზა, როცა მიღწეული იყო არქიტექტურის, საერთო ატმოსფეროსა და პერსონაჟის სულიერი ტაძრისკენ სწრაფვა და უმიზნო, უაზროდ მოფუსფუსე ხალხის ყოფაზე ამაღლება. მაგრამ “ჯილდოში” მინიშნებულია ის მოტივები, რაც შემდგომ “ფიროსმანში” პპოვებს გაგრძელებას. ესაა ნოველაში არსებული ადამიანის უზომო სევდა, დედისეული წიაღისეკენ სწრაფვა, როცა ცოცხალი არსება მიუსაფარი, უმწეოა ქალაქის უცხო ყოფაში, “ჯილდოში” გამოიკვეთა ძველი თბილისის მეტად ორიგინალური სახე, შეიძლება ითქვას 20-იანი წლების კინემატოგრაფის შემდგომ პირველად ვიხილეთ ძველი ქალაქი ისეთი, სადაც შემოქმედის სუბიექტური ხედვა იგრძნობა. თითქოს ცრემლიანი თვალითაა დანახული, მსუბუქი ნისლივით შესუდრული, ვიწრო მიკიბულ-მოკიბული ქუჩები, მბჟუტავი ფარნით განათებული. ქვაფენილით მოკირწყლული აღმართები და ორნამენტებიანი აივნები. ჩვენს თვალწინ გაცოცხლდა მხატვარ ე.ახვლედიანის ძველი თბილისის პეიზაჟები, ეზოებითა და ხის რიკულებიან აივნებს შორის გაბმული თეთრეულით, ხალიჩებით” (33, 38).
ალექსანდრე მაკაროვის ნამუშევრის მხატვრულ ხარისხი მხოლოდ ძველი თბილისის პეიზაჟების ხატოვანებით არ შემოიფარგლება. ასევე ხატოვანია გიორგის მოგონებების ამსახველი სოფლის პეიზაჟები: ბანზე მოთამაშე ბავშვი, ქალი კოკით და სხვა სოფლის კადრები წაფენით იცვლება. შავ-თეთრი გრაფიკული კადრების რიტმული მონაცვლეობა

იდილიის განწყობას ბადებს. მოგვიანებით სოფლის იდილია სოფლისვე კადრებში ირდვევა: აყვავებულ მდელოს უმოწყალოდ ცელავენ: პვალში ჩამდგარი სამი ნამგლებით შეიარაღებული კაცი უმოწყალოდ ანადგურებს გზაზე ყოველივე მშვენიერს. კადრში ცელით მოსული სიკვდილის ასოციაცია ჩნდება. საერთო ხედზე, ცაზე, ლრუბლები ავისმომასწავლებლად მოძრაობენ.

მხატვარი, რეჟისორი და ოპერატორი კადრის კომპოზიციით ქმნიან სოფლის იდილიის ნგრევის სურათს. “ჯილდოს” სოფლის პეიზაჟებში, ისევე როგორც თბილისის კადრებში, გიორგი შენგელაიას “ფიროსმანის” ესკიზები მოინიშნება.

ფილმის ყოფითი კადრები, ყოველი ეპიზოდი მხატვარის მიერ გადაწყვეტილია როგორც კონკრეტული განწყობის ამსახველი გარემო, რომელიც მთავარი გმირის შინაგან მდგომარეობას უფრო მეტად გამოხატავს, ვიდრე მსახიობთა ანსამბლი. რეჟისორი და მხატვარი ფილმის დასაწყისიდანვე ქმნიან იმგვარ სურათს, რომელიც თავისთვად მშფოთვარების, უკიდურესი დაძაბულობის შემცველია. რაკურსით გადაღებულ მუშების ერთი მიმართულებით სწრაფვას, გაურკვეველი მიზნისკენ სირბილს ეკრანზე ექსპრესიულობა შემოაქვს. მოძრავ მატარებელზე მდგარი მუშის ფიგურა კიდევ უფრო ამძაფრებს ეპიზოდს. მუშების მსხვილი ხედების მონაცვლეობის ტემპ-რიტმი მოკლე სამონტაჟო კადრებით მიიღწევა. მუშების გრიმი, ერთმაგვარი სახეები, სადაც მხოლოდ პროტესტი იკითხება. ყოფითი ეპიზოდში - ჯარისკაცულ ყაზარმაში მხატვარი ორსართულიანი საწოლების მწკრივს ქმნის. კადრში თეთრის დომინირებს—კედლები, ზეწრები, პისახოცები... ჯარისკაცების ფიგურათა კონტურები თეთრ ფონზე იკვეთება.

ამრიგად, მხატვარი ყოველი ეპიზოდის შესატყვის საინტერესო ვიზუალურ გადაწყვეტას ქმნის: ძველი თბილისის ეგზოტიკური ექსტერიერების შესაბამისად ეპოქა სრულად იგრძნობა ალექსანდრე მაკაროვის შექმნილ ფილმის ინტერიერებში. ამ მხრივ გამორჩეულია დუქნის ეპიზოდი. გალიაში ჩიტი ზის - მარტივი მეტაფორა, რომელიც სრულად გადმოსცემს ჩახუთულ დუქანში მოხვედრილი გიორგის სულიერ მდგომარეობას. დუქანში სხვადასხვა ჯურის ადამიანები ტრიალებენ. მხატვრის შექმნილი კოსტიუმები მრავალგვარია და ხალხის სიჭრელის გამომხატველი. განსაკუთრებული აქცენტი თავსაბურავებზე კეთდება- სხვადასხვაგვარი ქუდები, კეპი, შლიაპა, ყაბალახები... პერსონაჟების გრიმში ნაციონალური დეტალი-ულვაში დომინირებს. ალექსანდრე მაკაროვი ტიპიურობის მხატვრისეულ სახეს ქმნის

ეკრანზე. ყაზარმული ცხოვრების ამსახველ ეპიზოდებში სალდათების ფარაჯები, ჩექმები და ქუდები ერთსახოვან მასად აქცევს არმიას. ჯარისკაცებისა და მუშების ჯგუფური პორტრეტები გააზრებულია როგორც ორი ერთგვაროვანი მასის ვიზუალური დაპირისპირება.

ამრიგად, მხატვარ ალექსანდრე მაკაროვის, რეჟისორისა და ოპერატორის თანაშემოქმედება ფილმში მნიშვნელოვან ვიზუალურ ექსპერიმენტად იქცა, რომელიც ერთგვარი ესკიზი გახდა შემდგომში გიორგი შენგელაიას შესანიშნავი ფილმის, “ფიროსმანისთვის.” “ჯილდო” მოხეილ ჯავახიშვილის პროზის კინოს ენაზე ტრანსფორმაციის მნიშვნელოვანი ნიმუშია. კინონოველის უპირველესი დირსება მისი ვიზუალური გადაწყვეტაა- მწერლის პროზა ეკრანზე სიბრტყეზე კინემატოგრაფიულ მხატვრულ სამყაროდ იქნა წარმოსახული. ჯავახიშვილის პროზა, განსხვავებულ ხელოვნების ნიმუშად ტრანსფორმირებული, ხელოვნების ამ დარგისთვის, კინემატოგრაფისთვის ორგანული ხერხებით გადმოიცა. მიუხედავად იმ ნაკლოვანებებისა, რაც ფილმშია, “ჯილდო” აუდიოვიზუალურ ხელოვნებაში მიხეილ ჯავახიშვილის პროზის ინტერპრეტაციის მნიშვნელოვანი ეტაპია.

დასკვნის სახით შეიძლება ითქვას, რომ 1964 წელს კინოალმანახში გაერთიანებულმა ნოველებმა მიხეილ ჯავახიშვილის პროზის არა მხოლოდ კინემატოგრაფიულ ინტერპრეტაციას დაუდო საფუძველი. ქართული პროზის კლასიკოსის თხზულებათა წარმატებულ აუდიოვიზუალურ ტექსტად ქცევა “მიხას” და “ჯილდოს” გადაღებით იწყება. მეოცე საუკუნის კინოში, ტელევიზიასა და თეატრში მიხეილ ჯავახიშვილის პროზის ინტერპრეტაციის უაღრესად მნიშვნელოვანი ნიმუშები შეიქმნა. ამ კინონოველებით დაირდვა სავალალო ტრადიცია- ჯავახიშვილის პროზის დამახინჯებულად გადატანისა აუდიოვიზუალურ ხელოვნებაში. “მიხა” და “ჯილდო” პირველი ფილმებია, რომლებშიც მწერლის სული, მისი ეროვნული მსოფლმხედველობა იქნა შენარჩუნებული. ორიგვე რეჟისორის -მერაბ კოკოჩაშვილისა და გიორგი შენგელაიას მიერ მიხეილ ჯავახიშვილის მოთხოვობები ინტერპრეტირებული მოთხოვობები იმგვარი ფილმებია, რომლებიც პროზას კინოსთვის ორგანული ენით გადმოსცემენ. როგორც ზემოთ აღვნიშნე, მერაბ კოკოჩაშვილის “მიხა” მხატვრული დირებულებით პროზის ტოლფას ფილმად განიხილება.

ამრიგად, “მიხა” და “ჯილდო”, რომლებიც მეოცე საუკუნის დასაწყისის კლასიკურ პროზას სამოციან წლებში, სრულიად ახლებური

კინგმატოგრაფიული ხედვით წარმოგვიდგენდნენ, უდაო მაგალითია იმისა, რომ აუდიოვიზუალურ ხელოვნებაში ყველაზე თანადროული გამომსახველობითი საშუალებებით შესაძლებელია მარადიულ ღირებულებების შემცველი პროზის ტრანსფორმაცია.

თავი IV

„კვაჭი კვაჭანტირაბის“ 70-იანი წლების ინტერპრეტაცია

გასული საუკუნის 70-იანი წლები და შემდგომი ოცნებიანი პერიოდი ქართული აუდიოვიზუალური ხელოვნების აყვავების ხანადაც შეიძლება მივიჩნიოთ. თეატრმცოდნე ვასილ კიკნაძე ამ პერიოდს შემდეგნაირად ახასიათებს: „70-იანი წლები აგრძელებს მიღწეულს, აკრისტალებს ფორმებს, ეძებს ახალ საშუალებებს, ფართო სოციალურ-პოლიტიკურ პლატფორმას. მოდის ახალი ნაკადები მსახიობთა, რეჟისორთა, სცენოგრაფისტთა, დრამატურგთა. სრულიად ახლებურ წაკითხვას პოულობს კლასიკა, იწყება 70-იანი წლების დიდი თეატრალური ცხოვრება ” (22, 477).

70-იან წლებში დაწყებულ დიდ თეატრალურ ცხოვრებასთან ერთად ტელეხელოვნების განვითარებაც იწყება. ქართულ სატელევიზიო სივრცეშიც, კერძოდ სატელევიზიო ფილმების სტუდიასა და სატელევიზიო თეატრში ჩნდება უაღრესად მნიშვნელოვანი დადგმები, რომლებიც მკვეთრი მოქალაქეობრივი პოზიციითა და ახალი გამომსახველობითი საშუალებების ძიებით გამოირჩევა.

ამ პერიოდის აუდიოვიზუალურ ხელოვნებაში ავტორთა პოზიცია უპირატესად სათქმელის ალეგორიული ფორმით გადმოცემის, მეტაფორული აზროვნების და ნიშან-სიმბოლოთა ცვალებადობით გამოიხატება: 70-იანი წლების საქართველო საბჭოთა სოციალისტურ რესპუბლიკად წოდებული კოლონიური რეჟიმისგან განთავისუფლება, მიზანი კი საზოგადოების გამოფხიცევებაა. თეატრისა და კინოს აუდიტორია იმუსმინდელი საზოგადოების დიდ ნაწილს წარმოადგენდა – განათლების კრიტერიუმად ისიც მოიაზრებოდა, თუ რამდენად იყო გათვითცნობიერებული პიროვნება თეატრალურ და კინოპროცესებში. აუდიტორია ისეთივე პრობლემებით ცხოვრობდა, როგორითაც საქართველოს ხელოვნება – თუმცა, უძრაობის

პერიოდის საზოგადოება უპირატესად სწორედ ფილმის ან სპექტაკლის მნიშვნელოვანი სათქმელის ფონზე თუ დაფიქრდებოდა ამ პრობლემებზე. 70-იანი წლების კიდევ ერთი მნიშვნელოვანი გარემოება, რომელსაც კლასიკოსი მწერლის ნაწარმოების ინტერპრეტაციით ამართდებდნენ: დაზგურ ფერწერასა თუ გრაფიკულ ნამუშევრებში ასახული მხატვრის მსოფლმხედველობაც და სტილისტიკაც ყველასთვის თვალნათლივ იკითხებოდა. ცხადია, ეს გარემოება ზღუდავდა ცენზურის წნევის ქვეშ მყოფ სახვითი ხელოვნების წარმომადგენლებს, რომელთაც ავალდებულებდნენ სოციალისტური რეალიზმის პრინციპებით ეხელმძღვანელათ თავიანთ შემოქმედებაში. საგამოფენო დარბაზებში ძირითადად სქელ ფეხებზე მყარად მდგარი კოლმეურნე ქალებისა და მუშების პორტრეტები იფინებოდა. პრიორიტეტი რეალისტურ მანერაში შესრულებულ ინდუსტრიულ პეიზაჟებსაც ენიჭებოდა. მხატვრები, რომელთა შემოქმედებაც სოციალისტური რეალიზმის ჩარჩოში ვერ თავსდებოდა, თავშესაფარს სცენოგრაფიაში პოულობდნენ. სასცენო სივრცის კოლოფი სცენოგრაფისთვის დიდი და მრავალპლასტიკიანი გარემო იყო, სადაც სხვადასხვა თანამედროვე მიმდინარეობის სტილში შექმნილი დეკორაციითაც კი შეიძლებოდა სამოქმედო არეალის წარმოსახვა. მხატვარს, ერთი მხრივ, თვითგამოხატვის საშუალება ეძლეოდა და, მეორე მხრივ, სპექტაკლის მაყურებელი მხატვრის შემოქმედების თანაზიარი ხდებოდა. ეს ვითარება იზიდავდა ნიჭიერ მხატვრებს თეატრში. მეორე მხრივ, სათეატრო ხელოვნებაც უცილობლად მდიდრდებოდა ნიჭიერი მხატვრების შემოქმედებითი და თანამედროვე გამომსახველობითი საშუალებებით. თეატრალებისა და მხატვრების სინთეზში მარადიული დირექტულებების შემცველი კლასიკური ლიტერატურა მეოცე საუკუნის დასასრულის შესატყვის ინტერპრეტაციაში ახალ სიცოცხლეს იწყებდა და ზნეობრივი მუდმივების ფონზე მხატვრული ფორმის სიახლითაც იპყრობდა მაყურებელს.

სოციალისტური კულტურის მესვეურებს კინოსა და თეატრისადმი განსაკუთრებული დამოკიდებულება პქონდათ - საკავშირო აუდიოვიზუალური ხელოვნება იდეოლოგის ნაწილად მოიაზრებოდა - იმ პერიოდის ხელმძღვანელობისთვის იდეალური აუდიოვიზუალური ხელოვნების ნიმუში კომუნიზმის დამკვიდრებისთვის დადგმული წარმოდგენა იყო. ხელოვნების ნიმუშის იდეურ გამართულობას მთავლიტი - ოფიციალური ცენზორი კურირებდა.

მეოცე საუკუნის თეატრსა და კინემატოგრაფში მრავლად იდგმებოდა კლასიკოსთა ნაწარმოებები. ავტორთა მოქალაქეობრივი პოზიცია, რომელიც სპექტაკლებსა თუ ფილმებში გამოსჭვიოდა, უპირატესად უკვე აღიარებული და მრავალგზის ცენზურაგავლილი კლასიკის იგავურ- მეტაფორული ფორმით დადგმაში ისახებოდა. ეს გარემოება, ერთი მხრივ, მთავლიტისა და სხვა ნომენკლატურის მიერ აუდიოვიზუალურ ნაწარმოებში ასახული პრობლემის „ვერშემჩნევას“, თანამედროვეობასთან კავშირის არქონად და სპექტაკლისა თუ ფილმის ავტორთა პოზიციის კლასიკოსი მწერლის პოზიციის „წაკითხვად“ სადღებოდა. ცენზურა, ხშირ შემთხვევაში, „ვერ ავლებდა“ პარალელებს უარყოფით კლასიკურ პერსონაჟებსა და თანადროულ ნომენკლატურას შორის. ამის შემჩნევა და შემდგომ გახმაურება უხერხულ მდგომარეობაშიც ჩააყენებდა ცენზორს. სირაქლემის პოზიციაში ყოფნა, ხშირ შემთხვევაში, მომგებიანიც იყო. ამ მიზეზთა გამოც 70-იან წლებში სათეატრო და კინოხელოვნების განვითარებისთვის ხელსაყრელი ვითარება შეიქმნა. საბჭოთა კავშირის თეატრებსა და კინემატოგრაფში აქტიურად იკრძალებოდა თავისუფალი აზრის გამოხატვის მცდელობები. საქართველოში შედარებით თავისუფალი ხელოვნების აყვავებამ დემოკრატის ავტორიტეტი შეუქმნა იმუამინდელ პარტიულ ხელისუფალს. სახელოვნო წრეებში გაჩნდა საშუალება, რომ დადგმულიყო კლასიკოსთა ნაწარმოებები, იმგვარი ინტერპრეტაციით, სადაც თანადროულობის მტკიცნეული პრობლემები იქნებოდა გამოხატული. მარადიული პრობლემების შემცველი მიხეილ ჯავახიშვილის თხზულებები ერთ-ერთი პირველი აღმოჩნდა, რომელიც ხელოვანებს უმნიშვნელოვანების სათქმელის გამოხატვის საშუალებას აძლევდა. “კვაჭი კვაჭანტირაძე” სცენაზე დასადგმელად იდეალური რომანი აღმოჩნდა. სცენაზე წარმოსახული და მორალის პრიზმაში გარდატეხილი სპექტაკლის ზეამოცანა მაღალი რანგის პროზითა და მისი შესატყვისი მხატვრული საშუალებებით გადმოიცემოდა. ამავე დროს სპექტაკლი აგანტიურისტული რომანისთვის დამახასიათებელი დამაინტრიგებელი სიუჟეტითაც მიზიდავდა მაყურებელს. მიხეილ ჯავახიშვილის მკვლევარი მანანა კვაჭანტირაძე კვაჭი კვაჭანტირაძეს განიხილავს როგორც ტრიქსტერს, მსოფლიო ლიტერატურისა და მითოლოგიის ერთ-ერთ ყველაზე არქაულ პერსონაჟს. “როგორც ყველა არქეტიპული სახე, განვითარების ხანგრძლივი პერიოდის განმავლობაში ტრიქსტერიც სახეცვლილებას განიცდის. ეს ცვლილებები განსაკუთრებით საგრძნობია

ტრიქსტერის ლიტერატურული სახეების განვითარების ჭრილში, დაწყებული კარნავალური კულტურის ტრადიციითა და დასავლური პიკარესკული ოომანით - XX საუკუნის მოდერნისტული რომანით დამთავრებული. კვაჭის თავგადასავლებიც ქართული ვარიაციაა იმ მრავალრიცხოვანი ავანტურებისა, რომლებსაც მკითხველი მსოფლიო ლიტერატურის ორიათასწლოვანი ისტორიიდან და ხალხური - მათშორის ქართული-ზეპირსიტყვიერებიდან იცნობს" (19, 41).

1974 წელს თბილისის ორ აკადემიურ თეატრში ორი არქეტიპი ცოცხლდება.

22 თებერვალს რუსთაველის თეატრმა ახალი სპექტაკლი წარმოადგინა: რობერტ სტურუას დადგმული „ყვარყვარე“ - პოლიკარპე კაკაბაძის პიესის თავისუფალი ინტერპრეტაცია. ეს სპექტაკლი ახალი თეატრალური ესთეტიკის დამკვიდრების დასაწყისი გახდა. საქართველოს თეატრალურ აზროვნებაში დამკვიდრებას იწყებს პოლიტიკური თეატრის მოდელი. სათეატრო აზროვნება საზოგადოების უმნიშვნელოვანების პრობლემის პირობითი ფორმით გადმოცემის ახალ ნიშან-სისტემას სთავაზობს მაყურებელს. ქართული სცენა ახალი ფორმით იტვირთებს ტრიბუნის ფუნქციას.

2 ნოემბერს მარჯანიშვილის სახელობის აკადემიური თეატრის სცენაზე პრემიერა გაიმართა: მიხეილ ჯავახიშვილი, „კვაჭი კვაჭანტირაძე“, პიესა სამ მოქმედებად, ინსცენირებული კოტე მახარაძის მიერ - გვამცნობდა თეატრის აფიშა. სპექტაკლი დადგა დიმიტრი ალექსიძემ - იგი ამ პერიოდისთვის აღიარებული რეჟისორი, საქართველოსა და უკრაინის სახალხო არტისტი გახლდათ. თანადამდგმელი რეჟისორი ნუგზარ გაჩავა იყო.

1974 წელს თბილისში, მტკვრის გაღმა-გამოღმა ყვარყვარე და კვაჭი სცენურ ცხოვრებას იწყებენ. პოლიტიკურ ასარეზზე ორივე პერსონაჟის ცხოვრებისეული პრინციპების გამტარებელი ადეპტის კარიერაა დაწყებული. რა იყო ეს? დამთხვევა? თუ დიდი ხელოვანების სცენაზე განხორციელდებული წინასწარმეტყველური გაფრთხილება?

მიხეილ ჯავახიშვილმა „კვაჭი კვაჭანტირაძე“, თავისი პირველი ომანი, 1924 წელს დაწერა. ამ რომანით ჯავახიშვილი თხუთმეტწლიანი პაუზის შემდეგ დაუბრუნდა მწერლობას. მთავარ გმირს, კვაჭის, რეალური პროტოტიპები ჰყავდა. ერთ-ერთ მათგანს, ვინმე მეგრელიშვილს, თავად მწერლის მოტყუება და მისი ფულის თაღლითურად მითვისებაც მოუხერხებია. რომანის მოქმედ

პირებად გამოყვანილნი არიან საუკუნის დასაწყისის ოეალური ისტორიული პირებიც. რომანის ერთ-ერთ ეპიზოდს საფუძვლად დაედო შემთხვევა თავად ჯავახიშვილის ბიოგრაფიიდან, როდესაც იგი, უანდარმერიის მიერ ურჩთა სიაში შეყვანილი, სხვისი პასპორტით გადადიოდა საზღვარზე (60, 108-109).

„კვაჭი კვაჭანტირაძე“ დიდი მოცულობის რომანია – 1960 წლის გამოცემაში 412 გვერდია. ავანტიურისტული რომანის უანრის ნაწარმოების ეპიზოდები უაღრესად ქმედითია. სიუჟეტი ძალზე სხარტად ვითარდება. რომანში მეტად საინტერესო პერსონაჟთა გალერეა შექმნილი – ყველა ეს ნიშან-თვისებები რომანს აუდიოვიზუალურ ხელოვნებაში განსახორციელებელ შესანიშნავ ლიტერატურულ პირველწეროდ აქცევს. დაგით კასრაძესთან საუბარში მიხეილ ჯავახიშვილი თავის პერსონაჟზე აღნიშნავდა, „კვაჭი“ იმდენად პოპულარული გახდა, რომ „კვაჭობა“, „გაკვაჭება“ უკვე გაქნილი ადამიანის სახელად გადაიქცა“ (60, 156). თავად მიხეილ ჯავახიშვილის რომანის ბოლოს წინა თავში არის ერთი ეპიზოდი: „იმ დედაბერმა კვაჭი კარგად გაშინჯა, გამოსცადა და ერთხელ უთხრა: – ქალაქში ძალიან ბევრი უშვილო ქალია. ქმრები ჰყავთ, მაგრამ... გესმით? ესმის კვაჭის, როგორ არ ესმის! კვაჭმა უნდა უშვილო ცოლ-ქმარს უშველოს განა! კეთილი და პატიოსანი, ფასი? – მოვრიგდებით. ოღონდ არასოდეს არ უნდა აპხადოთ მუშტარს ნილაბი. კეთილი, კვაჭი ამ პირობასაც მიიღებს. მიიღო და ასრულებს კიდევაც, პირნათლად ასრულებს და დღითი-დღე სცხოვრობს“ (53, 409). ეს ეპიზოდი არასოდეს დაუდგამო „კვაჭი კვაჭანტირაძის“ მიხედვით შექმნილ არც ერთ სპექტაკლში. ასევე არც ერთ გასცენიურებულ ვერსიაში არ წარმოუდგენიათ რომანის ფინალური ეპიზოდი, კვაჭობის სრული დეგრადაცია, როდესაც კვაჭი ლიზა-ხანუმის ქმრის სტატუსით ცხოვრობს მის საროსკიპოში და, ფაქტობრივად, თავად ეიდის სხეულს. მაგრამ კოტე მახარაძის გასცენიურებული ვერსია, ისევე როგორც ყველა სხვა ვერსია, რომელთაც წინამდებარე ნაშრომში განვიხილავთ, უცილობლად შეიცავს ჯავახიშვილის გამაფრთხილებელი, წინასწარმეტყველური პასაჟის კონცეფციას – კვაჭის შთამომავალი პატარა კვაჭების გამრავლებისა და კვაჭობის, როგორც მოვლენის, განმეორებადობის მოტივს. მიხეილ ჯავახიშვილის დროსაც და შემდგომაც საზოგადოება ცდილობს, არ მოახდინოს ამ პერსონაჟთან საკუთარი წევრების იდენტიფიკაცია. აი, რას წერდა მიხეილ ჯავახიშვილი უბის წიგნაკში: „მეუბნებიან, ჩვენ კვაჭები აღარ გვყავს. ეს მართალია, რადგან უდაბნოში

კვაჭს რა უნდა! სამაგიეროდ თუმნიანი კვაჭიკო ათიათასობით მოიპოვება. დიდი კვაჭები სულ სხვა ბანაქში უნდა ვეძებოთ (პოლიტკვაჭები)“ (51, 177-178).

მარჯანიშვილის თეატრის წარმოდგენა იმთავითვე გახდა როგორც მაყურებლის, ასევე კრიტიკოსების აღიარების ობიექტი. მაყურებელი დარბაზს წლების განმავლობაში ავსებდა, პრესაშიც მრავალი რეცენზია დაიტესდა. საგულისხმოა, რომ ზოგიერთ სტატიაში კვაჭობის მხილებას „მავნე გადმონაშთების წინააღმდეგ ბრძოლის“ სტატუსით განიხილავდნენ. „მავნე გადმონაშთებად“ 70-იანი წლების პრესა პარტიული ხელისუფლების რეპრესირებულ პიროვნებებს ნათლავდა. შესაძლოა, რომ მაშინდელ ავტორებს მართლაც სჯეროდათ „ნათელი კომუნისტური იდეალებისთვის“ მებრძოლი ცეკას მდივნის უმწიკვლოება. პოლიტკვაჭების განჭვრეტა და მხილება თანადრულ კრიტიკოსებს, ფაქტობრივად, არ ძალუდათ.

ინსცენირების ავტორი მსახიობი კოტე მახარაძე გახლდათ. თეატრალები კოტე მახარაძეს იცნობდნენ როგორც უაღრესად განათლებულ, ინტელექტუალურ პიროვნებას. ის ყოველთვის მოიხსენიებოდა მცირერიცხოვან მოაზროვნე მსახიობთა შორის. კოტე მახარაძის გვიანდელი შემოქმედება „ერთი მსახიობის თეატრში“, ლიტერატურული მასალის სასცენო ტექსტად ქცევა და მისი მაყურებლამდე მიტანა ყოველთვის მწერლის სამყაროში ღრმად ჩახედული შემოქმედის ნადგაწი იყო. კოტე მახარაძის საავტორო თეატრის სათავეები მის შედარებით ადრეულ შემოქმედებაში, კერძოდ, მიხეილ ჯავახიშვილის რომანის გასცენურებაშიც უნდა ვეძებოთ.

მიხეილ ჯავახიშვილის ვრცელი რომანის სცენაზე სრულად გადატანა სამმოქმედებიან სპექტაკლში შეუძლებელი იყო. „რომანის ინსცენირება აუცილებლად იწვევს ნაწარმოებიდან რაღაცის ამოგდებას, ეპიზოდების კომბინირებული სახით წარმოდგენას, ეპოქისთვის დამახასიათებელი მოვლენების გასიმბოლოებას ან გამეტაფორებას, დროისა და სივრცის მინიმუმამდე შეკუმშვას და ამიტომ რომანი კი არ უნდა გაჩვენოთ ან წავუკითხოთ მაყურებელს, არამედ ლიტერატურული ნაწარმოების განზოგადებული სახეები და განზოგადებული ყოფა უნდა დავუმორჩილოთ თეატრალური ყოფისა და თეატრალური პერსონაჟებისთვის დამახასიათებელ პირობითობას. რომანის ინსცენირება მოითხოვს მოქმედებისა და ტექსტის მონტაჟს, მაგრამ თეატრს თავისი სასცენო მეტყველების საშუალებებიც გააჩნია და ამ სამი ელემენტის ორგანულად შერწყმა უაღრესად მნიშვნელოვანია

სპექტაკლის მაღალმხატვრულ ნაწარმოებად გადაქცევისათვის“ (26, 55). ამგვარად აფასებდა კრიტიკოსი გივი მაღულარია მარჯანიშვილის თეატრის სპექტაკლისადმი მიძღვნილ რეცენზიაში რომანის გასცენიურების სპეციფიკას. ამ პროცესში მნიშვნელოვანი როლი ენიჭებოდა დადგმის მხატვრულ გაფორმებას. მნელია არ დაეთანხმო კრიტიკოსს. ვრცელი რომანის ინტერპრეტაცია უცილობლად გამოიწვევდა ცვლილებებს. კოტე მახარაძემ სქელტანიანი რომანი იმგვარად გაასცენიურა, რომ სრულად შეინარჩუნა მწერლისეული სათქმელი, რომანის სულისკვეთება. კოტე მახარაძის სასცენო ვერსიაში იკვეთებოდა ის გარემოება, რომ ინსცენირებაში შერჩეული იყო აქტიორული სახის შექმნისთვის მომგებიანი აგანტიურისტული რომანის საკვანძო ეპიზოდები. სასცენო ვარიანტიდან ამოღებული იყო თავები, რომელთა განხორციელებაც შეუძლებელი იქნებოდა სცენათა მასობრიობის გამოც: ომი, რევოლუცია და ა.შ. შედეგად პერსონაჟთა რიცხვი მნიშვნელოვნად შემცირდა. ხშირად რამდენიმე პერსონაჟი ერთ სახეში იყო გაერთიანებული. სპექტაკლის ეპიზოდები კვაჭის სამოქმედო ასპარეზს წარმოსახავდა და ინტრიგითა და მოულოდნელი სვლებით კვაჭის სახის შექმნისა და მისი მხილებისთვისაც მაქსიმალურ ინფორმაციას აწვდიდა მაყურებელს. ამავე დროს ინსცენირების ამოცანად, ფაქტობრივად, მხოლოდ კვაჭის მხილება იქცა და არა იმ დროის და ვითარებისა, რომელმაც კვაჭი შვა. დროისა და ვითარების ცვალებადობა კვაჭების მიერ სიტუაციის მორგებას იწვევს. ხშირ შემთხვევაში, თავად კვაჭები ქმნიან ვითარებას, რომელიც კონკრეტულ დროში ხდება განხორციელებადი. ვინც თავად დიმიტრი ალექსიძეს იცნობდა, უცილობლად მიაკუთვნებდა მას ქართველ ხელოვანთა იმ მცირე რიცხვს, რომელიც თავიანთ გარშემო საოცრად ლად და ფეიერვერკულ გარემოს უბრალო ყოფით სიტუაციაშიც კი ქმნიდნენ. მიხეილ ჯავახიშვილის მძაფრსიუჟეტიანი რომანი სწორედ ის მასალა აღმოჩნდა, რომელიც რეჟისორის ფანტაზიასა და მისი აზროვნების სტილს სრულად შეესაბამებოდა. ჯავახიშვილის პროზის შესატყვისი, რეჟისორების და მსახიობთა ერთობლივი, დინამიკური ქმედითი პარტიტურა სამეულის – ოლეგ ქოჩაკიძის, იგორ ჩიკვაიძისა და ალექსანდრე სლოვინსკის სცენოგრაფიაში უნდა გათამაშებულიყო.

მარჯანიშვილელთა სპექტაკლი საკმაოდ უცნაურად, მორგში იწყებოდა. საიდანაც ხდებოდა გარდაცვლილთა გამოხმობა. მორგის, მკვდართა სამყოფელის სიმბოლიკა თავშივე ამჟღავნებდა სპექტაკლის ავტორთა

კონცეფციას: ამგვარი საზოგადოების ზნეობრივი განაჩენი თავიდანვე იქნა გაცხადებული. გორგოლაჭებიან საკაცებზე ზეწარგადაფარებულნი იწვნენ პაჭი და მისი მეგობრები. ეს უცნაური რეანიმაცია სათავგადასავლო რომანისთვის ატიპური უვერტიურით იმთავითვე სიმბოლოდ წარმოსახავდა ავტორთა სათქმელს: ეს პერსონაჟები, მათივე საქმეთა გამო, სიცოცხლეშივე იქცნენ გვამებად. ცოდვილი სულების გამოხმობით იწყებოდა მისტიკური ეპიზოდი. და მაინც, რომანის ჟანრის შესაბამისად, ჩახლართულ ინტრიგებში, ავანტიურისტული ეპიზოდების ფეიერვერკში იქმნებოდა უაღრესად ლალი, მაღალი ტემპორიტმის ფეიერვერკული სანახაობა.

სპექტაკლის მხატვრული გაფორმების აგტორები-ოლებ ქოჩაკიძე, იგორ ჩიკვაიძე და ალექსანდრე სლოვინსკი, ე.წ. “სამეული” განსხვავებული ხედვით სასცენო სივრცის მხატვრულ გადაწყვეტას რეჟისორულ ჩანაფიქრს უკავშირებდა. მხატვრების მიერ სასცენო სივრცეში განლაგებული დეკორაცია მთლიანობაში სადა და კონკრეტული იყო, რომელიც იმავდროულად მთელი სპექტაკლის მანძილზე, მოქმედების ადგილის ცვალებადობის მრავალგვარობის მიუხედავად მუდმივად ინარჩუნებდა ეროვნულ ხასიათს. კონსტრუქცია მთლიანად ავსებდა სასცენო სივრცეს და მოქმედების მსვლელობის დროს უცვლელი იყო. მოქმედების მსვლელობის დროს ხდებოდა მნიშვნელოვანი საგნების გათამაშება. მოქმედების ადგილის განზოგადებამ, შეიძლება ითქვას პირობითობამ წარმოშვა აუცილებლობა, რომ მხატვრებს ისეთი მატერიალური სამყარო შეექმნათ, სადაც მხატვრული მეტაფორებში, უბრალო ბუტაფორითაც კი (სხვადასხვა სახით, მაგალითად საგნები, რომლებიც ვითარების შესაბამისად სხვადასხვა დატვირთვას იძენდნენ) სპექტაკლის კომპოზიციური და პლასტიკური გადაწყვეტა განეხორციელებიათ. მხატვრებს ასეთი მიგნების ორგანულობას ლიტერატურული მასალა განაპირობებდა. მხატვრების მიერ მოძებნილი გაფორმების არჩევანი მთლიან კომპოზიციას კრავდა და მისი განმსაზღვრელი იყო.

ჯავახიშვილის რომანის ინტერპრეტაცია სცენაზე მხატვრებისგან უცილობლად ითხოვდა გარემოს, რომელიც უამრავ ეპიზოდს საერთო ვიზუალურ-კონცეპტუალური ნიშნით გაამთლიანებდა. ამგვარ ნიშნად მათთვის სპექტაკლში ფული იქცა, გაფორმების კომპოზიციის ძირითადი ბირთვი – უამრავი ასიგნაცია, რომელიც შპალერებად იყო გაკრული ქართული ტაძრის მრავალკუთხოვან შიდა კედლებზე. დეკორაციაში სპექტაკლის სათქმელი

იკითხებოდა – ფულის კერპად ქცევა მამონას თაყვანისმცემლების სალოცავად აქცევდა მართლმადიდებლური ტაძრის შიდა სივრცეს.

მარჯანიშვილის თეატრის „კვაჭი კვაჭანტირაძე“ მრვალმხრივ საინტერესო სპექტაკლი იყო: მოქალაქეობრივი პოზიციით, აქტიორული სახეებით, მუსიკალური გაფორმებით... თანადროული კრიტიკოსები სპექტაკლის ღირსებებთან ერთად კრიტიკულ შენიშვნებსაც გამოთქვამდნენ. მაგრამ ყველა რეცენზიაში მუსირებდა საერთო მოსაზრება: სპექტაკლი უდავოდ გამოირჩეოდა რეჟისორებისა და მხატვრების, თანააზროვნების იმ ხარისხით, რასაც შემოქმედებითი ტანდემიც შეიძლება ეწოდოს. სპექტაკლის მიზანსცენები “სამულის” მიერ შექმნილი დეკორატიული სათამაშო-ქმედითი საგნებით იქმნებოდა.

ერველი დეტალი, რომელიც სასცენო სივრცეში იყო გამოყენებული, მრავალგზის იყო გათამაშებული სხვადასხვა ვითარებაში და ლიტერატურული ტექსტის ვიზუალური წაკითხვად და გათამაშებად გარდაიქმნებოდა.

დეკორაციის ძირითადი ქმედითი ნაწილი, რომელიც მრავალგვარ ტრანსფორმაციას განიცდიდა სპექტაკლის მსვლელობის დროს, გორგოლაჭებიანი საკაცეები იყო. სწორედ ამ საკაცეებიდან ხდებოდა კვაჭისა და მისი ამფსონების „მკვდრეთით აღდგომა“. საკაცეზე დაასვენებდნენ კვაჭის მორიგ მსხვერპლს. რომანისეული ვერა სიდოროვა ინსცენირებაში სოფიო შივაძით იყო შეცვლილი. გრძელი საკაცეები რესტორნის მაგიდებად გადაიქცეოდა, სადაც კვაჭი თავაშვებულ ქვიფს აწყობდა. იგივე საკაცეები ბანკის ჯიხურებად გარდაიქმნებოდა. საგორავებელზე იყო მოთავსებული სამფეხა შტატივზე დამაგრებული კინოკამერაც – ბანკის გაძარცვა კინოგადაღების იმიტირებით ხდებოდა. უაღრესად სხარტი და დინამიური სცენის ისედაც მაღალ ტემპორიტმს გორგოლაჭებიანი საგნების მოძრაობაც ამძაფრებდა. ერთ-ერთ ეპიზოდში ცისფერი ახალუხით მოსილი კვაჭის საკაციდან პორტალზე დათვის ტყავი ეშვებოდა. ამ დრაპირებით საკაცე ბუნაგის ნაწილად აღიქმებოდა და მისი პატრონის ქმედებების აქცენტირების ფუნქციასაც ითავსებდა.

სპექტაკლის ეპიზოდები გამომგონებლობით გამოირჩეოდა. ოდონდ ნამდვილად ჭირდა იმის გარჩევა, თუ ვისი შეთხული იყო ესა თუ ის სცენა – მხატვრებისა თუ რეჟისორების. ავანსცენისკენ მიმართული უბრალო დასაკეცი კიბის თავი გემის ქიმის ასოციაციას იწვევდა. იმავე აღმართულ კიბეზე

იერარქიის მიხედვით განლაგდებოდნენ ცილინდრიანი კვაჭი და უელზე ბაფთაშებმული მონოკლიანი ბანდის წევრები. კიბე ამ ეპიზოდში კვაჭისა და ბანდის წევრების მიერ დაპყრობილი ეიფელის კოშკის სიმბოლოდ მოიაზრებოდა. უკიდურესი პირობითობით გათამაშებული ბუტაფორია მოქმედების გეოგრაფიულ არეალს წარმოსახავდა. ბუტაფორიული საგნები – მანეკენების ტორსები იქცნენ დიდგვაროვან კარისკაცებად ნიკოლოზ მეორის კარზე. შეპუდრულპარიკიანი ცერემონიასტერი ასახელებდა სამეფო კარის წარჩინებულის ვინაობას და სცენაზე მუნდირით ან დიდგვაროვანი ქალის კაბით შემოსილი ტორსი შემოპქონდათ. მუნდირებზე ორდენები და ბაფთიანი ჯვრები იყო მიმაგრებული. ისინი მუნდირის პატრონი მანეკენის დამსახურებებს აღნიშნავდნენ. უხელფეხო მანეკენების ფონზე მოსიარულე გვამებად აღიქმებოდნენ სიასამურის ბეწვის დარად მოხატული ქსოვილისგან შექმნილი მოსასხამებით შემოსილი მეფე-დედოფალი. უსიცოცხლო სამეფო კარი – ეს ეპიზოდი ამგვარად იკითხებოდა.

ხელოვნებათმცოდნე თეა ურუშაძე აღნიშვაგს: “სასცენო სივრცის ბოლომდე განთავისუფლებამ, მოქმედების ადგილის განზოგადებამ, პირობითობამ, წარმოშვა აუცილებლობა, მხატვარს ისეთი მატერიალური სამყარო შეექმნა, სადაც მხატვრული მეტაფორა (სხვადასხვა სახით, მაგალითად ერთი საგანი, “თოჯინა-საგანი”, “თოჯინა-პერსონაჟი”) სპექტაკლის კომპოზიციურ და პლასტიკურ გადაწყვეტას განახორციელებდა. ასეთ მიგნებას დრამატურგიული მასალა ყოველთვის აძლევდა საშუალებას. სწორი არჩევანი გაფორმების მთლიან კომპოზიციას კრავდა და იყო მისი განმსაზღვრელი (37, 415). სპექტაკლისეული მანეკენები სწორედ ამგვარ ფუნქციას ითავსებდნენ.

მანეკენებთან საპირისპირო სცენაზე ლუგრის ექსპონატები გაცოცხლდნენ – მსახიობი ქალები ჩარჩოში მენატურეებსა და პორტრეტებს განასახიერებდნენ. ექსპონატები დამთვალიერებლებს – კვაჭისა და მის მეგობრებს უცინოდნენ, თითქოს ეპრანჯებოდნენ კიდეც. მუმიფიცირებული სამეფო კარის საპირისპირო ხელოვნების ჭეშმარიტი ნიმუშები მარადიული სიცოცხლით დააჯილდოვეს სპექტაკლის ავტორებმა.

ყოველი მიზანსცენა, რომელსაც სპექტაკლში გაითამაშებდნენ, წარმოდგენის საერთო კონცეფციის ვიზუალურ წარმოსახვას ემსახურებოდა: გარდაცვლილად გამოცხადებული მამის, სილიბისტროს მაღლა აწეული კუბოდან ასიგნაციები ცვიოდა. ერთი შეხედვით ფოკუსის ტიპის ევექტზე

გათვლილი სცენა ავტორთა სათქმელს გამოკვეთდა: მამონას მსახურები სიკვდილსაც ფულად აქცევდნენ.

უაღრესად ორიგინალურად იყო გადაწყვეტილი კვაჭის მიერ რუსულ „ტროიკაში“ შებმული თანამეინახეების მხიარული ყიუინით პეტერბურგში შეჭრა. „ტროიკა“ სცენაზე მსახიობებით იქმნებოდა და თამაშდებოდა, მაგრამ სცენაზე აზრობრივად დატვირთული ვიზუალური კომპოზიცია თამაშდებოდა.

„ნაწარმოების აზრი მის სცენურ განსხეულებაში ზუსტად არის ამოტივტივებული და შინაგანად დასრულებული“. ამგვარ შეფასებას აძლევდა მწერალი და კრიტიკოსი გიორგი ხუხაშვილი მარჯანიშვილელთა წარმოდგენას.

დიმიტრი ალექსიძის სპექტაკლში ერთმანეთში აღრეული იყო პაროდია, გროტესკი, ბუფონადა, საცირკო ელემენტებიც კი. და მაინც, მარჯანიშვილის თეატრის „კვაჭი კვაჭანტირაძე“, მიხეილ ჯავახიშვილის დარად, ერის ჭირისუფლის დადგმული სპექტაკლი გახლდათ, სპექტაკლი, სადაც სატკივარი სხვადასხვა ჟანრის ელემენტებით შექმნილი მთლიანობით იკვრებოდა. სპექტაკლის ფინალში ბოლშევიკების შემოსვლით დაგრეხილ-დაშლილი კვაჭი და მისი ამხანაგები ისევ საკაცებზე წვებოდნენ და ზეწრებს იფარებდნენ... მათი მორიგი რეანიმაცია დროის შესატყვისად იქნებოდა მოსალოდნელი. მიხეილ ჯავახიშვილის „კვაჭი კვაჭანტირაძე“ უდიდესი იუმორითა და ავანტიურისტული რომანის ჟანრის ადეკვატური სტილისტიკით ხასიათდება. უაღრესად მსუბუქი თხრობის ფორმით მწერალს თანადროული საზოგადოების დიდი სატკივარი მოჰქონდა. სპექტაკლის ავტორთა ინტერპრეტაცია ერთდროულად მწერლის სათქმელის ერთგულებას, მის მაყურებლამდე მოტანასა და ამავდროულად მის მხატვრულ ტრანსფორმაციას აერთიანებდა. რეჟისორებისა და მხატვრების თანაშემოქმედებით შექმნილ სპექტაკლში ეს კონცეფცია ერთგვარად პლაკატური ფორმითაც მიეწოდებოდა მაყურებელს, რაც უფრო ნათლად ვლინდებოდა მოქმედი პირების, კოსტიუმებსა თუ გრიმში ასახულ უტრირებულ დეტალებში. ტულუზ-ლოტრეკის აფიშებზე დახატული ადამიანებივით, მათი ჭეშმარიტი არსი იკითხებოდა.

კვაჭი კვაჭანტირაძის კოსტიუმები ყოველ ეპიზოდში იცვლებოდა და პერსონაჟის სიტუაციის შესატყვისი დეტალებით იტვირთებოდა. გიმნაზიის კეპი თეთრმა ჩოხა-ახალუხმა შეცვალა. ბანკის გამარცვის ეპიზოდში განგსტერის შავ ტყავის კოსტიუმში, რუპორით ხელში, ფილმის გადაღების იმიტაციას გაითამაშებდა კოტე მახარაძის კვაჭი. მსახიობს საოცრად

ელეგანტურად პქონდა მორგებული გრიმიც და კოსტიუმიც. წვრილი ულვაში და ორი ლოკონი შუბლზე, ყელზე ბაფთა... წარმატებული პროვინციელი ავანტიურისტის ხიბლი მსახიობის გრიმითა და კოსტიუმებითაც იქმნებოდა. კოტე მახარაძის კვაჭის მაღალ შეფასებას აძლევდნენ აღიარებული რუსი კრიტიკოსებიც – ცენტრის აზრს ხომ მაშინ გადამწყვეტი მნიშვნელობა პქონდა. ნატალია საცი წერდა: „იგი უკელაფერში საინტერესოა – სიტყვებში, მოძრაობაში, პაუზებში. ძუნწია, მაგრამ გამომხატველია მახარაძის მიმიკა, იგი საოცრად პლასტიკურია. მაგრამ მისი უმთავრესი ძალაა თავისი გმირის მანერებით მოჯადოება და, ამავე დროს, დაუნდობელი გამოაშკარავება“ (35, 46).

კვაჭის თანამოსაქმეებს ზურგებზე სახელები ეწერათ. ის კი არა და ჭიპის (შოთა გაბელაია) მპლავებზე ორი სიტყვაც ეწერა: დუდუკი და ქალები. ჭიპის ცხოვრებისეული კრედო ამ ორ სიტყვაში მედავნდებოდა. სპექტაკლში ჭიპი კვაჭის ამალის ყველაზე გაქნილ წევრად იქცა. წარმოდგენაში კვაჭის მეგობრები ერთგვარად შემცირებული მასშტაბის კვაჭებად მოიაზრებოდნენ. რომანში კვაჭის პავლოვი ძარცვავს, ინსცენირებაში კი ჭიპი ჭიპინტურაძე. ნიჭიერად შესრულებული შოთა გაბელაიას ჭიპი ჭიპინტურაძე სამეულის ინტერპრეტაციით შექმნილი კოსტიუმის წყალობითაც ყველაზე ნათლად გამოხატულ და პაროდირებულ კვაჭის მცირე ანალოგად იქცა. სწორედ თავის ანალოგს სპექტაკლში დაუნდობლად ახრჩობდა კარატეს ილეთებით აგონიაში მყოფი კვაჭი. კვაჭის მრავალეროვნული ბანდის წევრების სამოსში ეთნოგრაფიული ელემენტები აისახებოდა: ჯალილას (ვახტანგ თანდილაშვილი) ჭრელი ატლასის თავსაბურავი და ასეთივე ჭრელი ხალათი და პერანგი და სედრაქას (გივი ციცქაშვილი) სომხური სამოსელი. მხატვრები კოსტიუმების შექმნის პროცესში თბილისში მცხოვრები სხვადასხვა ერების წარმომადგენლების ეთნოგრაფიულ ელემენტებს იყენებდნენ და ამით სპექტაკლის კოლორიტსა და დინამიკას აძლიერებდნენ. ამავე დროს იპვეთებოდა აგზორთა კონცეფცია- სხვადასხვა ჯურის ავანტიურისტები საერთო პრინციპით მოქმედებდნენ, სამოსელის ეროვნული დეტალები პერსონაჟების არსეს ვერ ცვლიდა.

“სამეულის” მიერ შექმნილი სპექტაკლის კოსტიუმები რამდენიმე ჯგუფად შეიძლება განვიხილოთ- ისინი სხვადასხვაგვარი კონცეფციით იყო შექმნილი: ერთი მხრივ, კვაჭის ოჯახის წევრების ჩოხიანი სილიბისტროს (ტარიელ საყვარელიძე), ყაბალხიანი ხუხუს (დავით ქუთათელაძე) თავწაკრული პუპის

(ნათელა მიქელაძე) და ა.შ. ეროვნული ტანსაცმელი იცვლებოდა XX საუკუნის დასაწყისის ეპიკული მოდელებით სოფიოს, სოროკინისა თუ ვოლკოვას გარდერობში. ეს კოსტიუმები იმ ეპოქის მოდელებს ეხმიანებოდა და ამასთან ერთად პერსონაჟის ხასიათის აქცენტირებას ახდენდა. სპექტაკლის კოსტიუმების შექმნისას მხატვრები ერთგვარად ისტორიზმის პრინციპისაც იცავდნენ და მოქმედებიდან გამომდინარე სასცენო სივრცეში განლაგებულ დეკორაციული სისტემის ხაზოვან კონსტრუქციას და ფერადოვან გამას უქვემდებარებდნენ.

მარჯანიშვილის თეატრის მუზეუმში შემონახული ეპიზოდური როლებისთვის შექმნილი ესკიზები: ლურჯმუნდირიანი პოლიციის ინსპექტორი, ყალსახვევიანი სტუდენტი და ა.შ. ისევე საინტერესოა, როგორც მთავარი გმირების კოსტიუმები. ერთგვარად პაროდირებულად წარმოსახეს მხატვრებმა რებეკა იდელსონი. ღრმა დეკოლტე, ორი წყვბა მაქმანი, მრავლად ასხმული ჯაჭვები და გრძელი საყურებები: ეს დეტალები რებეკას ფრივოლური ცხოვრების გამოხატვის მხოლოდ დამატებაა. ძირითადი დეტალები კაბაზე მრავალგზის აღმოჩნდილი ხელებია. თითქოს კაბას ყველა იმ მამაკაცის ანაბეჭდი შემორჩა, ვინც კი ოდესმე მასთან წოლილა. ინსცენირებაში რებეკასთან დაკავშირებულმა ეპიზოდებმა ტრანსფორმაცია განიცადეს: ოდესელ ებრაელ რებეკას (ლია პიტავა) კვაჭი ქუთაისში, ვოლკოვის ქვრივის ბინაში ხვდება. რებეკა ჩაანაცვლებს კვაჭის ულამაზეს ქართველ საყვარელს, ელენეს. სწორედ რებეკას გადაულოვავს სპექტაკლში კვაჭი გრიშკა რასპუტინს.

თენგიზ არჩვაძის რასპუტინი სპექტაკლის ერთ-ერთი გამორჩეული სახე იყო. რასპუტინის იერსახე უაღრესად მკვეთრი მონასმებით შეიქმნა: თმებგაბურტბნული, ანაფორით მოსილი ბერი სიბნელიდან ამოდიოდა და სამეულის შექმნილ კოსტიუმში უცნაურად ახოვანიც კი ჩანდა. რასპუტინი სპექტაკლში ეპიზოდური როლი იყო. ისტორიულად ცნობილი ოდიოზური პიროვნებაც რომ არ ყოფილიყო, მაინც ყველაზე მეტად სწორედ ეს სახე წაიკოხებოდა სპექტაკლში ფუნდამენტური დირექტულებების დევალვაციის სიმბოლოდ.

“სამეულის” მხატვრობაში ვლინდება პერსონაჟების მიმართ დამოკიდებულების არა მარტო ვიზუალური, არამედ ფსიქოლოგიური ასპექტი. სცენოგრაფები პერსონაჟების ირონიზებასაც ახდენდნენ. კვაჭის პარამხანის ყველაზე საოცნებო და მნელადმიღწეული ლედი ჰარვეის (მედეა ჯაფარიძე) უზარმაზარ ქუდს, რომელსაც გემის ფორმა ჰქონდა, კომიკური ელფერი

შემოჰქონდა. ინსცენირებაში ლედი ჰარვეი რომანისეულ მადამ ლაპოშს ენაცვლებოდა. უზარმაზარი ყვავილების კალათა ლედი ჰარვეის ბუდუარად გადაიქცეოდა. მედეა ჯაფარიძეს ბრჭყვიალა კაბაზე სარტყელად ინგლისის დროშა პქონდა შემორტყმული... მედეა ჯაფარიძე პერსონაჟს ნაზი, რომანტიული შტრიხებით წარმოსახავდა. მხატვრების შექმნილ უტრირებულ, გროტესკულ დეტალებს ირონიზაციის გამოც გაუცხოების ეფექტი შემოჰქონდათ წარმოდგენაში.

ამრიგად, სამეულის სცენოგრაფია მარჯანიშვილელთა სპექტაკლის სამაყურებლო წარმატებაში უმნიშვნელოვანების როლს ასრულებდა. კარნავალური, სიცოცხლით სავსე წარმოდგენის ვიზუალური ხიბლის ავტორები უპირველესად მხატვრები იყვნენ. თუ მათ მიერ შექმნილი დეკორაცია სადა და ადვილად აღსამელი იყო, თითოეული პერსონაჟის ჩაცმულობის მრავალრიცხვანი ცვალებადობა სცენოგრაფებს საშუალებას აძლევდა ყოველ ახალ ეპიზოდში მოქმედი პირის არსის გახსნა სახასიათო დეტალებით გაეძლიერებიათ.

მარჯანიშვილელთა წარმოდგენა ერთი რამითაც ჰგავდა რომანს - ის იმუამინდელი საზოგადოებაში დიდი პოპულარობით სარგებლობდა. მაყურებელი, რომელსაც შესაძლოა რომანი არც კი პქონდა წაკითხული, უკვე სპექტაკლის ხილვის შემდეგ ახდენდა კვაჭის ხელმეორედ გახალხურებას.

დასკვნის სახით შეიძლება ითქვას, რომ 70-იან წლებში მარჯანიშვილის თეატრში დადგმული „კვაჭი კვაჭანტირაძე“ პირველი წარმატებული სპექტაკლი გახდა, რომელიც მიხეილ ჯავახიშვილის პროზის მიხედვით შეიქმნა. კვაჭი კვაჭანტირაძის“ ინტერპრეტაცია აუდიოვიზუალურ ხელოვნებაში რომანის დაწერიდან ნახევარი საუკუნის შემდეგ განხორციელდა.. მარჯანიშვილის თეატრში რეჟისორებისა და მხატვრების მიერ ლიტერატურული ტექსტის ვიზუალური წაკითხვა და მსახიობთა თამაშსა და მუსიკალურ პარტიტურაშიც (კომპოზიტორი ვახტანგ კუხიანიძე) რომანის სასცენო აუდიოვიზუალურ ნაწარმოებად განსხვავდება მოხდა. ეს სპექტაკლი ქართულ თეატრში პროზის ინტერპრეტაციის საუკეთესო ნიმუშთა შორისაა. ნაშრომის წინა თაგში განხილული აუდიოვიზუალური ინტერპრეტაციები მიხეილ ჯავახიშვილის ნოველების ეკრანიზაციები იყო. ორი კინონოველა, რომელთაგან ერთ-ერთი, „მიხა“ ქართული მოკლემეტრაჟიანი კინოს უმნიშვნელოვანებს ფილმად განიხილება, სათავეს უდებს მიხეილ ჯავახიშვილის აუდიოვიზუალურ

ხელოვნებაში წარმატებული განხორციელების ტრადიციას. მაგრამ კინოველების აგტორთა პერსონაჟები, მწერლის ნოველების შესაბამისად რიგითი ადამიანების პრობლემებს წარმოსახავდნენ. მარჯანიშვილის თეატრის “კვაჭი კვაჭანტირაძე”, რომელიც ერთი შეხედვით გასართობი წარმოდგენების კატეგორიასაც მიეკუთვნებოდა, ამავე დროს მიხეილ ჯავახიშვილის მოქალაქეობრივი პოზიციის თანხვედრი იყო. მწერლისეული კონცეფცია სასცენო ხელოვნების შესატყვის, აუდიოვიზუალურ ტექსტად იქნა წარმოსახული. სპექტაკლში შეიქმნა ტრიქსტერის უაღრესად მნიშვნელოვანი სახე, რომელიც კვაჭობის არსეს წარმოსახავდა და კიდევ ერთხელ აფრთხილებდა საზოგადოებას ამგვარი პერსონაჟების მოსალოდნელი რეანიმაციის საფრთხის შესახებ. მარჯანიშვილის თეატრის სპექტაკლი ერთ-ერთი უმნიშვნელოვანესი ნამუშევარია მის ავტორთა შემოქმედებით ბიოგრაფიაში. გამომგონებლობით და მხატვრული ფანტაზიით სავსე სანახაობამ მიხეილ ჯავახიშვილის პროზის ახლებური აუდიოვიზუალური ინტერპრეტაციის შესაძლებლობა წარმოაჩინა. XX საუკუნის დასასრულის თეატრში ჯავახიშვილის პროზის არაერთი ახლებური და სრულიად ორიგინალური ვერსია განხორციელდა. ჯავახიშვილის პროზის აუდიოვიზუალურ სასცენო ნაწარმოებად ქცევის ტენდენციას სწორედ მარჯანიშვილის თეატრის წარმოდგენამ ჩაუყარა საფუძველი.

თავი V

“ქალის ტეირთის” თეატრალური ინტერპრეტაციის საკითხისათვის

მეოცე საუკუნის სამოცდაათიანი წლების სათეატრო რეპერტუარში ინსცენირებებმა განსაკუთრებული ადგილი დაიმკვიდრა. დიდი თეატრალური ცხოვრება, როგორც ამას თეატრმცოდნე ვასილ კიკნაძე უწოდებს, იმითაცაა მნიშვნელოვანი, რომ ამ პერიოდში ქართულ თეატრალურ მხატვრობაში გაჩნდა ახალი ტექნიკები და ახალი გამომსახველობითი ფორმები (22, 477) ახალ სტილისტიკას უპირატესად ახალი სახელები - ინდივიდუალური, ორიგინალური ხედვის შემოქმედები ამკვიდრებდნენ. პროზის გაფორმების შემთხვევაში სცენოგრაფები ცდილობდნენ იმგვარი ერთიანი პლასტიკური გარემო შეექმნათ სცენაზე, რომ მაქსიმალურად ყოფილიყო გადმოცემული მოთხოვობის თუ

რომანის არსი, ადექვატურად გადმოეცათ ლიტერატურული პირველწელი წარმოსახული მწერლისეული სამყარო. მეორეს მხრივ, კი სცენოგრაფების შემოქმედებითი ძიებების პროცესი თანადროულ გამომსახველობით ფორმებთან შესატყვისობას და მხატვრის შემოქმედებითი კონცეფციის გამოხატვას მოიცავდა.

70-იანი წლების დიდი თეატრალური ცხოვრების უპირველესი წარმმართველი შოთა რუსთაველის სახელობის აკადემიური დრამატული თეატრი იყო. უნიჭიერესი რეჟისორები- რობერტ სტურუა და თემურ ჩხეიძე ერთდროულად მოღვაწეობდნენ საქართველოს უპირველეს თეატრში და თავად ქმნიდნენ სათეატრო ცხოვრების ლიდერის, რუსთაველის თვატრის რეპერტუარის ყველაზე მნიშვნელოვან დადგმებს. რუსთაველის თეტრის შემოქმედებითი სტილი ორი, თანაბრად მძლავრი მიმართულებით ვითარდებოდა: ერთის მხრივ რობერტ სტურუას სანახაობრივ - ბალაგანური ელემენტებით გაჯერებული და ამავე დროს უაღრესად დრმა და თამამი პოლიტიკური სპექტაკლები და მეორეს მხრივ, თემურ ჩხეიძის ფსიქოლოგიური და ამავე დროს ახალი სათეატრო ფორმების შემცველი წარმოდგენები. ქართული თეატრებში ყოველთვის იდგმება ინსცენირებები. ცხადია, ამ გარემოების უმთავრესი მიზეზი ორიგინალური ქართული დრამატურგიის ნაკლებობასთან ერთად, ქართული პროზის მაღალი მხატვრული რანგია. რუსთაველის თეატრის საუკეთესო დადგმათა შორის უცილობლად მოიხსენიება დავით კლდიაშვილის „სამანიშვილის დედინაცვალი”, რომელიც ქართული პროზის ინტერპრეტაციის საუკეთესო ნიმუშია. ეს სპექტაკლი თემურ ჩხეიძის და რობერტ სტურუას ერთობლივი დადგმა იყო, წარმოდგენა, რომელიც ერთგვარი სინთეზი იყო ორი დიდი რეჟისორის შემოქმედებითი სტილისტიკის: თემურ ჩხეიძის ფსიქოლოგიური თეატრისა და რობერტ სტურუას სრულიად ახლებური ფორმის ძიებისა. თავის დროზე რუსთაველის თეატრის „სამანიშვილის დედინაცვალს” უდიდესი წარმატება ხვდა წილად. ქართული პროზის წარმატებულმა ინტერპრეტაციამ თეატრში კიდევ უფრო გაზარდა რწმენა იმისა, რომ ქმედითი პროზა საუკეთესოდ დადგმის საშუალებას იძლევა. ცხადია, ეს გარემოებაც განაპირობებდა საერთოდ ქართული თეატრების, და კონკრეტულად რუსთაველის თეატრის და თავად თემურ ჩხეიძის მუდმივ შემოქმედებით ინტერესს ქართული პროზის ნიმუშების მიმართ. მიხეილ ჯავახიშვილის მაღალმხატვრული ფსიქოლოგიური პროზა თემურ ჩხეიძის სტილისტიკის და

შემოქმედებითი მრწამსის ადექვატური იყო. რეჟისორის დიდი ინტერესი მიხეილ ჯავახიშვილის შემოქმედების მიმართ სწორედ ამ ორი სხვადასხვა ეპოქის და დარგის წარმომადგენლის მრწამსის და სტილის თანხვედრაში უნდა ვეძოთ. პირველად თემურ ჩხეიძემ მიხეილ ჯავახიშვილის შემოქმედებას 1976 წელს მიმართა, რუსთაველის თეატრის პირველ სარეპეტიციო დარბაზში “ქალის ტვირთის” რეპეტიციები დაინიშნა. ინსცენირების ავტორი თავად თემურ ჩხეიძე იყო. “ქალის ტვირთის” ინსცენირება უდაოდ არის ნიმუში იმისა, თუ როგორი კრძალვით ეპურობა რეჟისორი მწერლის ტექსტს: ინსცენირება სრულად შეესატყვისება მწერლის მსოფლმხედველობას და მიხეილ ჯავახიშვილის რომანის კონცეფციას. შენარჩუნებულია ყველა ძირითადი სიუჟეტური სკლა და ყველა მთავარი და მნიშვნელოვანი პერსონაჟი, რომელსაც რომანი მოიცავს, გარდა მარიამ ახატნელისა. პერსონაჟების დიალოგების გარდა შენარჩუნებულია მწერლის ტექსტი, რომელშიც პერსონაჟები ყვებიან ამბავს, რომელიც მიხეილ ჯავახიშვილს აქვს მოთხოვობილი. ლიტერტურული თეატრისა და დრამატული წარმოდგენის ელემენტების სინთეზი ინსცენირებაში მწერლისადმი ერთგულების ნიმუში იყო და ამავე დროს აუდიოვიზუალურ ტექსტად ინტერპეტირების საფუძველი. ერთადერთი, რაზეც უარი თქვა რეჟისორმა ინსცენირებაში, ეს არის რომანისეული მეოცე საუკუნის ცნობილი მოღვაწეების სპექტაკლის პერსონაჟებად ქცევა. ცხადია, რომანის ინსცენირება ყოველთვის გულისხმობს მის შემოკლებას და პერსონაჟთა ნაწილის ამოღებას. რეჟისორის არჩევანი გამართლებულად მეჩვენება, ვინაიდან ფილმისგან განსხვავებით, სპექტაკლში ძალზე რთულია სცენაზე ერთი გამოჩენით, ან თუნდაც ეპიზოდური როლით შექმნა იმგვარი მხატვრული სახე, იმგვარი როგორიც რომანში მოქმედ პირებად გამოყვანილ საზოგადო მოღვაწეებს ეკადრებათ. თეატრალური როლის სპეციფიკა, კინემატოგრაფიული როლისგან განსხვავებით, მოითხოვს სახის განვითარების პროცესის ჩვენებას. სცენაზე ხანმოკლე ეპიზოდში ფაქტობრივად არ ხდება პერსონაჟის თვისობრიობის სრულად წარმოჩენა. იმ შემთხვევაში, თუ კი “ქალის ტვირთის” სასცენო ვერსიაში იქნებოდნენ ილია ჭავჭავაძე, იაკობ გოგებაშვილი, აკაკი წერეთელი, ანტონ ფურცელაძე, კოტე მესხი, ნიკო ცხვედაძე, მოღვაწეები, რომლებიც ეპოქის ინტელექტის მამოძრავებელი ძალის მისიას ასრულებდნენ, ისინი სათეატრო ხელოვნების სპეციფიკიდან გამომდინარე, ხანმოკლე სცენიური ეპიზოდების გამოც მხოლოდ სახე-ნიშნების ფუნქციას შეასრულებდნენ.

მიხეილ ჯავახიშვილის ტექსტისადმი იმ კრძალვის ფონზე, რომელიც ჩანს თემურ ჩხეიძის ინსცენირებაში, ეს გადაწყვეტილება გამართლებულად მიმაჩნია.

მიხეილ ჯავახიშვილის პროზის ინტერპრეტაციის კვლევისას მნიშვნელოვნია შემოქმედებითი პროცესის დეტალები, რომლებიც აუდიოვიზუალურ ხელოვნებად, სპექტაკლად ქცევისას იქვეთება. “მოქმედებრივი აზრობრივი ანალიზი. მუშაობს რეჟისორ-დამდგმელი თჩხეიძე” – გვამცნობს ჩანაწერი სპექტაკლის წამყვანის, ვალიკო გაბისიანის სარეპეტიციო დღიურში. (7). ვალიკო გაბისიანის სარეპეტიციო დღიური ოთხთვიან პერიოდს მოიცავს- 1976 წლის 18 სექტემბრიდან 1977 წლის 3 იანვრამდე, სპექტაკლის პრემიერამდე. სარეპეტიციო დღიური შემოქმედებითი პროცესის სურათს გვიქმნის. დღიურში არაერთგზის არის მოხსენიებული ტერმინი “ძირითადი ამოცანების დადგენა”. სარეპეტიციო პროცესი უცილობლად გულისხმობს თითოეული როლის ამოცანის დადგენას და მისი განხორციელების გზების ძიებას. სარეპეტიციო დღიურში ამ ტერმინის ყველა ეტაპზე განმეორებადობა რეჟისორისა და აქტიორთა ერთობლივი ძიების პროცესის სიღრმეზე მეტყველებს. დეკემბრის ბოლოს, როდესაც სარეპეტიციო პროცესი დეკორაციით, განათებით, კოსტიუმებითა და მუსიკის თანხლებით ტარდებოდა, რეპეტიციას დაესწრენ თეატრის დირექტორი აკაკი ბაქრაძე და რობერტ სტურუა. გენერალურ რეპეტიციას უკვე სამხატვრო საბჭოს წევრები ესწრებოდნენ. 29 დეკემბერს სპექტაკლი სამინისტრომ ჩაიბარა- შესრულდა სპექტაკლის გამოშვების სტანდარტული მიმდინარეობა, რომელიც ბიუროკრატულ პროცედურასთან ერთად უცილობლად შეიცავდა სინთეზური ხელოვნების ნიმუშის პრემიერამდე, ანუ მაყურებლისადმი წარდგენამდე არა მხოლოდ ცენზურისა და კონტროლის მექანიზმს, არამედ იმავე ნომენკლატურის წარმიმადგენლების მიერ ახლი სპექტაკლის ანალიზს. თუ იმ გარემოებასაც გავითვალისწინებთ, რომ თეატრის დირექტორი მაშინ ცნობილი საზოგადო მოღვაწე და საბჭოთა იდეოლოგიისადმი უაღრესად კრიტიკულად განწყობილი და მის წინააღმდეგ მებრძოლი აკაკი ბაქრაძე იყო, ხოლო კულტურის სამინისტროს ნომენკლატურას წარმოადგენდნენ ცნობილი ხელოვანები, თუნდაც ისეთი, როგორიც მაშინდედი კულტურის მინისტრის მოადგილე, თეატრმცვდნე ნოდარ გურაბანიძე გახლდათ, სპექტაკლის ჩაბარება ხშირად არა ნომენკლატურის წევების, არამედ ფაქტობრივად ერთმაგვარად მოაზროვნეთა სამსახურეობრივი დიალოგისა და ანალიზის ფორმითაც ხდებოდა.

ამთავითვე უნდა ითქვას, რომ რუსთაველის თეატრი “ქალის ტვირთი” არ იყო არც რუსთაველის თეატრის საუკეთესო სპექტაკლი და არც თემურ ჩხეიძის საუკეთესო სპექტაკლი. თუ იმ გარემოებას გავითვალისწინებთ, რომ რუსთაველის თეატრში უკვე დადგმული იყო “ყვარყვარე”, “კავკასიური ცარცის წრე”, თავად თემურ ჩხეიძის “გუშინდელნი”, ან თუნდაც უკვე ნახსენები “სამანიშვილის დედინაცვალი”, მაშინ ნათელი გახდება თუ რა მხატვრული ხარისხი მიიჩნეოდა იმ წლებში სპექტაკლის შეფასების კრიტერიუმად. “ქალის ტვირთი” არ იყო იმ რანგის სპექტაკლი, რომელიც 70-იანი წლების დიდი თეატრალური ცხოვრების წარმმართველად მოიაზრება. და მაინც, ეს სპექტაკლი ნამდვილად არის ეტაპი მიხეილ ჯავახიშვილის ახლებური ინტერპრეტაციის შესწავლისთვის და თავად თემურ ჩხეიძის შემოქმედებითი ბიოგრაფიისთვის.

2010 წლის მაისში youtube.com-ზე ნეტგაზეთის მიერ აიტვირთა თემურ ჩხეიძის მიმართვა ახალგაზრდა თეატრალებისადმი. რეჟისორის ტექსტი ჩვეულებრივი, უფროსი კოლეგის განსჯისა და დარიგებების გარდა შეიცავს ძალზე საგულისხმო მოსაზრებებს, რომლებიც თემურ ჩხეიძის მხატვრული აზროვნების მომართებას გამოხატავს და სრულად შეესაბამება როგორც რეჟისორის მთელს შემოქმედებას, ასევე მის სპექტაკლს, “ქალის ტვირთს”.

პატარა მიმართვაში რეჟისორმა კიდევ ერთხელ გააუღერა მისი დამოკიდებულება ხელოვნების ნაწარმოების და ხელოვანის მისის შესახებ: “ნამდვილად შემიძლია ვთქვა, რომ ერთი მეათედი თუ გამომსვლია ისეთი, როგორიც მინდოდა რომ გამოსულიყო, და დამიჯერეთ ეხლა სიტყვაზე, რომ სრულებით არ ვკეპლუცობ როდესაც ამას ვლაპარაკობ. გააჩნია რა გქონდა ჩაფიქრებული. სხვამ რაც არ უნდა გითხრას, თვითონ ხომ იცი რა გინდოდა და რა გქონდა ჩაფიქრებული და რამდენად მიაღწიე იმას, რაც გინდოდა. ჯერ ეს ერთი, როცა აღწევ იმას რაც გინდოდა, კიდევ საკითხავია ეს სხვას მოეწონება თუ არა და თუ ვერ მიაღწიე იმას, მით უმეტეს შენ თვითონ ყოველთვის რაღაც გაკლია გულს... თუ ხელოვნება არ ცდილობს რომელიმე ზნეობრივ პრობლემას რაღაცნაირად შეეთამაშოს და ამისთვის არ იბრძის, მაშინ ძალიან დიდ დღე არ უწერია. აქ ლაპარაკია მცდელობაზე” (68, <http://www.youtube.com>)

თემურ ჩხეიძე ამ მიმართვაში ძალზე მარტივი ენით საუბრობს, უბრალოდ და ნათლად უხსნის ახალგაზრდებს იმ სირთულეების შესახებ, რაც ხელოვანის წინაშე დგას. რუსთაველის თეატრის სპექტაკლი “ქალის ტვირთი”

ამ ასპექტების გათვალისწინებით უნდა განვიხილოთ. და, რაც უმთავრესია, ამ მიმართვაში კონკრეტულად არის განსაზღვრული ხელოვნების მისია - ზნეობრივი პრობლემის ჭრილიდან ამა თუ იმ ხელოვნების ნიმუშის - ამ შემთხვევაში სპექტაკლის შექმნა. სწორედ პრობლემის ზნეობრივი ასპექტი და ამ ასპექტის წარმოჩენისას მწერლისა და აუდიოვიზუალური ხელოვნების შემქმნელების პოზიციათა შესაბამისობაა უმთავრესი, რაც მიხეილ ჯავახიშვილის რომანის ინტერპრეტაციის საკითხის შესწავლისთვის განმსაზღვრულია. რუსთაველის თეატრის “ქალის ტვირთის” შემთხვევაში თავშივე ხდება ორი შემოქმედის - მწერლისა და რეჟისორის პოზიციათა თანხვედრა, მარადიული დირექტულებების, მორალური ასპექტების, ზნეობრივი პრობლემების, პერსონაჟთა ფსიქოლოგიური ასპექტების და ამით განპირობებული ქმედების ერთობლიობა. ეს სინთეზი კი შედეგში ერთიანდება, რომელიც ხელოვანის შექმნილი ნაწარმოების ზნეობრივ კრიტერიუმთან შესაბამისად გარდაქმნად ყალიბდება. მწერლისა და რეჟისორის კონცეფციების თანხვედრის საბოლოო შედეგი - სათეატრო წარმოდგენა მხატვრის მიერ შექმნილ ერთიან პლასტიკურ გარემოში თამაშდება. ამ თამაშის უპირველესი შემსრულებელები, მსახიობები ავტორთა კონცეფციის გამომხატველები, ტრანსფორმაციის სულიერი გამოხატულების, მაყურებლისთვის ავტორთა მსოფლმხედველობის სულიერი გადამცემები არიან. თემურ ჩხეიძე ფსიქოლოგიური თეატრის ოსტატია. პროზაული ნაწარმოების პერსონაჟები მსახიობების როლებში განსხვეულდება, ამდენად რომანის გმირების ტრანსფორმაციის ანალიზი ინტერპრეტაციის პრობლემის შესწავლის განუყოფელი ნაწილია.

“სხვადასხვა ეპოქების მიჯნაზე საზოგადოების, პიროვნების არსებობისათვის საფუძველდამდები მორალურ-ეთიკური პრინციპების ნაწილობრივი დევალვირება და ახლის წარმოქმნა ბუნებრივი მოვლენაა, რომელიც თავისი არსით მტკიცნეული, წინააღმდეგობრივი პროცესია. ამიტომ ე.წ. გარდამავალ პერიოდში მცხოვრები ადამიანისათვის არაიშვიათად ზნეობრივის სივრცე გაორმაგებულია” (38, <http://www.nplg.gov.ge/gsdl/cgi-bin/library>). გარდამავალი პერიოდების ზნეობრივი სივრცის გაორმაგება ხშირ შემთხვევაში პიროვნების ორჭოფობის საფუძველია. მწერლისა რეჟისორისაქეთევან ახატნელის შინაგანი გაორების და ზოგადად ქალის როგორც სოცილური, ზნეობრივი და ფსიქოლოგიური და მორალური ტკირთის

მატირებლის განმეორებდობის და შესაბამისად სამყაროში საყრდენსმოკლებული არსებობის იდეა თემურ ჩხეიძემ სპექტაკლის უმთავრეს თემად აქცია. სწორედ ქალის არჩევანის ძიება გახდა რეჟისორის კვლევის თემა წარმოდგენაში, რამაც წარმოდგენის ფორმა განსაზღვრა. თემურ ჩხეიძის გადაწყვეტით, სპექტაკლში ქეთევან ახატნელის როლს ორი მსახიობი ასრულებდა - პირველ მოქმედებაში -მარი ჯანაშია, ხოლო მეორე მოქმედებაში თათული დოლიძე. თეატრალებისთვის ცნობილია, რომ თემურ ჩხეიძე რეპეტიციებს მედეა ჩახავასთანაც გადიოდა. სარეპეტიციო დღიურიც ამას ადასტურებს. რეჟისორის თავდაპირველი ჩანაფიქრი წარმოდგენის საბოლოო ვერსიაში არ განხორციელდა. თავდაპირველად ქეთევანის სახეს სამ მსახიობზე უნდა გადანაწილებულიყო, მაგრამ საბოლოოდ ორი დარჩა. რაც შეეხება ერთი როლის ორ მსახიობზე გადანაწილებას, ამ გარემოებამ კრიტიკოსთა აზრის მრვალგვარობა გამოიწვია. თეატრმცოდნე ვაჟა ძიგუა ჟურნალ “თეატრალურ მოამბეში” გამოქვეყნებულ სტატიაში წერს: “ერთადერთი დასრულებული, გამოკვეთილი სახეა, ქეთევან ახატნელი, და აქაც, ვფიქრობთ, რეჟისორმა არსებითი ხასიათის შეცდომა დაუშვა მაშინ, როდესაც ეს ერთადერთი დასრულებული სახე ხელოვნურად “გაყო შუაზე” –ორი სხვადასხვა ქეთო გამოიყვანა ერთ სპექტაკლში. ეს რეჟისორული ხერხი, თავისთავად საქმაოდ ეფექტური, შეიძლება ითქვას არაშაბლონური – საზიანოდ იქცა მხატვრული ქსოვილის აღქმის მთლიანობისათვის და ერთგვარი ბუნდოვანება, გაურკვევლობა გააყოლა სპექტაკლს. ცხადია, რეჟისორს სურდა მოეცა ორი სავსებით განსხვავებული ხასიათი, მკვეთრად ეჩვენებინა ქეთოს გარდაქმნა, მის არსებაში მომხდარი სრული გარდატეხა. სწორედ ამიტომ დანიშნა მან ამ როლზე ორი სრულიად სხვადასხვა ინდივიდუალური მონაცემების მქონე მსახიობი–მჯანაშია და თდოლიძე. ჩანაფიქრი საინტერესოა, მაგრამ ქეთევანის სწორედ ამ რადიკალურად საწინააღმდეგო ხასიათების დაპირისპირებამ დასვა სპექტაკლში კითხვის ნიშანი. პირველ მოქმედებაში ჩვენ ვირწმუნეთ მარინა ჯანაშიას ჰაეროვანი, ნაზი, წმინდა და ფაქიზი ბუნების ქეთევანი. მსახიობი თანმიმდევრულად, ზომიერი მხატვრული ტაქტით გვიხატავს თავისი გმირის შინაგან სამყაროში მიმდინარე სულიერ პროცესებს და აი, მომდევნო მოქმედებაში მოგვევლინება “ახალი” ქეთევანი. (თ. დოლიძე) – თვისობრივად სავსებით სხვა მხატვრულ-სცენური სახე და უეცრად ძნელი ხდება მოულოდნელი “გადართვა”; მაყურებელს კარგა ხანს, ძალაუნებურად, თვალწინ

უდგას “პირველი” ქეთო, ხოლო, როდესაც თანდათანობით შეეგუება ქეთევანის “საბოლოო ვარიანტს” – წარმოდგენაც მთავრდება.” (43, 26)

როგორც ზემოთ ავღნიშნე, თემურ ჩხეიძეს თავდაპირველად ქეთოს როლი სამ შემსრულებელზე პქონდა გადანაწილებული, საბოლოოდ კი ორი მსახიობი თამაშობდა ამ როლს. თავად ფაქტი, ერთი როლის რამდენიმე შესრულებელზე გადანაწილებისა წარმოაჩენს რეჟისორის პოზიციას- გაუწონასწორებელ, მერყევ სოციო-კულტურულ ვითარებაში ქალის როლის, ტრადიციული და ეროვნული დირებულებების ნგრევის და ყალბი, რევოლუციური ფასეულობებით ჩანაცვლების ეპოქაში ქალის როლის, მისი ბედისწერისა და საბოლოოდ ქალის ტგირთის გაუსაძლისობის შესახებ. რეჟისორის მიერ რამდენიმე შემსრულებელზე ერთი როლის გადანაწილება სწორედ ამგვარი დამოკიდებულების განსხვაულების მცდელობაა. მწერლისა და რეჟისორის აზროვნების მიმართება ერთმაგვარია, ერთის მხრივ ანალიტიკური დამოკიდებულება-ქალის ბედზე დაფიქრება და განსჯა და მეორეს მხრივ სუსტი არსების მდგომარეობისადმი ემოციური დამოკიდებულება და თანაგრძნობა. ქალისადმი პასუხისმგებლობის განცდა მიხეილ ჯავახიშვილის არაერთ თხზულებას გასდევს. ქალის წილის მოაზრება ზოგადსაკაცობრიო დირებულებათა შეფარდებაში მიხეილ ჯავახიშვილის შემოქმედებას თვისობრივად გამოარჩევს მეოცე საუკუნის ქართულ პროზაიკოსთა შორის. “ვფიქრობთ, “ქალის ტვირთის” მთავარი გმირი ქეთევან ახატნელი თავისი შინაგანი სულიერი სტრუქტურით, პიროვნული “მეს”, მსაზღვრელებით უაღრესად საინტერესო სახეა. ამ “მეს” არჩევანი განასხვავებს მას რომანის სხვა პერსონაჟებისაგან და ამთავითვე გვიჩვენებს “მეს” გადასვლას, ფერისცვალებას ძველ და ახალ ფასეულობათა სისტემებს შორის, რომელსაც რომანში გურგენიძე და ავჭაროვი წარმოადგენენ” (38, <http://www.nplg.gov.ge/gSDL/cgi-bin/library>). სწორედ ფასეულობათა ძველ და ახალ სისტემების ცვალებადობაში გადასვლის სენიერ გადაწყვეტად უნდა მივიჩნიოთ ორი ქეთევანის არსებობა თემურ ჩხეიძის წარმოდგენაში. როგორც იმჟამინდელი რეცენზიებიდან ირკვევა, ეს გადაწყვეტა კრიტიკული მოსაზრებების გამოთქმის საფუძველიც გამხდარა, თუმცა ეს მსატვრული ხერხი თავად რეჟისორული ძიების სიღრმეზე მეტყველებს და სპექტაკლს უდაოდ გამორჩეულს ხდის. მარი ჯანაშიას და თათული ღოლიძის სახეები სრულად განსხვავებული იყო. “თეატრალური პირობითობით, ლაკონურად, გემოვნებითა და რეჟისორული

ფანტაზითაა გადაწყვეტილი მიზანსცენა, როდესაც ახატნელების ოჯახში შემოჭრილ ზურაბ გურგენიძეს ქეთო თავის ოთახში გადამალავს. აქ თ. ჩხეიძემ ორი ქეთევანი ერთდროულად გამოიყვანა სცენაზე და, ამ კონკრეტულ შემთხვევაში, ეს არა თუ არ გვალიზიანებს, არამედ ვიხიბლებით რეჟისორული ხედვისა და ჩანაფიქრის სცენურ ფორმაში მხატვრულად გამოსახვის „უნარით“ (43, 26). ორივე მსახიობი ერთად ეფეთება პერსონაჟს, რომელიც მიზეზია ქეთევანის გაორებისა, რომლის წინაშეც ქალი აღმოჩნდა. ზურაბ გურგენიძის როლის შემსრულებელი რ. გოგინაშვილის შექმნილი სახე არ შეიცავდა იმ სიღრმისეულ გააზრებას, რომელიც მიხეილ ჯავახიშვილის პერსონაჟის ფუნქციას - ქეთოს მსოფლმხედველობის შემცვლელს ეკისრებოდა. მამაკაცების როლის შემსრულებელთაგან მხოლოდ უანრი ლოლაშვილის ავშაროვი იყო ბოლომდე შემდგარი მხატვრული სახე. უანრი ლოლაშვილი, ერთის მხრივ ტიპიური უანდარმი, უაღრესად ფაქიზ და სენტიმენტალურ ადამიანადაც კი გარდაიქმნებოდა ქეთოსთან ურთიერთობისას. სპექტაკლის ერთ-ერთ მნიშვნელოვან ეპიზოდად, როგორც აქტიორული, ასევე სადადგმო თვალსაზრისით, შანტანის ეპიზოდი გვევლინებოდა: როგორც უპვე აღვნიშნე, ცნობილი საზოგადო მოდგაწები სპექტაკლში არ იყვნენ, მაგრამ წარმოდგენაში შანტანში მყოფი ქეთოს რეაქცია კოტე მესხის იქ მუშაობაზე, ნათლად გადმოგცემდა ამ პიროვნების მნიშვნელობას ქართული საზოგადოების თვალში. მსახიობ მარინა ჯანაშიას თვალებში განცვიფრება ჩანდა, ხმაში ერთგარი პროტესტიც ისმოდა. ეს ეპიზოდი უაღრესად სახიერად იყო გადაწყვეტილი რეჟისორისა და მხატვარ მირიან შველიძის მიერ. ვენურ სკამზე მჯდომ ქეთოს ილიკო და ავშაროვი სკამიანად იტაცებდნენ. სცენის ბრუნვის პარალელურად მამაკაცების ნაჩქარევი მოძრაობები ექსპრესიული იყო. ეპიზოდის ტემპო-რიტმი, რიტმულ მელოდიაზე შანტანში მოცვემავე წევილი სრულად ასახავდა რომანისეული ეპიზოდის განწყობას და ქეთოს შინაგანი დამოკიდებულებას: “—ამათ ქმრები ჰყავთ, მე კი გასათხოვარი გარ — უნდილადღა შფოთავდა ქეთო და თან სიხარული ეპარებოდა იმის გამო, რომ ასე მოულოდნელად გაუდეს აკრძალული კარი და შანტანში ძალით შეიყვანეს, შეიყვანეს კი არა შეათრიეს, დიად, შეათრიეს. მართალია თან ძმა ახლავს, მაგრამ თუ გაიგო ვინმემ, ხვალვე მაინც ყბად აიგდებენ და ისეთ ღრიანცელს ასტეხენ, რომ ქუჩაში აღარ გამოესვლება.

“ეს, რაც არის, არის! რაკი ფეხი შემოვდგი, უნდა კიდევ ვიგემო.” გაიფიქრა მან (54, 156). მარი ჯანაშიას საშემსრულებლო პალიტრა სწორედ ამ ორი მდგომარეობის-ერთის მხრივ შიშის და სირცხვილის, და მეორეს მხრივ ცდუნების შესამამისად სიტუაციით ტკბობის, ქალური ინტერესის და პეპლუცობის გამოხატვის ცვალებადობას წარმოადგენდა. უანრი ლოლაშვილის ავშაროვი საოცრად ფაქიზი და სენტიმენტალურიც კი იყო შანტანის ეპიზოდში. მუხლებზე დაჩოქილი წელზე შემოხვევდა ხელს საყვარელ ქალს, მუცელზე მიადებდა თავს და მორთოლვარე ხმით ემუდარებოდა.

სრულიად განსხვავებული ფერებით წარმოსახა უანრი ლოლაშვილმა, როდესაც ”საკუთარი ბეღნიერების მსხვევების მოწმე ადმონიდება. აქ ქ. ლოლაშვილი მეტად რთული დილემის წინაშე დადგა – მას უნდა გაეშიშვლებინა თავისი გმირის შეურაცხოფილი, დაკნინებული, დამცირებული თავმოვარეობა, ადამიანური დირსება; მთელი სისატიკით, დაუნდობლობით ეჩვენებინა ის დიდი მორალური კრახი, სრული ხელმოცარვა, რომელიც მას ცოლის დალატმა დაატეხა თავს. ქეთევანთან პირისპირ შეხვედრის ბოლო სცენაში მსახიობი დრამატულ განცდათა კულმინაციურ წერტილს აღწევს. ავშაროვი შეძრწუნებულია თავს დამტყდარი უბედურებით, იგი დვრტვინავს, ბორგავს, არ ერიდება შეურაცხოფის უაღრესად უხეშ ფორმებსაც კი, მოღალატე ცოლს ზიზღნარევი კილოთი უბრძანებს ჩაიცვას და გამოჰყვეს, რათა საკადრისი მიუზღას. ქეთევანი მუხლმოდრეკით ევედრება შეიბრალოს და აქ, ქ. ლოლაშვილის ავშაროვი წამით შეიცვლება, თვალები ცრემლებით ევსება, ზიზღნარევი ტონიც საოცრად თვინიერი გაუხდება და თითქმის მუდარის ტონიც საოცრად თვინიერი გაუხდება და თითქმის მიმართავს: “რას ჩადიხარ, გეყოფა, წამოდექი, თავს რატომ იმცირებ!” აქ ქლოლაშვილის ავშაროვი მაყურებლის თანაგრძნობას იმსახურებს. მსახიობის შესრულების უდავო დირსებად უნდა მივიჩნიოთ, რომ იგი მხოლოდ უარყოფით ფერებს როდი გამოკვეთს, არამედ თავს მოვალედ მიიჩნებს გულმოდგინედ ეძიოს უარყოფითში დადებითი მარცვლებიც” (43, 26).

ამრიგად, მარი ჯანაშიას, თათული დოლიძის და უანრი ლოლაშვილის შექმნილი სახეები მწერლის პერსონაჟების დრმად გააზრების და არაერთსახოვნად განხორციელების მაგალითი იყო. მიხეილ ჯავახიშვილის პროზის ინტერპრეტაციის კვლევისას დიდი მნიშვნელობა ენიჭება მწერლის ძირითადი საოქმედის და მთავარი გმირების ადექვატურ ხორცშესხმას,

მსახიობის პრიზმაში მწერლის სათქმელის გარდატეხას და მის საშემსრულებელო სპექტრში წარმოსახვას. პერსონაჟთა ამგვარი გააზრება და ამ აქტიორთა შესრულებით მათი წარმოსახვა ინტერპრეტაციის მნიშვნელოვან ნიმუშებად შეგვიძლია მივიჩნიოთ.

აუდიოვიზუალური ხელოვნება, კერძოდ კი სათეატრო ხელოვნება ლიტერატურისგან სრულიად განსხვავებული გამომსახველობითი საშუალებებით იქმნება. სცენიური გარემო თავისთავად პირობითობის მაღალ ხარისხს შეიცავს. პროზის სპექტაკლად წარმოსახვის შედეგში უმთავრესი პოსტულატი პირობით გარემოში რეალისტური პროზის სათქმელის და განწყობის წარმოსახვაა, რომელიც სპექტაკლის პერსონაჟებს მსახიობთა შესრულებული როლების პრიზმაში გარდატეხილს წარმოაჩენს.

ლიტერატურული ტექსტის აუდიოვიზუალურ ტექსტად გარდაქმნის პროცესში სათეატრო ხელოვნების სპეციფიკიდან გამომდინარე, აქტიორთა მიერ წარმოთქმული სიტყვა ვერბალურ კომუნიკაციად გარდაიქმნება და სივრცობრივ განზომილებაში ხორციელდება. ეს სივრცე მხატვრის მიერ იქმნება და აუდიოვიზუალური ხელოვნების უმნიშვნელოვანების კომპონენტია მეოცე საუკუნის სამოცდაათიანი წლების სათეატრო ხელოვნების სცენოგრაფია სტილთა მრავალგვარობით გამოირჩევა. რუსთაველის თეატრის მაღალი რანგის რეჟისურის პარალელურად, სცენოგრაფიაში უაღრესად საინტერესო ნამუშევრები იქმნება. მირიან შველიძის, “ქალის ტვირთის” ახალგაზრდა მხატვრის შემოქმედებას უკვე საკავშირო მაღალრეიტინგული ქურნალის, “თეატრის” წერილი ეძღვნება. სტატიის ავტორი, ნ. კაზმინა მაღალ შეფასებას აძლევს როგორც ზოგადად ქართულ თეატრალურ მხატვრობას, ასევე მირიან შველიძის შემოქმედებას. “პელავ გამოცანად რჩება ქართულ სცენოგრაფიაში ასეთი განსხვავებული ინდივიდუალობების გაჩენა, ამოუწურავი ვარიაციები ტრადიციულ თემებზე, კომბინაციათა მრავალრიცხოვნება, მანერათა მრავალგვარობა, რომელიც ბუნებით ძალზე ახლოსაა ერთმანეთთან” (18, 89). თუ იმ გარემოებას გავითვალისწინებთ, რომ ეს ის დრო იყო, როდესაც საქართველოს საზღვრებს გარეთ ხელოვნების წარმოჩენის გზა მოსკოვზე გადიოდა, საკავშირო პრესის ამგვარი შეფასება ზოგადად ქართული სცენოგრაფიისა მსოფლიო სცენოგრაფიის პროცესებში ვიზირების ტოლფასად შეიძლება შეფასდეს. მოგეხსენებათ, ქართულ ცენტურაზე უფრო მკაცრი ყოველთვის საკავშირო ცენტურა იყო. რაც შეეხება თავად “ქალის ტვირთის”

სცენოგრაფიას, ნ.კაზმინა ამგვარად აფასებს მირიან შველიძის ნამუშევარს: „შოთა რუსთაველის სახელობის თეატრის სპექტაკლში მ.ჯავახიშვილის “ქალის ტვირთი”, შველიძემ უკვე სხვა კანონებით გამოიყენა დიდი სცენის სივრცე: გაავსო იგი პაერით, ლურჯ-ცისფერი პორიზონტის შუქით. სივრცეში ხანგამოშვებით ჩნდება თითქმის ჩეხოვისეული ქალის სილუეტი – შლიაპა, თეთრი მაქმანებიანი ზედატანი, მკაცრი, მუქი ქვედაბოლო. ქაოტური სამყარო, ზარები, უზარმაზარ საზრუნავს იღებს თავის თავზე ეს პატარა ქალი, ცისკენ აპყრობილი ხელებით. ის საკუთარ და სხვის ბედისწერას აიკიდებს მხრებზე” (18, 91). ვფიქრობ, რუსმა ხელოვნებათმცოდნები ზუსტად გაიაზრა და ხატოვნად აღწერა მირიან შველიძის შექმნილი სცენიური გარემო. რუსთაველის თეატრის „ქალის ტვირთის“ დეკორაციის ესკიზი გამოფენილი იყო ქართველ სცენოგრაფთა გამოფენაზე, ცისფერ გალერეაში. ”ჩვენ გვიპყრობს განთავისუფლებული სცენიური სივრცე, საგანთა გამიზნული განლაგება. ზოგჯერ გვიჰირს რომელიმე მეტაფორის გაშიფვრა, “ქალის ტვირთის” სივრცეში აბსურდული ლითონებისა თუ მავთულ-ძაფების დაწყვილება ხატებთან თუ კლასიკური ფერწერის ნიმუშებთან. არის რაღაც შეგნებულად ქაოტური თუ ეპლექტური ყველაფერ ამაში. ეს იწვევს მოულოდნელ განწყობას. ნერგების უწვეულო დაძაბვას, ფსიქიკის დაძაბვას. დიახ, ყველაფერ ამაში თანამედროვეობის სულია, რთული საუკუნის დინამიკა და კონტრასტების მტკიცნეული შეგრძნება— მხატვარი ჯერ გიწვევს, მერე გიმორჩილებს” (46, 5). ასე ემოციურად გადმოსცემს ესკიზიდან მიღებულ შთაბეჭდილებას მწერალი და თეატრმცოდნები გიორგი ხუხაშვილი.

სასცენო სივრცე, რომელიც მირიან შველიძემ „ქალის ტვირთის“ გაფორმებაში შექმნა, მწერლისა და რეჟისორის კონცეფციას მხატვრობაში წარმოსახავდა. სცენა ცარიელი იყო- არ იდგა არაფერი, გარდა რამდენიმე მსუბუქი ვენური სკამისა. საზურგების ჭრილებში თითქოს კიდევ უფრო მეტად იკვეთებოდა სცენის სიდრმე. ცარიელ სცენაზე პერსონაჟები თითქოს სრულიად დაუცველები იყვნენ. მწერლისეული რევოლუციური კატაკლიზმები და გმირების ფსიქოლოგიური მერყეობა ცარიელ სივცეში გმირების მოძრაობას ხშირად ფარფატსაც ამსგავსებდა. პერსონაჟები რუსთაველის თეატრის უზარმაზარ სცენაზე უფრო პატარებიც ჩანდნენ, რევოლუცია მათ ბუნებრივ პროპორციებსაც კნინობითს ხდიდა თითქოს. სასცენო სივრცის ზედა ნაწილში ჩამოკიდებული იყო უზარმაზარი დეკორაციის ნაწილი – თითქოს კაცობრიობის

შველა ქარტეხილის შემცველი ნივთები ქარს აეტაცებია და ერთ უზარმაზარ ღრუბლად შეეკრა. აქ შველაფერი ასე იყო წარმოდგენილი: რკინის გაურკვეველი ფორმის ხვეულები, ჯაჭვებსაც რომ გავდა, ქოლგა, სკამი, საყირი და ა.შ. დეკორაციას აგვირგვინებდა მაცხოვრის გამოსახულება - ხატის თუ საეკლესიო დროშის სიმბოლიკა, რომელიც თითქოს მუდმივად მოუწოდებდა ადამიანებს განწმენდისაკენ. ცოდვილთა სამყოფელში კი დაუცველი, მერყევი ადამიანები თითქოს დაბორიალებდნენ, კი არ დადიოდნენ.

ამრიგად, მირიან შველიძის ინტრპრეტაცია სახიერად გადმოსცემდა მწერლის კონცეფციას: ინტელიგენტი პერსონაჟების სულიერი გაუწონასწორებლობის ხატს ქმნიდა და რევოლუციის ადგპტებს სამოქმედო სივრცეს უხსნიდა. ამგვარ გარემოში აქტიორთა მოძრაობები განსაკუთრებულ დატვირთვას იძენდა. ყოველი მოძრავი სილუეტი აქტიორს პლასტიკური სივრცის ფაქტობრივად ერთადერთ ნაწილად ხდიდა. მხოლოდ პლანშეტზე განლაგებული რამდენიმე სკამი იყო პლასტიკური სივრცის უსულო, საგნობრივი ნაწილი, და ეს ნაწილიც, მსახიობთა მიერ მათი გამოყენების პარალელურად, მოძრაობაში მოდიოდა პლასტიკური მიზანსცენის ცვალებადობის შესაბამისად. “თქმები საოცარი ეფექტურობით იყენებს სპექტაკლში ერთადერთ “დეკორაციას”-ძველბურ სკამებს. სცენაზე, მთელი მოქმედების მანძილზე, რეჟისორის განკარგულებაში მხოლოდ სკამები და, როგორ პარადოქსალურადაც არ უნდა ჟღერდეს ეს გარემოება, იგი სავსებით საკმარისი აღმოჩნდა საერთო განწყობილების გადმოსაცემად. რეჟისორის თანამზრახველად და თანაავტორად მოგვევლინა მხატვარი მირიან შველიძე, რომელმაც ჩვენი უურადღება მიიყრო სცენიური სივრცის ათვისების უნარით, სისადავით, კონკრეტულობით, დადგმის არსში წვდომით” (43, 26).

რესთაველის თეატრის მუზეუმში “ქალის ტვირთის” კოსტიუმის ერთადერთი ესკიზია შემორჩენილი – ქეთევან ახატნელის სამოსი. ესკიზზე წარმოსახულია მეოცე საუკუნის დასაწყისის მოდელი- ნაცრისფერი გრძელი ქვედა ბოლო და კლასიკური პიჯაკი. მუცლის ადგილზე დალიანდაგებული ნაოჭებია მიყრილი. კოსტიუმის ზედა ნაწილის, პიჯაკის შიგნიდან მაღალ საყელოიანი ბლუზა ეპოქის შესატყვის არისტოკრატულობას სძენს კოსტიუმს. პიჯაკის საყელოს შავი ზოლი დაყვება. ეს დეტალი სილუეტის ხაზგასმას უწყობს ხელს. ესკიზს აგვირგვინებს პატარა ზომის ქუდი, შაპო, როგორც მას მიხეილ ჯავახიშვილი უწოდებდა. შაპოს შავი ლენტი აქვს გარშემორტყმული.

ეს ლენტი მხრებისკენ ეშვება და ჰაეროვნებას ანიჭებს კოსტიუმის მკაცრ სილუეტს. ამრიგად, მთავარი გმირის კოსტიუმის ესკიზი მეოცე საუკუნის დასაწყისის მოდელების შესაბამისია. ამავე დროს ჩანს მხატვრის გემოვნება, დახვეწილი სილუეტი. ამასთანავე ესკიზი იგრძნობა მომავალი პერსონაჟის ხასიათი-მკაცრი, კლასიკური სტილი, საქმიანი იერიც, რომლის მორგებასაც მიხეილ ჯავახიშვილის პერსონაჟი ცდილობდა. ესკიზი, ერთის მხრივ სრულად შეესატყვისება მწერლის შექმნილი პერსონაჟის ხასიათს და მეორეს მხრივ, სცენოგრაფიის საერთო სტილისტიკის განუყოფელ ნაწილს წარმოადგენს.

რუსთაველის თეატრის სპექტაკლისთვის მირიან შველიძემ ქეთევანის გარდერობის კონცეპტუალურად გააზრებული და ესთეტიკური გარიაციები შექმნა. გოფრირებული, დალიანდაგებული, დეკოლტირებული კაბა ერთის მხრივ ქეთევანის ქალურობას წარმოაჩენდა დაბადების დღის ეპიზოდებში, და მეორეს მხრივ კონტრასტს ქმნიდა ავშაროვის სამხედრო მუნდირის მკაცრ მონახაზთან. ქეთევანის ლენტებით შემკული მომცრო ზომის შაპოები მამკაცების კეპების და სამხედრო ქუდების ფონზე ქალის თავსაბურავებს განსაკუთრებულად სტილიზებულს და ჰაეროვნანს წარმოაჩენდა. კუბოკრული პელერინა ქეთევანის გარდერობის შემადგენელი ნაწილი იყო. კუბოკრული ქსოვილის თემა სხვადასხვა პერსონაჟთა სამოსში დეტალების სახით ჩნდებოდა – რევოლუციონერებს კუბოკრული შარფები ეკეთათ, ერთ მათგანს კი კუბოკრული პიჯაკი. ქსოვილის ფაქტურების მსგავსება პერსონაჟთა სამოსში ქეთევანის შინაგანი მისწრაფების-ერთობის წევრობის პროეციების ერთ-ერთი სახე იყო. კოსტიუმი, რომელიც ქეთევანს ემოსა მიტინგის დარბევის ეპიზოდში, სრულად იყო აგებული კონტრასტის პრინციპზე – გიპიურის პელერინა, გიპიურის მაქმანებიანი შლიაპა და იმავე ფაქტურის ქოლგა. ამგვარად რომანტიულად მოსილი პროტაგონისტი და ერთობის წევრები შეშფოთებულნი ჯგუფთებოდნენ უბედურების მოლოდინში. ქეთევანი ტყავის ქურთუკში და უხეშ, ტყავის ქრომირებული ჩექმებით მოსილი ერთობის წევრების გვერდით უცხოდ აღიქმებოდა. კოსტიუმების კონტრასტულობა ხაზგასმით გვიჩვენებდა ქეთევანის განსხვავებულობას. მსახიობის პოზა, ერთგვარად უმწეო, საყრდენგამოცლილი ქალის შეშფოთებული გამომეტყველება, თეორი გიპიური და მაქმანები კომპლექსურად გადმოსცემდა იმ დისონანსს, რაც მცდარი არჩევანის შედეგად იყო განპირობებული.

მამაკაცების კოსტიუმები სხვადასხვა პრინციპით იყო შერჩეული. მენშევიკი მთის, აკაკის სამოსში მუდმივად ფიგურირებდა შავი ბაფთა, რომელიც თეთრი პერანგის საყელოს ფონზე იკვეთებოდა. ეს მცირე დეტალი აკაკის, დიდი პოეტის ნათლულის სამოსში ერთგვარად პოეტი ნათლის მიბაძვის უბადრუკ მცდელობად აღიქმებოდა.

სოლიდურობით გამოირჩეოდა ანდრია ახატნელის კოსტიუმი. შავი პიჯაკი და თეთრი პერანგი მუდმივად ახდენდა მისი სოლოდურობის აქცენტირებას. ბლანჟე, პერსონაჟის გრიმის განუყოფელი ნაწილი, ბადრი კობახიძის პერსონაჟს საზოგადოების ინტელექტუალური წრის წარმომადგენლის იმიჯის ერთგარ სახე-ნიდბის იერს ანიჭებდა.

ტყავის ქურთუკები და ტყავის ჩექმები ერთობის წევრების კოსტიუმებში სიტლანქის და მიმავალში მძლავრთა გაბატონების სიმბოლოდ აღიქმებოდა.

სანდრო კლიმიაშვილის ჩვეულებრივი ქუბოკრული პიჯაკი, ყელზე შემოხვეული შარფი სამოსელის ქვედა ნაწილში უხეშ, ტყავის ჩექმებში ჩატანებული შარვლით მთავრდებოდა. პერსონაჟის კოსტიუმის ეს ნაწილი სამოქალაქო ტანსაცმელში ჩაცმულ “პარუჩიკს” სამხედრო მანქანის ნაწილად წარმოაჩენდა.

განსაკუთრებულად მნიშვნელოვანია არტემ ავშაროვის სამოსელის მირიან შველიძისეული გააზრება. პერსონაჟის რეჟისორული ინტერპრეტაციის შესაბამისად მხატვარი ერთგავარად არბილებდა ჟანდარმის ტრადიციული იერსახისთვის ტრადიციული სამოსის მკაცრად დადგენილ ნორმებს. მაშინაც კი, როდესაც ავშაროვს სამხედრო მუნდირი ეცვა, რომელიმე ნაწილი სამოსელის, თუნდაც საწვიმარი პელერინის ფორმის ლაბადა თითქოს ამსუბუქებდა სამხედრო სამოსელის უხეშ ფორმებს. ავშაროვის პირველი გამოჩენა ქეთოს დაბადების დღეზე მას უფრო რომანტიული შეყვარებულის იერსახით წარმოაჩენდა, ვიდრე უხეში ძალოვანის. ავშაროვს სამოქალაქო ტანსაცმელი ეცვა- პიჯაკი, ყელზე ზოლიანი პალსტუხი, შლიაპა და რაც მთავარია, უზარმაზარი თაიგული, თავისი სიდიდით რომ რამდენადმე გროტესკულ შთაბეჭდილებასაც რომ ახდენდა. ქეთოს დაბადების დღის ეპიზოდში სპექტაკლის პერსონაჟები ნახევრადწრიულად ისხდნენ მაყურბლის პირისპირ. ქართულ ჩოხაში მოცეკვავე ფიგურა ეთნოგრაფიული ელემენტის დემონსტრირებად უფრო აღიქმებოდა, ვიდრე ეროვნული სულის. ძირითადი განწყობა, რომელიც ეპიზოდს თან სდევდა, უფრო კრების ასოციაციას იწვევდა

მაყურებელში, ვიდრე მოლხენის. აგშაროვის შემოსვლასთან ერთად პერსონაჟები ნაჩქარევად ტოვებდნენ სამოქმედო სივრცეს. ავანსცანასთან ქეთო და აგშაროვი მარტო რჩებოდნენ. ვენური სკამების საზურგების ჭრილები კიდევ უფრო მეტად აჩენდა სცენის სიღრმეს, სადაც პერსაჟებივაში მხოლოდ სიცარიელე იყო.

სცენოგრაფისა და რეჟისორის ინტერპრეტაცია, ერთის სრულად ქმნიდა ქაოტური, გაუწონასწორებელი სამყაროს მოდელს რომელიც მიხეილ ჯავახიშვილის რომანის ატმოსფეროს სრულად გადმოსცემდა და მეორეს მხრივ თავად გადაწყვეტა იყო სრულიად ორიგინალური და მეოცე საუკუნის სამოცდაათიანი წლების სცენოგრაფიისთვის ახლებური აზროვნების დასაწყისი.

ამრიგად, რუსთაველის თეატრის “ქალის ტვირთი” არ მიიჩნევა ყველაზე წარმატებულ სპექტაკლად მის ავტორთა შემოქმედებაში, მაგრამ ეს არის წარმოდგენა, რომელმაც მიხეილ ჯავახიშვილის აუდიოვიზუალურ ხელოვნებაში ინტერპრეტაციის ახალი ეტაპი დაიწყო. ამ სპექტაკლით იწყება ასევე უმნიშვნელოვანესი და წარმატებული ციკლი მიხეილ ჯავახიშვილის ნაწარმოებთა ინტერპრეტაციისა თავად თემურ ჩხეიძის მიერ. რუსთაველის თეატრის “ქალის ტვირთი” იყო მაგალითი იმისა, თუ როგორ შეიძლება ახლებური, ავანგარდული ფორმით შექმნილ სპექტაკლში მწერლის თხზულების არსის შენარჩუნება, ერთის მხრივ მისი ლრმად წვდომა და მეორეს მხრივ ექსპერიმენტული ფორმისეული გადაწყვეტა. ეს ექსპერიმენტი წარმატებული ძიების საწყისად შეიძლება მივიჩნიოთ, რომლის უმთავრესი პოსტულატია თანამედროვე ფორმის შესატყვისება კლასიკურ პროზაულ ტექსტთან და მისი თანამედროვე აუდიუვიზუალურ ტექსტად ქცევა. რუსთაველის თეატრის “ქალის ტვირთი” ერთგვარად სამი შემოქმედის - მიხეილ ჯავახიშვილის, თემურ ჩხეიძის და მირიან შველიძის შემოქმედებითი ტანდემის დასაწყისად შეიძლება მივიჩნიოთ. ეს თანაშემოქმედება შემდგომ წარმატებით გაგრძელდა სატელევიზიო თეატრში განხორციელებულ სპექტაკლებში, ხოლო თავად თემურ ჩხეიძის ბიოგრაფიაში უკვე სხვა თეატრებში განხორციელებულ წარმატებულ დადგმებშიც.

თავი VI

მიხეილ ჯავახიშვილის რომანის, “ჯაყოს ხიზნების” და აუდიოვიზუალური ხელოვნების ურთიერთმიმართების საკითხისათვის

მიხეილ ჯავახიშვილის “ჯაყოს ხიზნები” მწერლის იმ თხზულებათა რიცხვს მიეკუთვნება, რომელიც იმთავითვე გახდა როგორც საზოგადოების, ასევე რეჟისორების უურადღების ობიექტი. როგორც უკვე აღვნიშნეთ, მწერლის სიცოცხლეში “ჯაყოს ხიზნების” დადგმა განხორციელდა ბათუმსა და ქუთაისში, თუმცა ორივე სპექტაკლი წარუმატებელი იყო და მაღვევე მოიხსნა რეპერტუარიდან. “ჯაყოს ხიზნები” მოიწონეს მოსკოვის ერთ-ერთ სტუდიაში, რეპერტუარშიც შეიტანეს, მაგრამ სტუდია დაიხურა და დადგმა არ განხორციელდა.

1979 წელს “ჯაყოს ხიზნების” პირველი წარმატებული დადგმა- თემურ ჩხეიძის ტელესპექტაკლი განხორციელდა. 1983 წელს თემურ ჩხეიძემ “ჯაყოს ხიზნები” მოსკოვის სამხატვრო თეატრში დადგა. ერთი წლის შემდეგ მარჯანიშვილის თეატრში თემურ ჩხეიძემ “ჯაყოს ხიზნები” მარჯანიშვილის თეატრში წარმოადგინა. აქვე უნდა აღინიშნოს, რომ ერთი რეჟისორის, თემურ ჩხეიძის მიერ სატელევიზიო თეატრში, სამხატვრო თეატრსა და მარჯანიშვილის თეატრში დადმული ნამუშევრები განსხვავებული რეჟისორული გადაწყვეტილი და მხატვრული გაფორმებით განხორციელდა. 2009 წელს კინორეჟისორ დავით ჯანელიძის ფილმის, “ჯაყოს ხიზნების” პრემიერა შედგა. როგორც ვხედავთ, მიხეილ ჯავახიშვილის რომანი აუდიოვიზუალურ ხელოვნებაში ექვების განხორციელდა და ყველა ვერსია ერთმანეთისგან განსხვავებული იყო.

რით გამოიჩევა მიხეილ ჯავახიშვილის ეს რომანი და რატომ არის ეს თხზულება ესოდენ საინტერესო მასალა აუდიოვიზუალური ხელოვნებისათვის?

მიხეილ ჯავახიშვილმა “ჯაყოს ხიზნები” 1924 წელს დაწერა. ეს ერთ-ერთი ყველაზე ტრაგიკული წელი იყო საქართველოს ისტორიაში: ბოლშევიკებმა სისხლში ჩაასმვეს 1924 წლის აჯანყება, დახვრიტეს საქართველოს თავადაზნაურობა – ერის ყველაზე ინტელექტუალური და ღირსეული ნაწილი. ანგრევდნენ ეკლესია - მონასტრებს, დახვრიტეს მაღალი სასულიერო წოდების პირები. კარგი დღე არც რიგით მღვდელ-მონაზვნებს ადგათ-უმეტესობამ ანგორა გაიხადა და ღვთისადმი მიცემული აღთქმა

დაარღვია, ნაწილი კი დახვრიტეს. უკიდურეს შიშა და გაჭირვებაში იმყოფებოდნენ რიგითი მოქალაქეები. წითელი ტერორი მძვინვარებდა ყველგან და ყველაფერში და გზად ყოველივე ეროვნულს ანადგურებდა. ეს ტრაგიკული რეალობა იყო, თუმცა ამ რეალობის ასახვა სოციალისტური რეალიზმისთვის მებრძოლ ქართველ მწერლად გამწესებული შემოქმედისთვის დახვრეტის თხოვნის ტოლფასი იქნებოდა. “ჯაყოს ხიზნები” ამ დროს იწერებოდა და ცხადია მიხეილ ჯავახიშვილს, რომლის ერის ჭირისუფლობასაც ისეთივე რანგში მოიაზრებენ, როგორც ილია ჭავჭავაძისას, არ შეეძლო ერის ტრაგიკული ბედი არ აესახა 1924 წელს დაწერილ რომანში. იმავე წელს, “ჯაყოს ხიზნებამდე” მიხეილ ჯავახიშვილმა “კვაჭი კვაჭანტირაძე” დაწერა, თავისი პირველი რომანი. ავანტიურისტულ-სათავგადასავლო “კვაჭი კვაჭანტირაძე”, რომელიც უანრის შესაბამისად კომიკურ ელემენტებს ჭარბად შეიცავს, რეალურად ისეთივე ტრაგიზმის შემცველი ნაწარმოებია, როგორც “ჯაყოს ხიზნები”. თანამედროვეები ილია ჭავჭავაძეს საყვედურობდნენ, სად ნახა ჩვენში ლუარსაბის და დარეჯანის მსგავსი ტიპებიო. მსგავს საყვედურებს იღებდა მიხეილ ჯავახიშვილიც. (უნდა აღინიშნოს, რომ 1924 წელს მწერალი ადამაშვილის გვარით აქვეყნებდა ნაწარმოებებს). როგორც ზემოთ აღნიშნე, კვაჭი და ჯაყო სიცოცლის ბოლომდე არ ტოვებდნენ მწერლის გულსა და გონებას, მის სადარდებელ და საფიქრალ სივრცეს. 1935 წლით დათარიღებული ბოლო, №10 უბის წიგნაკშიც შეხვდებით ჩანაწერებს ორივე მათგანზე. მწერალი ახალ სიტუაციებს და დეტალებს წერდა თავის პერსონაჟებზე, შესაძლოა გეგმავდა მათ ახალ რომანებში გაცოცხლებასაც. ჯაყო, ისევე როგორც კვაჭი მწერლის სიცოცხლეშივე გახალხურდა. მწერალი და კრიტიკოსი გიორგი ხუხაშვილი აღნიშნავს:

”დროს არაფერი გაუსწორებია ამ წიგნში, მისი ტონი და კილო კი უნებურად შეიცვალა. გარდა ამისა, მოხდა ის, რაც სტიქიურად ხდება. წიგნის პერსონაჟი გახალხურდა. ჯაყო და ჯაყოობა უზნეობის, სიბრიუგის, უტიფარი ძალადობისა და მედროვეობის სინონიმად იქცა. გამოთქმა “მაშა, მაშა, ასე ვიცის ჯაყომა” ვირეშმაკობის, უტიფარი მზაკვრობისადმი ირონიად აუდერდა ხალხის მეტველებაში. ჭარბი ფერებით დახატული ტიპი წიგნებიდან გადმოვიდა და ცხოვრებას შეუერთდა როგორც სულიერი სიმახინჯის გამაფრთხილებელი მაგალითი. ის უნდა დაგვმახსოვრებოდა მუდამ, რადგან გამორიცხული არ არის,

დღესაც ჩვენს გვერდით ამოყოს თავი და ცხენის კბილებით დაიჭიხვინოს: “ასე ვიცის ჯაყომა” (48, 83).

მაშასადამე, მიხეილ ჯავახიშვილმა ჯაყოს სახით კრებითი სახე შექმნა - პერსონაჟი, რომელიც ერთნაირად საშიშია როგორც ყველა ეპოქაში. ამგვარი ტიპები (ასე ხშირად უწოდებს ჯავახიშვილი თავის პერსონაჟებს) დროის უფელ მონაკვეთში არსებობენ და აუდიოვიზუალური ხელოვნებისთვის, როგორც სიმბოლო ძალადობისა, უაღრესად საინტერესო სახეს წარმოადგენენ.

“ჯაყოს სატანური ენერგია, უპირველეს ყოვლისა, ადმიანის პიროვნული დირსების განადგურებისკენაა მიმართული როგორც ფიზიკური, ისე მორალური და სულიერი თვალსაზრისით” (34, 154) - ამგარად ახასიათებს მიხეილ ჯავახიშვილის შემოქმედების მკვლევარი ირმა რატიანი ჯაყოს. მოგეხსენებათ, მორალის ასპექტში გადატანილი კონფლიქტი XX საუკუნის მეორე ნახევრის ქართული აუდიოვიზუალური ხელოვნების ყველა დარგისთვის წამყვანი თემა გახდა. ამთავივე ავლიშნავ, რომ ისეთი მაღალი რანგისთვის, როგორც იმ პერიოდში, ქართულ აუდიოვიზუალურ ხელოვნებას, კომპლექსურად, ყველა დარგში, არც მანამდე და არც შემდგომ არ მიუღწევია - როგორც ფორმის-გამომსახველობითი საშუალებების, ასევე აზრობრივი სიღრმის თუ შესანიშნავი მხატვრული სახეების სცენიური თუ ეკრანული ხორცშესხმის ასპექტში. ამის მიზეზი, კი, სხვა მნიშვნელოვან აუდიოვიზუალური ნაწარმოებების ლიტერატურული პირველწყაროთა შორის, მიხეილ ჯავახიშვილის ეს რომანი და მისი უარყოფითი პერსონაჟებიც არიან. აკაკი ბაქრაძის შემაჯამებელ სიტყვაში, რომელიც თემურ ჩხეიძის ვიდეოფილმის, “ჯაყოს ხიზნების” ტელეგანხილვას მიეძღვნა, ასეთი მოსაზრებაა გამოთქმული: “მიხეილ ჯავახიშვილის ეს ნაწარმოები და აქედან გამომდინარე, ცხადია, ვიდეოფილმიც, სატირული ნაწარმოებია და გროტესკული რეალიზმის ნიმუში, ყველა მოვლენა, რომელიც ამ ფილმშია დახატული, და განსაკუთრებით სამივე პერსონაჟი - თეიმურაზ ხევისთავი იქნება ეს, ჯაყო ჯიგაშვილი თუ მარგო - წარმოადგენს უარყოფით პერსონაჟებს, რომელთა წინააღმდეგაც მიმართულია როგორც ფილმის ავტორების, ისე, ბუნებრივია რომანის ავტორის მახვილი (6, 2).

თეიმურაზ ხევისთავი - ასეთი გვარი საქართველოში არ არსებობს, იგი მიხეილ ჯავახიშვილმა უწოდა თავის პერსონაჟს. ირმა რატიანის მოსაზრებით “ხაზგასმული და აქცენტირებული “თავი” შეიძლება გავიაზროთ, ერთის მხრივ, როგორც მეთაური და, მეორეს მხრივ, როგორც საწყისი ანუ დასაბამი. “თავის”

როგორც საწყისის გააზრება გასგებს ხდის პერსონაჟის კიდევ ერთ მნიშვნელოვან მახასიათებელს: თეიმურაზი ნაბატონევი, “ნათავადარი, ნამამულევი, ნამოღვაწარი და ნავექილარია” (34, 151). პერსონაჟის ყველა მახასიათებელს წინ “ნა” პრეფიქსი უძღვის. პერსონაჟის მოღვაწეობა წარსულში მოიაზრება.

მარგო ყაფლანიშვილი - სახე-იდეა დაპყრობილი საქართველოსი, თანამედროვე ლიტერატურაობაში ეს სახე ასე განიხილება. მისი “ნა” - პრეფიქსით აღნიშნული “თავის” უმოქმედების შედეგად იგი სრულად მოიაზრება, როგორც ჯაყოს ძალადობის მსხვერპლი. რატომ არის მსხვერპლი უარყოფითი პერსონაჟი? ამ საკითხზე უაღრესად საინტერესოა აკაპი ბაქრაძის მოსაზრება: “ძალადობა ცუდია იმის გამოც, რომ ზოგჯერ ადამიანი ამ ძალადობას ეწვევა და ვერც კი გრძნობს, მასზე ძალა რომ იხმარეს. ვერც კი გრძნობს, რომ იგი დამცირებული და დამონებულია. ისე შეეჩია ძალადობას, რომ მისი მოკავშირე გახდა და ყველაზე მთავარი თვისება ადამიანისა – იყოს თავისუფალი, იყოს თავისი ნების პატრონი, თვითონ გამოავლინოს თავისი დამოკიდებულება სინამდვილისა და მოვლენის მიმართ-ამის უნარი მას უკვე აღარ აქვს. აი, ეს პროცესი სწორედ მარგოს სახეში გახლავთ გამოვლენილი და მარგოს მიმართ როგორც თეიმურაზის, ისე ჯაყოს დამოკიდებულებაში” (6, 2). ამავე დროს მარგოს სახის ტრაგიკული განვითარება, მისი გრძნობათა ბუნების ინტერპრეტაციის მრავალგვარობის შესაძლებლობა, უაღრესად საინტერესო პერსონაჟად აქცევს მას აუდიოვიზუალური ხელოვნების ყველა დარგისთვის.

ამრიგად, რომანში შექმნილი სამივე უარყოფითი პერსონაჟი არის სახე-იდეა: მარგო, დაპყრობილი საქართველოს სიმბოლოა, თეიმურაზი უნიათო ქართველობისა, რომელიც თავის საუნჯეს ვერ გაუფრთხილდა, ხოლო ჯაყო კი უცხოტომელი მოძალადის კრებითი სახე. ამგვარი კრებით-სიმბოლური პერსონაჟი უაღრესად საინტერესო ინტერპრეტირების საშუალებას აძლევს შემოქმედებს აუდიოვიზუალურ ხელოვნებაში.

კიდევ ერთი ჯავახიშვილისეული ნა პრეფიქსი: ნაშინდარი. ლელა წიქარიშვილი ასე განმარტავს მოქმედების ძირითადი ადგილის სახელწოდებას: ”ხევისთავთა საგვარეულო სოფლის სახელწოდება მწერალმა “შინ” ფუძის შემცველი კომპოზიტით წარმოადგინა. ამგვარი სახელწოდება გვაფიქრებინებს, რომ ნაშინდარი არის მარადიული “შინ”, სადაც არაერთხელ ბრუნდება

ხევისთავი. (45, 139) როსტომ ჩხეიძის მოსაზრებით, ნაშინდარი ასევე მეტაფორაა ნა პრეფიქსით აღნიშნული დამოუკიდებელი საქართველოს დროშის ფერისა – წარსული რომანში ფერთა ალეგორიითაც იდენტიფიცირდება (41, 43).

რომანში აღწერილი გარემო, პერსონაჟთა სივრცული გადაადგილება “ფსევდოპარნავალურ და დესაქრალიზებულ სოფლის მოდელში” (34, 184). ამ რომანის დადგმისას, აუდიოვიზუალური ნაწარმოების მხატვრული გაფორმების შესაქმნელად, მხატვარისთვის დიდი შემოქმედებითი ფანტაზიის გამოვლენის ასპარეზად იქცევა. თავად იმ ეპოქის ასახვა მრავალგვარი მხატვრული გადაწყვეტითაა შესაძლებელი.

რომანის სიუჟეტი ძირითად პერსონაჟთა უწყვეტი ურთიერთქმედებით ვითარდება. ქმედითი პროზის უპირველესი ნიშანთვისება სწორედ ესაა. გარდა სამი მთავარი პერსონაჟისა, რომანში სახიერადაა შექმნილი მეორესარისხოვანი პერსონაჟები - ნახუცარი ივანე, თეიმურაზის ნათლული ნინიკა, ჯაყოს მრავალრიცხოვანი ნათესაობა და ა.შ. თითოეული მათგანი კონკრეტული ფუნქციის მატარებელი და ინდივიდუალური ნიშნით აღბეჭდილი პერსონაჟია. ეს გარემოებაც მნიშვნელოვანია რომანის აუდიოვიზუალურ ნაწარმოებად ქცევისას.

მიხეილ ჯავახიშვილის “ჯაყოს ხიზნების” პერსონაჟთა დიალოგები ზედმიწევნით მიესადაგება აუდიოვიზუალური ნაწარმოების თვისობრიობას, რაც უაღრესად მნიშვნელოვანია მსახიობისთვის მხატვრული სახის შექმნისას.

მიხეილ ჯავახიშვილის “ჯაყოს ხიზნები” იმგვარი რომანია, რომელიც როგორც მხატვრული სახეების, ასევე ვითარების გადმოცემით ქმნის სალიტერატურო მოდელს, სადაც კონკრეტული სახეები მოიცავს ზოგადის თვისობრიობას და ამითაც ყველა დროში უაღრესად საინტერესო ლიტერატურული პირველწყარო ხდება აუდიოვიზუალური ხელოვნებისათვის. ძალადობის თემატიკა-როგორც ფიზიკური, ასევე სულიერი იმგვარ კონფლიქტს განაპირობებს, რომელიც აუდიოვიზუალური ნაწარმოებში ასახვისას მაყურებლის დიდ ინტერესს იწვევს. “რა თქმა უნდა, მიხეილ ჯავახიშვილისთვის ნაშინდარი არ არის ერთი კონკრეტული სოფელი. ნაშირდარი – ეს გარკვეული საზოგადოებაა, სადაც არ არის გამოჩენილი ის მაქსიმალური სიმტკიცე, რაც აუცილებელია იმისათვის, რომ ბნელი ძალა ვერ დაეუფლოს ადამიანის ცხოვრებას და ბნელმა ძალამ ვერ წარმართოს ადამიანთა ცხოვრება” (5, 2). აკაკი ბაქრაძის გაანალიზებული და ჯავახიშვილის

რომანში აღწერილი სოფლის მოდელი ალბათ ყველა დროის ფილმისა თუ სპექტაკლის თემად შეიძლება იქცეს.

ამრიგად, მიხეილ ჯავახიშვილის რომანი მეტაფორული რომანია, რომელიც ქართული აუდიოვიზუალური ხელოვნების სტილისტიკას ზედმიწევნით შეესაბამება.

და ბოლოს ყველაზე მნიშვნელოვანი ფაქტორი, რამაც განაპირობა მიხეილ ჯავახიშვილის “ჯაყოს ხიზნებისადმი” ქართველი ხელოვანების ინტერესი—რომანი ალეგორიული ფორმით ასახავს საქართველოსთვის ყველაზე მტკიცნეულ საკითხს — საქართველოს დაპყრობას უცხო ძალის მიერ. რომანში გამოყვანილი ოსი ეროვნების ჯაყო კრებითი სახეა და ის უპირველეს ყოვლისა რუსეთის მიერ საქართველოს დაპყრობის ალეგორიაა. XX საუკუნის დასასრულამდე, საქართველოს დამოუკიდებლობის გამოცხადებამდე ჩვენი ქვეყნის ყველაზე მნიშვნელოვანი პრობლემა იყო. დამოუკიდებლობის გამოცხადების შემდგომაც,

დამყრობლის აგრესია საქართველოს კვლავაც ემუქრება. დამოუკიდებელ ოსეთად და აფხაზეთად გამოცხადებული საქართველოს ტერიტორიის ნაწილი ისევ რუსეთის მიერაა ოკუპირებული. მოძალადის თემა კვლავ გადაჭრელ პრობლემად რჩება. ერის ჭირისუფლის — მიხეილ ჯავახიშვილის სატკივარი, სამწუხაროდ კვლავ აქტუალურია. ამ პრობლემის მოგვარების შემთხვევაშიც მიხეილ ჯავახიშვილის ეს რომანი ყოველთვის იქნება ის სრულყოფილი ლიტერატურული ნაწარმოები, რომელიც ქართველობას აფრთხილებს და მუდმივად მოუწოდებს თეიმურაზ ხევისთავივით არავის გაათელინოს თავისი საუნჯე.

ამრიგად, მიხეილ ჯავახიშვილის “ჯაყოს ხიზნები” ქართული პროზის იდნიმუშთა რიცხვს მიეკუთვნება, რომელიც თავისი სათქმელით, სტრუქტურით, ალეგორიულობით, უაღრესად საინტერესო სახეებით აუდიოვიზუალური ხელოვნების ინტერპრეტაციისთვის უმნიშვნელოვანესი ნაწარმოებია.

თავი VII

მეტაფორათა ვარირება სატელევიზიო თეატრში

XX საუკუნეს 70-80-იან წლებს კომუნიზმის იდეოლოგები განვითარებული სოციალიზმის პერიოდს უწოდებდნენ. რეალურად კი ისტორიაში ეს პერიოდი უძრაობის ეპოქის სახელწოდებით შევიდა. იმ პერიოდის საინფორმაციო საშუალებებში “ცხოვრება მშვენიერი” იყო და მოაზროვნე ხელოვანებს ერის სატკივარის გამოხატვა მხოლოდ მხატვრულ ნაწარმოებებში შეეძლოთ. მაგრამ სიმართლის პირდაპირ თქმა შეუძლებელი გახლდათ და ამიტომაც აუდიოვიზუალურ ხელოვნებაში უმნიშვნელოვანესი ფუნქცია შეიძინა მეტაფორულმა აზროვნებამ, რომელიც სათქმელის მხატვრული ხერხებით გამოხატვის საშუალებას იძლეოდა.

რეჟისორ თემურ ჩხეიძის შემოქმედება ეოველთვის გამოირჩეოდა კონცეპტუალური აზროვნებით, სადაც ქართველი ხალხის, დაპყრობილი ერის სატკივარი იყო ასახული. ამ სატკივარის გამოსახატად რეჟისორმა მიხეილ ჯავახიშვილის პროზას მიმართა და იმ წლებში ორი მაღალ-მხატვრული ტელესპექტაკლი – “ჯაფოს ხიზნები” და “თეთრი კურდლელი” შექმნა. აგრესიული საზოგადოების რეაქცია ტელესპექტაკლ „ჯაფოს ხიზნებზე“ დაახლოებით იმგვარი იყო, როგორც თავის დროზე მიხეილ ჯავახიშვილის რომანის მიმართ. პირად საუბრებში თემურ ჩხეიძემ აღნიშნა, რომ აღბათ 1937 წელი რომ ყოფილიყო, მასაც არ ასცდებოდა ფატალური განაჩენი. მოგეხსენებათ ტელესპექტაკლი, ისევე როგორც ყველა აუდიოვიზუალური ხელოვნება, სინთეზური ხელოვნებაა, რომელშიც იკრიბება სხვადასხვა გამომსახველი საშუალებები, რომელიც ერთ სტრუქტურაში ერთიანდება და იდეის გამოხატვას ემსახურება.

ყოფიერების ფილოსოფიური ხედგა, ადამიანის სულში დრმად წვდომა, მეტაფორული აზროვნება განსაზღვრავს ამ ორი ხელოვანის შემოქმედებას. შეიძლება ითქვას, რომ თემურ ჩხეიძე მიხეილ ჯავახიშვილის თანამზრახველია, მისი თანამოაზრე.

პროზის აუდიოვიზუალურ ნაწარმოებად ქვევა, ტელესტის ეპრანზე გაცოცხლება სინთეზური ხელოვნების ყველა გამომსახველობითი საშუალებით

ხდება. სცენოგრაფი ქმნის ვიზუალურ გარემოს, რომელშიც პერსონაჟები მოქმედებენ და ავტორთა სათქმელს სახილველად აქცევენ.

ორივე ტელესპექტაკლის მხატვარი მირიან შველიძეა. მის ორივე ნამუშევარში იქმნება პირობითი გარემო, რომელიც საშუალებას აძლევს რეჟისორს შექმნას მეტყველი მეტაფორული რიგი და იგი ტელეკადრების საშუალებით გამოხატოს. “ჯაყოს ხიზნების” მოქმედება იშლება ნატურალურ მწვანე ბალახზე. დეკორაციული სისტემა იგება ნატურალისტური და პირობითი დეტალების შერწყმით: ურემი, ლოგინი, დუქანში მოთავსებული ნივთები ტელესპექტაკლში სიმბოლური ფრესკების, და “ოჯახური პორტრეტების” ფონზეა განლაგებული. გაფორმების მხატვრული უალექტიკა კონცეპტუალურ სინთეზად გვევლინება. ზოგან ამომწვარ სახე დაგლეჯილ შავ-თეთრ ფრესკები ხევისთავთა გარდასული დიდების მთხოვბელია. სატელევიზიო სტუდიის სამოქმედო სივრცის მხატვრული გაფორმება, პერსონაჟთა კოსტუმების ფერთა გამაც კი გმირების შინაგანი მდგომარეობის ვიზუალურ ხატს ქმნის. ტელესპექტაკლი, რომანის შესაბამისად, სამი ანტიგმირის - ჯაყოს, თეიმურაზისა და მარგოს ურთიერთობის სისტემაზეა აგებული. პერსონაჟთა ვიზუალური იერსახის სახის შესაქმნელად მხატვარი და რეჟისორი განსაკუთრებულ დატვირთვას პერსონაჟთა კოსტუმებს ანიჭებენ. ამა თუ იმ სამოსელს ეპიზოდის შესაბამისი განწყობა შემოაქვს და ავტორისეული კონცეფციის ვიზუალური გამოხატვის ნაწილია. მარგოს დახვეწილი, ევროპული სამოსი თავიდანვე გამოკვეთს მის განსაკუთრებულობას ტელესპექტაკლში. კუბოკრული პელერინა, წითელლენტიანი შლიაპა, შავი ტიულის მოსასხამი... ეს ნანა ფაჩუაშვილის მარგოს გარდერობის მცირე ჩამონათვალია. ჯაყოს გაკრეჭვის, მისი “გაკეთილშობილების” ეპიზოდში მარგოს ცისფერ კაბაზე ვარდისფერი წინსაფარი უკეთია. მირიან შველიძე დეკორაციის პლასტიკური ელემენტის, კოსტიუმის ფერთა მოდულირებითაც ახდენს პერსონაჟის შინაგანი სამყაროს გახსნას. მუდმივად ქსოვტიზმისადმი მიღრეკილება მარგოს ტანსაცმლის ამ ვარიაციაშიც იკითხება. ქალის ქმედებაც შესაბამისია, ცდილობს ადამიანის იერსახეს მიუახლოვოს ჯაყო, გაკრეჭვის შემდეგ თავსაც ბანს. მწერლის მიერ დათვის ეპითეტით შემკობილი ჯაყოს, მარგოს მცდელობის შემდეგ, მიხეილ ჯავახიშვილი ახალი ეპითეტით შეამკობს-პირგაპარსული მაიმუნი, ამგვარად მოიხსენიებს ჯავახიშვილი პირუტყვის კატეგორიაში მოაზრებული პერსონაჟის ტრანსფორმაციის შედეგს.

ტელესპექტაკლის ეპიზოდის ფინალში მირიან შველიძე თეთრი ჩოხით და ლურჯი ყაბალახით შემოსავს ჯაყოს, მარგო კი ამაყად გამოდებს ხელკავს “განბანილ და განკაცებულ” პირუტყვს. მწერლისეული შედარებების შესაბამისად, მხატვარი და რეჟისორი პერსონაჟებს ადექვატურ ეკრანულ სახეს აძლევენ. ავთო მახარაძეს (ჯაყო) და ნანა ფაჩუაშვილს (მარგო) პაბიტუსის ტრანსფორმაციის შესაბამისად პლასტიკაში გადააქვთ ანტიგმირების შინაგანი ცვალებადობა. მტაცებლის პლასტიკა თავდაჯერებული ამპარტავნული მანერებით იცვლება თეთრი ჩოხით მოსილ ჯაყოში. ქედმაღლობა იკითხება მაძღარი მარგოს მზერაში. კადრის კომპოზიციაში კოსტიუმები გამოკვეთს ავტორთა სათქმელს - ანტიგმირების ამპარტავნების ხარისხი შესამოსელის ფასთან შეფარდებით იზრდება.

თეიმურაზის (ნოდარ მგალობლიშვილი) სულიერი დაგრადაციის პროცესს მისი წარმოთქმული იდეები ვერ ფარავს. საუბარი საქართველოს ბედიდობლისა და ქართლის ისტორიული როლის შესხებ კვახების, გოდრების და სკივრების ფონზე მიმდინარეობს. თეიმურაზი აღტაცებული ხმითა და გამომეტყველებით, დასვლეთისკენ მიპყრობილი თვალებით, ყოველივე დაკარგულის უცხოთაგან დაბრუნებას მოელის. თემურ ჩხეიძე და მირიან შველიძე მწერლის აზრის ამსახველ ეკრანულ მეტაფორას მხატვრული საშუალებებით ქმნიან. ნოდარ მგალობლიშვილის თეიმურაზის მზერის მიმართულებით ტელეკამერა ფრესკებს აღწევს და წმინდა გიორგის ხატება სიმბოლოდ გვევლინება ბოროტების დამარცხების მომლოდინე თეიმურაზისა. სპექტაკლის პერსონაჟების იერსახე ერთის მხრივ რეჟისორული კონცეფციის გამომხატველი იყო და მეორეს მხრივ, ერთიანი პლასტიკური გარემოს ორგანული ნაწილი. მირიან შველიძის დეკორაციაში არაერთგზის იკითხება რელიგიური მოტივი, რომელიც ავტორთა მოაზრებით, პლასტიკურ მონახაზშივე კონტრასტის პრინციპზეა აგებული. ამომწვარი ფრესკები და წინაპართა სურათები, არაერთგზის შეურაცხოფილია პერსონაჟთა ქმედებით და ცხოვრების წესითაც. გაბრიელ მთავრანგელოზის მასშტაბური ფრესკა ყინწვისის ტაძრის “ხარების” კომპოზიციიდან თითქოს ცოდვილთა სამყოფელის დაცემის პედალირებას ახდენს. ავთო მახარაძის ჯაყო სარიტუალო ნივთებს ახალ “ფუნქციას” უძებნის-საეკლესიო ჯვრით ამტკრევს კაპალს კადრში. ფუნქციაშეცვლილი მოქმედი დეტალი მეტაფორის ფუნქციას იძენს და შებდალული სიწმინდის სიმბოლოდ გვევლინება.

განსაკუთრებულ მნიშვნელობას ანიჭებს მხატვარი სურათების ჩარჩოში ჩასმულ პორტრეტებს, რომლებიც ფუნქციონალურ დატვირთვას ატარებდნენ. ტელესპექტაკლში ნანა ფაჩუაშვილის მარგოს პორტრეტი ოვალურ ჩარჩოში გამოჩნდება. აქ მარგო მედალიონს გვაგონებს, ხევისთავის გულით ნატარებს, რომელიც ასე უმოწყალოდ ჩამოგლიჯეს მერე პატრონს. ვითარების ცვლილებასთან ერთად ოვალურ ჩარჩოში ჯივაშვილების მრავალრიცხვანი წარმომადგენლები ჩნდებიან - მარგო საყვედურებით ავსებს თეიმურაზს. ფაფახებით თავდაბურულლი ჯაყოს სანათესაო თითქოს თცნების ადგილსამყოფელში-ოვალურ ჩარჩოშიც შესახლდა და ამ ტერიტორიასაც დაეპატრონა. ცხვრის ფაფახები ჯივაშვილების ველურ გამომეტყველებას კიდევ უფრო გამოკვეთენ. მირიან შველიძე პერსონაჟების თავსაბურავებს მნიშვნელოვან ფუნქციას ანიჭებს. ჯივაშვილების ფაფახების საპირისპიროდ თეიმურაზისა და მარგოს დახვეწილი შლიაპები პერსონაჟების ინტელიგენტური, ესთეტიური იერსახის წარმოჩენას განაპირობებს. ფუნქციური დატვირთვა აქვს გლეხების ქუდებსაც. მათ ფონზე, ნინიკას, მათი ლიდერის კეპი მუშაობა და გლეხთა რევოლუციის ბელადის კეპთან ასოცირდება. ტელესპექტაკლში თავსაბურავები მოქმედების მსვლელობასთან ერთად ტრანსფორმირდება და ფინალურ ეპიზოდში, ნაშინდარში დაბრუნებული, გაცემილი შინელით მოსილი თეიმურაზის თავზე ჩამომხობილი მომჩვარული ქუდი პერსონაჟის შინაგანი კაპიტულაციის, მისი სრული დეგრადირების ნიშნად აღიქმება.

მიხეილ ჯავახიშვილის რომანის სამივე პერსონაჟი კონკრეტული სახე-იდეა: მარგო რომანში საქართველოს სიმბოლოა, რომლის პატრონობაც უნიათო ქართველებმა ვერ შეძლეს. თეიმურაზ ხევისთავი სწორედ ამ უნიათო თვისებათა კრებითი სახეა, რის შედეგად სამშობლოს სხვა დაეუფლა. შხვა - ჯაყო ჯივაშვილი ასევე კრებითი სახეა მოძალადე დამპყრობლისა. ეროვნებით ოსი ეროვნების ჯაყო რომანში რუსული იმპერიალისტური დამპყრობლური ძალის სიმბოლოა. ჯაყოს ეროვნება ცხადია შემთხვევითი არ არის. საქართველოს გასაბჭოებაში ოსების აჯანყების ფაქტორი უაღრესად მნიშვნელოვანი იყო. რუსული იმპერიალისტური ძალები დღესაც აღვივებენ ოსურ სეპარატიზმს და ქართული მიწების მიზაცებას ამ გზით დღესაც ახერხებენ. დაპყრობილი, დაურვებული და შეურაცხვოფილი სამშობლოს სახე-იდეად რომანში მარგო ყაფლანიშვილი იქცა. ამდენად მარგოს ხასად ქცევის პროცესი ტელესპექტაკლში განსაკუთრებულ დატვირთვას იძენდა და

ლიტერატურული სიმბოლიკის შესატყვის ვიზუალურ ვარიაციას ითხოვდა. მარგოს გაუპატიურების ეპიზოდი მტრედებით მოვარაყებულ ჩარჩოში დაიწყო. ნაცრისფერ, უღიმდამო, ნეიტრალური ფერის კაბით მოსილი მარგო აქ თითქოს ოჯახური იდილიის არარსებულ ბუდეს შეეხიზნა. ვნებააშლილი ჯაყოს მიერ მარგოს დაუფლება ხდება ჩარდახიან ურემზე. ურემს, ქართველთა შრომის და მიწასთან კავშირის მარადიულ სიმბოლოს, პირუტყვული ჟინის მოსაკლავ ბუნაგად გადააქცევს ჯაყო. ჯაყოს მიერ მარგოს დამორჩილება ბალახზე, მშობელ მიწაზე, უკვე თანამოსურნეთა აქტია. ხასადქცეული მარგო კუთხოვანი ჩარჩოში მოექცევა. მარგო ხევისთავი ჯაყოსა და მისი ნათესავების გარემოში მათი ტოლი და სწორი გახდება. იდეური მუდმივების არსებობა სამივე ავტორის- ჯავახიშვილის, ჩხეიძის და შველიძის შემოქმედების სინთეზად იქცა და მეტაფორათა ვარირებით შექმნილი აუდიოვიზუალური ტექსტი ტელესპექტაკლში ლიტერატურული პირველწეროს ინვარიანტული მეტაფორების შესატყვის ინოვაციურ მეტაფორათა სისტემად ჩამოყალიბდა.

ტელესპექტაკლის იდეა მსხიობების შექმნილი ფსიქოლოგიური პორტრეტებში ცოცხლდება. სწორედ მათთან სინთეზში იბადება სახიერ მეტაფორათა ნაკადი, რომელიც განსაზღვრავს ნაწარმოების ჩანაფიქრის და აღქმის ერთგვაროვნებას. მსახიობთა კოსტიუმები თუ გრიმი სიმბოლურ დატვირთვას იძენს. ტელესპექტაკლის პირველ ეპიზოდებში თეიმურაზ ხევისთავს ძველი, პატივდებული დროიდან ჯერ კიდევ შემორჩენია ბაფთა. ტყაპუჭით მოსილი, თავზე ფაფახამოცმული ჯაყოს შედედებული სისხლისფერი ჩოხა შეუსხამს ტლანქ სხეულზე. სიუჟეტის განვითარების შესაბამისად ჯაყო, უკვე მარგო ხევისთავის მფლობელის სტატუსით, “გაკეთილშობილებას” იწყებს. მისი გარეგნული ნიშანთვისებები კი თეიმურაზ ხევისთავში იჩენენ თავს. თეიმურაზის სახე დაუგარცხებელი წვერით დაიფარა, პირუტყვული ქურქიდან განძარცვული ჯაყოს სამოსელმა თეიმურაზის ნატიფ სხეულზე გადმოინაცვლა. მისი მოქმედების ლოგიკა ჯაყოსას დაემსგავსა. დუქანში ნოქრად ჩამდგარმა თეიმურაზმა ჯაყოს სამყოფელში დაიდო ბინა და ჯაყოს ანტურაჟი მისეული გახდა. თეიმურაზის პატრიოტული ქადაგებანი ჯაყოს ბუნაგში წარმოითქმება და ამდენად უზნეობის აქტად ადიქმება. მსახიობ ნოდარ მგალობლიშვილის თეიმურაზ ხევისთავში ჯაყოს სული ჩასახლდა თითქოს და თავის ნასახლარში ჯაყოსებრ ოთხით მიცოცდება ხევისთავი. მარგოს გაუპატიურების ეპიზოდში ჯაყოს საწოლთან მიბობლება მთელ

ეკრანულ სიბრტყეს ავსებდა. ჯაყოს მოსვლა უხეში, ბნელი ძალის მოახლოების სიმბოლოდაა მოაზრებული. მასთან საპირისპიროდ თეიმურაზის ნასახლარში დაბრუნება შორი ხედითაა ნაჩვენები. ჭიაყელასავით მისრიალებს იმავე ეზოში ჯაყოს მოწითალო ჯუბით მოსილი თეიმურაზი, თითქოს სისხლის კვალს ტოვებს. რეჟისორისა და მხატვრის ვიზუალური თხრობა მსახიობის ქმედებაში განსხვეულდა და მეტყველ მეტაფორად იქცა. ტელესპექტაკლის საკვანძო სცენებში მხატვარი პერსონაჟების კოსტიუმების ფერთა წყობას სიმბოლურ დატვირთვას ანიჭებს. მირიან შველიძის შექმნილი კოსტიუმები პერსონაჟების თვისობრიობის შესაბამისია და მათ მახასიათებლად აღიქმება. გლეხებს ერთი სტილის დიდჯიბებიანი ხალათები მოსავთ, გვერდზე ჭრილით საყელოსთან. ეს ეგრეთ წოდებული “კასავაროტკები”. გლეხების სამოსელის მსგავსება მათი თვისობრიობის ერთმაგვარობის აქცენტირებას ახდენს. მხოლოდ ნინიკას (აკაკი ხიდაშელი) მოსავს წითელი პერანგი . გლეხების ლიდერად მოაზრებული ნინიკას სამოსელი სხვა გლეხების ერთფეროვანი ტანსაცმლის ფონზე კადრის კომპოზიციაში მუდმივად აქცენტირებს. წითელი ფერი პერსონაჟის რევოლუციურ მნიშვნელოვნებას გამოკვეთს. მიხეილ ჯავახიშვილის რომანში ნინიკა სწორედ ის პერსონაჟია, რომელიც უპირისპირდება ჯაყოს და ამარცხებს მას. კოსტიუმების მრავალგვარობა ავტორთა საერთო კონცეფციის გამოხატვის საშუალებაა ტელესპექტაკლში.

სახიერი მეტაფორით გადმოიცა თეიმურაზის სულის პანაშვიდის სცენა. თავისივე პანაშვიდის მოწმე თეიმურაზი ბალახზე ასვენია. კადრის უკანა სიბრტყეს მოიცავს უზარმაზარი საფლავის ქვის მაგვარი სვეტი. თეიმურაზის დაკრძალვა მისივე თვალწინ ხდება, თავად არის საბუთარი ჭირისუფალი. ტელესპექტაკლის გამომსახველობით სისტემაში ლიტერატურული ტექსტის მეტამორფოზა ვიზუალურ სიმბოლოდ გარდაიქმნა და მწერლის სათქმელი ტელესპექტაკლის ავტორთა ინოვაციურ მეტფორულ აუდიოვიზუალურ ტექსტად განსხვეულდა.

ტელესპექტაკლში პირობითად გადაწყვეტილმა გარემომ საშუალება მისცა ავტორებს ჯაყოს ბუნაგის მოშლა დეკორაციის უშუალო მტვრევით წარმოედგინათ; მიწაზე, რომელიც ჯაყომ უწმინდურად აქცია, მისი ძალადობის ნამსხვრევები იყრება. მეტაფორა იმდენად ძლიერა, რომ სრულად გამოხატავს ავტორთა აზრს. ბეთჰოვენის მეცხრე სიმფონიის ფინალური ნაწილის, “სიხარულის ოდის” ფონზე თემურ ჩხეიძე ტელესპექტაკლის საკვანძო

ეპიზოდების ფრაგმენტების მონტაჟით კოლაჟს ქმნის. კადრები კალეიდოსკოპური სისწრაფით ცვლიან ერთმანეთს და სპექტაკლის ტემპო-რიტმი კულმინაციას აღწევს. მოშლილი ბუნაგის ნამსხვრევების ფონზე ცისფერპერანგიანი გოგონა გამოჩდება. იგი ინტერესით ათვალიერებს არისტოკრატთა პორტრეტებს, გადმოაბრუნებს წაქცეულ სარწეველა-სავარძელს, რომელიც ხევისთავევების საგანი-სიმბოლოს - უზრუნველობის და ნებივრობის ადგილის დატვირთვას ატარებდა ტელესპექტაკლში და მასში ჯდება. უკანა ფონზე გლეხის ქალი კედლებიდა სხნის წიწაკის აცმას, ნივრის გალას, ზაფრანის აცმას... გლეხები - ქალებიც და მამაკაცებიც სწრაფად ინაწილებენ და უძებნიან დანიშნულებას ყველაფერს, ნათავადარის ნივთებსაც და ჯივაშვილის დოვლათსაც. ხდება ერთგვარი ნივთების გადაბარება. მირიან შველიძის მიერ შექმნილი რეკვიზიტი გასულიერებული სცენოგრაფიულ დეტალებად მოიაზრება. სატელევიზიო სტუდიაში განლაგებული რეკვიზიტი ორი სახისაა- ერთის მხრივ, ევროპული ფუფუნების საგნები და მეორეს მხრივ, ქართული ყოფისთვის დამახასიათებელი ნივთები. რეკვიზიტის შერჩევისას, დეკორაციის მსგავსად, ერთიანი გაფორმების მხატვრული ეკლექტიკა კონცეპტუალურ სინთეზად გვევლინება. კონცეპტუალური ეკლექტიკაა დავით ტურიაშვილის მუსიკალურ გაფორმებაშიც. ტელესპექტაკლის პერსონაჟების ლეიტ-თემები მათი ურთიერთობების თვისობრიობას წარმოაჩენს. ალფრედისა და ვიოლეტას დუეტი ვერდის “ტრავიატადან” თეიმურაზისა და მარგოს სიყვარულის თემაა ტელესპექტაკლში. ოგინსკის პოლონეზის მელოდია თეიმურაზის ოცნების-ევროპული ცხოვრების აუდიო-ფონად არის შერჩეული. ქართული ხალხური სიმღერები- “აღზევანს მივალ მარილზე” და “არალალო” გლეხების მახასიათებლად ჟღერს ტელესპექტაკლში. ამრიგად, მხატვრისა და კომპოზიტორის ნამუშევარი საერთო კონცეფციით არის მოაზრებული და ტელესპექტაკლში სინთეზირდება როგორც ერთის მხრივ, აუდიო და მეორეს მხრივ ვიზუალურ სიმბოლოებად მოაზრებული სისტემა.

ტელესპექტაკლის ფინალურ კადრში ნოდარ მგალობლიშვილის დიმილი უდაოდ სამსახიობო ოსტატობის მწვერვალია. გლეხების გვერდით, ჩამოკონკილი ტანსაცმლითა და ქუდით მოსილ თეიმურაზს ნაძალადევი დიმილი აქვს შეყინული სახეზე. სირცხვილი, დანაშაულის გრძნობა, პატივაყრილი, დირსებაშელახული დამარცხებული ნაკაცარი, რომელიც ნაძალადევად არის მოხვედრილი თავისივე ყოფილი ყმების გარემოცვაში და მათი გადასარჩენიც

შეიქმნა. ოპერატორი ჯუმბერ გრიგორაშვილის კადრი ჩერდება - დრო თითქოს ფოტოკადრში გაიყინა. კადრში თეიმურაზი სამომავლო ცხოვრება მხოლოდდა წარსულის ანბეჭდის აჩრდილს დაემსგავსა.

დასკვნის სახით შეიძლება ითქვას, რომ მირიან შველიძის ნამუშევარი საშუალებას აძლევს თემურ ჩხეიძეს, რომ მიხეილ ჯავახიშვილის შექმნილი სახე-იდეებით აზროვნების შესატყვისი აუდიოვიზუალური რიგი შექმნას და შესაბამისად დაპყრობილი ერის უპირველესი სატკივარი მეტყველი მეტაფორული სისტემით გადმოსცეს. მირიან შველიძის შექმნილი კოსტიუმი და გრიმი მსახიობს საშუალებას აძლევს პერსონაჟის გრძნობათა ბუნება სრულად გახსას და ტელესპექტაკლში აქტიორული სიმართლე თითოეული როლში მიღწევადი გახადოს.

ფსიქოლოგიური ტელესპექტაკლის პრინციპზე აგებული “თეორი კურდღელი” ჩვენი საზოგადოების მტკიცნეულ თემას ეხება: სიცხიზღის მოდუნება, საკუთარ ფანტაზიებში დასახლება არ მოგვცემს საშუალებას მოვიხადოთ ვალდებულება ქვეყნის, მომავალი თაობის წინაშე.

მიხეილ ჯავახიშვილის მოთხოვნა “კურდღელი” რეალურ ამბავს ეფუძნება. ექიმ ფრიდონ დორაშვილის პროტოტიპი სახელგანთქმული ქართველი ფსიქიატრი და ფსიქოთერაპევტი მიხეილ ასათიანია. მან პირველმა დაამკიდრა საქართველოში ფროიდისეული ფსიქოანალიზის მეთოდი. სწორედ ამ მეთოდოლოგიით ხდება მოთხოვნაში სიდონიას განკურნება. ცხადია ლიტერატურული ტექსტში დიალოგს უდიდესი მნიშვნელობა ენიჭება – ფსიქოანალიტიკურ სეანსებში თანმიმდევრობით იხსნება ამბავი, ყალიბდება პერსონაჟთა სახეები. თემურ ჩხეიძე ფსიქოლოგიური თეატრის დიდოსტატია. მით უფრო რთული ამოცანა იდგა მხატვრის წინაშე – ლიტერატურის კლასიკოსის დაწერილი ტექსტის და ფსიქოლოგიური თეატრის უბადლო ოსტატის დადგმული დიალოგთა დომინანტის აღექვატური გარემოს შექმნა.

“თეორ კურდღელში” მხატვრის უურადღების კონცენტრირება ხდება გამომსახველობით საშუალებათა ფერადოვნების ძიებაზე. მირიან შველიძის მიერ შექმნილი დეკორაცია, საგნები, ბუტაფორია ისევე მეტყველია, როგორც აქტიორთა ქეხტიკულაცია, მოძრაობები, თვალები, მსახიობთა ხმაში გაჯერებული ინტონაციების ცვალებადობა.

მირიან შველიძის შექმნილ, ტელევიზიის სტუდიაში განლაგებულ დეკორაციაში- სტავრიშვილების ოჯახურ გარემოში, უსიცოცხლო, ერთხელ და

სამუდამოდ დამკვიდრებული ნივთები, ჩარჩოშემოვლებული ფოტოსურათები კედელზე, გაცრეცილი, მკრთალი ზაფრანისფერი საღებავების ვარიაციები სიდონიას უსახური ყოფის ასპარეზს გადმოგვცემს.

ამრიგად, მხატვრულ გაფორმებაში პერსონაჟის ოცნებათა სამყაროში გადასახლების მიზეზ-შედეგობრივი კავშირი აისახება. ლიტერატურული ტექსტი აუდიოვიზუალურ სისტემაში ტრანსფორმირდება და ფერადოვან მეტაფორათა ვარიაციებში განსხვეულდება.

სიდონიას შინაგანი ძვრების პროექცია ექიმთან დიალოგებში ხდება. სუფრა თემურ ჩხეიძის შემოქმედებაში ყოველთვის სიმბოლური დატვირთვის მატარებელია. თემურ ჩხეიძის სპექტაკლებში არაერთგზის მოდულირებული სუფრა ტელესპექტაკლში ირეალურის და საღად აღქმის, სიცრუით ნუგეშისცემის და მოვალეობის ჭიდილის არეალად გადაიქცა.

სიდონიას ქმარი ტელესპექტაკლში გარკვეულად შემოსაზღვრულია სხვადასხვა ფორმისა და ზომის ჩარჩოების ანტურაჟით. მათში მოთავსებული წინაპართა სურათები ელიზბარის ცხოვრების ორიენტირად არის ქცეული. ბიძინას, სიდონიას საყვარლის მოკვლის შემდეგ ელიზბარი თამამად გაუსწორებს თვალს წინაპართა პორტრეტებს. ლიტერატურულ მეტაფორად ქცეული რელური ფაქტები ტელესპექტაკლის ხედვით რიგის ვარირებაში ვიზუალური მეტაფორის ფუნქციით შემოდის.

მირიან შველიძის დეკორაციაში “ნატურა” ერთადერთი დეკორატიული პალმით არის გამოხატული. პალმის ტოტებში კი თითქოს ორი ადამიანის ურთიერთსწრაფვა იხლართება.

ბიძინასა და სიდონიას ურთიერთობის ყოველი ეპიზოდი უაღრესად ესთეტიურია. მხატვარი და რეჟისორი პირობითი დეტალებით გვიჩვენებენ ბაკურიანის პეტაჟს. სტუდიის იატაკზე განფენილი ხმელი ფოთლების ფონზე გარიყულა წყვილი. დიალოგი მათ შორის არ შედგა. ბიძინას სიტყვები სიდონიას ბაგით გამოითქმება. პერსონაჟები ბედნიერების ტალღას აჟყოლიან. სიდონიასთვის ამგვარი გარემოა მხოლოდ შესატყვისი. მშვენიერი გარემო მათვის და მათ გამო არსებობს.

ბიძინასთან დაკავშირებული სცენების ვიზუალური სინატიფე უპირისპირდება სტავრიშვილების სახლის ინტერიერის ყოველდღიურ უფერულობას. ელიზბარის ცხოვრების უღიმდამო საგნებისა და გამაწონასწორებელ ჩარჩოთა სიმრავლის ფონზე ბიძინას ეპიზოდების

სიმშვენიერე ავტორთა სათქმელს გამოკვეთს. ბიძინას სიდონიას ცხოვრებაში სილამაზე შემოაქვს, სიდონიას შინაგანი სამყაროს, მისი ფანტაზიის ნაწილია.

სტავრიშვილების სახლის ხის ექსტერიერი, კედლების სიგლუვე და გამეფებული ნაცრისფერი ტონალობა ექიმისა და ბიძინას შეხვედრის ეპიზოდში დრამატულ განწყობას ქმნის. კიბესთან დიაგონალურად განლაგდება ორი სილუეტი. ტელესპექტაკლის ავტორებმა ერთი საფეხურით დაამდაბლეს ბიძინა ექიმთან საუბარის სცენაში. იდეა ეპიზოდის პლასტიკურ გადაწყვეტაში აისახა. რეჟისორისა და მხატვრის გადაწყვეტით ბიძინა ზეობრივი დანაშაულის გამო დაპატარავებულია. ექიმის ტექსტის-პერზაჟით ტკბობის ამსახველი სიტყვების ფონად რეჟისორმა პერსონაჟები ტლანქი კედლებით და კიბით შემოსაზღვრა.

ბიძინას მკვლელობის სცენა ბაღში თემურ ჩხეიძესა და მირიან შველიძეს მეტყველი მეტაფორით აქვთ ასახული. კადრის კომპოზიციის ფონად სიქსტის მადონას ხატებაა, რომელიც მარადიული დედობის სიმბოლოდ აღიქმება. ხატის წინ დანთხბული სანთლებით შემოსაზღვრულ სივრცეს აწყდება ბიძინას ცრემლჩამდგარი თვალები. იატაკზე განირთხმება მოცელილი. ბიძინას სიკვდილთან ერთად ქრება სიდონიას ცხოვრებაში სილამაზე და ყოველდღიური უფერულობა შთანთქავს მის ფანტაზიას.

ამრიგად, მირიან შველიძის შექმნილ დეკორაციებში თემურ ჩხეიძე მორალის ასპექტში გადატანილ კონფლიქტს რბილ, თბილ ნახვარტონებში გვიჩვენებს და უაღრესად ლაკონური გამომსახველობითი ხერხებით გადმოგვცემს.

ლიტერატურულ და აუდიოვიზუალურ ტექსტებში სამი შემოქმედის-მწერლის, რეჟისორის და მხატვრის კონცეფციათა თანხვედრის შედეგად ხდება მეტაფორათა ვარირება. იგი მხატვრულ სისტემად ყალიბდება და სამივე ავტორის საერთო სათქმელად იქცევა. საერთო შემოქმედებითი არჩევანი კი საბოლოოდ სამი ავტორის საერთო მოქალაქეობრივ პოზიციად გვევლინება, რომელიც საბჭოთა იდეოლოგიურ-კოლონიური აგრესიასთან ბრძოლის იდენტურ მეთოდოლოგიად გარდაიქმნება სხადასხვა ეპოქებში.

მიხეილ ჯავახიშვილის პროზის საფუძველზე შექმნილი “ჯაფოს ხიზნები” და “თეორი კურდღელი” ჯავახიშვილის აზრთა მიმართების ტელემოდელია და მწერლის თხზულებათა ინტეპრეტაციის ქვედაზე სრულყოფილი მაგალითი. იდეური მუდმივების არსებობამ და მათმა მეტამორფოზამ სხვადასხვა

გამომსახველობით სისტემებში ტელესპექტაციაზე კლასიკური
ლიტერატურული ტექსტის ტოლფას აუდიოვიზუალურ ხელოვნებად აქცია.

თავი VIII

“ჯაყოს ხიზნების” სათეატრო ვერსიის აუდიოვიზუალური ინტერპრეტაცია

მარჯანიშვილის თეატრის “ჯაყოს ხიზნები” სამართლიანად ითვლება ქართული თეატრის ერთ-ერთ საუკეთესო სპექტაკლად. მეასე წარმოდგენის შესახებ მიძღვნილ პუბლიკაციაში გაზეოთ “თბილისი” აღნიშნავდა, რომ სპექტაკლი უდიდესი წარმატებით უჩვენეს მოსკოვში, ლენინგრადში, კაუნასში, სოხუმში. სპექტაკლს “დღესასწაულს” უწოდებდნენ ვერიკო ანჯაფარიძე, ანგელინა სტეპანოვა, მიკ მიკივერი, სოს სარქისიანი (13). მარჯანიშვილის თეატრმა პირველად თავისი ისტორიის მანძილზე ამ სპექტაკლით მონაწილეობა მიიღო საერთაშორისო ფესტივალში. სპექტაკლი სინქრონული თარგმნის გარეშე თამაშდებოდა. 1989 წლის მარტში მადრიდის “ტეატრო დე ლა კომედიას” სცენაზე გამართულმა წარმოდგენამ დიდი გამარჯვება მოუტანა თეატრს. თეატრმცოდნე ნოდარ გურაბანიძე წერდა. “როგორც გაირკვა, “ჯაყოს ხიზნების” პრობლემატიკა, ქართული ინტელიგენციისა და არისტოკრატიის ტრაგიკული კოლიზიები ძალზე გასაგები აღმოჩნდა ესპანელი მაყურებლისათვის, რომლის მეხსიერებაში ჯერ კიდევ ცოცხლობს ფრანკოს რეჟიმის დროს ინტელიგენციის ბედის არანაკლები ტრაგიკული პერიპეტიული“ (11, 39). 1991 წელს მარჯანიშვილის თეატრის “ჯაყოს ხიზნები” იაპონიაში წარმოადგინეს და იქაც დიდი წარმატება ხვდა წილად. ერთი რამ უდაოა - ჯავახიშვილის უკვდავი რომანის ინტერპრეტაცია იმგვარი გამომსახველობითი საშუალებებით მოხდა, რომ უცხო ენაზე გათამაშებულიც, გასაგები და ახლობელიც კი აღმოჩნდა მსოფლიოს უკეთი იმ ქვეყნის მაყურებლისათვის, ვინც ქართულ ენზე წარმოდგენილ რომანს აპლოდისმენტებს უძღვნიდა. თემურ ჩხეიძის ინტერპრეტაციით “ჯაყოს ხიზნებმა” ახალი და ამჯერად იმგვარი სიცოცხლე დაიწყო, როდესაც იგი მხოლოდ დადებით კონტექსტში მოიხსენიებოდა და საინტერესო და მნიშვნელოვანი მოვლენა ხდებოდა როგორც ქართველი, ასევე არაქართველი მაყურებლისათვის.

მარჯანიშვილის თეატრის სპექტაკლის შესახებ ნონა კუპრეიშვილი წერდა: “არცთუ ისე ხშირია, ალბათ, შემთხვევა, როდესაც ინსცენირებისადმი მეტ-ნაკლებად სკეპტიკურად განწყობილი მაყურებელი (მით უფრო, თუ ის სპეციალობით ლიტერატორია) სპექტაკლის ნახვის შემდეგ ერთგვარად განახლებული აღქმით უბრუნდებოდეს მხატვრულ ნაწარმოებს და ამ დროს რომანისა და სპექტაკლის ღრმად გააზრებული თანხვდომის სიხარულს განიცდიდეს” (23, 141). ღრმად გააზრებული თანხვდომის, მწერლის ერთგულების აქცენტირება სპექტაკლის ავტორებმა იმითაც მოახდინეს, რომ წარმოდგენა თავიდანვე რომანის კითხვის ფორმით შესთავაზეს მაყურებელს. თეიმურაზი (ნოდარ მგალობლიშვილი) გადაშლილი წიგნით ხელში შემოდიოდა სცენაზე და იწყებოდა რომანის სცენიური კითხვა, რომელშიც თანდათან ებმებოდნენ სპექტაკლის პერსონაჟები. მხატვარ გიორგი ალექსი-მესხიშვილის ინტერპეტაციით ჯაყოს ხიზნების ტრაგედია ერთიან დეკორაციაში გათამაშდა, რომელიც სცენიური არქიტექტონიკა ნასაყდრალის ფორმით განსხვაულდა. მწერლისეული ნა პრეფიქსი, რომელიც წინ უძღვოდა ხიზნობის ადგილად სახელდებულ ნაშინდარს, რომანის სახვით-სივრცობრივი კონცეფციის გამომხატველად გადაიქცა. ეპლესის ფრესკები ჩამორეცხილ ნაფრესკალს დაქმსგავსა- აქა იქ თუ იყო შემორჩენილი მაცხოვრის თუ ანგელოზის გამოსახულების ნაშთები. ნასაყდრალის გაბზარული კედლის მიღმა ვარსკვლავებიანი ცის ნაწილი იკითხებოდა. გალაქტიკის ფრაგმენტის შემოჭრა პირობით და ირეალურ სცენიურ დროს უსასრულობის ნიშნით აღმოჩენა და ბოროტებასთან ჭიდილში ჩაბმული რომანის პერსონაჟების სამყაროს მარადიულ პრობლემებთან თანაზიარობის განცდას აღმრავდა მაყურებელში. უკანა ფონზე ჩამოწუწული ფერადი საღებავები აბსტრაქციონისტული პანოს ასოციაციას იწვევდა. ნატაძრალის კედლელში იჭრებოდა საცხოვრებელი სახლის სიმაღლის კედელი. უსახური ყოფითი ფორმის შეჭრა ტაძრის სრულყოფილ არქიტექტურულ კომპოზიციაში სცენოგრაფიულ კონფლიქტში აისახებოდა და პერსონაჟთა ყოფაში არსებული დაპირისპირება პლასტიკურ სივრცეში გადმოჰქონდა. გოგი ალექსი-მესხიშვილის შექმნილი სცენოგრაფიის ქმედითი ფენომენი მწერლის და რეჟისორის გააზრებულ თანხვდომასთან, როგორც ამას ნონა კუპრეიშვილმა უწოდა, იდენტური იყო. ამ და სხვა კედლებზეც სხვადასხვა თაობის ადამიანების ჩამოძონმილი, გაუსახურებული პორტრეტებით იყო განფენილი. ეს უცნაური დეკორი, წინაპართა პატივისცემის ასოციაციის

ნაცვლად მათი უსარგებლობის და უფუნქციობის განცდას იწვევდა. კედლებს “ამშვენებლა” მათზე აკრული ძველი, გაყვითლებული გაზეთებიც. ერთ სიბრტყეზე განლაგებული ნაფრესკალის ფრაგმენტები და იმავე კედლებზე აკრული გაყვითლებული გაზეთის ნაგლეჯები ჭეშმარიტი ღირებულებებისა დევალვაციის სიმბოლოდ იკითხებოდა დეკორაციაში. ნატაძრალი, სადაც აღარავინ ლოცულობდა, თითქოს ადამიანების მიერ შუაზე გაკვეთილს გავდა, სადაც წილი ყველა თაობას ედო.

სცენის უპარა ფონზე, წინაპართა პორტრეტების მსგვესად, უამრავი უფუნქციო უამგადასული ნივთი იყო მიმოფანტული. ეს ნივთები, წარსული დიდების ნაშთად მოხსენიებული თემურაზის მიერ, თითქოს ისევე იყო გაცვეთილი და შებდალული, როგორც მათი ყოფილი პატრონი. ყოველივე სანაგვეზე გასატანად იყო გამზადებული ისევე როგორც მათი მფლობელი. უამრავი ცარიელი ჩარჩო, კედლებზე მიყუდებული ხატები, იქვე ჩამოკონტიალებული ჩითის ხალათი... ნატაძრალის მთავარი “სამშვენისი” მაიც გაჩერებული კედლის საათი იყო - გაყინული დროის სიმბოლო... ყოფისა და ოწმენის სიმბოლიკის ეკლექტიკა სცენოგრაფიულ კონფლიქტში ასახავდა ხევისთავის აბსურდამდე მისულ უფუნქციობას და მის გამოც აღზევებული ძალადობის შედეგს.

დეკორაციის არქიტექტონიკა, რომელიც ნასაყდრალის ფორმით იყო წარმოსახული, სცენის მარჯვენა მხარეს დატანებულ ჭრილში, ირეკლავდა სპექტაკლის საკვანძო ეპიზოდების ექსპოზიციებს. “ეკლესიის კედლებში დატანებული კარის ჭრილში სპექტაკლის მსვლელობის დროს ხუთი ფიგურა გამოჩნდება: ჯერ კიდევ სმოკინგიანი თემურაზ ხევისთავი, ჯაყოს გამარჯვების შავთხიანი მაცნე (ზ. სტურუა) ჯაყოს მესამე ცოლი ნინა (ზ. ტატიშვილი), ორეული (ჯ. მონიავა) და უკვე ინგლისურ მაზრაში გამოწყობილი, “ნაშინდარში ერთგული ძალლივით მობრუნებული” თემურაზ ხევისთავი. გარდა იმისა, რომ ეს ფიგურები სპექტაკლის გარკვეულ ქვეთაგვებად აღიქმება, მათში “ჯაყოს ხიზნებზე” – რომანზე რეჟისორის მიერ დასმული სცენური მახვილი ჩანს” (23, 145).

მარჯანიშვილის თეატრის “ჯაყოს ხიზნები” სინთეზური ხელოვნების იმგვარ ნიმუშს მიეკუთვნებოდა, სადაც ყოველი კომპონენტი, რომელიც ვიზუალურ მთლიანობას ქმნიდა, აგტორთა თანხვედრი სათქმელის გამოხატვას ემსახურებოდა. ამავდროულად ყოველ კომპონენტს ესთეტიური დატვირთვა

ენიჭებოდა და ყველა მათგანი თანაბარი მხატვრული ხარისხის მატარებელი იყო. სპექტაკლის ქორეოგრაფი იური ზარეცკი გახლდათ. ტაძრის ჭრილში ხანგამოშვებით გამოჩენილი, ოსური მუსიკის, სიმღის ფონზე ვერტიკალურად აჭიმული ფიგურა (ზ. სტურუა), პირველად ჯაყოს მარგოზე პირველი ძალადობის ეპიზოდში ჩნდებოდა. მოცეკვავის უცნაური როკვა ეპიზოდის დრამატიზმს აძლიერებდა და პლასტიკურ-ქორეოგრაფიული ინვარიციული მეტაფორითაც გამოკვეთდა ავტორთა საოქმელს: საქართველოს სახე-იდეად მოაზრებული მარგოს დაურვება მომხვდურთა ზეიმად აქცევდა ძალადობრივ აქტს.

სპექტაკლის ქორეოგრაფის, იური ზარეცკის ნამუშევარი სპექტაკლის სახით-პლასტიკური გადაწყვეტაში უმნიშვნელოვანეს როლს ასრულებდა. ამავე დროს ქორეოგრაფია და სპექტაკლის სცენოგრაფია ერთიან პლასტიკურ სისტემას წარმოადგენდა და ალეგორიულ ვიზუალურ დატვირთვასთან ერთად ფუნქციონალურად იყო ჩართული სპექტაკლის მოქმედებაში. სცენის პორტალზე განლაგებული გარდასული ეპოქის ტიპიური ავეჯი, ვენური სკამი, რომლებიც ხევისთავის წარსული ცხოვრებიდან იყო შემორჩენილი, გადაქლესილი კედლების ფონზე თავადიშვილთა ყოფითი ნივთების ესთეტიურობის ნაშთად აღიქმებოდა. ამ სკამზე მჯდარი უკვე ჯაყოს ხასად ქცეული მარგო წითელი ფერის დეკოლტირებული ვულგარული კაბით მოსილი იჯდა. ნანი ჩიქვინიძის პერსონაჟის ტრაგიკული მდუმარება სასცენო ეპიზოდში საკმაოდ დიდხანს გრძელდებოდა: მარგო გადაწყვეტილებას იღებდა. შესაბამისად იცვლებოდა მსახიობის სახის გამომეტყველება. მარგო ხელებს ნელა შლიდა და სკამზე დამჯდარი იწყებდა ცეკვას. სხეულის ნახევარი უძრავი იყო, წელს ზემოთ კი მსახიობის ადგილზე როკით, სხეულის უძრავ-მოძრავი ნაწილების შერწყმით იქმნებოდა პლასტიკურ-ქორეოგრაფიული ფიგურა, რომელიც მარგოში მონური მდგომარეობისადმი შეგუების ხატად აღიქმებოდა. რეჟისორის, მხატვრისა და ქორეოგრაფის თანაზროვნების შედეგი მსახიობის წარმოსახულ ვიზუალურ მეტაფორაში განსხვაულდა- ძალადობას შეჩვეული, დამონებული სახე-იდეა საცეკვაო ექსტაზში ადგილს მიჯაჭვული გადაეშვა.

ჩამოძონდილ თოკზე ჩამოკიდებულ საქანელაზე მჯდარი თეიმურაზ ხევისთავი წიგნის კითხვით ირთობდა თავს. შემდეგ ეპიზოდში ამავე საქანელაზე მჯდარი მარგო, თავაშვებული ქროლვის უნით აღტყინებული, პორტალზე გართხმულ ჯაყოს თითქოს ზემოდან გადააფრინდებოდა.

აღტყინებული მდედრისა და თვითკმაყოფილი მამრის ეროტიული თამაშობა პორტალზე სექსუალური აქტის იმიტირებით სრულდებოდა. მოგვიანებით, ამავე საქანელაზე შეაგდებდა ჯაყო აჯანყებულ ხევისთავს და უმოწყალოდ, მათრახით სცემდა. მოქმედი საგანი - მათრახი სპექტაკლში საგან-სიმბოლოდ იყო მოაზრებული და ჯაყოს ხელში ამოქმედებული თავად ხდებოდა ძალადობის ამსახველი მეტაფორა.

სცენოგრაფიული კონფლიქტის უმნიშვნელოვანესი ქმედითი მოძრავი ნაწილი-ჩამოძონილ თოკებზე დაკიდებული საქანელა თემურ ჩხეიძის, გიორგი ალექსი-მესხიშვილისა და იური ზარეცკის გადაწყვეტით, სპექტაკლის მიმდინარეობის შესაბამისად, არაერთგზის იტვირთებდა სხვადასხვა ფუნქციებს: ერთის მხრივ უბრალო საგანი ხდებოდა მხატვრული ფუნქციის მატარებელი და სწორედ ამ საგნის მხატვრული ფუნქციის და ყოფითი დანიშნულების შეფარდებაც, სცენოგრაფიის სხვა დეტალებთან ერთად წარმოადგენდა სცენოგრაფიული კონფლიქტის ერთ-ერთ უმთავრეს სეგმენტს მარჯანიშვილის თეატრის “ჯაყოს ხიზნების” მხატვრულ გაფორმებაში.

თემურ ჩხეიძისა, მხატვრისა და ქორეოგრაფის თანამოაზრეობის შესახებ თეატრმცოდნე ნათელა არველაძე წერდა: “პლასტიკური გადაწყვეტის თვალსაზრისით სპექტაკლი იმდენად მთლიანია, რომ ვერ განაცალკევებ რეჟისორის, მხატვრის(გიორგი ალექსი-მესხიშვილი) და ქორეოგრაფის(იური ზარეცკი) ნამუშევარს. ყოფითი მატერიალ - ხის ტიხარი—სულიერების სფეროში უხეშადაა შეჭრილი. ქართული ხალხური სანახაობისა და თამაშობების პანტომიმით შეკრული სიმბოლოები— საქანელა და ცეკვა არა მარტო ორგანულად არის გათამაშებული, არამედ ამ ნაწარმოებისთვის აუცილებელი ეს ფსიქო-ბიო-სოციალური და ალუზორული მომენტი მოარული სექსუალური სურათის ნაცვლად დახვეწილ თეატრალურ პერიფრაზად წარმოგება” (2, 10).

გიორგი ალექსი-მესხიშვილის დეპორაცია სამ შრეში იყო განფენილი. სცენის პორტალზე ხდებოდა მარგოს გაუპატიურება. ხევისთავის ნასახლარის იატაკად წარმოსახულ პორტალზე ფარდაგები, მუთაქები და ბალიშები იყო განფენილი. ეს საგნები არაერთგზის იყო გათამაშებული სპექტაკლის მსვლელობისას. მათზე წამოგორებული სწავლობდა წერა-კითხვას ჯაყო. ჯაყოს განგულაკების ეპიზოდში სწორედ მუთაქებს, ფარდაგებსა და ბალიშებს მიიტაცებდა ქეშელა – ჯაყოს სისხლისმიერი და სულიერი ნათესავი, მისი საქმის გამგრძელებელი.

სცენის პორტალზე – სცენოგრაფიის ქვედა შრეზე, ჩასასვლელი ლიუკი იყო. ეს ლიუკი სპექტაკლის მიმდინარეობის დროს მრავალ ფუნქციას ითავსებდა: ამ ლიუკიდან ამოდიოდა ჯაყო, რომელიც ქვესკნელიდან ამოსული ბოროტების სიმბოლოდ მოიაზრებოდა. ლიუკი ხდებოდა ჯაყოს დუქნის აღმნიშვნელი ტერიტორია. სწორედ ამ ლიუკში იდებდა ბინას მედუქნედ ქცეული, უკიდურესად დამდაბლებული ხევისთავი. სპექტაკლის ფინალში ლიუკი ხდებოდა ჯაყოს, მარგოსა და პატარა ჯაყოს საცხოვრისი. ლიუკი წარმოდგენაში ადამიანთა დაცემის ექვივალენტად მოიაზრებოდა – იგი ქვესკნელითან იგივეგებოდა. შუასკნელი - ჩამორეცხილი და დაბზარული კედლებით, საფუძველშერყეული, დანგრევის პირას მისული ადამიანთა სამყოფელი, თითქოს ქვესკნელში ჩასანოქმელად იყო გამზადებული. და ბოლოს- ზესკნელი- გადაქტიკის ფრაგმენტი, რომელიც, როგორც უკვე აღვნიშნე, მიუწვდომლობის სიმბოლოდაც მოიაზრებოდა წარმოდგენაში. გიორგი ალექსი-მესხიშვილის დეკორაციაში სამყაროს ამგვარი მოდელი იქმნებოდა. ეს მოდელი თავისთავად იყო სიმბოლო ძალადობის სრულიად დამანგრველი თვისობრიობისა, რომელიც თითქოს კაცობრიობის ყველა ცოდვას იტევდა.

ცოდვილთა სამყოფელის ბინადართა შესამოსელი- სპექტაკლის პერსონაჟთა კოსტიუმები წარმოდგენაში მრავალგზის იცვლებოდა და ამ ცვალებადობის კონკრეტული დიაგრამა პერსონაჟების ბედისწერის ცვალებადობის თანხვედრი იყო. პერსონაჟის კოსტიუმი ზუსტად გამოხატავდა როგორც მისი მატარებლის სულიერ მდგომარეობას, ასევე იმ სოციალურ მდგომარეობას, რომლის მატარებელიც თითქოს კოსტიუმთან ერთად ხდებოდა პერსონაჟი.

მსახიობთა კოსტიუმები სპექტაკლში სცენოგრაფიის ქმედით ელემენტებად მოიაზრებოდა და თავისთავად ხდებოდა იმგვარი პლასტიკური, ინვარიაციული მეტაფორული ფუნქციის მატარებელი, რომელიც ზუსტად გამოხატავდა სპექტაკლის აგტორთა პოზიციას. მხატვრის შექმნილი, მწერლის სათქმელის თანხვედრი პლასტიკური სახე მიხეილ ჯავახიშვილის კონცეფციის ვიზუალურ ადეპტს წარმოადგენდა. კოსტიუმების ხშირი ცვალებადობა, როგორც სპექტაკლის პლასტიკური გადაწყვეტის ნაწილი, ერთის მხრივ სცენოგრაფიის დინამიზმს განსაზღვრავდა და მეორეს მხრივ ამ კოსტიუმით მოსილი მსახიობი გასულიერებული სცენოგრაფიული დეტალისა და გასულიერებული სიმბოლო-მეტაფორის ფუნქციასაც ითავსებდა. სპექტაკლის დასწყისში სახ-იდეა

მარგო(ნანა ჩიქვინიძე), შავი, ინგლისური მოდელის კაბით, რომლის შიგნითაც თეთრი პერანგი იკვეთებოდა, მოსილი ერთვებოდა წარმოდგენაში. მხოლოდ მცირე დეტალს, ჭრელ ქოლგას შემოჰქონდა დისონანსი მკაცრ სილუეტში. ამ ტანსაცმელში ჩაცმული მარგოს მდუმარება თითქოს ვითარების ტრაგიზმის აქცენტირებას ახდენდა. სიუჟეტის განვითარების შესაბამისად, როდესაც მარგო უპვე ფიზიკურადაც და სულიერადაც დამორჩილებული იყო, გიორგი ალექსი-მესხიშვილი წითელი, დეკოლტირებული პლიუშის “კოფტით” შემოსავდა პერსონაჟს. საუკუნის დასაწყისის ეს მოდელი ერთის მხრივ ვულგარულობის ელფერს ანიჭებდა არისტოკრატ ქალს, მეორეს მხრივ კი ნაწილობრივი სიშიშვლე და ხასხასა წითელი ფერი მდედრში ფიზიკური საწყისის გადგიძების სიმბოლოდაც მოიაზრებოდა. ახლადგაჩენილი აქსესუარი-ყელზე შებმული ზონარი და დიდი ზომის უგმოვნო გულსაბნევი პერსონაჟის შემგუებლობის ნიშნადაც აღიქმებოდა. მარგოს სპექტაკლის ფინალში კი ნანი ჩიქვინიძის მარგოს ისეთსავე სელის ტანსაცმელში, პირახვეულს და ტომარააკიდებულს წარმოგვიდგენდა მხატვარი, როგორც ჯაფოს მესამე ცოლს, ნინას (მაია ტატიშვილი) სპექტაკლის დასაწყისში. პირახვეული, მეტყველების, და შესაბამისად, პროტესტის უნარს მოკლებული ნინას სელების მოძრაობა თითქოს გამაფრთხილებელ ნიშნად გვევლინებოდა ექსპოზიციაში. იგი ერთგვარად პლასტიკაში განსხვეულებულ სიმბოლოდ მოიაზრეს რეჟისორმა და მხატვარმა: ამგვარ პირუტყვულ ყოფად იქცეოდა ნინას ტანსაცმლით შემოსილი მარგოს შემდგომი არსებობობაც და ნანი ჩიქვინიძის გმირის ტრაგიკულ მდუმარების გამოხატვას ახალი პლასტი ემატებოდა.

თეიმურაზ ხევისთავის პირველი გამოჩენა სცენაზე თეთრი პერანგითა და შავი გრძელკალთებიანი სამოსით, ბაფთაშებმული შლიაპით, წიგნით ხელში, იმთავითვე რომანის კითხვისკენ და შესაბამისად პროზის სამყაროში წვდომისკენ განაწყობდა მაყურებელს. ნოდარ მგალობლიშვილი, ტელესპექტაკლის შემდეგ, უკვე მეორედ განასახიერებდა პიროვნების დაცემის ისტორიას. ამჟამად ეს პერსონაჟი ტელეგმირისგან განსხვავებით, უფრო დაუნდობლად იყო მხილებული და გაკიცხულიც სპექტაკლის ავტორთა მიერ. სატელევიზიო სპექტაკლი უპირატესად ახლო ხედების მონაცემებით იყო გადაღებული. ნოდარ მგალობლიშვილის მიერ ახლო ხედებზე გადაღებულ ტელენაწარმოებში პერსონაჟის ფსიქოლოგიის გამოხატვა პასტელური ფერებით ხდებოდა. საოვატრო ხელოვნება განსხვავებულ საშუალებებს ითხოვდა.

გამომსახულობითი პალიტრა უთუოდ მდიდრდებოდა მსახიობის პლასტიკით, სცენიური მოძრაობის იმ სრულიად უნიკალური სახით, როდესაც “გარეგნულად ბრეიგელის ფუნჯით შექმნილს ჩამოგავს მისი თეიმურაზი, სულიერად კი დაბეჭავებული, არარად ქმნილი ძონია და ამიტომაც ნაკაცარია იგი” (2, 12). სატელევიზიო სპექტაკლის თეიმურაზი ხევისთავი მცირედ თანაგრძნობას მაინც იმსახურებდა სპექტაკლის ავტორთა მხრიდან, რაც თავისთავად მაყურებელშიც იწვევდა სიმპათიას. მარჯანიშვილის თეატრის წარმოდგენაში თეიმურაზი “უმწეო გამოხედვით, ფარატინა “უხერხემლო” ტანით, შავ სუდარაში (და არა სერთუკში) გამოხვეული სულიო-ნოდარ მგალობლიშვილი მხოლოდ ხევისთავს როდი წარმოგვიდგენს. ისევე როგორც მწერალმა, მსახიობმაც საერთოდ საზოგადოების, იქნებ მსოფლიო საზოგადოების იმ ნაწილის მოდელიც კი შექმნა, ვისი ადგილიც დანტეს არ აღმოაჩნდა თვით ჯოჯოხეთშიც კი!” (2, 10). თეიმურაზის პლასტიკის ცვალებადობას, მისი პიროვნული დეგრადაციის ეტაპების ჩვენებას მისი სამოსის მონაცვლეობაც განაპირობებდა. სცენიური ცხოვრების ცვალებადობის შესაბამისად ბაფთიანი შლიაპის ნაცვლად უფორმო ქუდს ჩამოიფხატავდა დაკონკილშინელიანი ხევისთავი. სპექტაკლის ფინალურ ეპიზოდში, სელის ხალათში მოხილი პერსონაჟი თითქოს ბოლომდე იყო განძარცვული იმ ატრიბუტებისგან, რისი ტარებაც მას არ ხელეწიფებოდა. გიორგი ალექსი-მესხიშვილის მიერ შექმნილ კოსტიუმებში ნოდარ მგალობლიშვილის პერსონაჟის დაცემის ეტაპები ისახებოდა. ყოველ ახალ კოსტიუმში მხატვარი პერსონაჟის ცხოვრებისეული პერიპეტიების და მისი შინაგანი მდგომარეობის პროექციას თავაზობდა მაყურებელს. ეს პროექცია კი თავისთავად ნოდარ მგალობლიშვილის პლასტიკაში ისახებოდა და ხევისთავის სახის სრულყოფილად წარმოსახვას განაპირობებდა. მუდმივად პალტო-შინელ-სერთუკებშით მოხილ ხევისთავს თითქოს მუდმივად სციოდა, მუდმივ დისკომფორტს განიცდიდა სამყაროში, სადაც მისი ადგილი იმის გამოც აღარ დარჩა, რომ უბრძოლებელად დათმო ყველაზე დირექტული, რაც კი გააჩნდა. ამრიგად, ფორმისეული დინამიკითაც იქმნებოდა ის სრულყოფილი სცენიური სახე, რომელიც ანტიგმირად მოაზრებული ხევისთავის მხილების ფორმით წარმოდგებოდა.

ჯაყო ჯიგაშვილის მრავალრიცხოვან შემსრულებელთა შორის მარჯანიშვილის თეატრის ორი მსახიობია - გიგი ჩუგუაშვილი და გივი ციცქაშვილი. როლები განსხვავებული სტილისტიკით იყო შექმნილი: გივი

ციცქიშვილის პერსონაჟი უფრო ხანდაზმული და შესაბამისად უფრო გამოცდილი და ალლოიანი იყო.. შავი ფაფახითა და ცხვრისვე ჯუბით - ტყავის წალების ზემოთ, წვივებზე, ცხვრის ბეჭვი პქონდა ამოცმული. სპექტაკლის ერთ-ერთ ეპიზოდში ბანჯგვლიან შიშველ ტორსზე პქონდა შემოცმული ყავისფერი ჯუბა მსახიობს. იგი ცხვრის ტყავში გახვეული მგლის სახედ მოიაზრეს მხატვარმა და რეჟისორმა.

გივი ჩუგუაშვილის ჯაყო ახალგაზრდული ენერგიითა და პირუტყვული მიზასწრაფვით თითქოს მთელ სცენიურ სივრცეს იპყრობდა. გაბუძგნული წვერულგაშით, თავზე ფაფახწამოცმული ჯაყო თოფითა და ხანჯლით იყო აღჭურვილი. ჯაყოს გარეგნული იერსახისა და უკანა ფონზე ლენაქით თავშემოსილი ხევისთავების წინაპარი მანდილოსნების სურათების დაპირისპირებით სცენოგრაფიული კონფლიქტის კოსტიუმებში ასახული ინვარიაცია იქმნებოდა. როგორც უკვე აღვნიშნე, ჩექმებში ჩატანებული შავი შარვლით და შავი ხალათით მოსილი, პორტალზე განლაგებული ლიუკიდან ამოსული გივი ჩუგუაშვილის ჯაყო ბნელეთის მოციქულად მოიაზრებოდა წარმოდგენაში. მარგოს გაუპატიურების ეპიზოდი წითელი მუთაქის ფონზე ვითარდებოდა. ჯაყოსაც წითელი პერანგი და ყავისფერი ჯუბა ეცვა. მუთაქის გვერდზე განლაგებული საკვოიაჟი ასევე წითელი შუქით ნათლებოდა. კოსტიუმებსა და განათებაში აქცენტირებული ფერი ეპიზოდის ტრაგიზმს აძლიერებდა. მხატვარი ჯაყოს კოსტიუმის ტონთა მონაცვლეობით-სისხლისფერითა და შედედებული სისხლისფერით და შუქწერით ქმნიდა საქართველოს დაპყრობის კონცეპტუალურ სიმბოლოს. ეს წითელი ტონი შემდგომ მარგოს სამოსელში გადაინაცვლებდა. ქორწილის ეპიზოდში წითელ “კოფტაში” შემოსილი მარგო და ამჯერად თეთრ ჩოხაში ჩატმული ჯაყო უტიფრად გადააბიჯებდნენ მიწაზე გართხმულ თეიმურაზს. ჯაყო ჯივაშვილის პაბიტუსის და შესაბამისად სცენიური სახის შექმნაში მხატვრის მიერ შეთხული გარეგნულ ნიშანთა სისტემა-სამოსი და გრიმი მნიშვნელოვან ფუნქციას ასრულებდა და ნიჭიერებით აღბეჭდილი გივი ჩუგუაშვილის ამ როლს მისი შემოქმედებითი ბიოგრაფიის საუკეთესო ნიმუშად აქცევდა.

დავით დვალიშვილის ნახუცარი ივანე რომანშიც და წარმოდგენაშიც თეიმურაზ ხევისთავის მუდმივ თანამოსაუბრედ და ოპონენტად გვევლინებოდა. სწორედ ივანესთან დიალოგებში იხსნებოდა თეიმურაზ ხევისთავის მსოფლედველობა და ამ ორთა სამყაროსადმი დამოკიდებულების

განსხვავებულობა. ივანე დავით დვალიშვილის პირველი როლი იყო მარჯანიშვილის თეატრში - წარმატებული დებიუტი. ნახუცარის სამოსი თითქოს ბოლომდე იყო განძარცვული ყოველივე იმისგან, რისგანაც ადრე საულიერო პირის შესამოსელი შედგებოდა. შავი კოსტიუმითა და შავი პერანგით, ტყავის ჩექმებში ჩატანებული შარვალით, იგი წიგნის ჭიად სახელდებული თეიმურაზის საპირისპიროდ მიწაზე მყარად მდგარ, ხორციელი საწყისის მიერ სულიერების დათრგუნვის სახედ მოიაზრებოდა სპექტაკლში. ივანეს ტანსაცმლიდან თითქოს წაშლილი იყო ეროვნული სამოსის უმცირესი დეტალის ნიშან-ტყალიც კი. უსარგებლო იდეების ერთგულებას შეწირული თეიმურაზისა და კონფორმიზმით ნიშანდებული ივანეს გარეგნული მონახაზები, მათ კოსტიუმებსა და გრიმში განხორციელებული შტრიხები ერთის მხრივ რეჟისორისა და მხატვრის ჩანაფიქრის და მეორეს მხრივ უაღრესად საინტერესო როლების კონტრასტის პრინციპით წარმოსახვას განაპირობებდა.

თეიმურაზი, მარგო, ჯაყო - ამ სამთა ბედისწერის გადახლართვის პარალელურად სპექტაკლში გლეხთა სახეები უფრო ეპიზოდური და ფრაგმენტული იყო, ვიდრე რომანში. გლეხობა სპექტაკლში უფრო ფონია, რომელიც წარმოდგენაშიც, მწერლის კონცეფციის შეაბამისად, ყოველგვარ ვითარებაში ინარჩუნებდა ეროვნულ თვისობრიობას. გიორგი ალექსი-მესხიშვილის შექმნილ გლეხთა კოსტიუმებშიც ყვალაზე მეტად იყო ქართული სამოსის შტრიხები: გრძელი, თალხი ფერის ახალუხებით და ქუდებით მოსილი ამ პერსონაჟებს მუდმივად ეხურათ პატარა გლეხური ქუდები, წარმოდგენაში ერთგარად ნამუსის ქუდის დატვირთვასაც რომ ატარებდა. ამ ქუდებთან საპირისპიროდ თეიმურაზის უკროპული ქუდების მონაცემება და მისი შეცვლა სრულიად უფორმო თავსაბურავით, პერსონაჟის კოსტიუმის ამ დეტალითაც გამოხატავდა რეჟისორისა და სცენოგრაფის პოზიციას.

ერთიანი სცენიური დანადგარის პრინციპით შექმნილ, ეთნოგრაფიულ ელემეტებს მოკლებულ დეპორაციაში მარჯნიშვილის თეატრის სცენაზე მიხეილ ჯავახიშვილის პერსონაჟები ცოცხლდებოდნენ და მეოცე საუკუნის ბოლოს ისეთივე ძალით მოქონდათ ერის უპირველესი სატკივარი, როგორც საუკუნის დასაწყისში თავად მიხეილ ჯავახიშვილს. თემურ ჩხეიძის დადგმული სამი ინტერპეტაცია-სატკივარი ვიდეოფილმი, მოსკოვის სამხატვრო თეატრის წარმოდგენა და მარჯანიშვილის თეატრში განხორციელებული სპექტაკლი სამართლიანად მიიჩნევა ქართული პროზის საუკეთესო ინტერპრეტაციად

აუდიოვიზუალურ ხელოვნებაში. უპირველესი მიზეზი, რამაც განაპირობა თემურ ჩხეიძის “ჯაფოს ხიზნების” წარმატება, მწერლის სათქმელის ერთგულება, მათი სატკივარის ერთიანობა იყო. და კიდევ ის, რომ ჯავახიშვილის პერსონაჟები, რომელთა საოცარი გალერეა შექმნეს სხვადასხვა თაობის, ეროვნების, სტილისტიკის ნიჭიერებით აღბეჭდილმა მსახიობებმა, სცენოგრაფების შექმნილ იმგვარ გარემოში გაცოცხლდნენ, სადაც მათი პერსონაჟების წარმოსახვისთვის აზრობრივი, პლასტიკური და მიზანსცენობრივი მახვილები მაყურებლის ასოციაციურ წარმოსახვას მწერლის კონცეფციის შესატყვისად მიმართავდნენ და ლიტერატურული ტექსტის თანხვედრ აუდიოვიზუალურ ტექსტს ქმნიდნენ.

თავი IX

მიხეილ ჯავახიშვილის პროზის XXI საუკუნის ეკრანიზაცია

ოცდამეერთე საუკუნის დასაწყისის ქართულ კინემატოგრაფს კრიტიკოსები დრმა და ხანგრძლივი კრიზისის პერიოდის ხელოვნებად განიხილავენ. ოცდამეერთე საუკუნეში გასულ საუკუნეში ფორმირებული ხელოვნების ახალი დარგები განაგრობს განვითარებას. მეოცე საუკუნეში აუდიოვიზუალური ხელოვნება უმნიშვნელოვანები დარგებით გამდიდრდა – კინო და ტელევიზია აუდიოვიზუალური ხელოვნების უმნიშვნელოვანების მიმართულებებად იქცა, როგორც მხატვრული ლირებულებების, ასევე ამ დარგების განსაკუთრებული პოპულარობისა და მასობრიობის გამოც. ეკრანიზაციებმა უმნიშვნელოვანები ადგილი დაიკავა მსოფლიო კინოხელოვნებაში. კინოს ხელოვნებად ქცევის ერთ-ერთი უმნიშვნელოვანები ფაქტორი გახდა ისიც, რომ ეკრანულ ნაწარმოებს შეეძლო მაღალმხატვრული ლიტერატურული თხზულება მაყურებლამდე მიეტანა. მოგეხსენებათ, მაყურებლის რაოდენობა ყოველთვის აღმატება მკითხველთა რიცხვს. ტელეხელოვნების განვითარებაში მნიშვნელოვანი როლი შეასრულა ლიტერატურული ნაწარმოებების მიხედვით შექმნილმა სატელევიზიო სპექტაკლებმა და სატელევიზიო ფილმებმა. გასული საუკუნის მეორე ნახევარში ქართული სატელევიზიო თეატრიც და ტელევილმებიც უაღრესად საინტერესო მოვლენა იყო, სადაც არაერთი ლიტერატურული შედევრი შექმნეს

ქართველმა რეჟისორებმა. ოცდამეერთე საუკუნის ქართული კინოც და ტელეხელოგნებაც სუბიექტური თუ ობიექტური მიზეზების გამო მაყურებელს ეკრანიზაციათა სიუხვით არ ანებივრებს. ამდენად, ყოველი ახლი აუდიოვიზუალური ნაწარმოები, რომელიც კლასიკური ქართული ლიტერატურული ნაწარმოების მიხედვით იქმნება, განსაკუთრებულ ინტერესს იწვევს.

გასული საუკუნის საქართველოს ტელეპროდუქციის ყველაზე მნიშვნელოვან მოვლენად, სამოცდაათიანი წლების დასასრულს შექმნილი მიხეილ ჯავახიშვილის „ჯაყოს ხიზნების“ თემურ ჩხეიძისეული დადგმა მოიაზრება, რომელსაც ხან ვიდეოფილმად მოიხსენიებენ, ხანაც ტელესპექტაკლად. ორივე განსაზღვრება მისადებია, რადგანაც თემურ ჩხეიძის ნაწარმოების სტრუქტურა სპექტაკლის ელემენტებსაც აერთიანებდა და ვიდეოფილმისასაც. დადგმა მრავალგზის გაანალიზდა კრიტიკოსების მიერ. ანალიტიკოსთა მოსაზრებებს ერთი აზრი აერთიანებს: თემურ ჩხეიძის მაღალმხატვრული ნაწარმოების წარმატება იმანაც განაპირობა, რომ თემურ ჩხეიძემ, მიხეილ ჯავახიშვილის ლიტერატურული ტექსტის სახე-იდეებით აზროვნების შესატყვისი აუდიოვიზუალური ნაწარმოები გადაიღო. მიხეილ ჯავახიშვილის დახვრების მიზეზი მთელი მისი შემოქმედება გახდა, გამორჩეულად კი „ჯაყოს ხიზნები“. როგორც ზემოთ აღვნიშნე, თემურ ჩხეიძის ტელესპექტაკლმაც უდიდესი ვნებათაღელვა გამოიწვია: საზოგადოების ერთმა ნაწილმა რეჟისორს ტელეგასამართლებაც კი მოუწყო. მრისხანების საბაბი მარგოს გაუპატიურების ეპიზოდები გახდა, სადაც მსახიობ ნანა ფაჩუაშვილს შიშველი ბარძაყი ან, სულაც, მკლავი გამოუჩნდა. სინამდვილეში კი ფიზიკური და ფსიქოლოგიური მონობის პირობებში მყოფმა საზოგადოებამ ამ მდგომარეობამდე მისვლის რეალური მიზეზების ჩვენება ვერ აიტანა.

ოცდამეერთე საუკუნის სოციო-პოლიტიკური ვითარება კინოხელოვნებას კრიზისის შესატყვის ვითარებას უქმნის. იმპერიალისტური რუსეთი ნებისმიერ ეპოქაში და ნებისმიერი წყობის დროს გააფთრებით იბრძვის ყოველივე ეროვნულის წინააღმდეგ. იმპერიის დამპყრობლური პათოსის მხილება რუსეთში დღესაც ფატალური შედეგით შეიძლება დასრულდეს. თანამედროვე საქართველოში რუსეთის, როგორც დამპყრობლის, მიზნების და ქმედებების სისტემატიური მხილება საინფორმაციო საშუალებებით მიმდინარეობს. ამდენად, ლიტერატურული პირველწყაროს არსის შენარჩუნება არავითარ რისკთან არ

არის დაკავშირებული, თუმცა მიხეილ ჯავახიშვილის სათქმელს აქტუალობა არ დაუკარგავს: რუსეთის დაუფარავი მისწრაფება საქართველოს დამორჩილებისა, ანგქისირებული ტერიტორიები და ჯაყოს თანამომმეთა ფაქტორი 2008 წლის აგვისტოს ომში სრულად ადასტურებს იმ გარემოებას, რომ „ჯაყობის“ პრობლემებისგან საქართველო დღესაც არ განთავისუფლებულა. მწერლის მიერ დასმული საკითხის აქტუალობა ახალი ასპექტით მოიაზრება – იმპერიალისტური ქვეყნის მიერ დამოუკიდებელი ქვეყნის დაპყრობის ახალი მცდელობებით, რომლებსაც ახალი საბაბით ახორციელებს რუსეთი.

ცხადია, ამგვარ ვითარებაში „ჯაყოს ხიზნების“ ახალმა ეკრანიზაციამ საზოგადოების დიდი ინტერესი გამოიწვია. ქართულ კინოს მოწყურებულ ქართველ მაყურებელს დავით ჯანელიძის „ჯაყოს ხიზნების“ მიმართ განსაკუთრებული მოლოდინი ჰქონდა. ოცდამეურთე საუკუნის დასაწყისის ქართულ სინამდვილეში ერთი ან ორი ფილმი თუ იქმნებოდა. ამ მოლოდინს ისიც ამძაფრებდა, რომ ქართული კინოს კლასიკოსის ახალი ეკრანული ვერსია უნდა გამოსულიყო ეკრანზე. ამთავითვე აღვნიშნავ, რომ ფილმმა დიდი გამოხმაურება ჰქონდა ქართულ პრესაში. დავით ჯანელიძის ფილმს მიეძღვნა სატელევიზიო გადაცემაც. კინომცოდნები ფილმს უმეტესად აკრიტიკებდნენ. იყო დადებითი მოსაზრებებიც. სადისერტაციო ნაშრომში დავით ჯანელიძის ფილმს არ განვიხილავ იმგვარი მეთოდოლოგიით, როგორც მიხეილ ჯავახიშვილის პროზის ინტერპრეტაციის სხვა ნიმუშებს. „ჯაყოს ხიზნების“ ამ ვერსიის კვლევისას მხოლოდ საკუთარ მოსაზრებებს გაგაცნობთ. ფილმის საპრემიერო ჩვენება ახლახანს შედგა. გასული საუკუნის ხელოვნების ნიმუშების კვლევისას გამოყენებული მეთოდოლოგია და „გუშინდელი პრემიერის“, უახლესი ინტერპრეტაციის ანალიზი სადისერტაციო ნაშრომში განსხვავებულ მიდგომას განაპირობებს.

მიხეილ ჯავახიშვილის რომანი უადრესად დრმა და მრავლისმომცველია. როგორც უკვე აღვნიშნებ, სამივე მთავარი პერსონაჟი კონკრეტული სახე-იდეა: მარგო დაპყრობილი საქართველოს სიმბოლოა, თეიმურაზ ხევისთავი უნიათო ქართველობის, რომელმაც ვერ უპატრონა თავის საუნჯეს, ხოლო ოსი ეროვნების ჯაყო კრებითი სახეა მტრისა, რომელიც ყველაფრის მიზაცებას ლამობს და ახერხებს კიდევც. რომანის გმირების კონკრეტული სახეები, ამავდროულად, უადრესად განზოგადებულია, აერთიანებს ყველა იმ თვისებას, რაც მსგავსი ტიპოლოგიის პერსონაჟებისათვის არის დამახასიათებელი, მაგრამ,

თუ მწერლის განზოგადებულ სახე-იდეებს კონკრეტული გარემოებები ჩამოშორდება და ავტორისეული სათქმელი ნიველირდება, მაშინ ნაწარმოებისაგან მხოლოდ მელოდრამატული სამკუთხედი რჩება – ერთი ქალი და ორი მამაკაცი. ახალი ეკრანიზაცია სწორედ ამგვარ მარტივ სქემაზეა აგებული. ფილმში გაუპატიურებით და ეროტიზმით გაჯერებული პრიმიტიული იდეის შემცველი კლასიკური მელოდრამატული სამკუთხედია ასახული. ცალკეული ნიშან - თვისებების ჩამოშორების შედეგად სამივე მხოლოდ კონკრეტული პერსონაჟია, და ვერც ერთი განზოგადებულ სახედ ვერ იქცა, შესაბამისად ეროვნული სატკივარისაგან დაცლილი, გაურკვეველი მიზანმიმართების ფილმი მივიღეთ. ფილმის შექმნელები თითქოს ავტოცენზურას ემორჩილებიან და მწერლის სატკივარს გაურბიან, უფროხიან: გარემოება რომ შეიცვალოს და კვლავ რუსეთის გავლენამ იმდლავროს, მაშინ ხომ?!..

დავით ჯანელიძემ გახული საუკუნის ოთხმოციანი წლებიდან დღემდე 13 ფილმი გადაიღო. რეჟისორის მიერ შექმნილი ფილმებიდან ორი – 1985 წელს, რევაზ ინანიშვილის მოთხოვნის მიხედვით გადაღებული „დედუნა“ და 1990 წელს, მამუკა დოლიძის ცნობილი პიესის „მდგმურების“ ეკრანიზაცია – წარმატებული ფილმებია. ორივე შემთხვევაში რეჟისორი მწერლების იდეების ერთგული იყო. მისი, როგორც რეჟისორის, წარმატება ავტორთა პერსონაჟების ეკრანულ გმირებად ქცევამ და მწერალთა იდეების აუდიოვიზუალურ ნაწარმოებად გარდაქმნამ განაპირობა. ამჯერადად კი გაურკვეველია, თუ რატომ აქცია ოცდმეერთე საუკუნეში რეჟისორმა, ქართული ლიტერატურის კლასიკოსის, მიხეილ ჯავახიშვილის, უდიდესი ეროვნული ტკივილით გაჯერებული პროზა პრიმიტიულ მელოდრამად. ცხადია, ყველა ნაწარმოების ახლებურად წაკითხვა შეიძლება, მაგრამ ამ შემთხვევაში რეჟისორმა ავტორის იდეის ახლებური ინტერპრეტაცია უნდა შესთავაზოს მაყურებელს. ფილმის გადაღებამდე რეჟისორის არაერთი ინტერვიუ გამოქვეყნდა, სადაც დავით ჯანელიძე აღნიშნავდა, რომ “ჯაფოს ხიზნებს” ფსიქოლოგიურ დრამად იღებდა. ფსიქოლოგიურ ასპექტში „ჯაფოს ხიზნების“ გადაღება ნაწარმოების ინტერპრეტაციას არ ნიშნავს – მიხეილ ჯავახიშვილის ყველა პერსონაჟის ფსიქოლოგიური პორტრეტი ფილიგრანულად არის დამუშავებული და ამის დადასტურება ნებისმიერი ეპიზოდის ანალიზით შეიძლება. სამართლიანად გვეუფლება განცდა, რომ რეჟისორს სათქმელი არაფერი აქვს და ბრწყინვალე

ქართულ პროზას მხოლოდ იმიტომ ექცევა ასე, რომ, უბრალოდ, ასე სურს; ან იქნებ მას კლასიკური პროზის უპერ გადაღება არც ძალუბს. შეიძლება, რეჟისორი თანამედროვე ავტორებთან უშუალო თანამშრომლობის შედეგად აღწევდა მწერლის სათქმელისა და მხატვრული სამყაროს წვდომას. „ჯაყოს ხიზების“ შემთხვევაში კი დროის ფაქტორმა და მწერლის თანამონაწილეობის არარსებობამ რეჟისორს თავისუფლების ის ხარისხი მიანიჭა, რომ პროზა მხოლოდ პროფესიული ამბიციის გამოსახატად მოირგო. კლასიკური ქართული პროზის ეკრანიზაციის დროს, ცხადია, განსაკუთრებული სიფრთხილის გამოჩენაა საჭირო. წინააღმდეგ შემთხვევაში, თანამედროვე ქართულ კინემატოგრაფში ხიზნობა თავად ქართულ პროზას ემუქრება; ბრწყინვალე ქართული რომანი შესაძლოა თეიმურაზ ხევისთავივით განძარცული აღმოჩნდეს, ყოველივე ღირებული და ეროვნული, აზრობრივად გათევლილი და შეურაცხეოფილი. გავისევნოთ თავად მიხეილ ჯავახიშვილის დამოკიდებულება მწერლის მოვალეობისადმი: „იგი პირუთვნელი და ბეჯითი მოსამსახურეა ერის“ (50, 16). მიხეილ ჯავახიშვილმა თავის ქალიშვილს ათი მცნება დაუწერა. ამ ათი მცნებიდან პირველი ოთხი სწორედ სამშობლოს წინაშე ადამიანის მოვალეობის ეხება და იგი ასე იწყება: „შენ ხარ მარადიული, განუყოფელი და ერთგული წევრი და მსახური შენი მშობელი საქართველოსი“ (50, 16). ამ მიმართვის ადრესატი, ცხადია, მხოლოდ მის ქალიშვილი არ არის. ის ცხოვრებისეულ კრედოდ უნდა გაიხადოს ყველამ, ვინც ქართული კინოს არსებულ მდგომარეობას განსაზღვრავს და, მით უმეტეს, მათ, ვინც ჯავახიშვილის ნაწარმოების დადგმას განიზრახავს.

„მიხეილ ჯავახიშვილი გვაფრთხილებს, „ჯაყობის“ ბაცილა ძალიან გამძლეა, მისი ფესვები არ ამოძირკვულა და ძნელია, რომ ამოიძირკვოს. „ჯაყობა“ ახლა უკვე ნირშეცვლილი გადადის ახალ დროსა და ყოფიერებაში“ (44, 60).

ფილმში დაიკარგა რომანის ძირითადი მიზანმიმართება – „ჯაყობის“, როგორც მოვლენის, მხილება. შესაბამისად, არც თეიმურაზ ხევისთავის მხილებაა ფილმის ავტორის მიზანი. საერთოდაც, „ჯაყოს ხიზების“ მამხილებელი პათოსი არანაირი ფორმით ფილმში არ გადმოსულა, თითქოს ერთი ქალის გაყოფის მეტი პრობლემა არც არსებულა კლასიკურ რომანში. ეპიზოდების რაოდენობის შემცირებასთან ერთად სრულიად შეიცვალა ნაწარმოების არსი. ფილმში თეიმურაზი ჯაყოსა და მარგოს ჯვრისწერის

შემდეგ ივანეს ემშვიდობება და მიდის. ოპერატორ გიორგი გერსამიას კამერა ჯერ ვიწრო ქვის ორდობეს მიუყვება და შემდეგ პედელთან, ჩიხში ჩერდება. რომანში კი თეიმურაზი ნაშინდარში ბრუნდება. ჯაყოს სოფლის გლეხობა ყველაფერს ჩამოართმევს და ხევისთავს სახლიდანაც გამოაძევებს. მარგოს და ჯაყოს შვილი შეეძინებათ. თეიმურაზს თავისსავე სახლში ერთ ოთახს გამოუყოფებ და იგი კოოპერატივში იწყებს მუშაობას. მარგოს ისევე ამუშავებს ჯაყო, როგორც თავის ყოფილ ცოლებს. რაც ყველაზე შემზარავია რომანში, თეიმურაზს იმედი უჩნდება, რომ ჯაყო მარგოს გამოაგდებს და „ისევ ელის ნაქმრევი ნაცოლარს“ (50, 403). ამაზე უფრო ტრაგიკული ფინალის მოფიქრება, ალბათ, შეუძლებელია, მაგრამ ეს ეპიზოდები სცენარის აგზორებმა – დავით ჯანელიძემ და ვაჟა გიგაშვილმა – უბრალოდ ამოიღეს. აკაკი ბაქრაძე ჯავახიშვილის რომანზე წერდა: „თეიმურაზ ხევისთავისა და მარგო ყაფლანიშვილის კავშირის შედეგად ბავშვი არ გაჩნდა. ე. ი. უმწეო ალტრუიზმი და პასიურობა უნაყოფოა. მაგრამ ბავშვი დაიბადა მარგო ყაფლანიშვილისა და ჯაყო ჯივაშვილის თანაყოფის რეზულტატად. ე. ი. მოძალადე მიზანთროპია და პასიურობა ნაყოფიერია, მომავალი აქვს. ეს ხომ თავისთავად საშიშია, მაგრამ უფრო მეტი საფრთხეა მოსალოდნელი, რამეთუ მოძალადე მიზანთროპის სურს შეინიღბოს, კეთილშობილი სახით მოგვევლინოს. ჯაყო სთხოვს თეიმურაზ ხევისთავს; „მოდი, საქმე ისე გაგაკეთებდე, რომ ამ პატარა ჯაყოსა ხევისთავი დაგარქმევდე. ჰა, რას იტყოდე?“ თეიმურაზი თანახმად. ჯაყო ხევისთავი – ასე შეინიღბა მიზანთროპია ალტრუიზმით მომავალში და უკვე ვეღარ გაარჩევ, სად არის კეთილი და სად ბოროტი. ამიტომ დაუნდობლად უნდა იყოს მხილებული ჯაყო და „ჯაყოობა“ (5, 165).

XXI საუკუნის საქართველოში “ჯაყოობაა” მენტალურ პრობლემად იქცა, რომელმაც ტრანსფორმაცია განიცადა და მას ყველგან აქვს ფეხვები გადგმული.

„ფაბულა, ამბავი მოტორია მხატვრული ნაწარმოებისა“ (50, 21). მიხეილ ჯავახიშვილი ზუსტად განსაზღვრავს მხატვრული ნაწარმოების მამოძრავებელ ძალას. ჯავახიშვილის ნაწარმოებში ამბავი სამნაწილიან რომანში იშლება. ამ ფაბულისთვის მნიშვნელოვანი ნაწილის მოკლება კი სრულად ცვლის ნაწარმოების მიზანმიმართებას. სასიყვარულო სამკუთხედის ურთიერთობის ამსახველი ეპიზოდების რაოდენობა განახევრებულია. რევოლუცია და საომარი მოქმედებების ჩვენება ფილმის ავტორებმა ექსპოზიციურ ნაწილში

რამდენიმეწუთიანი ქრონიკის კოლაჟის ჩართვით მოითავეს. ფილმიდან საერთოდ გაქრა პერსონაჟების დიდი ნაწილი – გლეხობა. შესაბამისად, ქართველი გლეხობის, როგორც ერის მამოძრავებელი ძალის როლიც დაიკარგა. „მწერალს მიზნად პქონია – დაეწერა „ჯაყოს ხიზნების“ მეოთხე ნაწილიც. აქ წინა პლანზე უნდა წამოსულიყო ნინიკა, როგორც მშრომელი ხალხის წარმომადგენელი და სოფლის ოკ-კარგზე მზრუნველი თავიაცი. ამის ელემენტები რომანის გამოქვეყნებულ ნაწილებშიც ჩანს და ეს ელემენტები უნდა განევითარებინა, გაეძლიერებინა და შეექმნა დასრულებული ტიპი ახალი ადამიანისა. მიხეილ ჯავახიშვილი 1926 წელის 1 იანვარს შალვა დადიანს წერდა: „ისე არ მოვავდები, რომ სრული ჯაყო არ დავწერო. დარწმუნებული ვარ, ა.წ. შემოდგომას უკვე წაიკითხავთ ნამდვილს და სრულს. დასასრული სულ სხვანაირი იქნება... ნინიკა მარგოს წაართმევს, ხოლო ჯაყოს საქართველოდან გაასახლებს. (ეს წერილი ინახება მწერლის ოჯახში) (50, 406). როგორც ვხედავთ, ნინიკა, მამამისი პეტრე, ილა, თედო და სხვა გლეხები, უბრალოდ, შესაკვეცი მეორეხარისხოვანი პერსონაჟები კი არ არიან, არამედ ის ადამიანები, რომლებზეც მიხეილ ჯავახიშვილი მომავლის იმედს ამყარებდა და რომანის გაგრძელებასაც ამ იდეის წარმოსაჩენად აპირებდა. ფილმში გლეხები სრულიად უსახო მასად არიან მოაზრებულნი. არცერთი მეორეხარისხოვანი როლი მხატვრულ სახედ არ იქცევა. არადა, წარსულში ქართული კინოს წარმატების ერთ-ერთი მიზეზი მეორეხარისხოვანი როლების პირველხარისხოვანად შესრულება იყო. „ჯაყოს ხიზნების“ ახალი ვიდეოვერსიის ეპიზოდური სახეების უბრალოდ დამახსოვრებაც კი შეუძლებელია.

ეპიზოდებთან და პერსონაჟებთან ერთად ფილმის გამომსახველობითი საშუალებებიც მწირი გახდა. რომანიდან მოტანილი ციტატების აღარ მოვიშველიებ. თეიმურაზის ადრინდელი მდიდრული ჭოფის დახასიათებას არაერთ აბზაცს უძღვნის მიხეილ ჯავახიშვილი. ესეც რომ არა, ელემენტარული კონტრასტის შესაქმნელად მაინც შეიძლებოდა ხევისთაგების სასახლის ინტერიერის მორთვა. მხატვარ ჯემალ მირზაშვილის მიერ შერჩეული სასახლე თავიდანვე უბადრუკი სანახავია. ფაქტობრივად, ინტერიერი მთელი ფილმის მსვლელობის დროს დიდად არც იცვლება, იქ თეიმურაზია პატრონი, თუ ჯაყო. ფილმის ბიუჯეტი 500 000 ევროა – თანამედროვე ფილმის ბიუჯეტისათვის არც ისე ცოტა, მით უმეტეს, იმ გარემოებასაც თუ გავითვალისწინებთ, რომ ფილმი ვიდეოფირზეა გადაღებული და ფირის შეძენა-დამუშავების ხარჯების წილი

ბევრად უფრო მცირეა, ვიდრე კინოფირის შემთხვევაში. ხანდახან სამართლიანად გეუფლება განცდა, რომ რეჟისორი და მხატვარი, უბრალოდ, თავს არც იწუხებენ იმაზე ფიქრით, რომ თეიმურაზის კეთილდღეობის სურათი შექმნან. თავად ხევისთავისა და თავადის ასულ ყაფლანიშვილის ქორწილის სუფრას ოცამდე კაცი უზის. საქორწილო სუფრაზე მხოლოდ ჩურჩხელები და გაშლები აწყვია. ამგვარ სუფრას დარიბულსაც ვეღარ უწოდებ. ფილმის მხატვარს ნამდვილად შეეძლო აქ მაინც შექმნა ყაფლანიშვილებისა და ხევისთავთა შეუღლების ამსახველი ღირსეული ყოფითი გარემო. ქართული სუფრა ხომ მხატვრების შთაგონების წყარო არაერთგზის გამხდარა - თუნდაც ფიროსმანის ნატურმორტები რად ღირს. სამოციან წლებში შექმნილ მერაბ კოკოჩაშვილის ფილმში “მიხა” შესანიშნავად იყო გამოყენებული კადრში გადაღებული ნატურმორტის ფიროსმანის ნატურმორმორტონ მიმსგავსების მხატვრული ხერხი. ეზოში მეორე მაგიდაა გაშლილი – გლეხობისთვის. აქაც დაახლოებით იმდენივე სტუმარია. მათ შედარებით არა უშავთ – ხორცს მიირთმევენ. თეიმურაზი (ზაზა ბურჭულაძე) გულუხვი მასპინძლის პათეტიკით ზრუნავს ორივე სუფრაზე. ეპიზოდი, უბრალოდ, კომიკურია. აბლავლებული ჯაყო (გიორგი ნაკაშიძე) იატაკს თავს ურტყავს – ხევისთავების საგვარეულო განძის მოპარვის სცენას გაითამაშებს. თავად „განძი“ წინა ეპიზოდში იაფფასიანი ბიჟუტერიის ნაკრების სახით უჩვენეს მაყურებელს. (ხევისთავების განძის აღწერის მწერლისეული ვერსიის ციტირებსაც არ ვახდენ). მსახიობის თავი გადაქექილ იატაკს ეხეთქება – აქა-იქ თუა შემორჩენილი საღებავი. ამაზე უარესი, ალბათ, მიწატკეპნილი იატაკი თუ იქნებოდა. არადა, თავადის სახლის იატაკი ასე ვერაფრით ვერ გაცვდებოდა, თუნდაც 1924 წლამდე – რომანის წერა ხომ ამ დროს დაასრულა ავტორმა. უნებლიერ ჩნდება კითხვა: რაღა პქონდა ისედაც დატაკად გამოყვანილ თეიმურაზს გასაქურდი. ბიუჯეტის სიმცირის მომიზეზება უადგილოა – ერთი ხელფასით სუფრაც გაიწყობოდა და იატაკიც შეიღებებოდა; თუნდაც, უბრალოდ, ნოხის დაფენით შეიძლებოდა გიზუალური კეთილდღეობის ილუზიის შექმნა. მარგო (ნატო მურვანიძე) ჯაყოს ბუნაგს აწყობს. უკანა ფონზე რაღაც საგნებია აჩონჩხილი. მათ შორის ვიდეოკამერის შტატივიც ჩანს – ფილმის შექმნელების გადაწყვეტით ჯაყომ ეპოქას გაუსწრო, ალბათ... ჯაყოს წვერი და წარბებიც შინდისფრად აქვს შეღებილი. ასეთი ფერის ქიმიური საღებავით თმებს ორიოდე წლის წინ ახალგაზრდა გოგონები ექსტრავაგანტურობის დასამტკიცებლად იდებავდნენ... ფილმში უამრავი

წვრილმანი თუ მსხვილმანია, რომლებიც საქმისადმი, უბრალოდ, გულისხმიერი დამოკიდებულებით შეიძლებოდა გამოსწორებულიყო, მაგრამ ფილმის ავტორებს ასე სურთ.

ამრიგად, მხატვარ ჯემალ მირზაშვილის მხატვრულ გაფორმებაში უაღრესად პრიმიტიულად, მიხეილ ჯავახიშვილის ტექსტის შეუსაბამოდ არის წარმოსახული როგორც ხევისთავების სამყოფელი, ასევე ყოფითი ეპიზოდები.

ერთადერთი, რაც ნამდვილად საინტერესოა მხატვრების ნამუშევარში – ეს პერსონაჟების კოსტიუმებია, განსაკუთრებით მარგოს კოსტიუმები. ფილმის კოსტიუმების მხატვარი ეპა მაღალაშვილია. მარგოს ტანსაცმელი გემოვნებიანი და დახვეწილი თავადის ქალის გარდერობის შესაბამისია. აბრეშუმის ან გიპიურის მსუბუქი ფაქტურის კაბები, ელეგანტური პასტელის ფერის შარფები... მარგოს გარდერობი პარმონიაშია მსახიობის გარეგნულ იერსახესთან, მის პლასტიკასთან. თეთრი, პირბადიანი საქორწინო ქუდი მარგოს „ბედნიერების“ ნიღაბია. თეიმურაზ ხევისთავის შესამოსელში კი ჩალისფერი დომინირებს. ნეიტრალური ფერის ტანსაცმელი პერსონაჟის გრძნობათა ბუნებას წარმოაჩენს. თეიმურაზის ცხოვრება ასევე ულიმდამოდ გაიცრიცა და ყელზე შებმული ბაფთაც ისეთივე უფრნეციო დანამატად შემორჩა მის გარდერობს, როგორც თავად შერჩა ცხოვრებას.

ერთსახოვანი და უინტერესოა მოქმედებისთვის შერჩეული ნატურა. ეპიზოდების უმრავლესობა მწვანე, ერთფეროვან ფონზე მიმდინარეობს. თეიმურაზის პერბარიუმის შესავსებად თუ გამოდგება ამგვარი ველ-მინდვრები. მწვანე ფერი ფილმში არ იცვლება და ერთფეროვან გამოსახულებას ვერც ოპერატორ გიორგი გერსამიას ავტორიტეტი შევლის. ნაშრომში განხილულია მიხეილ ჯავახიშვილის „მუსეუსის“ მერაბ კოკოჩაშვილისეული ეკრანიზაცია - მოკლემეტრაჟიანი მხატვრული ფილმი „მისა“. ამ შავ-თეთრი ფილმის ოპერატორი გიორგი გერსამია გახლდათ. ალბათ ძნელია ქართულ კინოში ამგვარი სრულყოფილი ოპერატორული ნამუშევრის მოძებნა. მხოლოდ ხანდახან, მცირე დეტალებში თუ ჩნდება ცნობილი ოპერატორის ოსტატობა: ჭოგრში (ჯავახიშვილს, როგორც თავად აღნიშნავს, ეს სიტყვა უფრო მოსწონს, ვიდრე დურბინდი) ცის ნაფლეთი ჩანს. ამაღლებული განწყობის კადრში პანორამით შემოდის ხევისთავის შიშველი ფეხი... ოპერატორის გადაღებული მთვარე და მის ფონზე მოქანავე ტოტიც მშვენიერია. საინტერესოდ არის გადაღებული პერსონაჟების პორტრეტებიც.

ამრიგად, ფილმის შექმნაში მონაწილე ნიჭიერი ხელოვანების შემოქმედება რეჟისურით არ მთლიანდება და იმგვარ ფილმად არ იქცევა, როგორიც ჯავახიშვილს ეკადრება და როგორსაც ქართულ ფილმს დანატრებული მაყურებელი ელოდა.

ნიჭიერებითაა აღბეჭდილი კომპოზიტორ დავით ევგენიძის შექმნილი ფილმის მუსიკალური დრამატურგია. კომპლიმენტებს შეჩვეული ხელოვანის ეს ნამუშევარიც კომპოზიტორის მაღალი ოსტატობის შესატყვისია.

„ჯაყოს ხიზნების“ ახალ ვერსიაში ყველაზე ღირებული მსახიობების მიერ შექმნილი სახეებია. ჯაყო – გიორგი ნაკაშიძე. იგი თანამედროვე ქართული თეატრისა და კინოს ერთ-ერთ ყველაზე ღრმა და მკეთრი ინდივიდუალობის მქონე აქტიორად მიიჩნევა. მსახიობი მცირე შტრიხებითაც ახერხებს პერსონაჟის გრძნობათა ბუნების შესატყვისი მსატვრული სახის შექმნას. პრიმიტივებისათვის დამახასიათებელი გაუცნობიერებელი მიზანსწრაფვით მუდმივად ორიენტირებულია, მიიღოს ყველაფერი სხვის ხარჯზე – სულ ერთია, მართლა სჭირდება მას ეს თუ არა. მასში დაუფლების სურვილით გამოწვეული სიველურე ბობოქრობს, რადგანაც დავით ჯანელიძის ვერსიაში ჯაყო სასიყვარულო სამკუთხედის წარმმართველ ძალად გვევლინება, გიორგი ნაკაშიძე პირველი ეპიზოდებიდანვე ქმნის შეყვარებული მამრის მზრუნველ იმიჯს და მარგო ჯვრისწერამდე თავიდანვე შემოთავაზებული თამაშის წესის შესაბამისად მიჰყავს. მამრის ნდომა ირეკლება მარგოსაკენ მიმართულ მზერაში... რეჟისორმა კიდევ ერთი ფუნქცია დააკისრა მსახიობს – ეროტიკული ეპიზოდების აქცენტირება და ამ მისიასაც ასრულებს გიორგი ნაკაშიძე. მარგოს გაუკატიურების ეპიზოდის ფინალი ხაზგასმულად, დიდხანს გრძელდება – შემდეგ სრულიად შიშველი განირთხმება მარგოს გვერდით. უტრიორებული ხორციელი საწყისი ზომიერების ზღვარს სცდება და „ჯაყოობა“, როგორც მოვლენა, ამგვარად გამარტივებულად არის წარმოსახული.

ნატო მურვანიძე ქართული კინოს მცირე, მოაზროვნე მსახიობთა რიცხვს მიეკუთვნება. ინტელექტუალური საწყისი მსახიობის მიერ შექმნილ ყველა როლში წარმმართველია. როგორც უკვე აღვნიშნეთ, მარგო ხევისთავი მიხეილ ჯავახიშვილს საქართველოს სახე-იდეად ჰყავს მოაზრებული. პერსონაჟის კონცეპტუალური გააზრება, რომელიც მწერლისა და რეჟისორის პოზიციათა თანხვედრის შედეგად უნდა ყოფილიყო მიღწეული, ფილმში, უბრალოდ, ქალის დრამატული ცხოვრების აუდიოვიზუალურ თხრობად იქცა. დასახული ამოცანის

შესატყვისად, მსახიობს ქალური ისტორიის გათამაშება მოუხდა. ნატო მურვანიძის გამომსახველობითი საშუალებები უაღრესად ზუსტი და ზომიერია. პერსონაჟის შინაგანი მდგომარეობის შესაბამისად, ფილმში მსახიობი განსაკუთრებული გრიმის გარეშე აღწევს გარეგნულ ცვალებადობას. ბედნიერი შეყვარებული ქალის პორტრეტი პირველი ჯვრისწერის ეპიზოდიდან - ნაძალადევი, გაუპატიურებული დედოფლის პირბადეს შეფარებულ პორტრეტად იქცევა მეორე ჯვრისწერის სცენაში. თითქოს საკუთარ თავს ემალება ამ ეპიზოდში ნატო მურვანიძის მარგო... ახლო ხედების მონაცელებით, დახვეწილი პლასტიკით, ინტონაციათა ცვალებადობით იქმნება ეს სახე ფილმში.

ზაზა ბურჭულაძის გარეგნული მსგავსება ჯავახიშვილთან იმთავითვე იწვევდა ინტერესს... სათვალიანი, მელოტი, გამხდარი ინტელიგენტი - თავად ჯავახიშვილიც ასეთია ფოტოებზე. ცხოვრების წესი და შინაგანი ძალა კი სრულიად განსხვავებული მრწამსითა და ბიოგრაფიებით ალბათ იმის დასტურად დასჭირდა რეჟისორს, რომ ერთნაირი ჰაბიტუსის მქონე ადამიანები შესაძლოა განსხვავებული შინაგანი თვისებებისა და სხვადასხვა სულიერი დირებულების მატარებელნი იყვნენ. ზაზა ბურჭულაძე პროფესიონალი მწერალია - რამდენიმე სკანდალური რომანის პოპულარული ავტორი. შესაძლოა, სწორედ ლიტერატურული პერსონაჟის შექმნის უნარი დაეხმარა არაპროფესიონალ მსახიობს, ხევისთავის გრძნობათა ბუნების წარმოსახვაში. ვფიქრობ, ზაზა ბურჭულაძის თეიმურაზში ძნელია სიყალბის აღმოჩენა.

დასკვის სახით შეიძლება ითქვას, რომ კარგად შესრულებული ეს სახეები გამარტივებული კონცეფციის ფილმში მარტივი ადამიანური ვნებების ამსახველ პერსონაჟებად იქცნენ.

ოცდამეერთე საუკუნის ქართული ეკრანი წალეკა იაფფასიანი კონცეფციის ფილმებმა. ქართული კინოს წარუმატებლობის მიზეზად ბიუჯეტის სიმწირის მოტანა არგუმენტად არ გამოდგება. ქართული კინო არც არასოდეს ყოფილა მაღალბიუჯეტიანი. რეჟისორები სიღრმისეული მაღალმხატვრული აზროვნების წყალობით აღწევდნენ იმგვარ სიმაღლეებს, რომ მსოფლიო ქართული კინოს ფენომენზე ლაპარაკობდა. ჩვენი კვლევა მიზნად არ ისახავს რომელიმე ინტერპრეტაციის დაკნინებას. კვლევის მიზანია, რომ რეჟისორებმა მეცნიერული ანალიზიც და რიგით პუბლიკაციაში გამოთქმული კრიტიკული მოსაზრებებიც იმგვარ თანადგომად მიიღონ, რაც მათ მომავალში

შეცდომებისგან დაზღვევთ. მართებული კრიტიკა უცილობლად დაეხმარება ქართული კინოს პროფესიული დონის ამაღლებას. „შეცდომის მხილება მხოლოდ გულნამცეცას ეწყინება“ (56, 3).

როდესაც საზოგადოებაში რადიკალური გარდატეხის დრო დგება, მაშინ ხდება მტაცებელთა დაუოკებელი ეინი განხორციელებადი, რაც გადარჩენის ინსტინქტით მცხოვრებ საზოგადოებას მანამდე რჩება შეუმჩნეველი, სანამ ეს პრობლემა უშუალოდ მას არ შეეხება. მეოცე საუკუნის მწერლობამ პერსონაჟთა უნიკალური გალერეა შემოგვთავაზა ასეთ მტაცებელთა სამხილებლად. მიხეილ ჯავახიშვილის ჯაყო და კვაჭი ამ გალერეაში გამორჩეულ ადგილს იმპერიუმში. გასული საუკუნის პირველ ნახევარში ქართულმა მწერლობამ ათეისტური საზოგადოების გამოსაფხიზლებლად მოძღვრის ფუნქცია იტვირთა. იმავე საუკუნის მეორე ნახევარში ქართველმა რეჟისორებმა თეატრში, კინოსა და ტელევიზიაში უაღრესად მნიშვნელოვანი ნამუშევრები შექმნეს. გიორგი შენგელაიას „ჯილდო“, მერაბ კოკოჩაშვილის „მიხა“, დიმიტრი ალექსიძის „კვაჭი კვაჭანტირაძე“, თემურ ჩხეიძის სატელევიზიო სპექტაკლები – „ჯაყოს ხიზნები“ და „თეთრი კურდდელი“, თემურ ჩხეიძის „ჯაყოს ხიზნების“ თეატრალური ვერსიები მარჯანიშვილისა და მოსკოვის სამხატვრო თეატრში... ეს ჯავახიშვილის პროზის წარმატებული აუდიოვიზუალური ვერსიების არასრული სიაა.

დასკვნის სახით შეიძლება ითქვას, რომ მიხეილ ჯავახიშვილის ლიტერატურული ტექსტები შეიძლება შესანიშნავი სპექტაკლის, ფილმის ან სატელევიზიო ნაწარმოების შექმნის საფუძველი გახდეს, ოდონდ მწერლის საწინააღმდეგო სვლები, მისი კონცეფციის დამახინჯება და მრავალპლასტიკიანი პროზის გამარტივება გამომსახველ საშუალებებსაც პრიმიტიულს და შეუსაბამოს ხდის და აუდიოვიზუალურ ინტერაქტუაციას უსახურ ნაწარმოებად აქცევს.

ამრიგად, ოცდამეერთე საუკუნეში იმგვარი ფილმი, რომელიც მიხეილ ჯავახიშვილის პროზას ღირსეულად წარმოაჩენს, არ შექმნილა. თუ ჯავახიშვილის დადგმას გადაწყვეტს ვინმე ოცდამეერთე საუკუნეში, არ უნდა მიიჩნიოს, რომ ჯავახიშვილის სატკიგარი გასულ საუკუნეში დარჩა და მისი უბრალოდ დადგმა შეიძლება იმ ტკივილის გარეშე, რომლითაც მიხეილ ჯავახიშვილი თავის შედევრებს ქმნიდა.

დასკვნა

სადისერტაციო ნაშრომში მიზნად დაფისახეთ გამოგვეპეთა ქართული პროზის ინტერპრეტაციის ძირითადი ასპექტები აუდიოვიზუალური ხელოვნებაში. პროზის ინტერპრეტაციის პრობლემები სამეცნიერო ნაშრომში ქართული ლიტერატურის კლასიკის, მიხეილ ჯავახიშვილის თეატრალური, კინემატოგრაფიული და სატელევიზიო დადგმების და მათი მხატვრული გაფორმების მაგალითება განხილული. აუდიოვიზუალური ხელოვნების სამეცნიერო კვლევა სინთეზური ხელოვნების შესაბამისად ინტერდისციპლინარული მეთოდით განხორციელდა და ერთ-ერთი პირველი მცდელობაა. სამეცნიერო კვლევის დროს ნაშრომში გაანალიზებულია პროზაული ნაწარმოებების აუდიოვიზუალურ ტექსტად ქცევის შესატყვისობის ხარისხი – თუ რამდენად და რა თვისებებით შეესაბამება მიხეილ ჯავახიშვილის ესა თუ ის მოთხოვთ თუ რომანი აუდიოვიზუალურ ტექსტად ქცევას და რა მხატვრული საშუალებებია გამოყენებული ლიტერატურული ნაწარმოების სპექტაკლად თუ ფილმად ტრანსფორმაციის დროს. თეატრმცოდნე ნათელა არველაძე აღნიშნავს: „შესაძლებელია სათეატრო ტექსტი, ანუ სპექტაკლი, წარმოვიდგინოთ შრე შრეზე, ერთ ქანზე დაფუძნებული მეორე ქანი, ანუ ტექსტი-ტექსტზე. იგი ინარჩუნებს სუვერენობას, როგორც ახალი მთლიანობა, მაგრამ წარმოებულია სხვა ენობრივი სტრუქტურიდან, ახალი თვისებით მეორდება სხვა სივრცობრივ განზომილებაში და ასე იმკვიდრებს სუვერენულ ადგილს, უკავშირდება „კოლექტიურ მეხსიერებას“. ამ ორი ენობრივი სტრუქტურის არსებობის, მათი ურთიერთობით სასცენო სივრცეში უკვე ახალი ერთიანობის მიღწევა, კიდევ ერთხელ ადასტურებს კულტურის პოლიგლოტურ ბუნებას, როგორც იური ლოტმანი აღნიშნავს: „კულტურა პრინციპი პოლიგლოტურია და მისი ტექსტები მუდმივად რეალიზებულია მინიმუმ ორი სემიოტიკური სისტემის სივრცეში“ (3, 4). იური ლოტმანისა და ნათელა არველაძის მოსაზრებები თანაბრად შეესატყვისება აუდიოვიზუალური ხელოვნების სხვა დარგებს- ფილმებსა და სატელევიზიო დადგმებს და მათ მხატვრულ გაფორმებას. ჩვენს სამეცნიერო ნაშრომში განხილული აუდიოვიზუალური ნაწარმოებები სინთეზური ხელოვნების ინტერდისციპლინარული კვლევის მეთოდოლოგიის შესაბამისადაა გაანალიზებული. სადისერტაციო ნაშრომში გამოიკვეთა მრავალი საკითხი,

რომელიც მნიშვნელოვანია სინთეზური ხელოვნების კვლევისას-უპირველეს ყოვლისა, მისი კომპონენტების ერთ მთლიანობად შეკვრა სინთეზირების შედეგში-სპექტაკლში, ფილმისა თუ ტელედადგმაში. ჩვენ შევეცადეთ ერთი მწერლის - ქართული ლიტერატურის კლასიკოსის ნაწარმოებების ინტერპეტაციების მაგალითზე დაგვეღგინა ის დაუწერელი შემოქმედებითი ბალანსი, თუ რა როლი ითამაშა თითოეულმა კომპონენტმა ამ თანაფარდობაში. კინორეჟისორი ოთარ იოსელიანი აღნიშნავს: “კინემატოგრაფიული ტექსტი ბევრად უფრო ძნელად ექვემდებარება ზუსტ, ერთადერთ წაკითხვას, ვიდრე ნიშან-სიტყვიანი, ცნებითი ტექსტი” (17, 9). აუდიოვიზუალურ ხელოვნებას სხვადასხვა პროფესიის ადამიანები ქმნიან სხვადასხვა სახელოვნო დარგების წარმომადგენლები (ცხადია ტექნიკური პერსონალის დახმარებით). ამ თანაფარდობის კვლევისას თითოეული რეჟისორი, მხატვარი და ოპერატორი, ქორეოგრაფი და ა.შ. ქმნიან ვიზუალურ, პლასტიკურ მთლიანობას. ოთარ იოსელიანის მოსაზრებას დავუმატებდი, რომ თეატრალური და სატელევიზიო თეატრის ტექსტიც ძნელად ექვემდებარება ერთადერთ წაკითხვას. სუბიექტური აღქმა - როგორც ხელოვნებათმცოდნეობის სხვადასხვა დარგების წარმომადგენლების, ასევე რიგითი მაყურებლის უდიდეს როლს ასრულებს. და მაინც, არსებობს ზოგადი კანონზომიერებანი, რომლებიც განაპირობებენ ლიტერატურული ტექსტის წარმატებულ ტრანსფორმაციას სცენასა თუ ეკრანზე. ჩვენი სამეცნიერო ნაშრომი ერთი მწერლის ნაწარმოებების საფუძველზე ამ კანონზომიერებათა დადგენის მცდელობა და შეფასებაა. შრე შრეზე, როგორც ამას ნათელა არველაძე უწოდებს, ვიზუალური შრე, სიტყვით აღწერილი პერსონაჟების, მათი ქმედებების, მოქმედების აღილის და ა.შ. თვალისფერის აღსაქმელ, სახილველად გარდაიქმნება. რეჟისორის კონცეპტუალურ მიზანსცენებთან ერთად ვიზუალური ნაწილის წარმმართველ როლს თეატრალური მხატვრის და კინომხატვრის ნამუშევარი ასრულებს. აქ ბალანსის დაცვა აუცილებელია, რათა რომელიმე ხელოვანი თვითგამოხატვის საზღვრებს არ გასცდეს სხვა კომპონენტის დაკნინების ხარჯზე. სამეცნიერო კვლევა გამოკვეთს მხატვრის როლს ინტერპერეტაციის პროცესში. ხელოვნებათმცოდნე თეა ურუშაძე სცენოგრაფიის შესახებ აღნიშნავს: “უპირველეს ყოვლისა ეს არის რეჟისორის ჩანაფიქრი სპექტაკლის პლასტიკასთან მიმართებაში, დეკორაციული გადაწყვეტა და მისი როლი ტექსტთან მიმართებაში, მსახიობთა კოსტიუმირება, სივრცის მოქმედების

ეფექტი და ზემოქმედების შედეგი. ამის ყველაფრის გაერთიანება, შეკრება, ერთიანად წარმოდგენა არც ისე ადგილია. ამას დასჭირდა დრო და მრავალსახოვანი გამოცდილება” (37, 413). თეატრის მხატვრისა და კინომხატვრის თანაშემოქმედება ინტერპრეტაციის პროცესის უმნიშვნელოვანესი ნაწილია, რომელიც საბოლოოდ ფილმსა თუ სპექტაკლში განსხვაულდება. რეჟისორისა და მხატვრის ნამუშევრების სინთეზით იქმნება ნიშანთა სისტემა, რომელიც სიმბოლოებად ფორმირდება და ისე მიეწოდება მაყურებელს. ხელოვნებათმცოდნე ლელა ოჩიაური ამგვარ შეფასებას აძლევს მხატვრის ფუნქციას თანამედროვე კინოში: “დამდგმელი მხატვარი, რეჟისორსა და ოპერატორთან ერთად ფილმის სახვით-დეკორატიული გადაწყვეტის ავტორია. მისი მთავარი ამოცანაა-გამომსახველი ხერხებით - არა მხოლოდ ვიზუალური, არამედ ემოციური სივრცის ორგანიზება და კომპოზიციური გადაწყვეტა; კადრირებისა და ესკიზების მეშვეობით სცენარის, სიტყვიერი მასალის მომავალი ფილმის ვიზუალურ-პლასტიკურ გადატანა და ამავე დროს, მათი ადაპტირება გადაღების რეალურ პირობებთან, რეალობაზე მორგება, რეკომენდაციების მიცემა – თუ როგორ უნდა აშენდეს დეკორაცია, როგორი უნდა იყოს და როგორ შეიქმნას ქოსტიუმი, როგორი უნდა იყოს კონკრეტული, ამა თუ იმ კადრისა და ასევე მთლიანი ფილმის ფაქტურა; როგორი უნდა იყოს ცალკეული კადრის კომპოზიცია, როგორ აიწყოს ის და როგორ შეიქმნას ფილმის მთლიანი კომპოზიცია; როგორი უნდა იყოს გრიმი, ნატურა, რეკვიზიტი, დეკორაცია-ნებისმიერ შემთხვევაში, რა ჟანრისაც უნდა იყოს ფილმი. პლასტიკური გადაწყვეტა და ვიზუალურ-ემოციური გარემო თუ ფონი, სწორედ ჟანრიდან, სცენარის “შინაარსიდან” და რეჟისორის მიერ რეჟისორის მიერ დასახული ამოცანიდან გამომდინარე იცვლება” (30, www.kinolinolumiere.ge).

აუდიოვიზუალურ ხელოვნებაში მეტაფორა მაყურებლისთვის სწორედ რეჟისორისა და მხატვრის თანაშემოქმედების შედეგია. კინომცოდნე ტატა თვალჭრებით აღნიშნავს: “კინემატოგრაფიულ თხრობაში მეტაფორას ძირითადად განმარტებითი ფუნქცია აკისრია. იგი თვალნათლივ გამოხატავს ავტორის პოზიციას, ხშირად აძლიერებს ფილმის თუ მისი ცალკეული ეპიზოდის ინტელექტუალურ აღქმას” (14, 61). ლირებული ინტერპრეტაციის შემთხვევაში, როდესაც პროზაული ნაწარმოები სცენაზე ან ეპრანზე ტრანსფორმირდება. შემოქმედებითი ჯგუფის ეტაპობრივი მუშაობის პროცესში ზუსტად მიგნებულმა სახიერმა მეტაფორამ შეიძლება გააძლიეროს

მწერლის ეული ეპიზოდის ინტელექტუალური აღქმა. ამ მხრივ, მხატვრისა და რეჟისორის თანაშემოქმედებამ შესაძლოა უფრო გასაგები და ახლობელიც კი გახადოს პროზაული ნაწარმოები. “არისტოტელედან მოყოლებული, ყველა ხელოვანი და მკვლევარი აღიარებს, რომ მეტაფორა არის ტექსტის მხატვრულობის ძირითადი საზომი, თუმცა უნდა აღინიშნოს, რომ მეტაფორა “შეიჭრა” ყველა სფეროში: ყოველდღიურ მეტყველებაში, სამეცნიერო გამოკვლევებში, რეპლამაშიც. ეს მრავლისმომცველობა და “ყველგანმყოფობა” (მეტაფორიზაციის უსასრულო პროცესი) უფლებას გვაძლევს დავეთანხმოთ ორტეგა-ი - გასეტის მოსაზრებას, რომ მეტაფორა არის სამყაროს შეცნობის გასაღები. კ. კასირერი მეტაფორული აზროვნების საშუალებებში ხედავდა სამყაროს შეცნობის მამოდელირებელ როლს” (42, 8). ლიტერატურის თეორეტიკოსის რუსულან ცანავას მოსაზრება აუდიოვიზუალურ ხელოვნებაზეც ვრცელდება. ლირებული ინტერპრეტაციის შემთხვევაში, მწერლის ეულ სამყაროს შეცნობის გასაღებს, ჩვენი სამეცნიერო კვლევაში- მიხეილ ჯავახიშვილის ეულ მეტაფორულ პროზას, სამყაროს შეცნობის მოდელს ემატება რეჟისორისა და მხატვრის ინტერპრეტაცია, მათეულ მეტაფორათა სისტემა. ამრიგად, სამყაროს შეცნობა, აუდიოვიზუალურ ნაწარმოებში შესაძლებელი ხდება როგორც მწერლის ეული ლიტერატურული მეტაფორის, ასევე, მასთან ერთად ვიზუალური მეტაფორის მეშვეობით.

დასკვნის სახით შეიძლება ითქვას, რომ ლიტერატურული ნაწარმოები არა მხოლოდ სპექტაკლის ან ფილმის საფუძველი შეიძლება გახდეს, არამედ, დირებული აუდიოვიზუალური ინტერპრეტაციის შემთხვევაში თავადაც აუდიოვიზუალურმა ნაწარმოებმა განაპირობოს ლიტერატურული ნაწარმოების უკეთ შეცნობა. მაშასადამე, მხატვრისა და რეჟისორის როლი მნიშვნელოვნად ზრდის ლიტერატურული ნაწარმოების მეტაფორული “სამყაროს გასაღების” ფუნქციას. უან ეპშტეინი, ფრანგი რეჟისორი და კინოს თეორეტიკოსი აღნიშნავს ”ხელოვნება, რომელიც არაა სიმბოლური, საერთოდ არაა ხელოვნება” (12, 296). სამეცნიერო კვლევის დროს, ჩვენს მიერ განხილული აუდიოვიზუალური ნაწარმოებებიდან, ჩვენი აზრით, ყველაზე მეტად თემურ ჩევიძის “ჯაყოს ხიზნების” სატელევიზიო და თეატრალური დადგმები შეესატყვისება ამ მოსაზრებას. თემურ ჩევიძის, მირიან შველიძისა და გოგი ალექსი-მესხიშვილის თანაშემოქმედება ის მაგალითი გახლავთ, როდესაც სწორედ რეჟისორისა და მხატვართა თანაშემოქმედებით მიხეილ ჯავახიშვილის ტექსტის მეტაფორულობა

უფრო ოვალსაჩინო გახდა ონამედროვე ქართული საზოგადოებისათვის. ცხადია, სამეცნიერო ნაშრომი ვერ შექმნის წარმატებული ინტერპრეტაციის ინსტრუქციას - რასაკვირველია, პირველ რიგში ავტორთა ნიჭიერებაა განმსაზღვრელი ფაქტორი. მაგრამ, ნაშრომში იკვეთება გარკვეული ნიშან-თვისებები, რომლებიც წარმატებულ ინტერპრეტაციას განაპირობებენ: როდესაც რეჟისორი, მხატვარი, ოპერატორი - საერთოდ, აუდიოვიზუალური ნაწარმოების ავტორთა ჯგუფი მწერლის პოზიციიც თანხვედრ პოზიციაზეა როგორც მოქალაქე და შემოქმედი, ფორმაც შესაბამისად ადექვატური იბადება, რომ ზუსტად გამოიხატოს სათქმელი. ჩვენს სამეცნიერო ნაშრომში განხილული წარმატებული ინტერპრეტაციები სწორედ ამ პრინციპითაა შექმნილი. ერთის მხრივ უაღრესად აქტუალური, ერისთვის მტკიცნეული პრობლემატიკის შემცველი და ადექვატური მხატვრული ხერხებით შექმნილი თემურ ჩხეიძის ნამუშევრები და მეორეს მხრივ სიყვარულის თემაზე შექმნილი პატარა კინონოველია, მერაბ კოკოჩაშვილის “მიხა”, ამ მოსაზრების დადასტურებად გამოდგება. ერთის შეხედვით არააქტუალურ თემაზე გადაღებული “მიხა”, მწერლის, რეჟისორის კონცეპტუალური თანხვედრის ნიმუშია, სადაც მხატვარ ვასილ არაბიძესთან და ოპერატორ გიორგი გერსამიასთან ერთად შეიქმნა უაღრესად მიწიერი, ჭეშმარიტად ხალხური და რეალისტური მანერით გადაღებული ფილმი. “ვისაც მიწის ალდო დაუჩლუნგდა და რეალობის გრძნობა დაეკარგა, იმას ხერხემალი მოერდვა და კუნთებიც მოეშალა. ხოლო უძვლო და უსისხლო სხეული უეჭველად განწირულია. რეალობის მძლავრი გრძნობა და მიწის გაბასრული ალდო ხელოვნებისთვის და ხალხისთვისაც უებარი დუღაბია-მათი სულისა და სხულის გამფოლადებელი” (49, 45). ამ თვალსაზრისით მიხეილ ჯავახიშვილის “მუსუსის” აუდიოვიზუალური ინტერპრეტაციში უკილობლად ვლინდება “მიწის ალდო”, და “რეალობის გრძნობა”. ამრიგად, მწერლისეული ნეორეალისტური მანერა ნეორეალიზმის შემდგომ კინემატოგრაფში მწერლის შესატყვისი მხატვრული კონცეფციითა და რეალისტური გამომსახველობითი საშუალებებით უაღრესად მნიშველოვან ფილმად იქცა. მიხეილ ჯავახიშვილის ლიტერატურაზე გამოთქმული მოსაზრებანი მიხეილ კოკოჩაშვილის ფილმზეც შეიძლება გავავრცელოთ. “რეალიზმი დედასახეა მხატვრული ლიტერატურისა. იგი მიწაზე დგას და მიწიდანვე ამოდის. ორივენი ერთმანეთს ჰქვებავენ, ზრდიან და ამაგრებენ”(49, 44). ამრიგად, თემურ ჩხეიძისა და მერაბ კოკოჩაშვილის აუდიოვიზუალურ

ნაწარმოებებში მიხეილ ჯავახიშვილის შემოქმედებითი სტილის ორი უმთავრესი ნიშან-თვისება – ნეორეალიზმი და მეტაფორული აზროვნება, მწერლისა და რეჟისორების კონცეპტუალური თანხვედრის შემთხვევაში ადექვატურ მხატვრულ ფორმაში განსხვეულდა და წარმატებული აუდიუვიზუალური ინტერპრეტაციის ნიმუშად იქცა. აუდიოვიზუალური ნაწარმოებების ანალიზისას გამოიკვეთა ის გარემოება, რომ წარუმატებელი აუდიოვიზუალური ნაწარმოებები იქმნება მაშინ, როდესაც სინთეზური ხელოვნების შემქნელები მწერლის საწინააღმდეგო სვლებს აკეთებენ. მიხეილ ჯავახიშვილის მოქალაქეობრივი პოზიციის საწინააღმდეგო მოქალაქეობრივი პოზიციით გადადებული ნიკოლოზ სანიშვილის “ქალის ტგირთი” და დავით ჯანელიძის “ჯაყოს ხიზნები” მწერლის უკომპრომისო ნაწარმოებების საპირისპიროდ, კონფორმისტული ფილმებია. მიხეილ თუმანიშვილი აღნიშნავს: “თუკი ნაწარმოებს ამოაცლი მის სულს და სხვას შთაბერავ, ნაწარმოები აზრს დაკარგავს” (15, 249). თვალსაჩინო რეჟისორი და თეორეტიკოსი არაერთ ნაშრომში ავითარებს ამგვარ მოსაზრებებს. სამეცნიერო ნაშრომში მიზნად არ ვისახავთ არც ერთი ნაწარმოების დირექტორებათა დაკნინებას. ჩვენი კრიტიკული შენიშვნები, შეიძლება ერთის მხრივ სუბიექტურიც იყოს, მაგრამ, მეორეს მხრივ, ეს შენიშვნები აუცილებელია კვლევისთვის და იმისთვისაც, რომ სამომავლოდ მსგავსი შეცდომები პროზის აუდიოვიზუალური ინტერპრეტაციის დროს აცილებული იქნეს.

სამეცნიერო კვლევის დროს, ყოველ თავში გაანალიზებულია სპეციალის თუ ფილმის შექმნის პერიოდის სოციო-კულტურული ვითარება და კონკრეტული ნაწარმოების როლი იმ პერიოდის კულტურულ ცხოვრებაში. ამრიგად, იქმნება ისტორიული სურათი, სადაც მიხეილ ჯავახიშვილის ნაწარმოებების სათეატრო და კინო ინტერპრეტაციებია წარმოდგენილი.

დასკვნის სახით მოგახსენებთ, რომ ჩვენს მიერ გაანალიზებული მასალის საფუძველზე პვლევამ საშუალება მოგვცა დაგვეძინა: პროზაული ნაწარმოების ინტერპრეტაცია თავისთავად რთულ პროცესს წარმოადგენს. აუდიოვიზუალური ინტერპრეტაცია მოითხოვს თითოეული კომპონენტის მხატვრულ სისტემაში მოქცევას, რომელიც მთლიან კომპოზიციურ ბირთვში, სპეციალისა თუ ფილმში, ერთის მხივ არ დაარღვევს თანაფარდობას და მეორეს მხრივ გამოავლენს მხატვრულ ნიშან-თვისებებს, რომლებიც მწერლის

ნაწარმოების შესატყვისი იქნება. ერთის მხრივ, იქნება მთლიანობის ნაწილი და მეორეს მხრივ კი ინდივიდუალური თავისი გამოხატულებით.

მიხეილ ჯავახიშვილის პროზაული ნაწარმოებები, უაღრესად რეალისტური და ამაგდროულად მეტაფორული, ფსიქოლოგიური და უდიდესი მოქალაქეობრივი და ადამიანური პრობლემატიკის შემცველია. უოველივე ზემოთქმულის გათვალისწინების გარეშე მისი ტრანსფორმაცია აუდიოვიზუალურ ხელოვნებაში აკნინებს თხზულების სულისკვეთებას. ჩვენს მიერ წარმოდგენილი ნაშრომი ისტორიულ-ფაქტობრივ მასალაზე დაყრდნობით გამოვლენს იმ მნიშვნელოვან, დამახასიათებელ მხარეებს, რომელთა დაცვაც აუცილებელია ზოგადად პროზის და კონკრეტულად მიხეილ ჯავახიშვილის ნაწარმოებების ინტერპრეტაციის დროს. ჩვენი მიზანი იყო გვეჩვნებინა თითოეული კომპონენტის როლი და მნიშვნელობა, მისი დადებითი და უარყოფითი მხარეები და მათი სინთეზირების შედეგი.

ჩვენი მიზანია ჩვენი კვლევის შედეგი პრაქტიკულ საქმიანობაში გაითვალისწინონ დღევანდელმა ხელოვანებმა, რომლებიც მოთხოვობის თუ რომანის ინტერპრეტაციას კიდებენ ხელს, რათა შედეგი-სპექტაკლი თუ ფილმი იმ მხატვრული დირექტორებებს შეიცავდეს, რასაც კლასიკური პროზა.

ბიბლიოგრაფია

1. ამირეჯიბი ნ. დროთა ეკრანი (ბუნება და ადამიანი მერაბ კოკოჩაშვილის შემოქმედებაში), საბჭოთა ხელოვნება №11, თბილისი, 1989;
2. არველაძე ნ. თეატრის გამარჯვება, ლიტერატურული საქართველო, 6 აპრილი, თბილისი, 1984;
3. არველაძე ნ. რეჟისორის ტექსტზე მუშაობის საკითხისათვის, რუსთაველის თეტრის სამეცნიერო კონფერენცია მიხეილ თუმანიშვილი-თეატრის თეორეტიკოსი, თბილისი, 2011;
4. ახმეტელი ა. არის თუ არა ქართული თეატრი ქართული? დოკუმენტები, ნარკვევები. ტ. I. თბილისი, საქართველოს თეატრალური საზოგადოება, 1978;
5. ბაქრაძე ა. მოუხმარებელი ანუ ტრაგიკული თავისუფლება, მნათობი, თბილისი, 1980, №4;

6. ბაქრაძე ა. ჯაფოს ხიზნები, ჩვენი მწერლობა, 22-29 სექტემბერი,
თბილისი, 2000;
7. გაბისიანი ვ. “ქალის ტვირთის” სარეპეტიციო დღიური, რუსთაველის
თეატრის მუზეუმი, თბილისი, 1976;
8. გაფრინდაშვილი ნ. სოცრეალისტური დისკურსი და ქართული საბჭოთა
ლიტერატურის რამდენიმე თავისებურება,
http://www.spekali.tsu.ge/index.php/ge_2010w.%231;
9. გვერდწითელი გ. მოკავშირე თუ მეტოქე? კინოზეც და სხვაზეც,
წერილები, თბილისი, მერანი, 2006;
10. გვერდწითელი გ. მიხეილ ჯავახიშვილი, ტ. I, თბილისი, საქართველოს
მაცნე, 2004;
11. გურაბანიძე ნ. მადრიდი – მსოფლიო თეატრების სცენა, საბჭოთა
ხელოვნება №6, თბილისი, 1989;
12. ეპტერინი ჟ. კინოს არსი, კინოხელოვნების პრობლემები, თბილისის
უნივერსიტეტის გამომცემლობა, 1992;
13. თბილისი, 26 დეკემბერი, 1988;
14. თვალჭრელი ტ. მეტაფორა ფილმის სტრუქტურაში, კინოხელოვნების
პრობლემები, თბილისის უნივერსიტეტის გამომცემლობა, 1992;
15. თუმანიშვილი მ. ახლა კი ფარდა, თბილისი, არადანი, 1998;
16. იაკაშვილი პ. ქალი და კულტურა, (ნაწილი მეორე) www.polity.ge/oppinion/expert/1667-qali-da-kultura-2.html;
17. იოსელიანი ო. ტექსტი, მსახიობი, კინოხელოვნების პრობლემები,
თბილისის უნივერსიტეტის გამომცემლობა, 1992;
18. კაზ्मინა Н. მირიან შველიძე և თეიმურაზ ნინუა, თეატრ, №11, მოსკვა,
1980;
19. კვაჭანტირაძე გ. ტრიქსტერი, როგორც ანტიგმირი, ქართული
ლიტერატურა მოდერნიზმისა და რეალიზმის მიჯნაზე, თბილისი,
ლიტერატურის ინსტიტუტის გამომცემლობა, 2010;
20. კიზირია დ. ლიტერატურაზე კინოს გავლენის ზოგიერთი ასპექტები,
კინოხელოვნების პრობლემები, თბილისის უნივერსიტეტის
გამომცემლობა, 1992;
21. კიკნაძე ვ. მიხეილ ჯავახიშვილი ახალი თეატრისათვის ბრძოლაში,
ქართული უნივერსიტეტი, 18-24 მარტი, თბილისი, 2010;

22. კიკნაძე ვ. ქართული რეჟისურის ისტორიის ნარკვევები, საქართველოს თეატრალური საზოგადოება, თბილისი 1982;
23. კუპრეიშვილი ნ. “ჯაყოს ხიზნები”: რომანი და სპექტაკლი, მნათობი №2, თბილისი, 1985;
24. კუპრეიშვილი ნ. სოსო გაბაშვილი მიხეილ ჯავახიშვილის მხატვარი – ინტერპრეტატორი, ლელვარი, თბილისი 2005;
25. კუჭუხიძე ი. ეკრანი და დრო, კენტავრი, თბილისი, 2009;
26. მაღულარია გ. კვაჭი კვაჭანტირაძე, საბჭოთა ხელოვნება №3, თბილისი, 1975;
27. ნატროშვილი გ. ბელიაშვილი ა. ერთი რომანისა და კინოფილმის შესახებ, ლიტერატურული საქართველო, თბილისი, 1957, №18;
28. ნატროშვილი გ. მიხეილ ჯავახიშვილი, ტ.VI, თბილისი, საბჭოთა საქართველო, 1964;
29. ნიუარაძე ზ. უმაღლესი მიზნისკენ მისწრაფებული, ჩვენი მწერლობა, №10, 13 მაისი, თბილისი, 2011;
30. ოჩიაური ლ. ვინ არის კინომხატვარი? ვახტანგ რურუა-კადრირება პარტიტურაა, kino lumiere 2 (3) თბილისი 2010, www.kinolinolumiere.ge;
31. პოპიაშვილი ნ. ქართული პოსტსაბჭოთა ლიტერატურა კულტურული იდენტობის დისკურსში, თბილისი, უნივერსალი, 2011;
32. ქლენტი ბ. მოდალატური სიტყვა და საქმე, ლიტერატურული საქართველო, თბილისი, 1937 №19;
33. ქლენტი ო. მიხეილ ჯავახიშვილის ნოველა ეპრანზე, ხელოვნება №7, თბილისი, 1991;
34. რატიანი ი. ტექსტი და ქრონოტოპი, თბილისის უნივერსიტეტის გამომცემლობა, თბილისი, 2010;
35. საცი ნ. შეხვედრა ნიჭთან, თეატრალური მოამბე № 5, 1975, თბილისი;
36. ურუშაძე თ. კლასიკური დრამატურგია ქართულ სცენოგრაფიაში 1920-იან წლებში, სამეცნიერო შრომების კრებული, ხელოვნებათმცოდნეობა, ივანე ჯავახიშვილის სახელობის თბილისის სახელმწიფო უნივერსიტეტი, ხელოვნების ისტორიისა და თეორიის კათედრა, თბილისი, 2001;
37. ურუშაძე თ. ქმედით-სათამაშო სცენოგრაფიის მრავალფეროვნება ქართულ სცენაზე, საქართველოს უნივერსიტეტის II ეოველწლიური კონფერენცია

- პუმანიტარულ მეცნიერებებში, საქართველოს უნივერსიტეტის
გამომცემლობა, თბილისი, 2010;
38. ყანჩაშვილი გ. ლიტერატურული ძიებანი, 1999, №20,
<http://www.nplg.gov.ge/gsdl/cgi-bin/library>;
39. ყულიჯანაშვილი ა. ხელოვანის წარმომადგენლობის საკითხისათვის,
პუმანიტარული კვლევები, წელიწდეული, ივანე ჯავახიშვილის
სახელობის თბილისის სახელმწიფო უნივერსიტეტი, პუმანიტარულ
მეცნიერებათა ფაკულტეტი, თბილისის უნივერსიტეტის გამომცემლობა,
2010;
40. ჩეგურიშვილი ბ. 41 გრადუსის ავანგარდი, 24 საათი, თბილისი,
20.04.11;
41. ჩხეიძე რ. არსენა და მისი ეპოხი ლიტერატურულ-ფოლკლორული ცდა,
თბილისი, ლომისი 1998;
42. ცანავა რ. მეტაფორა, თბილისი, ლიტერატურის ინსტიტუტის
გამომცემლობა, 2009;
43. ძიგუა ვ. რესთაველის თეატრის ორი სპექტაკლი, თეატრალური მოამბე
№2, თბილისი, 1977;
44. ძიგუა მ. ლიტერატურული წერილები, თბილისი, ცოდნა, 2005;
45. წიქარიშვილი ლ. მიხეილ ჯავახიშვილის შემოქმედების
სახისმეტყველებითი ასპექტები. ფილოლოგიის მეცნიერებათა კანდიდატის
სამეცნიერო ხარისხის მოსაპოვებლად წარმოდგენილი დისერტაცია,
10.01.01 - ქართული ლიტერატურა, თბილისი, 2004;
46. ხუხაშვილი გ. დამკვიდრებული სტილი, ლიტერატურული
საქართველო №2, თბილისი, 1979;
47. ხუხაშვილი გ. სცენაზეა კვაჭი კვაჭანტირაძე, თბილისი, თეატრალური
მოამბე №6, 1972;
48. ხუხაშვილი გ. “ჯაყოს ხიზნები” მოსკონის ქუჩაზე, საბჭოთა ხელოვნება
№4, თბილისი, 1983;
49. ჯავახიშვილი მ. თხზულებანი, ტ. VI, თბილისი, საბჭოთა საქართველო,
1980;
50. ჯავახიშვილი მ. თხზულებანი, თბილისი, საქართველოს მაცნე, ტ. I,
2004;
51. ჯავახიშვილი მ. ლელვარი, თბილისი, 2005;

52. ჯავახიშვილი მ. მოთხოვობები, თბილისი, ნაკადული 1985;
53. ჯავახიშვილი მ. რჩეული თხზულებანი ექვს ტომად, ტ. III, თბილისი, საბჭოთა საქართველო, 1960;
54. ჯავახიშვილი მ. რჩეული თხზულებანი ექვს ტომად, ტომი V, თბილისი, საბჭოთა საქართველო, 1962;
55. ჯავახიშვილი მ. რჩეული თხზულებანი ექვს ტომად, ტ.VI. თბილისი, საბჭოთა საქართველო, 1964;
56. ჯავახიშვილი მ. სალიტერატურო ქართულისათვის, კომუნისტი №99, თბილისი, 1934;
57. ჯავახიშვილი მ. უბის წიგნაკიდან. თბილისი, მერანი, 2005;
58. ჯავახიშვილი მ. ჩვენი დამფუძნებელი კრებისათვის, წერილები, თბილისი, 2001;
59. ჯავახიშვილი ქ. ლელვარი, თბილისი 2005;
60. ჯავახიშვილი ქ. მოგონებანი მამაზე, თბილისი, მერანი, 2000;
61. ჯალაღონია რ. შეუკრავი წრე, თბილისი, ხელოვნება, 1987;
62. ჯალიაშვილი მ. მიხეილ ჯავახიშვილის ნეორეალიზმი, როგორც მოდერნიზმის ალტერნატივა, ქართული ლიტერატურა მოდერნიზმისა და რეალიზმის მიჯნაზე, თბილისი, ლიტერატურის ინსტიტუტის გამომცემლობა, 2010;
63. <http://geocinema.ge>;
64. <http://www.gumbati.ge>;
65. <http://droni.ge>;
66. <http://sana.ge>;
67. <http://ka.wikipedia.org>;
68. <http://www.youtube.com>.